

16

16



Ex Bibliotheca
majori Coll. Rom.
Societ. Jesu

27
D
13

TRACTATUS MORALIS.

TITULOS

Pro promovendis ad Ecclesiasticos
Ordines,

EXPENDENS,

8,360.24

Juxta novissimam Constitutionem Sanctissimi D.N.
INNOCENTII XII. Quæ incipit :
Speculatores Domus Israël. Pridie Nonas
Novembris , M.DC.XCIV.
expeditam.

*Quam ad unguem transcriptam in principio
reperies .*

AUCTORE

REV. P. Fr. JOSEPH MORENO

Ord.SS.Trinitatis Redempt. Captivorum, Provinciæ
Aragonix Numerali Mag., ac Ex-Definitore,
Academiæ Cæsar-Augustanæ Theologiæ
Doctore , necnon Archiepiscopatus
Cæsar-Augustani Synodali
Examinatore.



ROMÆ , Ex Typographia Antonii de Rubeis , propæt
S.Sylvestrum de Capite in via Vitis . MDCXCIX.

SUPERIORUM PERMISSU.

NOTICE TO THE PUBLIC

WHEREAS the Board of Directors of the

Company has determined that it is necessary

to amend the Charter of the Company

and to change the name of the Company

from the Old Company to the New Company

and to change the name of the Company

from the Old Company to the New Company

and to change the name of the Company

from the Old Company to the New Company

and to change the name of the Company

from the Old Company to the New Company

and to change the name of the Company

Reverendissimo P. N. ac Domino

FR. JOSEPH DE TOLEDO,

In Sacra Theologia Magistro, Illustris. Hispaniarum
Nuntii Theologo, ac Examinatori, Majestatis
Catholicæ Caroli II. à concionibus, Provinciæ
utriusque Castellæ, & Legionis Patri,
totiusque Ordinis SS. Trinitatis
Redemptionis Captivorum
Majori, ac Generali
Ministro.



NON æquè, imò minus, defleat ingenia (Reverendissime Domine) volumina exarare, quam pro conscriptis Hyperaspistes excerpere: Etenim calamum Materiae coaptando, Scriptoris muneri fecit quis satis; ast pro Patrocinio eligendo, congruit, quod Opus Mæcenati consentiat, talitèr quod nec ipsi obsistat, nec ut indignum insensare Patronum possit. Postrema hac speculatione concussus, pavidus resilebam, ne magnitudinem Tuam baccine Opella offunderem potius, quam affirmarem, quando quidem fas non est, Magna componere parvis. Sed fastigium, quod Opella, ob suam exiguitatem, pertingere nec potest, reptando, fimbriam, saltem tuam rimari, non erubescit, auxilio fræta Magni illius Athanasii Interpretis, qui has inter angustias obvolutus, humanitateque Mæcenatis recreatus, sic prorupit: Is liber ex studiis tuis dedica Viro de te & omnibus ingeniis merito; qui in maximis fortunis humanissimus est; in summo fastigio sine faustu, in admirabili auctoritate non impetiosissimus, sed indulgentissimus, cui nihil magis est in votis, quam omnium ordinum gratiam vel tenere, vel

mereri: Atque ita tempera tuam Dedicationem, ut nullas laudes, tametsi verissimas, ei adscribas, unde viro gratiarum, & benevolentiae studiosissimo aliqua invidia, quam oblique vitat, suboriri possit. *Te in maximis fortunis humanissimum experimur, in summo fastigio sine faustu suspicimur, in admirabili auctoritate indulgentissimum conspiciamur: Viam huic Opellae singulares hae gratiae pandant, & quae ad maximam fortunam, fastigium summum, admirabilemque auctoritatem, ut pote puerula, scandere non valet, ad Te, quae humanissimus, sine faustu, indulgentissimusque es, pervasisse letetur; atque huiusmodi non solum adumbrata, verum & ad summum verticem exaltata glorietur: Verbi aeterni exemplo, quod cum ad assamendam terrigenam naturam exinaniverit se, ut loquitur Paulus, exinanitione memoratam naturam ad supremum apicem evexit. Quidni si scopum Opusculi intueamur? Enim vero Tibi dicandum non nemo sententiam dicet. Novissimam Decretalem Sanctissimi pariter, ac Zelantissimi Innocentii XII. pro promovendis ad Primam Clericalem tonsuram, ultioresque Ecclesiasticos Ordines pervolvit, quamque zelo veterem disciplinam reficiendi, ac abusibus, fraudibusque aditus integre occludendi, edidit, imo fulguravit. Zelum Apostolicum nedum emularis, verum, si fas est dicere, insternis, cum Regularem Observantiam; persundari fraudibus iustitiae aequitatem ob velari, non consentias, abususque rigidissime aborres, & excreas. Ad haec, Cœnobia temporum injuria ferè collapsa, Tua liberalitate splendidius instaurata congaudent. Proloquantur omnia ferè utriusque florentissimae Castellae Provinciae, quae aut Te Hexarcum non meruere, aut munificentiam Tuam experta, conclamant: Sed ante cetera Matritense, in quo, ut innumera silentio praeteream, memorabile, ac retro actis saeculis baud auditum, extitit,*

tit, quod bastissima Turris, iugenti mole resistente, pendula, Te jubente, destitit, ut Turres, Arcesque in aëre extruere, hyperbolicum aliis, Tibi jam jam minime sit. Nomenclatura Tua satis id presagiente, cum JOSEPH, qui augmentum sonat, & TOLEDO, qui Hispano Sermone, Anagramateque perfectissimo dicit, LE DOTO, conjunctim prænuntient, quod ad omne Religionis augmentum Nostra superi Te dotarunt, inque ejus supremo fastigio evexerunt: ut Te Pastore doxologiis efferat, quod de quoddam Ecclesia præluce Ordine Pontificium intonuit Oraculum: Hic enim fons est horum irriguus, cæteras irrigans Religiones, & Ordines, ac exemplis salubribus scaturitans. Hic est fons amœnus varietate virtutum, præclarus munditiæ puritate, pietate patens, indeficiens sanctitate, horum meritorum illustratus, ita nomen fontis ampliavit, ut fluvius esse censeatur, cujus professio laudabilis de virtute progrediens, ut Deum deorum in Sion videat, Universalis Ecclesiæ lætificat Civitatem, in qua per meritorum evidentiam, claræ lucis splendorem adeptus, quasi stella matutina refulget in medio nebulae mundi hujus. *Omni. Max. Deus Reverendissimam Personam Tuam incolumem protegat: ut quæ singulari omnium plausu orsus es, majori cum gloria expleas, perficias. Sic exopto, sic exoro, sic expecto. Ex hoc tuo Cæsaraugustano Collegio, octavo idus Januarii 1698.*

Rev.^{mc} Pater ac Domine,

Reverendissima vestigia tua deosculatur minimus
subditus ac filius.

Fr. Joseph Moreno.

APPRO-

A P P R O B A T I O

*D. Ludovici Rocamora, U. J. D. in Universitate Valentina, necnon in
Metropolitana Sede Præpositi.*

EX Commissione muneraria D. D. Josephi Garcia de Azor, Altipontis Archidiaconi in Segobricensi Cathedrali, Metropolitanæ Valentiniæ Præpositi, ac pro Illustrissimo, & Excellentissimo D. D. Fr. Joanne Thoma à Rocaberti, Archiepiscopo Valentino, & Inquisitore Generali, Officialis, Vicarii, & Gubernatoris Generalis, Librum, seu Tractatum Moralem admodum R. P. Magistri Josephi Moreno, Ordinis SS. Trinitatis Redemptionis Captivorum, in Universitate Cæsaraugustana Doctoris Theologi, Archiepiscopatus Cæsaraugustani Examinatoris Synodalis, Conventus Turoletensis Ex-Ministri, ac Provinciæ Aragonum ex Difinitoris, quo Sacramenti Ordinis Legitimos titulos laborioso Commentationis Congiario redegit, percurri non solum exinjuncto munere, sed grato etiam, attentoque animo assulatim, & Lubens expumicavi. Opus hoc-cine, quod nec ira Jovis Aulici nec Alastorum nunquam innocens ignis, nec poterit edax abolere vetustas, ingenuè fateor, sanè pulchrum, speciosum, illustre. *Namquæ omnibus rebus (ut Ennodii verbis utar) quæ æstimantur digna præconiis, exhibenda est pro dicendi facultate Laudatio, ab eloquentiæ doctoredianantibus reddenda sunt literis, quæ debentur.* Nihil à Fide, rectissime moribus absolum in eo; imò, si doctrinarum, atquæ resolutionum, quas continet, utilem varietatem exactè perpendas, quæ maturioris judicii, & omnigenæ Litteraturæ virum prodit, dignum quidem non solum approbatione, sed laude eximia, atquæ admiratione videtur: præli utiquè dignum. Sic censeo, Valentiniæ die 29. mensis Septembris. Anno à partu Salutifero 1697.

Doctor Ludovicus Rocamora.

Imprimatur.

Imprimatur.

*Dr. Garcia de Azor.
Vic. & Gub. Gñl.*

*Eleuterius Torres,
R. F. Advocatus,*

D. Didaci Franco de Villalba, Juris utriusque in Cæsaraugustana Accademia Doctoris, ac in Regiis Aragonum Consiliis Causarum Patroni.

DOlebam expectatione suspensus, accusabam Auctoris modestam hæsitationem, editionis gloriam avergantem; sed jam lucis auram prodit hoc opus, in cuius laudem, nec adulatio quid eingat inveniet, nec veritas hæc habebit quo vincatur. Nam cum Glossatoris Officium fit: *Obscura differere, manifesta perstringere, & in dubiis immorari*, ut inquit D. Hieronymus, omnia ista adimplevit is Auctor, decurrens in expositione exacta, & consona verbis Pontificiæ Constitutionis, dicendo probus, excogitando acutus, proponendo ingeniosus, consulendo prudens, resoluendo

do maturus, & in omnibus Doctissimus. Quis quis haftenus proprium, ac genuinum Apostolici Rescripti sensum omnino percipere non poterat: Quis quis excederet: Quis quis dubitaverit circa Praxim illius: huc huc accedere obsecro, ubi Tractatus iste, Decreti Pontificii obscura disserit, manifeste perstringit, & in dubiis immoratur.

Opus sane in quo maxima sapientia redolet, & mira apparet dexteritas, quæ etiam de alio volumine celebratur. ^b Nihil miror, nescis inde nasci mediocre, tot probati libri, quot edidit, ut aiebat Cassiodorus. Sic ergo omnibus de hoc secundo suggeram illud Virgilii:

Primo avulso non deficit alter

Aurus & simili frondescit Virga metallo.

Ergo alter vestiga oculis, & rite repertum

Carpe manu.



Neque concipere, aut eadere, huiusmodi partus, mens poterat, nisi ingenti flumine litterarum inundata, ut ex Plinio refert Solorzanus,

Tantisigitur ingenii opes in Sacrorum Ordinum susceptionem, & elargitionem, dicatas, prælo dignissimas iudico, ^d librum hunc Ecclesie hoc maxime tempore incredibiliter profuturum. Censeo & spero. Itaque deprecor:

Vivat ut æternus, totoque legatur in Orbe.

Dr. Didacus Franco de Villalba.

^a Lib. Var. Ep. 6. ^c In Præf. ad lib. de Jur. Iodino. ^d D. Marcolin Ep. 4. ad Anh. ^e Marc. lib. 6. Ep. 69.

FACULTAS ORDINIS.

NOS, Fr. Joseph de Toledo, in Sacra Pagina Candidatus, Illustrissimi Hispaniarum Nuntii Theologus, ac Examinator, Majestatis Catholicæ à Concionibus, necnon Major ac Generalis Minister totius Ordinis SS. Trinitatis Redemptionis Captivorum, Per præsentem facultatem, quatenus ad nos pertinet, impertimur, P. Magistro Fr. Joseph Moreno, Provinciæ nostræ Aragoniæ filio, in Academia Cæsaraugustana Doctori Theologo, Cæsaraugustani iidem Archiepiscopatus Synodali Examinatori, atque in præfata Provincia jam Diffinitori, ut Typis mandare valeat Librum à se elaboratum, cuius titulus inscribitur. *Tractatus Moralis, titulus pro promovendis ad Ecclesiasticos Ordines, expendens, juxta Decretalem nuper à Sanctissimo Patre, ac Domino nostro Innocentio XII. emanatam. Constitit enim nobis relatione gravissimorum Theologorum quibus illum commissum nihil in eo contineri, fidei Catholicæ, probis moribus, Decretis Summorum Pontificum, Politicæ Regali absonum. In quorum fidem præsentem expediri iussimus, nostra manu conscriptas, Sigillo nostri Officii signatas, ac per infra scriptum Nostrum Secretarium subsignatas. Dat. in Conventu nostro SS. Trinitatis Matritensi, idibus Septembris. Anno à Virgineo Partu 1697.*

Mag. Fr. Joseph de Toledo Minist. Generalis.

Mandato RR. P. N. ac D. Ministri Generalis.

Presentatus Fr. Placidus Gomez de Vega, Generalis Secretarius.

AVE

Approbatio RR. P. N. Fr. Petri de la Regata, Ordinis Sanctissime Trinitatis Redemptionis captivorum in utriusque Castellæ Provincie, ac Musæo Vallis-Oletanæ in Sacra Pagina Candidati in eodemque Primarii Theologi Antecessoris Jubilati, Cenobii Vallis-Oletanæ iterum, itorūque Moderatoris, antea istæque Provincie, ex Præfate, Parentis.

JUSSU Reverendissimi P. M. Fr. Josephi Faustia Toledæ Regis Concionatoris, Examinatoris Illustris. Dñi pro Hispaniarum Regnis Apostolici Legati, ejusdem Theologici in dubiis, à Consiliis, Totius inde Sacræ SS. Trinitatis Redemptionis Captivor. Ordinis Ministri Generalis ac Domini, quempiam perlegi venustissimum Tractatum ad mores, moreque Sapientissimi Auctoris tractatum, cujus inscripta frons est: De legitimis Titulis Sacramenti Ordinis, juxta Rescriptum SS. D. N. Innocentii XII. Opifice Reverendo admodum P. Mag. Fr. Josepho Moreno, ejusdem nostræ almæ Religionis Alumno, in Collendissima, ac nunquam Satis Laudatissima nobis Provincia Tarraconensi dignissimo Exdefinitore, Augusti Episcopatus Cæsarei Synodali Censore, & tandem, non solum inter numerosos nostrates Magistros albisimo apice insignito, verum etiam in celeberrima Academia Cæsar-Augustaâ candidissimo Pileo decorato.

Superiori, inquam, obtemperavi in legendo præcepto, sed imperium fateor esse gratissimum id præcipere, quod prosequenti voluntati assentatur. Imperium suave dulce, & disertum, imò tantis consentaneum Parenti, Subditis id jubere, in qua obediendo meretur, ac obedientia ipsa obedientiæ remuneratur. Meritum modo fuit obdienter legere præmiū autem ultra condignum fuit Laudabilem hunc pluries Tractatum lectitare. Fas ergo ad tantum sit Opus de quodam, ac tam Volumine egregiam illam Salviani sententiam Epist. ad Eustach. Vindicari: *Legi Librum, quem transmisisti, stillobrevem, doctrina uberem, lectione expeditum, instructione perfectum.* Sic ille Magistræ Præsul, sic ego ad Opus eisdem honoramenti prædictum, numerisque omnibus absolutum.

Stilus Operis est brevis, sed doctrina gravis: mirandum maximè est in tanto materiæ apparatu ad Laconicas posse strictissimas angustias reduci. Liber est doctrina fertilissimus, & sic providè dubiis difficilissimis, quæ erga tale decretum menti obvenire possunt, occurrat, et nihil prorsus maneat dubitandum, quod sub tenebris relinquit ad resolvendum: omne salebrosū iter inclusum, & spinis difficultatem oblitum, tenuiore quoddam (ut sic dicam) sabulo facit planum. Certi, & incerti, ænigma humana omnis cogitatio est, quia numen illud supernos infusum, reflexus caligine offuscat terrenus, sed ut Edipus novus nullam definit Enigmaticam Esphingem, quam clarissimam non edat in lucem, Præclarum est præconium Divini Artificis

Gen. 1. quod tenebras à luce separavit, ergo maxima commendatio nostri Sapientissimi Authoris, quod divisit lucem à tenebris. Doctrina insuper non est insidianda, sed tuta, nec jota quidem invenies à Lege deviari, nec unum apicem à Canonicis Constitutionibus, à noviterque statuto Decreto, præterire.

Commendat sane hoc Opus Authoris studium undequaque maximum: Non transcribit, sed scribit, non transfert Author, sed docet, cum ferè omnes difficultates, quas percurrit, intactas ab his, qui æticam Theologiam egerunt, perspicis, quasque ab aliis didicisti, eatenus versatur, ac Decretali Sanctissimi Innocentii accomodat, quod jam non alienas, sed quasi proprias Author conficiat. Eruditissimum Petrarcham immitatus, qui non apes solummodo, sed & serici vermis industrias in Scriptoribus apprimè commendat; Illa etenim, quæ ex floribus mella legit, in dulcissimos transfigurat favos: Hic totam sericam supellectilem ex proprii pectoris fonte eruat, sic fatiur Petrarcha: *Illud affirmo elegantioris esse solertia, ut apium imitatores nostri verbis, quam vis aliorum hominum sententias proferamus, felicitus quidem non apium more passim sparsa colligere, sed quorundam baud multo majorum vermium exemplo, quorum ex visceribus sericum prodiit: ex se ipso sapere potius & loqui*, lib. 1. Epist. 7. eleganter ad rem; non modo nostri Authoris penna instar apes Floribus sugentis favos distillat, verùm etiam illius ad modum industriosi vermiculi ex se producit Opus, quod laborat.

Authorem equidem ex Opere esse mirandum, sed Opus, ni fallor, ex Authore mirabilius. Quis non miratur unum in tantis, ac tam diversis deditum hominem, & sic prædictum in omnibus, sicut in singulis? quis non prædicat hominem mirabile singulis facultatibus ita communem, & simul omnibus ita singularem? Si Scholasticum desideres, ita perfectè Theologiæ profunda arcana adæquavit, ut si soli Theologiæ operam dedidisti. Si ad asperissima Scripturæ loca devenias, ejus acumine prava sunt indirecta, & aspera in vias planas. Si spectes Concionatorem, invenies Ecclesiastem, neque dumtaxat doctrinæ gravissimo pondere, sed & orationis elegantissimo modulamine. Si dubius recurrat animus ad moralia, eccine Opus istud, & alia prælo jani ab ipso Authore commissa, sapientiam ejus, atque magnoperè eruditionem commendant. Verum aspice mirandum, omni doctrina præclarissimè excultum, litteris quam optimè perpolitum, universali laurea Sophiæ decoratum. Veritatis signarum, ac eximie eruditionis studiosum. Mirandum, inquam, virum, nec audaetè dicam vulgarem hominem; nam etsi homo ad laborem, non ad tantum valet laborem homo. Dilectissimus conspiciebat Joanne, Venustum Angelum sibi colloquentem, habentemque *pedem dextrum supra mare, sinistrum autem super terram*. Apoc. 1. 2. sed insolita cognitio, & superans humanam cogitationem. In quo cognovit Joannes speciem Angeli, si habebat ipse pedes instar hominis? Spiritus omnino immateriales non habent corporeas partes, ut pedes. Absit à Joanne dilecto inconfiderata cognitio: agnovit quidem Angelum non ex pedibus, sed ex eorum distantissimo situ, unum habebat in mari, alterum firmabat in terra. Quid terra cum maris pelago profundissimo? Quid mare cum terra vastissimo cen-

tro? Ergo Angelus, infert illuminatus Joannes, namque solus Angelus adeo valet, diversis incumbi curis, ac muneribus. Sic ille, sic noster. Sapientissimus Author: ergo natura sanè dicam hominem, sed quia tam diversis intentum, non dicam hominem sed Angelum.

Nec ut corpore exiguum Opus inæstimandum, sed certè maghì habendum: Non estimabilis sapientibus prolixitas, sed pretiositas, non folia, sed fructus quærit, qui fructus facere ambit. Sæpè solita est (ut animadvertit Plinius lib. 1. cap. 2.) consuetudo naturæ in rebus minimis claudere in-dustriosè maxima. En tota lux micantis ex lumine solis ad unicum, atque exiguum contracta corpusculum, adamantis; qui adamantem non despicit fulgentissimum, ardentius hoc ambiat micantissimum Opus: *Nec comparavi illi onnem lapidem pretiosum. Apoc. 7. 3.* Præstantiori quidem omnibus pretiosis lapidibus. En brevissima concha abscondit supremus Antifex Deus pretiosam margaritam, exiguam corpore, eximiam pulchritudine: Qui hunc Tractatum videt, pretiosam margaritam invenit, ergo studiosus negotiator sapientiæ, *inventa una pretiosa margarita, vendit universa quæ habet, & emit eam. Matib. 13. Ester. 10. 6.* Ille parvus fons in lucem, Solemque conversus est: quid parvitas fontis, quem Author edit in lucem, si totum reperias Solem? Solem, inquam, mentis tenebras extollentem, ut ducat à veritate aberrantem.

Qua propter non ignarus, sed conscius aliorum Operum, quæ noster Author præmanibus habet, jam finem anxius facio verbis illis. Mantuani ad Mirandulanum Doctorem Epist. ad Mirandulan. *Legitanta animi voluntate, quanta luculenta splendet, quanto amore, & reverentia ejus Auctorem prosequutus sum, sed eam legendo, dum cupio sedare sitim, sitis altera crevit: Desiderium scilicet videndi reliquum.* Unica dicam voce hoc Opus dignum encomio alia, desiderio. Sic opinor, & existimo, salvo meliori, ut Typis debet mandari pro studentium utilitate, & novi Rescripti plenissima intelligentia: In hoc nostro Conventu Vallis-Oletanæ, die 24. Januarii anno Domini 1698.

Mag. Fr. Petrus de la Regata.

Studioſo Lectori.

EA eſt Supremi Numinis manus, ut lapillum valeat, ſine manibus, in excelſum exereſcere montem, cuius indolen. ſectatur ejus in terris Vicarius, cum Lucubrationum harum exapla materia, quæ hæcenus apud Auctores æthicos veloci calamo percuſſa animadvertes, eo quod Supremi Numinis Vicarius, Innocentius ſcilicet XII. vigilantiffimo zelo titulos pro promovendis ad Eccleſiaſticos ordines, manum, contra tot fraudes, abuſusquæ nova ſua Decretali, poſuit, eò uſquæ illæ ereverunt, quod pleniffimum Tractatum de memoratis titulis compleant: quas fortè non ſolùm inutiles, verum & otioſas judicabis. Etenim cum prædicta Pontificis prædicti Decretalis ad Illuſtriſſimos dirigatur. Prælatos, in quibuſque maxima omnium ſapientia ſplendet, ut pote Eccleſiæ Doctores, qui quæ alios inſtruere teneantur, ut luculentè reſpondit Conſtantiuus Cypri Præſul, reſatus in cap. convenientibus, §. Item Conſtantiuus, l. 4. c. 7. ibi: *Non oportet nos, quæ Episcopopi ſumus, indicare doctrina, ſed aliorum eſſe Doctores.* Quid ergo præſenti Tractatu opus eſt?

Fateor ſummam in Illuſtriſſimis Prælatiſ ſcientiam; ſunt enim verò Eccleſiæ Militantis ſplendiſſima lux, quibuſque in ea ſtantibus, dici valet, quod de Triumphanti Eccleſia Joannes intonuit, *non egent ſole, neque Luna.* Apocalip. 21. 23. Sed tamèn eſtò maxima ſapientia poleant, ob multitudinem ſubditorum, ad illam, ut fas eſt, diſtribuendam, vires non ſuppetunt: Quæ de cauſa in cap. inter cetera 15. de officio Judicis Ordinarii, Dominis Episcopis indicitur, quod ad eorum munia, quæ ob impotentiam exercere non valent, viros aſſumat idoneos, ad ipſorum officium ſalubritèr exequendum. Quare præſens Tractatus non ad inſtructionem Prælatorum tendit, id enim non ſolum otioſum, verum nefas, & inexpriable crimen foret. Dirigitur itaque ad Promovendos, ut ſciant, qui, poſt præſentem ſanctiſſimi Innocentii Conſtitutionem, ſint legitimi tituli, nec horum ignorantia, fraude, aut dolo ad ſuos vel alienos Prælatos accedant, hiique vacuos & ſine honore abjiciant. Cum itaque Sanctiſſimi Innocentii Conſtitutio adverſus fraudes, abuſusque in promotionibus ſtabilita conſtet, fraudeſque, ex parte promovendorum ſupponatur, hos præſens reſpicit Tractatus, ut perſpectum habeant quibus poenis ſubjaceant, contra ædictum præſata Decretalis, ordines ſuſcipiendo, hocque modo à fraudibus omnino ſe abſtineant machinandis. Nec item intentum eſt prædictam Conſtitutionem exponere, aut ex profeſſo interpretari, ſed inſpectis ipſius diſpoſitionibus, controvertere, qui tituli ſint ad promotionem legitimi, quorumve ſit cauſa damnata, licèt verum ſit, quod vix hæc valebimus, quin aliquando mentem Pontificis rimari compellamur, eamque juxta Sacros Canones, doctrinaſque magis receptas interpretari, doctrinalitèr tamèn, & merè probabilitèr, quam ſi non attigſſe aliquando compertum fuerit; ex nunc lubens, retracto, & reſuto. Dividitur præſens Tractatus in ſex Quæſtiones, quarum quatuor primæ de titulis pro ordini-

bus suscipiendis, ordine, quo in præcitata Constitutione exarantur, expendunt. Quinta de Inquisitione ab Illustrissimis Prælatiis facienda. Sexta de Pœnis contra male promotos fulminatis. Sed ut dubia, quæ in qualibet Quæstione excitantur, brevius caleas, oportet, quod Pontificiam dispositionem, attentè perlegas, ideoque ante singularum Quæstionum excitationem, Particulas, integras, circa ejus materiam versantes iterum transcribimus. Per plures haudque minimas difficultates per invia, ac sine duce resolutas deprehendentes, ad quod novitas ipsa materię compulit; cum ab Auctoribus, quos viderim, excitatæ non reperiantur. Utinam in meliorem partem solutas comperias, id saltè in votis fuit, ut securius ad Ecclesiasticos ordines ascendas, quod si consecutus sum, Numini gratias referas, cum omne donum desursum sit, sin minus finistram repereris, Auctori deferas. Qui ita Censuræ Sanctæ Ecclesiæ, judicioque prudentum Opus submittit, ut quæ ipsæ ex ossa appareant, quasi non scripta ultrò, iterumque refellit. Vale, & Opusculo isto frui, interim dum alia, tum Moralia, tum pro Concionibus apta, præfulcio, ac in ordine colloco.

SANCTISSIMI DOMINI INNOCENTII

Divina providentia PAPA XII

Constitutio, qua plura declarantur, ac præscribuntur pro
tollendis abusibus, & fraudibus circa Ordinationes
alienorum subditorum.

INNOCENTIUS EPISCOPUS SERVUS SERVORUM DEI

Ad perpetuam Rei memoriam

Speculatores Domus Israel, quæ est Sancta Dei Ecclesia, per ineffabilem Divinæ Bonitatis abundantiam constituti, eò potissimum ab ipsis Pontificatus Nostri primordiis Pastoralis vigilantie nostræ studia convertenda esse duximus, ut, qui in sortem Domini vocantur, sacrisque addicuntur ministeriis, quippè quos irreprehensibiles esse convenit, ut præesse valeant corrigendis, ac in quos tanquam in speculum reliqui oculos conjiciunt, ex iisque sumunt quod imitentur, tales sint, qui dignè possint Dominica Sacramenta tractare, ac ædificent cunctos, tam fidei scientia, quam operum disciplina. Sanè hoc inito consilio, non alios, quantum fieri potest, quam qui in sanctitate, & justitia, per ordinatissimos Ecclesiasticæ Militiæ gradus, statim intervallis ambulaverint, ac piè, & fideliter in ministeriis antea actis se gesserint, ad Sacerdotium assumi, sacrasque ordinationes, juxta priscum Ecclesiæ morem, præscriptis à jure temporibus orationi, & jejunio consecratis, haberi cupientes, severiorem quandam in concedendis Indultis suscipiendi sacros Ordines extra tempora hujusmodi, & interstitiis ad id designatis minimè servatis, ultro Nobis proposuimus adhibendam rationem; qua videlicet servata, ante meritum laboris, ante tempus examinis, ante experientiam disciplinæ Sacerdotalis honor non probatis minimè tribuatur, nec unquam heri sacrilegi, hodie Sacerdotes, heri prophani, hodie sacrorum Antistites, veteres vicio, virtute rudes, & recentes, discipuli simul, ac Magistri pietatis creentur, sed ii tantum, juxta constitutas à Majoribus, Leges, ab humili gradu fidelis Populi ad sacrarum administrationum sublimitatem promoveantur, qui post mutatum habitum sæcularem diuturna conversatione inter Clericos fuerint comprobati, ac multo tempore didicerint, quæ postmodum alios docere tenentur; Cæterum per ea ipsa indulga, quæ super præmissis parcius quidem, ac ex certis tantum, & magis rationalibus causis concedere decrevimus, contraria quavis illorum interpretatione penitus improbata, salutarem illam, quam sacri Generalis Tridentini Concilii Decreta de non ordinandis ad patrimonii titulum, nisi illis, quos Episcopi pro necessitate, vel commoditate suarum Ecclesiarum assumendos judicaverint,

præscribunt disciplinam, nequaquam relaxatam intelligi; quinimò nec unquam ad Indulta hujusmodi exequenda Episcopos ipsos arctare, sed illorum executionem arbitrio semper eorundem Episcoporum, quorum conscientias hac in re strictissime oneratas volumus, prorsus relinquere declaravimus; sperantes in Domino eos, qui, juxta Apostoli monitum, nemini citò manus imponendas esse probè norunt, sibi, & universo gregi attendentes, in quo eos posuit Spiritus Sanctus regere Ecclesiam Dei, reverenda ipsi Spiritibus Angelicis ministeria ab hominibus sine consideratione apprehendi numquam permitturos, nec temerè præripi passuros, quæ vita probata dumtaxat accipere promeretur. Omnes insuper, & singulos cujuscumque tandem gradus, ordinis, & dignitatis fuerint, quibus hujus Sancti Sedis gratia sacros Ordines præfatos extra eadem tempora conferendi, vel aliis ut illos sic conferre valeant, indulgendi potestas fieri consuevit, cum divinos Ordines largiri districti semper esse judicii oporteat, serio monitos volumus, ut præscriptos sibi desuper in suis quique facultatibus terminos religiose custodiant, nec eos cujusvis consuetudinis, aut exempli prætextu ullatenus transgrediantur. Verum quo impensius Apostolicæ gubernationis curam, & cogitationes in hæc intendimus, eo majori cum animi nostri dolore ex quam plurimum Venerabilium Fratrum nostrorum Archiepiscoporum, & Episcoporum in diversis Regionibus existentium delatis ad Nos querelis acceptimus, graviora quotidie malignari inimicum in Sancto, sacrilega scilicet illorum impudentia in dies crescente, qui propriæ salutis immemores, Clericales ordines sibi forsitan à propriis Præsulibus denegatos, seu quos, aliquibus canonicis sibi obstantibus impedimentis, denegari meritò vererentur, ab alienis Episcopis, non quæ JESU Christi, sed eas, quæ ad ipsos non pertinent Oves, in animarum suarum perniciem quærentibus, nec tot canonicas damnationes contra usurpantes alienæ plebis hominem latas perhorrescentibus, absque suorum Prælatorum commeatu, hoc est dimissoriis, commendatitiisve eorum literis destituti, quinimò eis inficiis, & sæpè etiam invidiis, sub minus legitimis Beneficii Ecclesiastici, Originis, Domicilii seu etiam familiaritatis, ac continuo Ordinantium Episcoporum commendatitatis quæsitis titulis, in sacrarum legum fraudem, & contemptum, illegitimè suscipiunt, atque ita non intrantes per ostium, & nihilominus Tabernaculum Domini cum macula inhabitare non dubitantes, sacrificium in sacrilegium convertunt, judicium absque misericordia sibi consciscunt, Deoque mini me placentes, & tamen placare veile præsumentes, non modò eum non placent; sed magis irritant, dum videntur in cordibus suis dicere: non requirer. Hinc est quod Nos ex commissæ Nobis divinitus Apostolicæ servitutis munere, abusus, fraudes, ac scandala hujusmodi penitus, & omninò è medio tollere, ac irreligiosam contrafacientium audaciam, quantum Nobis ex alto conceditur, compescere, & reprimere volentes, necnon fel.re. Urbani VIII. contra male ordinantes, & malè ordinatos, quæ incipit: Secretis, aliorumque Romanorum Pontificum Prædecessorum, ac etiam conciliaribus hac in re editis Constitutionibus, & Ordinationibus in hæc inherentes, il-

lasque

laſque quoad ea, quæ præſentibus non adverſantur, quatenus opus ſit innovantes; de Venerabilium Fratrum noſtrorum S. R. E. Cardinalium ejuſdem Concilii Tridentini Interpretum, qui quæcumque antehac ſuper præmiſſis ab ipſorum Cardinalium Congregatione in particularibus caſibus edita decreta, declarationes, ſeu reſponſa ad earundem præſentium limites reducenda eſſe cenſuerunt; conſilio, ac etiam Motu proprio, & ex certa ſcientia, & matura deliberatione noſtris, deque Apoſtolice poteſtatis plenitudine, ad Omnipotentis Dei Gloriam, Eccleſiæ utilitatem, veteris diſciplinæ inſtaurationem; totiuſque Chriſtiani Populi ædificationem. Hac generali noſtra, & perpetuò valitura Conſtitutione, decernimus, & declaramus, nulli Epifcopo, ſeu cujuſvis loci Ordinario, tametſi Cardinalatus honore fulgeat, licere exterum quempiam, ac ſibi ratione Originis, ſeu Domicilii, juxta modum inferius declarandum, legitimè contracti non Subditum ad Clericalem conſuram promovere, cujuſvis Beneficii Eccleſiaſtici ei ſtatim ac conſura huiusmodi inſignitus fuerit conferendi, ſeu ad quod iſ a Patronis jam præſentatus, ſeu nominatus fuerit; prætextu, etiamſi Beneficium prædictum de novo ea expreſſe adjecta lege fundatum fuiſſe conſtiterit, ut quis immediate poſt Clericalem characterem ſuſceptum ad illud inſtituatur; Præterea Clericum, qui legitimè jam a proprio Epifcopo ad eandem Clericalem conſuram, ſeu etiam ad minores Ordines promotus fuerit, non poſſe ab alio Epifcopo ratione, ac titulo cujuſcumque Beneficii in illius Diœceſi obtenti ad ulteriores Ordines promoveri, niſi ante eorumdem ſuſceptionem Teſtimoniales litteras proprii Epifcopi, tam originis, quam Domicilii ſuper ſuis Natalibus, ætate, moribus, & vita ſibi concedi obtinuerit, eaſque Epifcopo Ordinanti in actis illius Curie conſervandas, exhibuerit. Licet vero Clericus ratione cujuſvis Beneficii in aliena Diœceſi obtenti ſubjici dicatur Jurisdictioni illius Epifcopi, in cujus Diœceſi Beneficium huiusmodi ſitum eſt, eam tamen de cætero hac in re inconcuſſe ſervari volumus Regulam, ut nemo ejuſmodi ſubjectionem ad effectum ſuſcipiendi Ordines acquirere cenſeatur, niſi Beneficium prædictum ejus ſit redditus, ut ad congruam vitæ ſuſtentationem ſive juxta Taxam Sinodalem, ſive, ea deficiente, juxta morem regionis pro promovendis ad Sacros Ordines detractis oneribus, per ſe ſufficiat, illudque ab ordinando pacificè poſſideatur, ſublata quacumque facultate ſupplendi quod defecerit fructibus ejuſdem Beneficii cum adjectione Patrimonii etiam pinguis, quod ipſe Ordinandus in eadem, ſeu alia quavis Diœceſi obtineret, ac Epifcopus ſic Ordinans, tam de prædictis Teſtimonialibus Litteris, quam de redditu Beneficii huiusmodi expreſſam in conſueta collatorum Ordinum atteſtatione, mentionem facere debebit. Cæterum ſubditus ratione Originis iſ tantum ſit, ac eſſe intelligatur, qui naturaliter ortus eſt in ea Diœceſi, in qua ad Ordines promoveri deſiderat, dummodo tamen ibi natus non fuerit, ex accidenti, occasione nimirum itinerris, Officii, Legationis, Mercaturæ, vel cujuſvis alterius temporalis moræ, ſeu permanentiæ ejus Patris in illo loco, quo caſu nullatenus ejuſmodi fortuita nativitas, ſed vera tamen, & naturalis Patris origo, erit attendenda. Quod

si quis tanto temporis spatio in eo loco, in quo ex accidenti, sicut præmittitur, natus est, moram traxerit, ut potuerit ibidem canonico aliquo impedimento irretiri, tunc etiam ab Ordinario ejus loci literas Testimoniales, ut supra obtinere; illasque Episcopo Ordinanti per eum in collatorum Ordinum Testimonio similiter recensendas, præsentare teneatur. At si Pater in alieno loco, ubi ejus filius natus est, tandiù, ac eo animo permanferit, ut inibi verè Domicilium de jure contraxerit, tunc non origo Patris, sed Domicilium per Patrem legitimè, ut præfertur, contractum pro Ordinatione ejusdem filii attendi debeat. Subditus autem ratione Domicilii ad effectum suscipiendi Ordines is duntaxat censeatur, qui, licet alibi natus fuerit, illud tamen adeò stabiliter constituerit in aliquo loco, ut vel per decennium saltem in eo habitando, vel majorem rerum, ac bonorum suorum partem cum instructis Aedibus in locum hujusmodi transferendo, ibique insuper per aliquod considerabile tempus commorando, satis superque suum perpetuò ibidem permanendi animum demonstraverit; & nihilominus ulterius utroque casu se verè, & realiter animum hujusmodi habere jurejurando affirmet. Si quis tamen à propriæ originis loco in ea ætate discesserit, qua potuerit alicui canonico impedimento obnoxius affici, etiam Ordinarii suæ originis testimoniales literas, ut supra, asferre debet, ac de illis expressa similiter mentio in susceptorum Ordinum Literis facienda erit. Adhæc nullus Episcopus alienæ Diœcesis Subditum Familiarem suum ad aliquos Sacros, seu Minores Ordines, veletiam primam tonsuram promoverè, seu ordinare præsumat, absque ejus proprii originis scilicet, seu Domicilii Prælati Testimonialibus literis, ut supra, & nisi ad præscriptum Concilii Tridentini prælati sess. 17. cap. 9. De Reform. Familiarem prædictum per integrum, & completum triennium in suo actuali servitio secum retinuerit, ac suis sumptibus aluerit; Beneficium insuper, quod ei ad vitam sustentandam, juxta modum superius præfinitum, sufficiat, quacumque fraude cessante, statim, hoc est saltem intra terminum unius mensis à die factæ ordinationis, re ipsa illi conferat, ac in Ordinationis hujusmodi Testimonio expressam itidem familiaritatis, ac literarum prædictarum mentionem facere teneatur. Porro, ut quibuscumque fraudibus aditus omnino præcludatur, volumus, & Apostolica Autoritate statuimus, atque decernimus, ut Episcopus quilibet suos ratione originis, sive Domicilii Subditos Clericos quoscumque ab alienis Episcopis quavis auctoritate, etiam cum suis commendatitiis literis promotos, nedum ad formam Concilii Tridentini supradicti sess. 14. cap. 3. De Reformat. quoad scientiam examinare valeat, verum etiam Ordinum eis collatorum testimoniales literas, gratis tamen, recognoscere, ac diligenter perquirere an quoad illos præsentis Constitutionis forma, & dispositio adimpleta fuerit assignato sic promotis termino competenti ei magis bene viso ad docendum de ejusmodi adimplimento, ita ut quos eo termino elapso, id minime præstitisse compererit, à susceptorum Ordinum exercitio, si ita, & quandiù ei expedire videbitur, suspendere, illisque, ne in Altari, aut in aliquo Ordine ministrent, interdicere possit. Ita vero præmissa omnia, & sin-

gula perpetuò, ac inviolabiliter observari, atque adimpleri volumus, ut si quid in hisdem præmissis, seu eorum aliquo lapsus fiat, Ordinans quidem Collatione Ordinum per annum, Ordinatus vero à susceptorum ordinum executione, quandiu proprio Ordinario videbitur expedire, eo ipso suspensus sit, aliisque insuper gravioribus pœnis pro modo culpæ nostro, & pro tempore existentis Romani Pontificis arbitrio infligendis uterque subiaceat.

Decernentes pariter easdem præsentès literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore, quandocumque spectabit in omnibus, & per omnia plenissime, & inviolabiliter observari. Sicque, & non aliter per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S.R.E. Cardinales etiam de latere legatos, ac Sedis præfate Nuncios, aliosve quoslibet quacumque præminetia, & potestate fungentes, functuros, sublata eis, & eorum cuilibet quavis aliter judicandi, & interpretandi facultate, & autoritate, ubique judicari, & definiri debere, ac irritum, & inane, si secus super his quoquam quavis autoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, necnon quibuscumque etiam juramento, confirmatione, Apostolica, aut quavis firmitate alia roboratis Statutis, & Consuetudinibus; Privilegiis quoque, Indultis, & literis Apostolicis sub quibuscumque verborum tenoribus, & foris, ac cum quibuscumque etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, etiam mora, scientia, & potestatis plenitudine paribus in genere, vel in specie, seu alias quomodolibet in contrarium præmissorum concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, ac si de verbo ad verbum experimerentur, & infererentur, nihil penitus omisso, & forma in illis tradita observata, eisdem præsentibus pro expressis, & insertis habentes, illis alias in suo robore permanens, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque. Volumus autem, ut præsentès Literæ in Valvis Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, ac in Acie Campi Floræ de Urbe, ut mos est, publicentur, & affigantur, sicque publicatæ, & affixæ, omnes, & singulos, quos illæ concernunt, perindè ardeant, & afficiant, ac si unicuique eorum nominatim, & personaliter intimatæ fuissent: Quodque earundem præsentium transumptis, seu exemplis etiam impressis manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem profus fides, tam in iudicio, quàm extra illud, ubique adhibeatur, quæ ipsis præsentibus adhiberetur, si forent exhibitæ, vel ostensæ. Nulli ergo omnino hominum

liceat


ſceat hanc paginam noſtrorum Decretorum, Declarationis, Voluntatis,
Statuti, & Derogationis infringere, vel auſu temerario contrahere. Si quis au-
tem hoc attentare præſumpſerit, indignationem Omnipotentis Dei, ac Bea-
torum Petri, & Pauli Apoſtolorum ejus ſe noverit incurſum. Datum Ro-
mæ apud Sanctam Mariam Majorem. Anno Incarnationis Dominicæ mil-
leſimo ſexcentefimo nonageſimo quarto, Pridie Nonas Novembris, Ponti-
ficatus Noſtri Anno Quarto.

B. Card. Prodatarius.

J. F. Card. Albanus.

Viſa de Curia J. Sacripantes.

D. Ciampinus.

Loco  Plumbi.

Regiſtr. in Secretaria Brevium.

Anno à Nativitate Domini Noſtri JESU Chriſti milleſimo ſexcentefimo
nonageſimo quarto, Indictione ſecunda, die ſexta menſis Novembris,
Pontificatus autem Sanctiſſimi in Chriſto Patris, & Dñi Noſtri Domini In-
nocentii Divina Providentia Papæ XII. Anno Quarto, ſupradictæ Literæ
Apoſtolicæ affixæ, & publicatæ fuerunt ad valuas Eccleſiæ S. Jo: Latera-
nenſis, Baſilicæ Principis Apoſtolorum, & Cancellariæ Apoſtolicæ, in Acie
Campi Floræ, ac in alijs locis ſolitis, & conſuetis Urbis, per me Thomam
Orlandum ejusdem Sanctiſſimi D. N. Papæ Curſorem.

Franciſcus Antonius Simoncellus Mag. Curſ.



IMPRIMATUR,

**Si videbitur Reverendissimo Patri Magistro Sacri
Palatii Apostolici.**

Domin. Bellisar. de Bellis Episc. Melpheeten. Vice sg.




IMPRIMATUR,

**Fr. Gregorius Sellari Mag. & Socius Reverendiss. P.
Fr. Paulini Bernardini Ord. Præd. Sac. Pal.
Apost. Mag.**

A V E M A R I A TRACTATUS MORALIS

D E

SACRAMENTI ORDINIS LEGITIMIS TITULIS.



PROOEMIUM.



SECULARIBUS ad Ordines promovendis, triplex suffragatur titulus, videlicet, *Origo, Domicilium, ac Beneficium, cap. cum nullus, de temporib. ordinat. in 6. his addendus ex Trident. Sessio 23. de Reformat. cap. 9. Familiaritatis, titulus, & de hisce prædictis omnibus titulis in novissima Constitutione novam Legem condit Sanctissimus Innocentius XII. decernens qualiter prædicti tituli intelligendi, ut illorum intuitu Domini Episcopi ad Primam tonsuram, ultioresque ordines suos possint subditos promovere: In præsentì ergo Tractatu, vestigiis ipsius Constitutionis inhærendo, difficultates, quæ ab ipsa emanare videntur, omissis aliis, elucidabimus, in medium prius proponendo, claritatis gratia, fragmenta, eo ordine, quo de quolibet titulo in præfata Decretali leguntur, in qua, respectu tituli Beneficii, sic recitatur.*

TITULUS BENEFICII.

I. **N**ulli Episcopo, seu cujusvis Loci Ordinario, tamen si Cardinalatus honore fulgeat, licere exterum quempiam, ac sibi ratione originis, seu domicilii, juxta modum inferius declarandum, legitime contracti non subditum ad Clericalem tonsuram promovere, cujusvis Beneficii Ecclesiastici ei statim ac tonsura hujusmodi insignitus fuerit conferendi, seu ad quod is à Patronis jam præsentatus, seu nominatus fuerit, prætextu, etiam si Beneficium prædictum de novo ea expressa adjecta lege fundatum fuisse constiterit, ut quis immediatè post Clericalem characterem susceptum ad illud instituat.

2. *Præterea Clericum, qui legitimè jam à proprio Episcopo ad eandem Clericalem tonsuram seu etiam ad minores Ordines promotus fuerit, non posse ab alio Episcopo ratione, ac titulo cujuscumque Beneficii in illius Diœcesi obtenti ad ultiores Ordines promoveri, nisi ante eorundem susceptionem Testimoniales litteras proprii Episcopi tam Originis, quam Domicilii super suis natalibus, ætate, moribus & vita sibi concedi obtinuerit, easque Episcopo Ordinanti, in actis illius Curia conservandas, exhibuerit.*

3. *Licet verò Clericus ratione cujuscvis Beneficii in aliena Diœcesi Obtenti subijci dicatur Jurisdictioni illius Episcopi, in cujus Diœcesi Beneficium hujusmodi situm est, eam tamen de cætero hac in re observare volumus Regulam, ut nemo ejusmodi subjectionem ad effectum suscipiendi Ordines acquirere censeatur, nisi Beneficium prædictum ejus sit redditus, ut ad congruam vitæ sustentationem sive juxta taxam Synodalem, sive, ea deficiente, juxta morem Regionis pro promovendis ad Sacros Ordines, detractis oneribus, per se sufficiat, illudque ab Ordinando pacificè possideatur, sublata quacumque facultate supplendi quod defecerit fructibus ejusdem Beneficii cum adjunctione Patrimonii etiam pinguis, quod ipse ordinandus in eadem, seu alia quavis Diœcesi obtineret; ac Episcopus sic ordinans tam de prædictis Testimonialibus litteris, quam de redditu Beneficii hujusmodi expressam in consueta collatorum ordinum attestatione mentionem facere debet.*

Plura in præinsertis verbis præscribuntur. I. Quod solus Episcopus proprius Clericalem tonsuram conferre valet: Nomine autem Episcopi proprii in præsentì intelligitur Episcopus originis, aut domicilii, promovendi, id est ubi promovendus verè, naturaliter, & non ex accidenti, natus est, aut ubi verè domicilium, & juxta stabilita in præsentì Constitutione, contraxit: Episcopus autem, cui Ordinandus ratione dumtaxat Beneficii, subijcitur, vocatur alienus, seu non proprius, qui nullatenus potest hujusmodi subditum ad Clericalem tonsuram promovere, quantumvis Beneficium pingue sit: Unde ad Clericalem tonsuram Episcopus dumtaxat Originis, aut domicilii promovere valet, nisi promovendus sit familiaris Episcopi, ut infra dicetur.

2. Quod sicut Episcopus alienus, sive Beneficii nequit ad
Cle-

Clericalem tonsuram promovere subditum ratione dumtaxat Beneficii in sua Diœcesi obtenti, si nequit ipsum subditum, jam à suo proprio Episcopo Clericali tonsura insignito, ad ultteriores Ordines promovere titulo præfati Beneficii, non obtentis Testimonialibus Episcopi tam originis, quam domicilii: Unde quî ab una Diœcesi originem trahit, & in alia domicilium contraxit, ac Beneficium obtinet in altero Episcopatu, nequit in isto promoveri, non obtentis prius Testimonialibus, natalium, ætatis, morum; & vitæ utriusque Episcopi originis scilicet, & domicilii, nec sufficiet ab unico dumtaxat obtinere.

3. Quod Beneficium in aliena Diœcesi obtentum, subjectionem ad effectum suscipiendi ordines minime tribuit, nisi ejusmodi Beneficium per se, & detractis oneribus, ejus sit redditus, ut ad congruam vitæ sufficiat sustentationem, juxta taxam Synodalem, vel ea deficiente juxta morem Regionis pro promovendis ad Sacros Ordines; id est, quod debent redditus prædicti Beneficii esse in ea quantitate, ut expleant quantitatem assignatam in Synodalibus pro promovendis ad Ordines Sacros: Unde Episcopus Beneficii nec ad minores Ordines poterit promovere illum, qui in sua Diœcesi obtinet Beneficium, cujus redditus non attingunt Synodalem taxam; quia licet hæc taxa in Synodalibus assignetur pro promovendis ad Ordines majores, non vero ad minores: præsens tamen Constitutio pro omnibus tollit subjectionem, non attingendo redditus Synodalem taxam, ut pater ex littera: Cumque ullus Episcopus valeat sibi non subditum promovere, inde patet, quod nec ad minores prædictum Beneficiatum promovere valebit. Insuper qui prædictum Beneficium obtinuit in aliena Diœcesi, debet illud pacificè possidere; & si fructus præfati Beneficii prædictam taxam non expleverint, nequeunt Domini Episcopi supplere Patrimonio, quodcumque istud sit; sublata enim est eis hujusmodi potestas supplendi quidquid defecerit fructibus Beneficii quocumque Patrimonio.

Hæc satis per se manifesta sunt: Circa dispositionem tamen contentam in verbis relatis n. 3. aliqua occurrunt dubia, quæ in quæstione immediata proponentur.

QUÆSTIO I.

*Quale Debeat esse Beneficium , ut quis possit ad Ordines
promoveri ab alieno Episcopo .*

CUM præsens Constitutio expostulet Beneficium obtentum in aliena Diœcesi , ut ab Episcopo alieno valeat , qui Beneficium obtinuit , ad ordines promoveri : statim occurrit , quid intelligatur nomine Beneficii , Omisissis generalibus , quæ passim à Doctoribus differuntur , ea solum discutiemus , quæ attenta præsentī Constitutione , & juxta ejus mentem , controversenda se offerunt .

DUBIUM I. *Utrum quin aliena Diœcesi obtinuit Beneficium , non habens alios redditus , præter distributiones , possit ab Episcopo talis Beneficii ad Ordines promoveri .*

4. **B**eneficia de quibus in præsentī ab aliis titularia , à Trullench *de percha* nuncupantur , nec redditus extant , vel quia à primæva erectione ipsis caruerunt , vel quia quamvis instituta sufficientibus redditibus ad congruam Beneficiati sustentationem , injuria temporum , vel omnes , vel saltem major pars reddituum , perierunt , ita ut in talibus Beneficiis instituti solis distributionibus ad quas vi institutionis habent jus , gaudeant , quasque taxam Synodalem , pro promovendis ad Sacros Ordines , exæquare supponimus . De his ergo in dubium vertitur , an sufficientem tribuant subjectionem , ut in similibus Beneficiis instituti , ab Episcopo alieno ad Ordines promoveri valeant .

5. Respondeo affirmativè , dummodo ipsæ distributiones per se , vel adjunctæ redditibus Beneficii taxam Synodalem , vel morem Regionis exæquent . Ita Trullench *tom. 3. lib. 6. cap. unico dub. 12. n. 8.* Marchinus *de Sacrament. Ordinis tract. 2. part. & cap. 6. difficult. 5. n. 19.* Barbosa *in Concil. sessio. 21. cap. 2. de reformat. num. 8. & in sum. Bullar. V. ordinare 3.* Illustris. pariter ac Eruditissimus Pax Jordanus , *elucubratio , volum. 1. lib. 3. tit.*

6. n. 318. subdens, quod si S. Congregat. declaratio, quam Garcia de Beneficiis p. 2. cap. 5. n. 100. adducit, distributiones complectitur, resolutio nostra sit prorsus indubia. Ratio, quia præsens Constitutio SS. Innocentii solummodo exposcit, quod Beneficium per se habeat sufficientes redditus ad congruam vitæ sustentationem, quos habere, inde patet, cum titulo Beneficii jus habeat Beneficiatus ad distributiones, veluti ad proprios Beneficii redditus. Confirmatur; nam si inter fructus proprios Beneficiorum simplicium distributiones minimè computarentur, vix invenirentur Beneficia, quibus promoveri, in eis instituti, ad ordines possent: sunt enim paucissima, quæ sine distributionum auxilio ad congruam sufficientem pertingant.

6. Nec obstat, quod distributiones non computantur in valore Beneficiorum, nec comprehenduntur sub nomine fructuum, ut declaravit Rota decisio 134. sive 8. de Præbend. in novissim. & decisio. 766. alias 39. in antiquis. Respondetur enim I. quod licet non comprehendantur sub nomine fructuum, comprehenduntur tamen sub nomine reddituum, ut censuit Rota coram Coccino decis. 144. n. 11. apud Barbossam de Appellat. verb. Appellat. 231. n. 6. favetque satis cap. Dilectus el 2. de Præbendis, & præsens Constitutio in præsentī casu redditus, & non fructus exposcit. Respondetur II. quod nomine fructuum intelliguntur distributiones, quando Beneficium aliis fructibus caret, solumque distributionibus gaudet, ut docet Barbossa citatus Appel. 103. n. 17.

7. Inferitur hinc I. quod si distributiones vel per se, vel simul cum redditibus, quamvis modicis, Beneficii, taxam Synodalem non exæquant, Episcopum alienum non posse titulo talis Beneficii subditum alienum promovere, nisi defectus ita sit modicus, quod pro non defectu reputandus sit. I. pars constat ex littera, exigente Beneficium cum redditibus per se, & detractis oneribus, sufficientibus ad congruam vitæ sustentationem. II. pars inde constat, quia modicus defectus pro non defectu reputatur, cap. de vera, de consec. dist. 2. leg. sero, ff. de restitut. in integrum; & in nostro casu docet Sanchez Consil. Moral. tom. 2. lib. 7. cap. i. dub. 35. n. 8. Quando verò defectus erit notabilis, vel modicus, Navarro tit. de temporibus ordinat. consil. 17. Censet

set defectum quintæ partis esse notabilem; quinimo dicerem in nostro casu defectum etiam sextæ, aut septimæ partis notabilem esse, quia cum Synodales limitatè congruam taxent, defectus etiam octavæ partis nequit pro non notabili reputari.

8. Infertur II. Quod licèt institutus in prædicto Beneficio titulari, vi suæ erectionis non habeat jus ad distributiones, dummodò gratiose ab aliqua Ecclesia inamissibiliter pro ejus vita admittatur, & aliàs prædictæ distributiones sint certæ, vel non contingentes, taxamque Synodalem exæquent, poterit Episcopus alienus, alienum subditum promovere; idque satis apertè constat *ex cap. dilectus el 1. y 2. de Prabendis*. Tum etiam, quia cum prædictæ distributiones non sint de natura Patrimonii, sed verè; & rigorosè sint redditus Ecclesiastici, ut docet Moneta *de distributionibus quotidianis part. 1. quæst. 7. num. 5. & 6*. Poterit Episcopus alienus eis congruam supplere, sicque subditum alienum ad Ordines promovere.

DUBIUM II. *An qui in aliena Diœcesi obtinuit Beneficium tenue, possit ab Episcopo talis Beneficii ad Ordines promoveri, supplendo defectum altero Beneficio in eadem Diœcesi obtento.*

9. **C**Asus est talis: Obtinet Petrus v. g. in eadem Diœcesi aliena duplex Beneficium, quorum neutrum per se sufficienti congrua pollet, sed conjuncta excedunt, vel saltem Synodalem taxam exæquant, dubitatur, an Episcopus, in cujus Diœcesi Petrus prædicta Beneficia obtinuit, valeat unum altero supplere, & sic ad ordines prædictum Petrum promovere.

10. Respondeo posse, ita in terminis præsentis Constitutionis docet Eruditissimus D. Lamperez, Metropolitanæ, ac Patriarchalis Hispalensis Ecclesiæ Canonicus, in sua *veteri disciplina instaurata num. 383*. Ubi singulari acumine, incomparabili studio medullam præsentis Constitutionis de verbo ad verbum explorat: opus sanè omnibus numeris expletum. Resolutio intelligenda venit, dummodo duplex Beneficium simplex sit, personalemque residentiam ambo non exposcant.

11. I. Pars probatur, nam licèt præsens Constitutio loquatur de Beneficio in singulari, & prædicta plura sint, supponunt enim

enim diversas Canonicas institutiones, in ordine tamen ad finem in præsentî Constitutione intentum, pro unico, & eodem reputatur: finis enim præcipuè intentus est congrua sustentatio ordinandi, cumque huic fini ea duo Beneficia tendant, vel saltem eorum fructus, hinc est, quod licet Beneficia in se plura sint, in ordine ad finem pro unico reputantur. Nec obstat, quod in præsentî Constitutione non concedatur prædicto Episcopo facultas supplendi altero Beneficio; nam sufficit, quod per præsentem Constitutionem non auferatur, illam enim DD. Episcopi jam habebant vi Tridentini *sessio 24. cap. 17. de reformat.*

12. II. Pars constat, tum ex Tridentino nuper citato, non permittente duplex Beneficium, quando utrumque personalem residentiam exigunt. Tum quia, cum in utroque nequeat simul residere, deficienteque residentia in alterutro, fructus illius minimè valeat percipere, supplementum esset illusorium, cum supplementum sit factum ut congruam sufficientem haberet, quam, non residendo, nullatenus perciperet. Hinc non videtur improbabile posse suppleri Beneficium tenue pluribus aliis Beneficiis in eadem aliena Diœcesi obtentis. De quo videndi Barbossa in *præcitato cap. Concilii, præcipuè num. 7.* Lambert. de *Jure Patronat. part. 1. lib. 2. quæst. 7. art. & num 15.* Masobrius in *Praxi habendi Concursum Requisit. 7. dub. 18.*

13. Monet tamen, & optimè, citatus D. Lamperez n. 366. quod cum supplementum oporteat fieri usque ad sufficientem congruam, deductis oneribus, extrahendæ etiam sunt pensiones impositæ in ipsis Beneficiis, esto in his institutus illis minimè consenserit, hoc est, quod congrua debet remanere integra, deductis pensionibus, & omni alio onere, hæc enim videtur mens præsentis Constitutionis; si tamen institutus in prædictis Beneficiis cum sufficienti congrua, & jam ad Presbyteratum præmotus, pensioni consenserit, ratione cujus congrua deficeret, non ideo poenis præsentis Constitutionis irretiretur: hæc enim prædictam congruam, ut possit promoveri, solummodo exposcit: ergo jam promotus, poenas evadet. Sicut enim Patrimonio promotus, & post promotionem Patrimonium resignans, suspensionem nullatenus incurrit, teste Bonacina de *Sacrament. Ordin. disp. 8. quæst. unic. punct. 5. n. 25. & 26.* Sic dicendum in nostro

stro casu. Verum successor prædicti Beneficii ab Episcopo alieno, remanente pensione, inquam antecessor consensit, ad ordines promoveri non poterit; quia carens, ut supponimus, sufficienti congrua, nec subditum alieni Episcopi ad effectum ordinum efficit, ac proinde ab ipso promoveri non valebit.

DUBIUM III. *Num Episcopus Beneficii possit supplere Beneficio in aliena Diœcesi obtento.*

14. **D**ubio præcedenti manet exploratum, posse Episcopum alienum, Beneficium supplere Beneficio similiter ab alieno subdito in sua Diœcesi obtento; quaeritur nunc, an possit dictus Dominus Episcopus supplere Beneficio id aliena Diœcesi obtento. v. g. Petrus cum sit Originarius, ac in domicilio Episcopatus Burtinensis, obtinet Beneficium in Episcopatu Oscensi, quod per se taxam Synodalem Oscensem minimè exæquat, similiter idem Petrus obtinet aliud Beneficium in Episcopatu Illerdensi etiam tenue ita ut neutrum seorsim taxam Synodalem pertingat, conjuncta verò Synodalem taxam expleat: dubitatur, num Dominus Episcopus Oscensis possit Beneficium, quod Petrus obtinuit in sua Diœcesi, & secundum se tenue est, supplere Beneficio ab ipso Petro in Diœcesi Illerdensi obtento, & supplemento expleto, rite ad Ordines promovere.

15. Ut respondeam, supponendum est tamquam certum, alienum subditum, qui in aliena Diœcesi obtinet Beneficium inferioris congruæ, ac non exæquantis Synodalem taxam ad effectum suscipiendi Ordines nullatenus fieri subditum Episcopi illius Diœcesis, nec dictus Episcopus est Superior ad Collationem Ordinum. Hæc constant ex littera. Difficultas ergo in hoc dubio ea videtur, an sicut præsentī Constitutione aufertur DD. Episcopis facultas promovendi alienum subditum, qui in sua Diœcesi obtinuit Beneficium tenue, sic ablata intelligatur ipsis Episcopis facultas supplendi ipsum Beneficium à Petro in sua Diœcesi obtentum, altero Beneficio in altera Diœcesi similiter obtento. Hæc enim facultates separabiles sunt, & optimè componi potest, quod prima auferatur, altera remanente. Sicut enim

enim qui in aliena Diœcesi Beneficium obtinet tenue, non manet subditus illius Episcopi ad effectum suscipiendi ab eo Ordines, manet tamen subditus ad alios effectus, visitandi scilicet, corrigendi, puniendi, &c. ut eruditè notavit D. Lamperez n. 464. Sic in nostro casu poterit Episcopus manere cum facultate supplendi dictum Beneficium, licet non maneat cum facultate altera.

16. Dicimus ergo, salvo meliori, vi præsentis Constitutionis ablatam non esse DD. Episcopis facultatem supplendi Beneficium tenue, quod in sua Diœcesi subditus alienus obtinuit, alio Beneficio, quod ipse subditus in alia Diœcesi adeptus fuit. Probatur doctrina illa generali à Canonistis, & Theologis communiter admissa, scilicet, quod DD. Episcopi in sua Diœcesi possunt, quidquid Summus Pontifex in tota Ecclesia valet, exceptis illis, quæ specialiter ipsis Episcopis prohibentur; at dictum supplementum nullibi reperitur prohibitum; non Jure communi, ut claret ex praxi hætenus observata ab ipsis DD. Episcopis: non vi præsentis Constitutionis.

17. Quod probatur, nam si prædicta facultas in præsentis SS. Innocentii Constitutione ablata fuisset Episcopis, vel esset in illa dispositione in qua exposcitur, quod ut quis fiat subditus Episcopi alieni ad effectum suscipiendi ab eo ordines, debeat in sua Diœcesi possidere Beneficium, quod per se sit congruæ sufficientis, vel in sequenti, ubi Episcopo alieno aufertur potestas, seu facultas supplendi Beneficium tenue cum adjectione Patrimonii; sed in neutra dispositione aufertur facultas de qua disputamus: ergo facultas supplendi dicta, nullibi reperitur DD. Episcopis prohibita, ergo possunt supplere.

18. Minor quo ad II. partem constat, in ea enim dispositione Episcopis alienis prohibetur solummodo Patrimonio supplere; at Beneficium Ecclesiasticum Patrimonium non est, ut est certo certius: ergo. Quod nec in I. dispositione dicta facultas sublata sit, probatur; nam postquam in ea stabilitum fuit, quod obtinens Beneficium in aliena Diœcesi, ut intelligatur subditus illius Episcopi ad effectum suscipiendi ab eo ordines, Beneficium debeat esse tale, quod per se sit sufficientis congruæ, pergit immediatè, & aufert prædicto Episcopo facultatem sup-

plendi defectum congruæ cum adjectione Patrimonii, quod ipse ordinandus in ipsa vel alia Diœcesi obtineret: ergo quia SS. Innocentius intellexit, quod non obstante illo, quod antea dixit, scilicet, quod ut Beneficium obtentum in aliena Diœcesi, efficiat subditum, debeat esse per se sufficientis congruæ, remanebat adhuc in Episcopo alieno facultas supplendi defectum congruæ, adjiciendo Patrimonium, quod ipse ordinandus possideret intra, vel extra suam Diœcesim.

19. Patet hoc, nam si stabilito, quod ut Beneficium efficiat subditum in aliena Diœcesi, debet istud per se habere sufficientem congruam, in ista dispositione intelligeretur exclusa facultas Episcopis alienis supplendi cum adjectione Patrimonii, vel alterius emolumenti, frustra, pergeret ad tollendam facultatem supplendi cum Patrimonio; supponebatur enim jam ablata, & in dispositionibus legalibus nihil superfluum admittitur, ut docent communiter Jurisperiti: si ergo in prima dispositione non aufertur Episcopis alienis facultas supplendi Beneficium tenue, quod alienus subditus in sua Diœcesi obtinuit, altero Beneficio ab eodem subdito in altera Diœcesi obtento, ut manet probatum, evidenter sequitur, nullibi in præfenti Constitutione ablatam esse similem facultatem.

20. Modo sic: semel stabilito in præfenti Constitutione, quod Beneficium non habens congruam sufficientem per se, subjectionem non tribuit ad effectum Ordinum in aliena Diœcesi, semel hoc inquam stabilito, adhuc Episcopus alienus remanebat cum facultate supplendi cum Patrimonio, quod ipse ordinandus possideret intra vel extra Diœcesim Beneficii præfati, ideoque hæc facultas in sequenti dispositione expressè aufertur: ergo potiori jure remanent DD. Episcopi in nostro casu cum facultate supplendi dictum Beneficium altero Beneficio, nunc istud possideatur in sua vel aliena Diœcesi: Deinde nullibi reperitur hoc supplementum prohibitum, sicut supplere Patrimonio, prohibitum, reperitur: ergo licet Patrimonio nequeat Episcopus alienus Beneficium supplere, poterit tamen altero supplere Beneficio, etiam si istud extra suam Diœcesim possideatur, nam quod non est prohibitum, est concessum, *leg. nec non, §. quod ejus, ff. in quibus causis major.*

21. Ex his patet jam quid dicendum in dubio principali: dicimus namque, quod Episcopus alienus augens sive supplens Beneficium tenue, quod Petrus pacificè possidet in illius Dioecesi, altero Beneficio, quod ipse Petrus possidet in altera Dioecesi, idque posse satis demonstravimus, potest etiam dictus Dominus Episcopus Petrum ad Ordines promovere. Ratio est, quia tali supplemento expleto, verificatur, quod Petrus in illa aliena Dioecesi possidet Beneficium congruæ sufficientis, quod requiritur, ut efficiatur subditus illius Episcopi ad effectum Ordinum, ac perconsequens poterit ab isto ad Ordines promoveri.

22. Unde licet Petrus possidens Beneficium tenue in duabus Dioecesibus alienis, nullius earum Episcopi, ad effectum Ordinum, secundum se efficiatur subditus, semel tamen quod unus illorum DD. Episcoporum unum altero Beneficio suppleat, efficitur jam illius, ad dictum effectum, subditus; gaudet enim Petrus in eo casu sufficienti congrua, ob cujus defectum, etiam si Beneficium ibi possideret, subditus ad Ordines minimè erat. Quodque clarissimè explicatur in ipso Petro possidente duplex Beneficium, quodlibet secundum se tenue, in eadem aliena Dioecesi: In hoc casu neutrum Beneficium efficit Petrum ad ordines subditum illius Episcopi; at si Episcopus unum altero suppleat, poterit jam iste Dominus Episcopus Petrum ad Ordines promovere, ut negabit nemo, & nos cum D. Lamperez vidimus supra n. 10. sic similiter, dicendum in præfenti casu.

23. Nec obstat I. Quod in præfenti casu alterum Beneficium possidet Petrus in altera Dioecesi, in qua Episcopus supplens nullam habet Jurisdictionem; in casu autem præcedenti utrumque Beneficium in eadem possidetur Dioecesi. II. Quod in præfenti casu Beneficium ratione supplementi, & non per se gaudet congrua sufficienti: at, secundum præsentem Constitutionem, Beneficium per se gaudere debet sufficienti congrua, aliàs subditum ad effectum ordinum non efficit: ergo.

24. Ad I. enim respondetur, nihil obstat, quod alterum Beneficium possideatur in altera Dioecesi, ut Episcopus, in cujus Dioecesi alterum possidet Petrus, supposito supplemento, possit ipsum Petrum ad Ordines promovere: sicut enim

Episcopus Originis, aut domicilii promovere potest suum subditum Origine, vel domicilio ad Titulum Beneficii, in aliena Diœcesi obtenti, ut communiter fatentur Authores, sic, & potiori jure, in nostro casu poterit Episcopus, supposito supplemento, Petrum promovere, licet iste alterum Beneficium in aliena Diœcesi possideat: Contendimus enim, quod supplemento peracto, & nullibi tali Domino Episcopo prohibitum, Petrus effectus est prædicti Episcopi subditus ad Ordines, cum supplemento peracto, jam possideat Beneficium cum congrua sufficienti in ejus Diœcesi, nihilque amplius præsens Constitutio exposcat.

25. Ad II. Respondetur, quod particula illa *per se* eo tendit, ut excludat mendicitatem in Beneficium possidente, hoc est, quod Beneficium tale sit, ut illud possidens, mendicare minimè egeat: ut colligitur ex Tridentino *sess. 21. cap. 2. de reformat.* Cumque Beneficium, quod alio suppletur Beneficio usque ad congruam, per se occurrat mendicanti, per se etiam ad congruam vitæ sustentationem sufficiet, unde non excludit supplementum per alterum Beneficium, aut alios Ecclesiasticos proventus, alias nec possent DD. Episcopi Beneficium tenue altero Beneficio, in eadem Diœcesi obtento, supplere, cum etiam in casu isto tale Beneficium non per se, sed ratione supplementi redditus ad congruam vitæ sustentationem ministret, & tamen contrarium diximus cum D. Lamperez *dub. præcedenti n. 11.* Cujus doctrina hic adaptari poterit.

26. Sed licet hæc in rigore Juris vera videantur raro tamen ad praxim reducenda, nisi evidentissimè Domino Episcopo supplenti constet, redditus Beneficii in altera Diœcesi obtenti, nullo vitio laborare, aliter timeri possunt fraudes, quas in præfenti Constitutione Sanctissimus Innocentius vitare intendit.

DUBIUM IV. *An Supplemento cum Patrimonio ab Episcopo proprio peracto, possit alienus illum promovere, qui in sua Diœcesi tenue Beneficium obtinuit.*

27. **P**ROPRIO Episcopo nullibi prohibitum esse supplere cum adjunctione Patrimonii Beneficium tenue, constat

stat, tum ex præsentī Constitutione, in qua solis Episcopis Beneficii, seu alienis id prohibetur, tum ex Tridentino *sessio 21. cap. 2. de Reform.* si enim ibi conceditur propriis Episcopis, quod ad Titulū Patrimonii suos subditos promovere possint, quamque facultatem in præsentī Constitutione illāsam SS. Innocentius servat, potiori jure Beneficium tenue supplere Patrimonio valebunt; cui enim conceditur, quod est plus, & quod minus est, conceditur, *cap. cui licet de Reg. jur. in 6.* Hoc tanquam certum supposito.

28. Casus, ad resolvendum dubium, sic potest figurari. Petrus cum sit Originarius, & domicilium habens in una Dioecesi, obtinet Beneficium tenue in aliena, ratione cujus nequit ab Episcopo Beneficii promoveri, non enim prædicto Episcopo per tale Beneficium ad Ordines subicitur, nec ipse alienus Episcopus supplere Patrimonio valet, inquiritur, an si Episcopus proprius suppleat prædictum Beneficium Patrimonio, peracto tali supplemento ab Episcopo proprio, alienus possit ipsum Petrum ad Ordines promovere. Videtur quod sic: nam Patrimonio supplere prohibitum est alieno Episcopo, non proprio: ergo semel expleto supplemento à proprio Episcopo, poterit alienus promovere, jam enim tunc possidet Petrus Beneficium cum sufficienti congrua, & ratione cujus fit subditus ad Ordines alieni Episcopi.

29. Sed oppositum tanquam certum tenendum est; quia cum supplementum factum per proprium Episcopum subsistere nequeat absque ratihabitione Episcopi Beneficii, ipsaque ratihabitione sit proprie Patrimonio supplere, quod Episcopo Beneficii absolutè prohibitum est, inde etiam est, quod huic non solum est prohibitum per se supplere, sed etiam per proprium Episcopum, quando supplementum proprii Episcopi non tantum istius, quantum Episcopi alieni est. Ex his patet solutio ad rationem contrariam numero antecedenti propositam.

30. Sed dices ergo saltem Episcopus Beneficii poterit, cum suis Dimissoriis remittere Petrum ad proprium Episcopum, ut ab eo Beneficium tenue suppleatur Patrimonio, ipsumque promoveat. Negatur enim suppositum consequentis, supponit namque Episcopum alienum in nostro casu posse Petrum remitte-

mittere ad proprium Episcopum, cum non possit: nullus enim Episcopus tribuere Dimissorias, sicut nec ad ordines promovere, sibi non subdito, potest, & Petrus per Beneficium tenue in aliena Dioecesi obtentum, ejus Episcopi ad ordines subditus effectus non est.

31. Sed inquires, an saltem possit proprius Episcopus Petri titulo Beneficii in aliena Dioecesi obtenti, quod tenue supponitur, ipsum promovere, supplendo illum Patrimonio. Respondeo mihi certum esse, quod possit: Episcopus enim proprius potest suos subditos promovere ad Titulum Beneficii, etiam in aliena Dioecesi obtenti, ex dictis *n. 24.* cum communi sententia: Deinde Episcopo proprio Patrimonio supplere nulli prohiberetur; ergo potest absolute, sed raro, & laudabiliter quidem, DD. Episcopi tali facultate utuntur.

DUBIUM V. *An Episcopus Beneficii onera ipsius Beneficii Patrimonio supplere valeat.*

32. **C**onstat ex præsentí constitutione, Episcopum Beneficii defectum fructuum Beneficii Patrimonio supplere nullatenus posse, quæritur nunc, an sicut defectum fructuum supplere nequit, sic nec Beneficii onera Patrimonio supplere valeat. Claritatis gratia proponitur casus. Obtinet Petrus in aliena Dioecesi Beneficium, cujus redditus ad centum aureos pertingunt, & totidem in Synodalibus illius Dioecesis pro promovendis ad Sacros Ordines assignantur; habet tamen pensionem, vel alia onera perpetua in quantitate viginti aureorum, v. g. remanentque octoginta aurei dumtaxat, quibus ab Episcopo Beneficii promoveri Petrus non potest: eget enim Beneficio centum aureorum, ut in casu supponitur, detractis oneribus, & his detractis, octoginta tantummodo remaneant; tunc Petrus Episcopo Patrimonio offert, quo sine dolo, aut fraude illos viginti aureos pensionum, vel onerum pro vita ipsius Petri redimat, ac ita centum Beneficii aurei integrè, & sine ullo onere pro vita Petri maneat, quæritur, an id Episcopus Beneficii efficere valeat, ita ut eo supplemento ab Episcopo peracto, ipsum Petrum ad Ordines, titulo talis Beneficii, promovere queat.

Dixi,

Dixi, *pro ejus vita*, nam si perpetuò onera cassat, certum est posse, tunc enim in ullo sensu onera remanent, sed absolute centum aurei manent integri.

33. Affirmativè respondendum censeo, & quidem satis probabiliter; nam Episcopo Beneficii vi præsentis Constitutionis solummodo supplere prohibetur Patrimonio, quod in linea fructuū Beneficio defecerit: at in nostro casu Beneficio fructus non deficiunt; habet enim redditus centum aureorum, ut in casu supponitur; ergo per tale supplementum defectus fructuum non suppletur, sed fructus qui jam supponuntur, exonerantur, extrahendo ab ipsis onera, quod est valde diversum.

34. Licet enim ipsum extrahere onera, sit redditus augere; crescunt namque redditus Beneficium possidenti, quantum onera ipsius Beneficii exigantur, hæc tamen accretio per Patrimonium non ea est, quæ in præsentis Constitutione prohibetur, in ista namque solum interdicitur Patrimonio accrescere, vel supplere, quando fructus Beneficii uon exæquant Synodali taxæ, ut eveniret in casu quo fructus Beneficii attingerent solū quinquaginta aureos, & Episcopus Beneficii Patrimonio augeret alios quinquaginta: Hoc inquam supplementum est, quod præsentis Constitutione exterminatur, expletur enim per illud, quod fructuum defecerat Beneficio: aliter autem in præsentis casu contingit, in quo non defectus fructuum suppletur, sed fructus qui jam erant ab oneribus liberantur, quodque non est fructus supplere: sicut enim qui maculam è panno abradit, pannum nec supplet, nec addit, sed dumtaxat pannum à macula liberat, sic qui à fructibus Beneficii onera extrahit, fructus nec supplet; nec addit, sed solum ab oneribus vindicat, hoc autem haud prohibitum est.

35. II. Probatur, quia in præsentis Constitutione non quodlibet supplementum prohibetur, sed illud dumtaxat, quo fructus Beneficii suppletur, & hoc cum adjectione Patrimonii, sic enim in textu legitur: *Sublata quacumque facultate supplendi quod defecerit fructibus ejusdem Beneficii cum adjectione Patrimonii etiam pinguis, &c.* At in nostro casu defectus fructuum non suppletur Patrimonio, ex dictis, nec verificatur fieri per adjectionem, adjicere enim fit per additionem numeri ad numerum,

ut explicat Calepinus, ac D. Ambrosius *de Abel, & Cain lib. & cap. 1.* colligiturque *ex 2. Reg. 12. 8.* ibi: *Si parva sunt ista, adjiciam tibi multo majora, & ex Psalm. 60. n. 7.* *Dies super dies Regis adjices*, & alibi sæpè. Ubi constat quod adjicere est novum numerum addere, & quod antea non erat, quodque in nostro casu non contingit, cum centum illi aurei non componantur ex fructibus Beneficii, & ex Patrimonio, immo omnes sunt fructus Beneficii, licèt pars eorum Patrimonio extersi fuerunt, eo autem ipso quod extersi fuerunt dicti fructus, hoc manifestat, quod jam erant, minimè ergo additi fuerunt tali Patrimonio: ergo in nostro casu, nec verificatur supplementum fructuum, nec cum adjectione: ergo non prohibetur.

36. Probatur III. Quia præsens Constitutio in præsentī casu exposcit solum, quod detractis oneribus, Beneficium per se ejus sit redditus, ut taxam Synodalem exæquent, & quod illi fructus suppleri nequeant cum adjectione Patrimonii: ergo cum in nostro casu onera, & non fructus Patrimonio suppleantur, non est casus à præsentī Constitutione interdictus. IV. Quia ut docet Barbossa *de Appellat. verb. Appellat. 103. n. 22.* Onera, & fructus quid valdè diversa sunt: ergo lex prohibens fructus Patrimonio supplere, non prohibet onera Patrimonio detrahere, maximè cum præsens Constitutio in eadem clausula de fructibus, & oneribus mentionem fecerit.

37. Sed dicēs; absque tali supplemento non extant in nostro casu fructus sufficientes in Beneficio, ut per illud possit Petrus ab Episcopo alieno promoveri: ergo tali supplemento per Patrimonium facto, verè & propriè Patrimonio fructus Beneficii suppleantur, at hoc præsentī Constitutione interdictum est: ergo. Antecedens constat, nam si absque tali supplemento, Beneficii fructus taxæ Synodali æquarent, abs dubio posset Episcopus Petrum promoveri: ergo si non potest, signum est, quod in tali Beneficio fructus deficiunt: ergo & quod tali supplemento suppleantur fructus. Roboratur id amplius; nam quantum in Beneficio onera crescunt, fructus minuuntur: ergo etiam è converso, quantum onera Patrimonio minuuntur, fructus ipso Patrimonio accrescunt; sed hoc est fructus supplere per adjectionem Patrimonii, quodque prohibitum est: ergo.

38. Respondetur, distinguendo antecedens, non sunt fructus expediti, concedo; non sunt fructus absolute, nego antecedens, & consequentiam. Ad probationem respondetur, Episcopum impotentem esse ad promovendum Petrum tali Beneficio, non defectu fructuum, habet enim per se Beneficium sufficientes fructus, ut in casu supponitur, sed quia licet Beneficium sufficientes fructus habeat, detractis oneribus non habet, & utrumque requiritur, ut Episcopus alienus in nostro casu Petrum promovere possit. Hinc immo nostrum probabile assertum roboratur: cum enim ut Episcopus alienus promovere valeat alienum subditum, debet hic in illius Dioecesi possidere Beneficium, quod per se, detractis oneribus, sufficiat ad congruam sustentationem, posteaque prædicto Episcopo facultatem auferat supplendi defectum fructuum, nihil de oneribus innovans, sequitur inde, & quod Patrimonio onera detrudere prohibitum non est, & quod supplemento onerum peracto, Beneficium per se, detractis oneribus, sufficientem habet congruam, sicque titulo illius poterit alienus Episcopus alienum subditum promovere.

39. Ad confirmationem respondetur distinguendo antecedens, quantum onera crescunt, fructus minuuntur Beneficio, nego, Beneficiato, transeat, & similiter distinguendum est consequens: Unde Beneficio per impositionem, vel deductionem onerum, fructus nec minuuntur, nec augentur, semper enim habet centum aureos ut supponitur in casu, licet verum sit quod Beneficiatus minus percipiet de illis fructibus, quantum ipsi plus onerentur, idque efficere valet, ne dictus Beneficiatus promoveri possit, non autem ut Episcopus Patrimonio onera supplere non valeat: quare in præsentis dispositione duo præcaventur, & quod institutus in Beneficio, hoc tale sit, ut per se, & detractis oneribus, ad congruam sustentationem sufficiat, & quod defectus fructuum Beneficii Patrimonio suppleri nequeat, cumque, in præsentis fructus Beneficii non suppleantur Patrimonio, inde est, quod licet onera minuantur, fructus Beneficio non crescunt, sed Beneficiato, hoc autem præsentis dispositione non prohibetur Patrimonio fieri, sed solum quod fructus Beneficii Patrimonio non suppleantur, quod valde diversum est.

40. Tria oportet in præfenti cum D.Lampereꝝ *n. 366. 67. & 68.* admonere. I. Quod inter onera Beneficii Miſſæ computandæ non ſunt, niſi Miſſarum numerus exceſſivus ſit, nec per ſe Beneficiatus celebrare valeat, ſed aliis ſtipendia tribuere cogatur: in hoc enim caſu, ſi deſtractis his ſtipendiis, fructus Beneficii taxam Synodalem, vel Regionis morem non exæquant, non erit ſufficiens titulus, ut ab Epíſcopo alieno Capellanus promoveri poſſit; verum tamen eſt, quod hac via raro Beneficium defectu congruæ laborabit: regulariter enim in Inſtitutionibus aſſignatur Capellanis majus ſtipendium quando ipſi eas Miſſas celebrant, ac quando aliis celebrandas tradunt. II. Quod taxa reddituum Beneficii debet eſſe juxta Synodales, vel morem Regionis Dioceſis, in qua Beneficium obtentum eſt non autem alterius Dioceſi, licèt ſit originis, vel domicilii Ordinandi.

41. III. Quod licèt Epíſcopus diſpensare poſſit in ſuis Synodalibus, in taxa autem iſta diſpensare nequit; Sanctiſſimus enim Innocentius vult, quod hæc taxa ſit juxta Synodales abſolutè, & non juxta diſpensatas, aliter fraudes non evitarentur. Quibus addè. IV. Scilicèt, quod licèt Epíſcopo alieno interdictum ſit ſupplere Património defectum fructuum Beneficii, ut iſto promoveri valeat, ſecus tamen ſi promotum inveniat: Quare ſi Petrus in aliena Dioceſi Beneficium obtinuit congruæ ſufficientis, eoque ad omnes ordines promotus fuit, ac poſtmodum permutare voluerit cum altero Beneficio tenui, nec ſufficientis congruæ, poterit alienus Epíſcopus defectum Beneficii tenuis Património ſupplere, ut permutans verificare valeat, cum ſufficienti congrua manere.

Quintum, quod quamvis Beneficium, in aliena Dioceſi obtentum, non pertineat ad Collationem illius, in cujus Dioceſi ſitum eſt, ſed ad alium, dummodo ſubſit quoad alia jura Epíſcopalia, hoc ſatis erit, ut ſcilicèt Epíſcopus Dioceſanus ſit Ordinarius collator ordinum talis Beneficiati, ſecus quando reliqua etiam jura Epíſcopalia ad alium Collatorem pertinerent, ut docent Pax Jordanus *cit. n. 8. Quaranta, verb. Ordo, verſ. 2. intellige*, Garcia *p. 2. cap. 4. n. 15. Campanli. rubric. 9. n. 15. Barboſſa de poteſt. Epíſc. allegat. 4. n. 52. ſubdens num. 53.* Quod ſi Beneficium unius Dioceſis unitum fuerit alteri, vel

Præbendæ distinctæ Diœcesis, non nisi Episcopo subesset, in
cujus Diœcesi, extaret Beneficium, vel Præbenda, cui anne-
ctitur, & à solo isto promoveri posset.

DUBIUM VI. *An domini Episcopi promovere valeant alienos
subditos titulo Cappellaniæ perpetuæ in suis Diœcesibus institutæ.*


42. **R** Espondetur affirmativè, dummodo sint sufficientis
congruæ, in eisque concurrant reliquæ circumstan-
tiæ in præsentî Constitutione n. 3. relatæ. Ratio est, nam præ-
sens Constitutio tantum exposulat in præsentî casu, quod alie-
nus subditus in aliena Diœcesi obtineat, ac possideat pacificè
Beneficium congruæ sustentationis, &c. At qui in aliena Diœ-
cesi Cappellaniam Collativam perpetuam obtinet, possidet-
que pacificè cum prædictis circumstantiis congruæ, &c. Bene-
ficium obtinet quale præsentî Constitutione exposcitur: dictæ
enim Cappellaniæ rigorosè, & propriè Beneficium sunt, ut docet
Glos. in *Clement. si Beneficiorum de Decimis*, Tusco, Zeballos,
Ledesma, Azor, Diana, Bonacina, Trullench, & alii relati à
Barbossa, tum *de potest. Episc. par. 2. allegat. 12. n. 10. tum juris
universi, lib. 3. cap. 5. n. 20. Leandro à Sacramento tom. 2. tract. 6.
disput. 9. quæst. 17. Palao par. 2. tract. 13. disput. 1. punct. 6. n. 1.*
& in terminis præsentis Constitutionis D. Lamperez num. 381.
Ergo possidens prædictas Cappellantias in aliena Diœcesi, Be-
neficium in ea possidet, ac proinde ab Episcopo talis Diœcesis
promoveri poterit. Quod apud omnes, quos viderim, certum
est, nec ampliori discussione indiget. Additamen Salcedo in
*præf. ad Bernard. Diaz cap. 18. n. 9. prædictam doctrinam mi-
litare, estò dictæ Cappellaniæ in prima erectione laicales for-
rent, dummodo postmodum collativæ efficiantur.*

43. Casu tamen quod Cappellaniæ prædictæ taxam Syno-
dalem non æquent, possunt prædicti DD. Episcopi ipsas aliis
Cappellaniis collativis perpetuis, vel vitalitiis, distributioni-
bus, pensionibus, aliisve redditibus Ecclesiasticis sive intra, aut
extra eorum Diœceses à promovendo possessis, supplere; non
vero Patrimonio, aut alio naturam Patrimonii participante, ut
sunt Cappellaniæ laicales, quod omne intelligendum est, cum

moderatione, & limitationibus supra, dum de qualitate Beneficii egimus: dicta enim de Beneficio, proportionem servata hic applicanda, sunt enim prædictæ Cappellaniæ Beneficium propriè. Nec requiritur quod ante promotionem fructus percipiat, sed sufficit quod titulum pacificè possideat, licet possidens ante promotionem ad Præbyteratum, fructus percipere nequeat, eo enim quod titulum possideat, vere & propriè Beneficium possidet, nihilque amplius in præsentī dispositione exposcitur, & ita docent Garcia de Benefic. part. 2. cap. 5. n. 110. Barboss. citat. Alleg. 19. numer. 29.

44. Hactenus in præsentī Dubio dicta, de Episcopo Beneficii, seu alieno intelligenda veniunt, nam proprius Episcopus non solum, quæ de alieno diximus, valerè verum Patrimonio, Cappellaniisque laicalibus supplere defectum congruè in Beneficiis quirit; hocque utilitate, aut Ecclesiarum necessitate minimè attendit. Primum inde constat, quod præsens Constitutio Episcopis dumtaxat Beneficii, non originis, aut domicilii facultatem supplendi cum adiectione Patrimonii, aufert: Secundum etiam patet, nam quando Trident. sess. 21. cap. 2. de Reformat. necessitatem, aut utilitatem pro promovendis à propriis Episcopis exposcit, loquitur, quando prædicti Episcopi ad titulum Patrimonii, aut pensionum proprios subditos promovere intendunt, secus quando ad titulum Beneficii, Cappellaniæve perpetuæ Collativæ ipsos promovent. Nec quia Beneficium Patrimonio augetur, naturam Beneficii amittit, immo cum Beneficium dignius sit, pro principali reputatur, cuique Patrimonio tanquam accessorium sequitur, cap. accessorium de regul. jur. in 6. Unde promotus ad titulum Beneficii Patrimonio adducti, semper verificat, quod titulo Beneficii promotus fuerit. Si tamen Beneficium ita tenue fuerit, ut fere toti fructus Patrimonio supplerentur, securius esset necessitati, aut utilitati Ecclesiarum consulere.

DUBIUM VII. *An DD. Episcopi promovere valeant alienos subditos titulo Cappellaniæ collativæ Vitalitiæ, in suis Diœcesibus erectæ.*



45. **D**upliciter institui possunt prædictæ Cappellaniæ, vel pro una dumtaxat vita, qua extincta, bona, seu fundi ad usus sæculares iterum reddunt: vel pro duplici, aut triplici vita, quibus expletis, fundi in usus pios convertuntur; hujus secundi generis frequenter in Provincia Tarraconensi Beneficia instituuntur, vocanturque *Personatus*, & de his omnibus in præsentī dubitatur. An tituli sint sufficientes, ut Episcopus alienus alienos possit subditos promovere, dummodo institutæ in suis Diœcesibus extent, taxam Synodalem, moremve Regionis redditus exæquent, pacificeque, ac sine fraude, aut dolo possideantur.

46. Et incipiendo à Personatibus prædictis, respondetur, esse titulum sufficientem, ut DD. Episcopi subditos alienos promovere valeant: sunt enim proprie Beneficia, ut censuit Rota in una *Gerunden. 379. novissimarum apud Paulum Rubeum part. 5. tomo 1. sub 17. Martii 1630.* Consonantque Concilium Provinciale Tarraconense lib. 3. *Constit. Provinc. Tarraconen. Titulo de Institut. cap. 5.* Ubi ore pleno prædicti Personatus Beneficia vocantur, Trullench tom. 2. lib. 7. cap. 12. dub. 6. à num. 2. Navarro lib. 5. *consil. 43. ad tract. de Beneficiis, & 44. ad tit. de Simonia*, Mendo in *Epitome Morali, verb. Beneficium, n. 18.* RR. P. Thomas Munieffa speciali disputatione de Personatibus Tarraconensibus *sect. 5. n. 55.* cum aliis ab eo relatis; at titulo Beneficii habentis prædictas circumstantias, possunt DD. Episcopi subditos promovere alienos: ergo. Efficacia ratiocinii sequenti asserto expendetur, quæ enim in eo dixerimus, potiori jure Personatibus adferes.

47. Respondetur ergo II. Titulo Cappellaniæ Collativæ Vitalitiæ, id est, quæ pro unica dumtaxat vita instituitur, posse DD. Episcopos subditos alienos promovere; dummodo prædictæ Cappellaniæ in suis Diœcesibus instituantur, aliæque conditiones in præsentī Constitutione expressæ, non desint. Ratio

est; nam prædictæ Cappellaniæ rationem Beneficii propriè participant, in eisque instituti, verè sunt Ecclesiastici: gaudent enim privilegio fori, & Canonis, ut loquendo de Personatibus Tarraconensibus docet citatus Trullench: habent ergo quidquid requiritur vi præsentis Constitutionis, ut ipsas Cappellanas possidentes, subjiciantur prædictis DD. Episcopis, ab eisque promoveri valeant.

48. Antecedens, in quo difficultatis cardo volvitur, ostenditur. Teste enim, cum communi, Barbossa *Juris Univer. lib. 2. cap. 4. n. 10.* Natura Beneficii unicè nittitur in jure percipiendi redditus provenientes ex bonis Ecclesiasticis; at prædictum jus Institutis in præfatis Cappellaniis non deficit; alias fundi à quibus dicti redditus procedunt, Decreto Ordinarii interposito, Ecclesiastici fiunt, statumque Sæcularem amittunt, nec super illos tributa Regalia cadunt, ut in suo Pastoralis Edicto expedito 15. *Maii 1694.* supponit Illustriss. D. D. Franciscus Caldeiron de la Barca meritissimus Præful Salmantinus: nec enim absque Ordinarii Decreto alienari possunt, immo nec vendi dictæ Cappellaniæ valent, quin vendentes simoniæ labe inficiantur; at si Beneficia non essent, pecunia possent comparari, ut de pure laicalibus probabiliter censent Barbossa *cit. lib. 3. cap. 5. n. 3.* N. P. Ramon Cartulla *Mor. tract. 3. cap. 2. pregum. 23.* Ergo maximè quia Beneficia verè, & propriè sunt.

49. Nec obstat I. quod Beneficium indispenfabiliter exigit à Superiore Ecclesiastico conferri, *cap. Massana de elect. c. si quis deinceps, cap. nullus laicorum cap. per laicos 16. q. 7.* & dictæ Cappellaniæ per laicos fundatores regulariter conferuntur. II. Beneficia debent esse perpetua, *cap. Sanctorum, dist. 70. cap. ex parte tua, de Clerico agrotante, cap. si gratosè de rescriptis in 6.* Prædictæ autem Cappellaniæ, utpote Vitalitiæ, temporaneæ sunt. Ad I. enim respondetur, quod aliud est ad Beneficia præsentare, aliud ipsa beneficia Canonice conferre, hocque, non illud proprium est Superioris Ecclesiastici, nec in nostro casu deficit, cum prædictæ Cappellaniæ supponantur ab Ordinario institutæ, & collatæ, hancque Collationem Sacri Canones Sæcularibus interdiciunt, ut patet *capit. Constitut. Sanctorum, eadem causa 16. & quest. 7.*

50. Ad II. respondetur, quod licèt citati Canones perpetui-

ruitatem in Beneficiis exigant, non adeò tamen ita indispensabilis est, ut Ecclesia Beneficia Ecclesiastica pro determinato tempore instituere nequeat, ut cum Barbossa *d. cap. 4. n. 12. Garcia de Benef. part. 1. cap. 2. n. 75.* aliisque docet Palao *part. 2. tract. 13. disput. 1. punct. 1. n. 5.* ibi: *Existimo posse Ecclesiam instituere Beneficia pro aliquo tempore determinato, & sic instituta veram habere rationem Beneficii: quia saltem pro illo tempore esset jus spirituale percipiendi fructus.* Quo in jure præcipua ratio Beneficii nititur: cumquæ omnia ista in præfatis Cappellaniis inveniuntur, erunt proprie beneficia, subjectionemque alieno Episcopo tribuent, ac consequenter in illis Instituti, ab isto poterunt promoveri.

§1. Ratio est; nam quamvis Beneficium ex institutione Sacrorum Canonum perpetuitatem exposcat, idest, quod semel Institutum, irrevocabiliter permanere debeat; si tamen, qui illud instituit, ea conditione instituerit, ut pro unica vita dumtaxat permaneat, eaque extincta, cesset, exceptio valet, Ecclesiaque cum tali exceptione admittere, & instituere valet; sicut enim quæ Ecclesiis legantur, Jure Ecclesiastico alienari nequeunt, *cap. fin. de rebus Ecclesiæ alienandis, vel non*, hoc est, quod semel possessa ab Ecclesia, hæc alienare non valeat, absque solemnitatibus in ipso Jure præscriptis, *cap. nulli eodem tit. & cap. sine exceptione 12. quæst. 2.* Si tamen Titius Ecclesiæ aliquid legaverit ea adjecta lege, quod pro suo libito, non expectatoque Jure, alienare Ecclesia possit, exceptio teneret, cum illaque Ecclesia prædictum legatum acceprare posset, ut docet Palao *cit. tract. 12. punct. 15. §. 2. n. 14.* Qui enim absolutus Dominus alicujus rei est, eamque alteri tribuit, tribuere valet pactis, legibus, & conditionibus sibi benè visis, etiam si Ecclesiæ tribuat, ut colligitur *ex cap. verum de conditionibus appositis*: quilibet namque suorum bonorum arbiter est, *leg. in re mandata. C. mandati*. Hominisque dispositio cessare facit dispositionem legis, *leg. fin. Cod. de pactis, leg. maritus, C. de Procuratoribus*. Similiter ergo in nostro casu dicendum, quod licet Beneficium Ecclesiastica lege perpetuitatem exposcat, si tamen instituens nollit nisi pro unica tantum vita erigere, exceptio tenet, cum eaque acceptari ab Ecclesia valet: ergo perpetuitas deficere po-

test Beneficiis, quin eò, titulo proprio Beneficii careant.

52. Sed demus, perpetuitatem indispensabilem Beneficii esse, adhuc resolutio nostra tenet: licet enim omnes conveniant, quod ut quis titulo Beneficii promoveatur, hoc debet esse perpetuum, inexploratum tamen hætenus est, ubi perpetuitas stare debeat, an in Beneficiis, an in Beneficiatis, an in utroque simul, in quo Doctores videndi apud Palaum supra *tract. 13. disp. & punct. 1. n. 6.* Garciam citat. *à n. 65.* maximè discordant. Nobisque non interest explorare, à quo Beneficii perpetuitas proveniat, sed solum, quam perpetuitatem Sacri Canones in Beneficiis exquirunt, ut ista subjectionem tribuant, eorumque titulo in ipsis instituti, ad Ordines promoveri valeant.

53. Dicimus ergo, quod quando Tridentinum, Sacrique Canones perpetuitatem in Beneficiis, ut eorum titulo promoveri possit, exposcunt, solummodo exposcunt perpetuitatem ex parte recipientis Beneficium, seu Beneficiati, non Beneficii. Hoc est, solum curant, quod instituti in Beneficio, inamissibiliter possideant, nec ab ejus fructibus privari valeant, quin præcipuè attendant, an Beneficium post vitam instituti permaneat, necne. Ira Bonacina, de Sacramento Ordinis *disput. 8. quest. unic. punct. 5. n. 40.* Ubi exagitans, an Titulus Beneficii debeat esse perpetuus, ait: *Respondeo debere esse perpetuum respectu ipsius Clerici, & colligitur ex Trid. sess. 21. cap. 2. de Reformat. Barbosa de potest. Episc. Allegat. 57. n. 141.*

Ratioque est manifesta; quando enim Tridentinum loco cit. Beneficium pro promovendis ad Ordines, congruæ sustentationis exposcit, finem expressit, ne scilicet Ordinatus cum indecentia status mendicaret: ergo præcipuè præcavere intendit, ne dum promotus viveret, decenti congrua pro ejus alimonia careret: Ad hoc ergo, quid quod Beneficium post promoti vitam perseveret, necne? Fortè eo mortuo alimentis eget? Ergo perpetuitas, quam Sacri Canones in Beneficiis expetunt, ut quis eis promoveri possit, sufficit quod ex parte Beneficiati sit; cum ergo hanc habeant Cappellaniæ de quibus loquimur, inde est, quod ad earum titulum Episcopi alieni promoveri valeant.

54. Confirmatur efficaciter I. Quia estò Beneficium in se perpetuum, sit, si tamen à Prælato perpetuò non confertur, sed

pro ejus nutu, quodque à Prælatiis fieri posse, docet Palao supracitatus, sic institutus, nequit ad Ordines promoveri, ut negavit nemo: signum ergo est, quod perpetuitas Beneficiorum non in Beneficiis, sed in Beneficiario stare debet, aliter Triden- tinum Patrimonio, aut Pensionibus promoveri, non permitte- ret, cum mortuo promoti, & illa moriantur. II. Nam ut do- cent Garcia, & Squilante citati à Barbossa *Jur. Univer. lib. 1. c. 33. n. 66.* Ut quis titulo Beneficii promoveatur, sufficit ipsum in Commendam possidere, dummodo fructus sufficientes sint, innamissibiliterque à Commendatario possideantur; & patet, quod sola perpetuitas ex parte Beneficiarii reputatur pro titulo sufficienti ad Ordines: cum ergo hac non careant prædictæ Cap- pellaniæ, cur non erunt titulus sufficiens, sicut Beneficium in Commenda.

55. Dices, quod Cappellaniæ Vitalitiæ naturam Patrimo- nii sapiunt, & regulariter dolo creantur; licet enim eas erigens ad sufficientes fructus tribuendos Cappellano obligetur, obliga- tio tamen ista, praxi teste, illusoria est: instrumento namque antecedenti, vel alio medio instituentes se muniunt, ut ab eis Cappellani fructus extorquere, nequeant. Insuper. Pensiones Ecclesiasticæ perpetuæ ex parte Pensionarii sunt, nec tamen ideo Beneficii naturam participant: ergo Cappellaniæ dictæ licet per- petuæ ex parte Cappellani sint Beneficia non erunt: at quod Be- neficium non est, nec titulus, ut ab Episcopo alieno quis pro- moveatur, potest esse: ergo.

56. Ad primum enim responderetur, quod licet prædictæ Cap- pellaniæ majori permanentia non gaudeant, quam Patrimonia, non inde inferitur, quod naturam Patrimonii sapiant: Pensiones enim Ecclesiasticæ Vitalitiæ ex se sunt, & tamen non ideo ut Pa- trimonium reputantur, immo quid diversum sunt, colligitur- que ex Triden. citat. *sess. 21. cap. 2.* Distinctio ergo, quæ inter prædictas Cappellaniæ, ac Patrimonium intercedit, ea est, quod illæ fundi in quibus instituuntur, divino dicantur Officio, tum celebratione Missarum, tum Horarum Canoniarum pensu; & quia media Canonica institutione jus tribuitur Cappellano, ut fructus perpetuò exigere valeat, in quo præcipuè ratio Beneficii stat; quod quidem Patrimonium ex sua natura minimè habet.

57. Ad id quod de fraudibus, & dolo additur, responde-
tur, non esse nostrum casum, in eo enim supponitur sine fraude
prædictas Cappellánias institui, quodque evenire potest, sicut
de titulo Patrimonii ratiocinatur Illustriss. D. Monferrat Urgel-
litanus Præsul *in suo Opusculo Sacro*, pag. 160. Unde quando
DD. Episcopi fraudes in præfatis Cappellániis præsenferint,
laudabiliter quidem, in eis institutos, è promotione Ordinum
repellent; hoc tamen non tollit, quo minus, si sine fraude insti-
tuantur, possint earum titulo ad Ordines subditos alienos pro-
movere, ex dictis. Ad secundum de pensionibus responderetur,
eo Beneficium non esse, quod ipsis Canonica institutio deficiat,
& sine eo implicat Beneficii naturam sortiri, *cap. 1. de regulis
juris in 6.* Hanc autem institutionem prædictæ habent Cappel-
laniæ, ut supponimus, ratione cujus propriè Beneficia efficiun-
tur, sicque nulla est paritas.

58. Ex his etiam patet solutio *ad cap. Sanctorum*, cæterof-
que Canones supra n. 49. relatos, responderetur enim I. quod si
dictis Canones rectè inspiciantur, non perpetuitatem ex parte
Beneficii, sed Beneficiati præcipuè intendunt. II. quod si ali-
quando tum in prædictis, tum aliis Canonibus perperuitas Be-
neficii indicatur, intelligendi sunt de perpetuitate Beneficii in
ordine ad alios fines, ut colligitur *ex cap. cum de Beneficio de Præ-
bendis in 6.* non vero quantum ad effectum recipiendi ordines,
ad hunc enim finem sufficit perpetuitas ex parte Beneficiati, ut
cum communi resolvit Barbossa *Jur. Univers. lib. 3. c. 4. n. 13.*

DUBIUM VIII. *Utrum titulo Cappellaniæ Patronatus pure
laicalis possit quis ad Ordines promoveri.*

59. **R**espondeo I. Episcopum alienum promovère illum,
non posse, qui in sua Diocesi prædictam Cappel-
laniam obtinuit, estò hæc perpetua sit, immo licèt Cappella-
nus jus habeat ad Ecclesiasticas distributiones in aliqua Ecclesia
ipsius Diocesis, vi præfatæ Cappellaniæ. Ratio est; quia præ-
dictæ Cappellaniæ nullatenus naturam Beneficii participant;
at subditus alienus Beneficio dumtaxat, & cum circumstantiis
sæpè memoratis alieno Episcopo, ad effectum suscipiendi ab isto
ordi-

ordines, subijcitur cum ergo prædictæ Cappellanix in ullo sensu Beneficium sint, nec subjectionem alieno Episcopo, ut ab isto promoveri possit, tribuent. Major constat, nam prædictæ Cappellanix Canonica carent, ut supponitur, institutione, sine qua implicat rationem Beneficii sortiri, *cap. 1. de regul. jur. in 6.* Minor patet ex verbis præsentis Constitutionis, & consequentia inferitur.

60. Si tamen Canonicè perpetuò instituantur, Beneficii naturam induent, ac consequenter in eis instituti, ab alieno Episcopo promoveri valebunt, dummodo aliæ circumstantiæ, in præsentis Constitutione conscriptæ, non deficiant. Sed quid si pro vita tantum Petri instituantur, qua finita, ad pristinum laicalem statum iterum refluant. Respondeo id sufficere, ut ab Episcopo alieno Petrus promoveri valeat. Ratio est, nam praxis DD. Episcoporum hactenus observata, intellexit, quod prædictæ Cappellanix, licèt pro unica dumtaxat vita instituantur, iterumque ad statum laicalem revocentur, sufficere, ut stante Canonica institutione, & pro tempore quo hæc permanet, Beneficii naturam fortiantur: at Beneficio cum memoratis circumstantiis promovere DD. Episcopi alienos subditos valent: ergo.

61. Dices. Sacra Rota apud Barbossam *Juris univ. lib. 3. cap. 4. n. 31. & 32.* declaravit, quoddam legatum laicale Missarium, quod pro unica vita institutum fuit, tali institutione minimè Beneficium Ecclesiasticum vocandum, sed laicale manere: sic ergo in præsentis dicendum, quod licèt prædictæ Cappellanix instituantur, cum pro unica dumtaxat instituantur vita, naturam Beneficii non induent, sed laicales semper manere. Responderetur enim, prædictas decisiones Rotæ intendere, quod quia legata semel instituta fuissent, in eoque statu ultima præsentatio inveniret, non ideo pro Beneficio Ecclesiastico perpetuò habenda; id est, quod futuris temporibus etiam instituenda forent, cum per unicam institutionem status laicallis in eis non fuerit præscriptus. Intelligentia hæc colligitur manifestè ex fundamento prædictarum Rotæ decisionum; fundantur enim *cap. cum de Benefic. de Præbendis in 6.* & ibi lis erat super præscriptione Beneficii multò tempore per seculares administrato, licèt in antecedentibus per Regulares ministratum

tum fuisset. Utrum autem prædicta legata fuerint, nec ne Beneficium, pro tempore quo instituta fuerunt, nihil in eis dicitur; sicque praxi standum.

62. Respondeo II. Possè DD. Episcopos prædictis Cappellaniis subditos proprios promovere, consulendo necessitati, utilitative suarum Ecclesiarum; si enim, cum moderatione dicta, Patrimonio suos subditos promovere valent, potiori jure ad titulum prædictarum Cappellaniarum promovere valebunt, naturam namque Patrimonii participant, ut cum Salcedo, Gonzalez, Garcia, & aliis docet Palao *dict. tract. 13. disput. 1. punct. 6. n. 6.* ibi: *Tertio infertur, ad titulum Cappellaniae laicae neminem ordinari posse, tanquam ad titulum Beneficii, quia Beneficium non est; at si perpetua sit, ordinari poterit ad illius titulum, tanquam ad titulum Patrimonii.*

63. Sed quando hæc necessitas, aut utilitas Ecclesiarum intelligitur? Responderetur, quod Tridentinum arbitrio DD. Episcoporum reliquisse constat *ex sess. 21. cap. 2. de Reformat.* Videndus tamen Diana *p. 4. tract. 4. miscell. resol. 209. & part. 10. tract. 11. n. 10.* Ubi in simili causas ad dispensanda interstitia adnumerat, quæ hic facile coaptari possunt.

64. Videtur tamen, quod quando Cappellania laicalis aggregata perpetuò invenitur distributionibus alicujus Ecclesiæ, hujus necessitas ea aggregatione comprobatur: Cum enim Ecclesiæ ad Distributiones non admittant, nisi necessitate compulsa, *cap. ut quisque. De vita, & honestat. Clericorum.* Trident. *sess. 21. cap. 4. de reformat.* Infertur, quod quando Ecclesia Cappellanum ad suas Distributiones admittit, necessitate compulsa admittit: Unde ex tali admissione necessitas illius Ecclesiæ satis comprobatur, ob quamque Episcopus Cappellanum proprium subditum promovere valebit, eo tempore quo necessitas in dicta Ecclesia permanserit. Dixi eo tempore, quia si cursu temporis in illa Ecclesia Beneficia instituantur, ratione quorum necessitati occurratur, cum jam sic necessitas cesset, cessabit etiam motivum promovendi titulo dictarum Cappellaniarum ob necessitatem.

65. Infertur hinc I. Episcopum alienum promovere non posse alienum subditum titulo Patrimonii, aut Pensionum, quia
chæ

hæc facultas conceditur à Trident. citato Episcopis dumtaxat propriis, originis scilicet, aut Domicilii, ut docet Leander à Sacramento p. 2. tract. 6. disp. 8. q. 17. & 18.

66. Infertur II. Episcopum proprium absolutè posse suos subditos promovere titulo Cappellaniæ pure laicalis, estò hæc erecta extra suam Dioecesim fuerit, dummodo Cappellanus vi talis Cappellaniæ obstrictus non sit indispensabiliter Missas in Ecclesia, vel Cappella alterius Dioecesis celebrare: cum enim titulo Cappellaniæ præfatæ promoveatur tanquam ad titulum Patrimonii, quodque necessitatem, aut utilitatem exposcit, & de quibus Episcopo in aliena Dioecesi alienum est judicare, hinc est, quod si Cappellanus obstrictus est Missas extra propriam Dioecesim celebrare, Episcopus non poterit titulo talis Cappellaniæ promovere: si tamen arbitrio Cappellani celebratio Missarum, quo ad locum, relinquatur, tunc poterit Episcopus proprius, consulta tamen necessitate, aut utilitate Ecclesiarum suæ Dioecesis, ipsum promovere: sicut enim promovere potest titulo Patrimonii, aut pensionis extra suam Dioecesim obtentæ, sic poterit titulo Cappellaniæ extra propriam Dioecesim obtentæ promovere.

DUBIUM IX. De præstimoniis, aliisque titulis.

67. **P**Ræstimonia vocantur, quædam fructuum partes, quæ à Beneficiis extrahuntur, & Præstimoniario consignantur, antiquitus inducta, ut eisdem fructibus faverentur, qui litteris, militiæque pro Ecclesiæ defensione operam dabant, ideoque *Præstimonium*, quasi *præstans munus*, dicebatur, propter obsequium quod Ecclesiæ præstabant, qui intuitu talium fructuum in litteris, & militia exercebantur: De his Præstimoniis mentionem faciunt textus in cap. fin. de concessione Præbende in 6. ac Trident. sess. 14. cap. 9. de Reformat. Et de his controvertitur, num titulus sit sufficiens, ut possit illud possidens promoveri tum à proprio, tum ab alieno Episcopo.

68. Pro cujus resolutione supponendum est, quod licet quando dicta Præstimonia inducta fuerunt, Beneficia non erant; fructus enim tunc non tribuebantur, intuitu officii spiritualis,

nunc tamen Beneficia propriè sunt. conferuntur namque in Titulum, habentque officium spirituale annexum, quale est Horarum Canonicarum pensum, Palao *dict. tract. 13. disput. 1. punct. 7. n. 1.* Barbosa *Jur. univer. lib. 3. cap. 8. n. 1.* cum aliis Theologis, & Canonistis ab his citatis: estque sine controversia post Constitutionem Pii V. quæ incipit: *Ex proximo Lateranensi 20. Septembris 1571. Bullarium Cberubini tom. 2. pag. mibi 344.* in qua Beneficia vocantur, cum obligatione recitandi, ac fructus restituendi, qui dictam obligationem non persolverint.

69. Hoc supposito, respondetur I. Episcopum proprium promovere posse suos subditos titulo Præstimonii sive in sua, sive in aliena Diœcesi promovendus, possideat, sive sit, sive non Beneficium: si enim Beneficium fuerint, in suaque Diœcesi possideantur, nulli dubium, quin eorum titulo à propriis Episcopis Præstimoniarum promovere possint: si autem Beneficia non sint, in suis Diœcesibusque possideantur, cum proprius Episcopus ad titulum Patrimonii, ac Pensionum sive in propria, sive aliena Diœcesi obtentorum, ex dictis *n. 66.* & necessitate, aut utilitate Ecclesiarum consulta, proprios subditos promovere valeat, cur non idem de habente Præstimonium concedendum, cum eadem ratio militet.

70. Hinc fit, quod si Præstimonium congruam non habeat, suppleri valet à proprio Episcopo alio Præstimonio, estò Beneficium non fuerit, Patrimonio, quolibetque alio emolumento, nam prædictum supplementum proprio Episcopo nullibi interdictum: ergo valet supplere, & supplemento peracto, ad ordines proprium subditum promovere.

71. Respondeo II. Episcopum alienum promovere posse alienos subditos titulo Præstimonii in sua dumtaxat Diœcesi obtenti, dummodo congruam juxta taxam Synodalem, moremve Regionis exæquet, ac reliquæ circumstantiæ in præsentia Constitutione adscriptæ, ac supra *n. 3.* relatæ, concurrant. Ratio est; quia ut ex dictis constat, Præstimonium verè, & propriè Beneficium est; at Beneficium cum dictis circumstantiis subjectionem ad ordines Episcopo alieno tribuit ergo poterit ab isto promoveri, qui in sua Diœcesi tale præstimonium obrinuit, nec supposito, quod Beneficium sit, amplius in hoc immorandû.

72. Similiter, quando Præstimonium taxam dictam non exæquaverit, poterit alienus Episcopus altero Præstimonio, Beneficio, Cappellania collativa, Pensionibus aliisque emolumentis Ecclesiasticis non nutralibus defectu supplere, sive in propria sive in aliena Diœcesi, Præstimoniaris possideat; nullatenus tamen Patrimonio, vel alio quovis, naturam Patrimonii sapiente. I. pars constat ex dictis *n. 16.* quæ hic applicari possunt. est enim eadem ratio. II. pars constat ex verbis præsentis Constitutionis supra *n. 3.* relatis.

73. Circa II. dubii partem, plurimos titulos, ut quis possit ad ordines promoveri, Doctores assignant, quales sunt Hospitalales, Commendæ, Coadjutoria, & alii, videndi apud Barbosam citat. à *cap. 9.* Palao citat. *punct. 7. & sequent.* De quibus omnibus breviter expediemur, dicendo, quod si Beneficia fuerint perpetua ex parte saltem recipientis, cum congrua sufficiente, aliisque circumstantiis in præsentis Constitutione memoratis; poterunt DD. Episcopi eorum titulo subditos alienos promovere, dummodo in ipsorum Diœcesibus possideantur, quod ex dictis abundè constat.

74. Nec obstat; quod prædicta, Beneficia non dicantur, quia ut optimè Gonzalez *ad Reg. 8. gloss. 5. n. 17.* Adnotavit, in Beneficio vis non est in nomine, sed in natura, ideoque minimè attendendum in prædictis titulis, num Beneficia, aut non vocitentur, sed an naturam Beneficii participant: *argument. leg. si uno, ff. locati, cap. ea quæ de simonia.* Unde quamvis Beneficia regulariter non dicantur, si tamen naturam Beneficii participant, Beneficia proprie erunt. Quid verò requiratur ut aliquid Beneficium proprie nuncupetur, videatur Barbossa *Juris Univers. lib. 3. cap. 4. à n. 25. & de potest. Episcop. allegat. 57. n. 141.* Episcopi autem proprii cum prædictis titulis promovere suos subditos poterunt, quamvis Beneficia non fuerit, dummodo sufficienti congrua gaudeant, aut supplendo, si non gaudeant, juxta sæpè dicta.

DUBIUM. X. *Utrum ad titulum sufficientiæ quis promoveri valeat.*

75. **N**omine sufficientiæ in præsentis intelligitur proxima illa aptitudo, qua quis ad obtinendum Beneficium inve-

invenitur, ratione scilicet suorum ad illud meritorum, v.g. Toga in Collegio Salmantino, Complutensi, Oscensi, vel alio Majori insignitus, quique ad obtinendum Doctoratus apicem cursus communi plausu confecit, vel inibi Cathedram obtinuit. Hic igitur licet Beneficium non obtinuerit, sua tamen notoria sufficientia, obtentioni ita proximè inhæret, ut moraliter certum sit brevissimè obtenturum. De his igitur in præsentí quæritur, an titulo suæ sufficientiæ promoveri ad ordines valeant.

76. M. Corduba in *Summa* qu. 36. Emmanuel Rodriquez in *Summa* tom. 2. cap. & n. 15. Enriquez lib. 10. cap. 17. in fine, & lib. 13. cap. 37. n. 2. docent ab Episcopo proprio promoveri posse, fundamentum est, quia quando Tridentinum dict. sess. 21. cap. 2. Beneficium, Patrimoniumve exposcit, ideo exposcit, ut promovendus congrua sustentatione non careat, cumque, hii de quibus loquimur, brevissimè moraliter Beneficium obtenturi certo certius sit, hinc inferunt, quod moraliter, ac si jam obtinuerint, reputandum est. Additque Enriquez citat lib. 10. junctâ litt. marginali, lib. 13. litt. N. Assertum approbasse viros doctos Theologos, & Jurisperitos, ad praxinque deductum.

77. Sed quidquid sit de probabilitate horum Auctorum respectu proprii Episcopi, tanquam certum dicendum, quod Episcopus alienus titulo sufficientiæ alienum subditum promovere minimè potest: ea enim sufficientia, qualiscunque sit, ac quantuncunque obtentionem Beneficii in ea Diocesi citissimè fundet, ipsa tamen Beneficium non est, sed ad summum in spe; at solo Beneficio in re obtento, pacificeque possesso subiicitur quis alieno Episcopo ad effectum ordinum, ut constât ex præsentí Constitutione: ergo cû dicta sufficientia Beneficiû nō sit, titulum ut quis ab alieno Episcopo promoveri possit, fundare non valet.

78. Confirmatur I. Nequit dicta sufficientia fundare majorem certitudinem ad obtinendum Beneficium, quam fundaret, qui ea expressa lege vocatus est ad Beneficium, ut immediatè postquam initiatus fuerit, Beneficium statim conferatur: at non obstante hac certitudine, ac præcisitudine, nequit Episcopus alienum subditum initiare, ut constât ex verbis præsentis Constitutionis supra n. 1. relatis: ergo nec poterit titulo sufficientiæ, quæ minorem certitudinem fundat, ad ordines promovere.

79. Confirmatur II. Exemplo dispensationis: ut enim docent communiter DD. non licet contra legem agere, spe dispensationis certissimè obtinendæ, ideoque nemini licere lacticina edere, spe quod statim Bullam obtinebit, sed necessarium esse, quod antecederet Bullam obtineat, & acceptet: similiter ergo in nostro casu dicendum, quod ut quis ad ordines promoveatur non sufficit spes Beneficii, quantumcumque certissima, præsens enim Constitutio Beneficium obtentum, pacificeque possessum exoptat, quodque prædicta sufficientia non habet, quia licet Beneficium tanquàm in flore promittat, ipsa tamen Beneficiū nō est.

80. Episcopus autem Originis, aut domicilii, si Opinio Corduvæ sit probabilis, poterit probabiliter titulo sufficientiæ supradictos promoveri; præsens enim Constitutio respectu proprii Episcopi nihil innovat: ergo si ante prædictam Constitutionem Opinio Corduvæ, & Enriquez probabilis erat, & post illam probabilis manet. Dixi, *si opinio probabilis sit*, Sanchez enim *consil. morali. tom. 2. lib. 7. cap. 1. dub. 35. n. 10.* Validissimè contrariam, etiam respectu proprii Episcopi, propugnat. Sed quidquid sit de hoc, certum est, quod licet possit Episcopus proprius, alienus minimè valet titulo sufficientiæ alienum subditum promoveri. Ratio discriminis est, quod Titius, v. g. in quo sufficientia supponitur, independenter ab illa supponitur subditus ad ordines Episcopi proprii, origine scilicet, aut domicilio, cumque jam supponatur subditus proprii Episcopi, poterit ab isto promoveri titulis apud Auctores probabilibus: At cum ipse Titius independenter à sufficientia non supponatur subditus alieni Episcopi, nec ipsa sufficientia subiiciatur, cum Beneficium non sit, hinc est, quod ab isto, titulo sufficientiæ certissimè promoveri nequeat, licet ab illo probabiliter promoveri valeat.

81. An autem Episcopus alienus Beneficium tenue, à Titio in sua Diocesi obtentum, supplere sufficientia possit. Respondetur, quod si sufficientia sit de natura Patrimonii, ut ait Henricus Enriquez *cit. lib. 10. cap. 17. in fine.* Non poterit Episcopus Beneficii sufficientia Beneficium tenue supplere, hoc enim supplementum præsentis Constitutione interdicatur; si tamen de genere Patrimonii sufficientia non fuerit; supplere sufficientia poterit, cum ex dictis supra sæpe, Episcopo Beneficii supple-

re Patrimonio, vel alio naturam Patrimonii sapiente, prohiberetur dimittere est.

DUBIUM XI. *an qui ante presentem constitutionem Sacris initiari capit, contra ejusque dispositionem, post promulgationem continuare in ordinibus valeat.*

82. **V.** G. Titius in aliena Diœcesi Beneficium obtinuit tenuerit, nec taxam Synodalem talis Diœcesis exæquans, Episcopusque Patrimonio defectum fructuum supplevit, ad Sacrum Hypodiaconatus ordinem promovit eo titulo; promulgata postea fuit præsens Constitutio, qua tale supplementum Episcopo Beneficii interdicitur, quæritur, num eodem titulo ad reliquos ordines promovere valeat.

83. Respondeo affirmativè, Ratio est, nam tali supplemento effectus est Titius subditus ad ordines prædicti Domini Episcopi, quamque subjectionem præsens Constitutio non tollit, cum hæc in posterum solummodo prædictam subjectionem auferat, ibi: *Hanc de cetero inconcussè servari volumus regulam, ut nemo ejusmodi subjectionem acquirere censeatur, &c.* Ergo non loquitur de subjectione jam acquisita: ergo continuare poterit. Insuper grave nimis esset Titio, semel ad Hypodiaconatum promotus, expectare Beneficium cum qualitatibus in præsentis Constitutione præscriptis, ut ad ceteros Ordines promoveretur, cogeretur enim cum indecentia mendicare, experientia siquidem teste, difficillime Beneficia congruè sufficientis obtinentur; leges autem positivæ cum tanto dispendio obligare non intendunt.

84. Nec obest, quod Ordines Diaconatus, Presbyterique sunt futuri: ergo comprehenduntur in præsentis dispositione; in illisque verbis, *hanc de cetero*. Respondetur enim, quod licet prædicti Ordines sint futuri, subjectio tamen ad illos recipiendos est præterita, acquisita enim fuit ante præfatam Constitutionem: cumque jus ad ordines conferendos in subjectione fundetur, cum hæc ad omnes ordines acquisita fuerit, nequit per legem novam, quæ de futuro loquitur, auferri: Effet inconsequens enim, quod Titius subiceretur prædicto Episcopo ad omnes

omnes ordines, & quod hic ipsos conferre non valeret Titio. Hoc amplius: sequenti dubio expendetur.

85. Dices, qui Beneficio, aut Patrimonio promotus fuit ad Subdiaconatum, & antequam ad Diaconatum promoveatur, Beneficium, licet casualiter, perdit, & Patrimonio valide resignat, ad ultteriores ordines promoveri non valet, ut cum multis firmat Palao *par. 4. trac. 27. punc. 9. num. 4.* Trullench *tom. 3. lib. 6. cap. unico, dub. 13. n. 8.* Ergo similiter in nostro casu, qui ad Subdiaconatum promotus fuit Beneficio, Patrimonio contra legem expleto, licet nequibit in ordinibus continuare: Deficere enim absolutè Beneficium, & deficere illud, quod lex præcisè exposcit, idem prorsus est.

86. Negatur consequentia, & duplex est disparitas. I. Quod lex exigens Beneficium ad Sacros Ordines, æque, immo priori jure, ad Diaconatum, & Presbyteratum exigit, ideoque nihil mirum, quod deficiente ante promotionem ad Diaconatum, promoveri nequeat: at in nostro casu Titio non deficit Beneficium, sed solum quod Beneficium novæ dispositioni non coaptatur: at cum nova lex ipsum non comprehendat ex dictis, hinc est quod in nostro casu continuare potest, licet in casu antecedentis continuari nequeat.

87. II. Disparitas eo nititur, quod quando Tridentin. citat. *sess. 21. cap. 2.* promovendis ad Sacros Ordines Beneficium, Patrimonio, aut Pensiones exposcit, exigit, ne promovendus cum indecentia cogatur mendicare: cum autem hæc indecentia major sit in Diaconis, & Presbyteris, ac in Hypodiaco- nis, nihil mirum, quod qui sine Beneficio, aut Patrimonio licet non poterat ad Subdiaconatum ascendere, si ad hunc promotus, Beneficium deperdit, aut Patrimonio valide resignat, ad ultteriores ordines ascendere minimè valeat: at in nostro casu promotus ad Subdiaconatum, congruam lege taxatam conservat, ut vivere absque indecentia possit: sicque nulla est paritas.

88. Doctrina hæc pariformiter currit, estò detentio oriatur ex aliquo Canonico impedimento contracto à Titio, postquam ad Subdiaconatum fuit promotus, & quo ad ultteriores ordines ascendere, non valuit, v. g. quia irregularitate irretitus fuit, tunc enim, obtenta absolutione, vel dispensatione talis impe-

dimenti, eodem titulo ad superiores ordines ascendere valebit, hocque licet per multos annos detentus fuerit. Ratio est, quia cum jam veram subjectionem ad ordines acquisierit, hancque prædictis impedimentis minimè deperderit, hinc est, quod ablati impedimentis, cum eadem libertate, ac si impedimenta non contraxisset; continuare in ulterioribus ordinibus poterit. Similiter dicendum de Domino Episcopo, qui suum familiarem initiavit, animo Beneficium conferendi, cum primum vacaverit, juxta opinionem Pat. Vazquez, sed consultius esset se abstinere, maxime si in Sacris ipsum familiarem non instituit.

DUBIUM XII. *An idem dicendum de eo, qui dimissorias dumtaxat ad Hypodiaconatum obtinuit.*

89. **C**asus figurari sic valet. Petrus ante promulgationem præsentis Constitutionis in aliena Diocesi tenuerit Beneficium, quod ejus Episcopus Patrimonio supplevit, Dimissoriasque concessit, ut à quolibet Catholico Antistite Sacrum Subdiaconatus ordinem suscipiat, quo peracto, & antequam prædictum Subdiaconatus ordinem susciperet, promulgatur præfens Constitutio, qua prædictum interdicatur supplementum, quaeritur, num Petrus licet possit Dimissorias executioni mandare, ac Episcopus, cui remittitur, promovere.

90. Quæstio hæc Metaphysica fere est, vix enim ad praxin deduci potest: Respondetur tamen affirmativè. I. quia collatio Beneficii Petro facta, ab alieno Episcopo, hujusque supplementum Patrimonio confectum ante præsentem Constitutionem; legitima fuerunt, constitueruntque Petrum legitimum subditum, etiam ad ordines, præfati Episcopi: *at factum legitime retractari non debet, licet casus postea eveniat à quo non potuit inchoari, cap. factum de reg. jur. in 6. & ibi Gloss. cap. præcepta 55. distinct. junctâ Glossâ, verb. postmodum, cap. Perlatum 29. quæst. 2. Gloss. v. dimitti, cap. ad limina 30. quæst. 1. & ibi Gloss. v. vixerit, cap. hi, qui 32. quæst. 7. cum Gloss. v. non possunt.* Unde accessus Petri ad Mariam uxoris suæ sororem, matrimonium legitime contractum, non dissolvit, licet si Matrimonium præcederet, ipsum contrahere impediret. Item plures sunt defectus tam animi,

animi, quam corporis, qui si jam ordinatis superveniant, ministrare in ordinibus susceptis, *saltem* privatim, non impediunt, at si præcedant, irregularitatem efficiunt, nam *turpius ejicitur, quam non admittitur hospes*, *cap. quemadmodum de jure jurando*, Gobat. *tract. 8. cas. 17. n. 654.* cum ergo institutio, supplementumque Beneficii rite ab Episcopo facta sint, constituerintque Petrum legitimum ad ordines subditum, prædicti Episcopi, vi cujus subjectionis ipsi Dimissorias concessit, hoc inquam factum legitime, superveniente contraria dispositione irritari nequit: ergo licitè valet Petrus Dimissorias executioni mandare, ac Episcopus, cui remittitur, ordines conferre.

91. Probatur II. Quia licet in præsentī Constitutione expresse præcaveatur, neminem fieri subditum Episcopi alieni, titulo Beneficii, nisi Beneficium ejus sit redditus, quod taxam Synodalem, vel morem Regionis pro promovendi ad Sacros Ordines exæquet, facultatemque supplendi Patrimonio ab Episcopo dicto auferat, expresse etiam loquitur de illis, qui postquam promulgata fuerit præsens dispositio, efficiendi sunt subditi ad ordines non de illis, qui ritè jam ad dictum effectum subditi talis Episcopi effecti sunt, quod patet, in illis verbis, *hanc de cætero, &c.* Cum ergo Petrus ante prædictam dispositionem subditus ad omnes ordines præfati Episcopi ritè effectus sit, hanc subjectionem non potest auferre dispositio subsequens; nō enim illam, utpote præteritam, comprehendere valet lex, futura dumtaxat respiciens.

92. Dices, in nostro casu promotio ad Sacros Ordines est futura; at hæc promotio est, quæ præsentī Constitutione interdictur, ergo comprehenditur in illa: ergo quod prohibetur præsentī dispositione, non verificatur legitime factum, ac proinde ei non suffragatur citata Juris regula, *factum legitime, &c.* Respondetur enim negando minorem: Præsens enim dispositio Sanctissimi Innocentii immediatè non ad ordines sacros promotionem prohibet, sed subjectionem tali Episcopo cum prædicto Beneficio, aufert, ibi: *Hanc de cætero inconcusse servari volumus, regulam, ut nemo (nota) ejusmodi subjectionem acquirere censeatur ad effectum suscipiendi ordines, &c.* Ubi constat, quod ad subjectionem immediatè tendit, & optimè quidem, nam facultas confe-

rendi Ordines in subjectione fundatur: cum ergo in nostro casu Petrus prædicti Episcopi subditus jam ritè, & legitimè ad ordines effectus sit, hanc subjectionem tollere non valet subsequens dispositio, quæ futura, ut diximus, dumtaxat respicit.

93. Sed quid dicendum in casu, quo ipse Petrus in aliena Diocesi obtinuerit tenue Beneficium ante promulgationem præsentis Constitutionis, hæc tamen promulgata fuit antequam Episcopus dicti Beneficii Patrimonia defectum suppleverit, poteritne, Constitutione promulgata, ipsum promovere. Respondet probabile esse, ad Ordines Minores promovere posse, secus ad Majores. Ratio primi est, quia ad Ordines Minores titulo Beneficii obtenti subjectionem acquisivit legitimam, cum tempore quo Beneficium obtinuit, nullo jure prohibebatur. Sed oppositum tenendum est, quia cum superveniens Constitutio, rem integram inveniat; nequit sub illa non comprehendi, ex dicendis n. 98. Ratio secundi est, quia titulo Beneficii tenuis nemo Episcopo alieno ad Ordines Majores subjicitur, eget enim, ut hanc subjectionem acquirat, quod Episcopus defectum fructuum suppleat; cumque talem defectum non suppleverit ante promulgationem, & aliàs præsentis Constitutione suppleri Patrimonia prohibeatur, hinc est, quod promulgatione peracta, nec Patrimonia suppleat, nec ad ordines promovere valebit, nisi altero Beneficio suppleat, ex dictis supra *Dub. 2. & 3.*

94. Advertit tamen D. Lamperez n. 347. illum, qui ante præsentem Constitutionem promoveri incœpit, hac promulgata, afferre teneri Testimonialia ab illis DD. Episcopis, ac in illis casibus præsentis Constitutione præfixis. Quod verum judico, estò ante prædictam Constitutionem gauderet titulo, quo præsentis Constitutione Testimonialibus non egeret: unde filius Medici natus in oppido, in quo Pater non domicilium contraxit, sed locatus extitit, ante præsentem Constitutionem intelligebatur Originarius Episcopi illius loci, ubi natus fuit; præsentis tamen Constitutione, origo naturalis Patris pro origine talis filii assignatur; dicimus ergo quod prædictus filius, ut promoveatur ab Episcopo Originis paternæ, eget Testimonialibus Episcopi loci ubi natus naturaliter fuit, si ibi tantam moram traxerit, ut potuerit Canonico impedimento irretiri. Ratio est. Quia licet in præ-

præsenti Constitutione prædicta Testimonialia exposcantur pro filiis ex accidenti natis, & tempore quo prædictus filius inibi natus fuit, originarius illius loci, & non ex accidenti natus, censebatur, tamen, cum superveniente præsentis Constitutione, res integra maneret, dispositio præsentis Constitutionis retrorahitur ad tempus nativitatis dicti filii, desinitque esse originarius loci, in quo natus est. Reliqua de Testimonialibus litteris, *quæst. 3. dub. 12. & 13.* dabit à n. 276.

Titulus Originis.

POST Beneficium, ejusque qualitates, ut quis ad ordines promoveri possit, præsens pergit Constitutio ad Originis titulum, ubi ut nimiam varietatem in Auctoribus repertam, respectu hujus tituli, extingueret, sequentia SS. Innocentius decernit.

95. *Ceterum subditus ratione Originis is tantum fit, ac esse intelligatur, qui naturaliter ortus est in ea Diœcesi, in qua ad ordines promoveri desiderat, dummodo tamen ibi natus non fuerit ex accidenti, occasione nimirum itineris, officii, legationis, mercatura, vel cujusvis alterius temporalis moræ, seu permanentiæ ejus Patris in illo loco, quo casu nullatenus ejusmodi fortuita natiuitas, sed vera tantum, & naturalis Patris Origo erit, attendenda.*

96. *Quod si quis tanto temporis spatio in eo loco, in quo ex accidenti, sicut præmittitur, natus est, moram traxerit, ut potuerit ibidem Canonico aliquo impedimento irretiri, tunc etiam ab Ordinario ejus loci litteras Testimoniales, ut supra, obtinere; illasque Episcopo ordinati, per eum in Collatorum Ordinum Testimonio similiter recensendas, præsentare teneatur.*

97. *At si Pater in alieno loco, ubi ejus filius natus est, tamdiu, ac eo animo permanserit, ut inibi vere Domicilium de Jure contraxerit, tunc non origo Patris, seu Domicilium per Patrem legitime, ut præfertur, contractum pro ordinatione ejusdem filii attendi debeat.*

98. Antequam ad dubia procedamus, adnotare oportet, quod adverbium *ceterum* in præsentis, idem significat ac *ultra hæc*, licet enim, Calepino teste, significet etiam *in posterum*, ex contextu tamen videtur valere pro *ultra*, alias inevitabiles con-

fusiones orientur; natus enim ante prædictam Constitutionem prætenderet suam ad ordines Originem regulare placitis Auctorum potius quàm præsentis Constitutionis Decreto, eo nixus fundamento, quod hæc Constitutio loquatur de impoſterum natis, non de illis, qui ante illa nati fuerunt, quod alienum videtur à mente SS. Innocentii, maxime re integra manente, ut ſupra n. 94. dicebamus. Dixi *re integra manente*, quia ſi ante præſentem Constitutionem Episcopus promovere Titium incepit, & eo titulo eo tempore probabili, ac præſenti Constitutione reſragato, probabile eſt, quod poſſet continuare, ex traditis à Barboſſa *Jur. univerſ. lib. 1. cap. 2. n. 114.* Ubi dicit, jus quaſitum tollere, alienum eſſe à mente Pontificis in ſuis diſpoſitionibus, quodque inferitur *ex cap. ſi ſis cui de Præbendis in 6.*

99. Inſuper adnotandum, quod per ly, *naturaliter ortus eſt.* Excluduntur conceptio, adoptio, ac Baptiſmus; unde, ut quis Originarius ſit ad Ordines alicujus Diœceſis, non ſufficit eſſe in ea conceptum, in filium adoptatum, ac lavacro Baptiſmi regeneratum, hæc enim nativitatis naturalis rationem minimè participant, ut per ſe patet, ac erudite reſolvit D. Lamperez, n. 399.

Q U Æ S T I O II.

Qualiter Titulus Originis intelligendus, ut quis poſſit Ordinibus initiari.

PLura de hoc titulo apud Auctores controvertuntur, ea tamen in præſenti, quæ attenta noviffima SS. Innocentii diſpoſitione difficultatem aliquam ingerunt, diſputabimus.

DUBIUM I. *An quando Pater Domicilium contraxit in Oppido alicujus Diœceſis, & filius casualiter natus eſt in alio ejusdem Diœceſis, filius ſit Originarius ejusmodi Diœceſis.*

100. **C**Aſum claritatis gratia conſingamus. Petrus, cum naturaliter ortus fuerit in Turolenſi Diœceſi, in Cæſarauguſtana Sedem domicilii fixit, Cæſar-auguſtæ v.g. quo tempore in alio Oppido ejusdem Cæſar-auguſtanæ Diœceſis ex acci-

denti Petro filius natus est : quærimus , an iste filius originarius ad ordines sit Diœcesis Cæsaraugustanæ , ubi natus est , an Turo-
lensis , ubi natus est Pater . Videtur esse Turo-
lensis Diœcesis originarius ; nam si quando filius ex accidenti nascitur in una
Diœcesi , originarius est illius ; in qua Pater naturaliter ortus est ,
ut patet ex præsentis dispositione ; cum prædictus filius in Cæsaraugustana Diœcesi ex accidenti ortus fuerit , ejus origo ad ordines Diœcesis erit Turo-
lensis .

101. Sed oppositum tanquam certum tenendum est ; licet enim prædictus filius casualiter natus sit in illo oppido Cæsaraugustanæ Diœcesis , non tamen in ea Diœcesi sic natus est : cum enim in memorata Diœcesi Pater domicilium fixerit , conjici nequit in ipsa casualiter natum fuisse filium , immo naturaliter & sine casualitate ibi natum fuisse coniiciendum est . Quod amplius ex dicendis dub. sequenti clarebit . Ad rationem dubitandi dicimus , quod hic filius ex accidenti in ea Diœcesi minime natus fuit , sed in oppido ejus Diœcesis , at cum Pater in illa Diœcesi domicilium habeat , in ea non ex accidenti nascitur filius , ratione enim domicilii paterni in prædicta Diœcesi , reputatur filius ac si in oppido domicilii paterni nasceretur .

102. Sed quid si Pater in prædicto casu duplex domicilium in diversis Diœcesibus haberet , cujus Diœcesis erit ejus filius ad ordines originarius ? Duplex domicilium simul componi posse , docet Albarus Valasco , tom. 1. allegat. 5. à n. 37. ex leg. assumptio. §. Jurisprudentibus ; ff. ad mancipal. Glos. V. Domicilium , in c. cum nullus , de temporibus ordinat. in 6. Glos. 1. & leg. penultima , ff. de Senatoribus . Ubi Jurisconsultus dixit Paulus , quod Senator eò quod ad locum diversum suæ originis tendat , ut ibi officium suum exerceat , non ex eo quod in ibi domicilium acquirat , domicilium in loco suæ nativitatis , vel originis amittit , nam intuitu Dignitatis , quam exerceat , domicilium potius extenditur , quam mutatur , unde in duplici loco domicilium acquirit simul : in hocque casu quæritur , cujus Diœcesis , filius contingenter natus , erit originarius , vel an utriusque .

103. Pro decisione sciendum est , quod quando leges , & Auctores citati duplex concedunt simultaneum domicilium , vel utrumque est habitationis , vel unum habitationis , & aliud ori-

ginis: si primum, negamus tale duplex domicilium ad effectum suscipiendi ordines, ei enim præsens Constitutio inficiatur, ex dicendis, *quest. 3. dub. 6. n. 226*. Si II. permisso tali duplici simultaneo domicilio, sciendum est etiam, quod domicilium originis Patris non tribuit filio ad ordines originem, hanc enim solum tribuit ipsi filio domicilium habitationis Patris, id est, si Pater habet domicilium habitationis, in aliqua Diœcesi, in eaque filius oriatur, hujus erit solum modo filius ad ordines originarius, non alterius ubi Pater habet originis domicilium, nisi casu, quod Pater nullibi domicilium habitationis habuerit, tunc enim, cum filius ex accidenti oriatur, vi præsentis Constitutionis recurritur ad Diœcesim, ubi Pater naturaliter, & vere ortus est, & in qua domicilium originis habere Patrem posse, non inficiamur. His prænotatis.

104. Facillime à proposito dubio expediemur: dicimus namque, hujusmodi filium, in casu proposito, originarium ad ordines esse illius D. Episcopi, in cujus Diœcesi sedem domicilii habitationis Pater fixit, dummodo in eadem filius natus sit, non vero illius, ubi Pater domicilium originis habet; quia cum in Diœcesi domicilii habitationis Patris filius supponatur naturaliter ortus, & non in loco domicilii paternæ originis, & solius Diœcesis, ubi filius naturaliter natus est, iste sit originarius, non potest originarius esse illius Diœcesis ubi naturaliter ortus non est. Sed quid, si filius oriatur in Diœcesi originis Patris, qui in alia habet domicilium habitationis, cujus erit filius originarius? Solutio hujus dubii, sequenti dubio dabitur.

105. Interim ad notandum, quod si prædictus Pater, qui duplex domicilium aliud originis, aliud habitationis habet, promoveri voluerit, utroque Episcopo valebit, sed non eodem titulo: cum Episcopo enim habitationis, promoveri poterit titulo domicilii, & cum Episcopo domicilii originis, titulo originarii, dummodo ibi ex accidenti natus non fuerit, quæ omnia satis ex se apparent, nec majori indigent discussione.

DUBIUM II. *Cujus Episcopi erit Originarius ad ordines filius, fortuito natus extra Diœcesim Paterni domicilii.*

106. **D**upliciter contingere potest hæc casualis nativitas, potest namque filius oriri in una Diœcesi, Patre nec in ea, nec in altera domicilium habente, vel potest oriri in una Diœcesi, habens Pater verum habitationis domicilium in altera, quæritur, num præsens SS. Innocentii Constitutio, qua cavetur, quod filius ex accidenti natus, originarius sit ad ordines, non Episcopi loci in quo fortuito natus fuit, sed Episcopi veræ & naturalis nativitatis Patris, intelligenda sit, etiam quando filius fortuito natus est in una Diœcesi, licet ejus Pater verum habeat domicilium in alia, ita ut etiam in hoc casu dictus filius nequeat ad ordines originarius esse Episcopi domicilii paterni, sed Episcopi naturalis paternæ nativitatis.

107. Pro decisione supponendum est I. Indubitatum esse apud Auctores, filium natum in loco domicilii habitationis paterni, originarium ad ordines esse Episcopi dicti paterni domicilii, constatque expressè ex Constitutione præsentis. II. non minus indubitatum, quod quando filius nascitur in una Diœcesi, ejusque Pater nec in ea, nec in altera verum domicilium habitationis habet, dictum filium originarium ad ordines esse Episcopi, seu Diœcesis, ubi prædictus Pater vere, & naturaliter ortus fuit, quod etiam ex præsentis dispositione constat, & quærimus, an hæc dispositio, quæ indubitanter casum, in quo Pater nullibi domicilio gaudet, complectitur, comprehendat etiam casum in quo filius nascitur in una Diœcesi, Paterque in alia verum domicilium habet.

108. Respondetur, quod in dicto casu filius non est originarius Diœcesis paternæ naturalis nativitatis, sed Diœcesis paterni habitationis domicilii, & ita censuerunt Juris periti, gravissimique Prælati in hoc puncto specialiter consulti: Probaturque I. ex dispositione Juris Canonici, ac Civilis, *nam in cap. cum nullus, de temporibus ordinat. in 6.* Episcopus originis præscribitur ad ordines, ubi promovendus est oriundus; sed inegabile est filium oriundum esse illius Loci, in quo Pater domicilium

habitationis possidet tempore, quo natus est alibi filius: ergo ejusmodi Loci erit ad ordines originarius. Minor constat, *ex leg. filios Cod. de municip. & orig. ibi: filios originem Patris, non in materna Civitate, & si ibi nati sint (si modo non domiciliis retineantur) ad honores, & munera, &c.* Ubi constat, quod filii originarii sunt illius Civitatis, in qua Pater domicilium contraxit, sive inibi, sive alibi nati fuerint. DD. in cap. Rodolphus, de re-scriptis. Barbossa, Alleg. 4. num. 7. & 33.

109. Probatur II. præsentii SS. Innocentii Constitutione, in qua tanti paternum habitationis domicilium æstimatur, ut postquam veram ac naturalem originem paternam pro origine ad ordines filio casualiter nato, assignavit, addit, quod si Pater in alieno loco, ubi ejus filius natus est, inibi verè domicilium de Jure contraxerit, tunc non origo Patris, sed domicilium per Patrem legitimè contractum pro ordinatione ejusdem filii attendi debeat: si igitur domicilium natiuitati casuali filii posterius à Patre electum, originis titulum tribuit filio, abraditque priorem in præsentii dispositione assignatum, signum est, quod quando SS. Innocentius in præsentii Constitutione originem naturalem paternam pro origine filii, casualiter nati, assignavit, non fuit suæ mentis hanc assignare pro casu quo Pater verum haberet domicilium alibi, tempore casualis natiuitatis filii: non enim apparet in domicilio posteriori circumstantia tanti ponderis, quod ad istud pro origine admittendum, & domicilium antecedens excludendum, moveret.

110. III. Probatur: filium enim originarium ad honores, munera, & ordines esse illius Loci in quo Pater domicilium habitationis contraxit, licet inibi naturaliter non sit natus, est fere omnium Communissima, ac plausibilis opinio, ut pote, d. cap. cum nullus, fundata. Quodque ad honores & munera attinet, docet Carleval, tom. 10 de Judic. disp. 2. n. 102. eisdem fere nostræ Constitutionis verbis, ibi: *Dicendum est, ut filius acquirat originem propriam in Civitate, vel Regno, in quibus Pater domicilium habet, non requiri veram, & realem natiuitatem in Civitate, vel loco domicilii paterni, sed satis esse natiuitatem ibi contingentem Juris fictione: exemplum est in filio nato in itinere, aut transitu extra locum domicilii paterni, aut nato in loco in quo Pater ad tempus habitabat,*

bitat, cum animo ad suum domicilium revertendi, à quo profectus est, aut negotiorum causa, aut alicujus alterius occasionis absentiae temporalis, aut ministerii, aut officii exercendi, militiae, aut servitii Regis: iste enim filius sic natus, Juris censura censetur natus apud paternum domicilium: & sicut fortuita ista natiuitas originem non dat, ita eam non tollit. Consonant Antunez, lib. 2. de donat. Reg. cap. 6. Villar Patron. de Calatayud, part. 9. costumb. 4. n. 16. V. Decimo tertio, & citat Rebuffum.

III. Quod autem ad ordines attinet, ipsam Carlevalli sententiam docent Diana, p. 8. tract. 2. resolut. 11. P. Gobat experiment. Theolog. tract. 8. casu 7. n. 279. addens hanc esse Canonistarum, & Legistarum Communissimam. Basseus flores Theolog. V. ordo 3. ibi: Hinc mulier prægnans, si extra Diocesim suam filium parit, filius alibi natus, originem ibi traxit, ubi parentes domicilium habebant: citatque Sanchez de Matrimonio, lib. 3. disp. 23. n. 3. idem docet Navarrus, consil. lib. 3. consil. 2. n. 1. juncto summano, de Parochiis. Ugolinus de potest. Episc. cap. 26. §. 1. n. 5. Barbossa de potest. Episc. alleg. 4. n. 19. & 20. ubi asserunt, originem habere filium in domicilio patris, si in mari natus sit, cum igitur hæc opinio sit Communior, ac utrique Juri conformior, non apparet præsentì Constitutione exterminatam fuisse: ergo dicendum, præsentem Constitutionem, ejusque dispositionem, n. 95. relatam, non intelligendam de natiuitate casuali filii, supponente verum domicilium alibi in Patre.

II 2. Sed huic resolutioni obstare aperte videtur præsens SS. Innocentii Constitutio, in ea enim disponitur, quod ut quis sit, aut censeatur originarius, ad ordines, alicujus Diocesis, debet in ea naturaliter oriri; at in casu quo quis oriatur casualiter in una Diocesi, tempore quo ejus Pater habet in alia verum domicilium, dictus filius non oritur in Diocesi patèrni domicilii naturaliter, sed juris fictione, ut vocant Juris periti: ergo nequit talis filius esse originarius Diocesis, in qua Pater domicilium habet; deficit enim ipsi natiuitas naturalis, & sine qua non valet originarius esse, aut proclamari.

II 3. Respondetur tamen I. quod Constitutio præsens dum in præcitatis verbis disponit, neminem esse, aut censei posse originarium alicujus Diocesis, nisi in ipsa naturaliter ortus fuerit,

fuerit, eo tendit, ut excludatur filius ne sit originarius ad ordines illius Diœcesis, ubi ejus Pater, Avusque nati fuerunt, quod opinarunt multi & graves Doctores: unde prædicta verba, *qui naturaliter ortus est in ea Diœcesi*, eo tendunt, ut excludant dictum filium, ne sit originarius illius Diœcesis in qua ejus Pater natus fuit, quia in ea dictus filius naturaliter ortus non fuit, sed ad summū fictione juris, sicque explicat prædicta verba D. Lamperez; n. 398. estque meo videri genuinus eorum sensus.

114. An autem sicut per prædicta verba, *qui naturaliter ortus est in ea Diœcesi*, &c. excluditur filius, ne sit originarius Loci paternæ originis, ita excludatur locus paterni domicilii, quando naturaliter in ipso natus non fuit, hoc opus, & labor: dicimus tamen, quod licet filius natus naturaliter non fuerit in Diœcesi paterni domicilii, sed in alio, esse originarium ad ordines Episcopi domicilii paterni, quia per prædicta verba intendit SS. Innocentius excludere originem paternam, non paternum domicilium ab origine talis filii, propter rationes supra memoratas.

115. Respondetur II. quod quamvis prædictis verbis, *naturaliter ortus est*, &c. excluderetur casus nativitatis fictus, noster, & si fictus minimè excluderetur: Leges enim casum verum exposcentes, fictumque excludentes, comprehendunt casum fictum, quando iste in omnibus & per omnia vero æquiparatur, *cap. ad audientiam*, *cap. cum dilectus*, *de Clericis non residentibus*, *leg. cum ex oratione*, *ff. de excusa tut. leg. cum in adoptivis*, *ff. de adoptione*.

116. Exemplum habemus in terminis hoc in nostro Aragonum Regno, ubi duplex extat lex, sive Forus (sic vocantur Leges in prædicto Regno) I. *qui est secundus de Prelaturis*, statuit, quod omnia Beneficia prædicti Regni conferantur Regnicolis, verè, & non perfictionem, natis in ipso Regno. II. *qui est Forus actus Curiarum super filiis Regnicol. extra Regnum natis*, disponit, quod Regni naturales, qui animo redeundi, à dicto Regno egrediuntur, si extra Regnum filios procreaverint, & cum ipsis ad Regnum reddierint, tamquam nati, & naturales Regni habeantur. In terminis hujus secundæ dispositionis dubitatum fuit, an dicti filii excludendi essent à Beneficiis, eo quod solum in eo nati fuerunt fictione juris, quamque nativitatem

primus citatus Forus de Prælaturis excludit expressè. Cui dubio eruditissimus Bardaxi, in *Comment. ad For. 2. de. Prælat. n. 5. vers. Sed inspectis verbis*, cui consonat Villar citatus, *n. 6. vers. De donde*, praxisque Tribunalium dicti Regni, respondit, quod licet dicti filii nati non fuerint naturaliter in dicto Regno, sed fictione juris dumtaxat, admittendos tamen ad Beneficia dicti Regni esse, quia quando lex casum fictum excludit, non intelligenda venit de casu ficto, qui in omnibus, & per omnia vero æquiparatur, citatque pro sua opinione quamplurimos, quamque praxis Regni inconcussa confirmat.

117. Cùm igitur casus in quo filius ex accidenti nascitur in una Diœcesi, tempore quo ejus Pater domicilium in alia habet, in omnibus, & per omnia æquiparetur casui, in quo idem filius in loco paterni domicilii oritur, indè est quod sicut in hoc casu filius originarius est ad ordines Episcopi domicilii paterni, ita in illo: licet enim iste casus sit fictus, æquiparatur tamen in omnibus, & per omnia alteri, quod sufficit, ut à lege casum fictum excludente, iste, licet fictus, non excludatur. Nec item obstat particula taxativa, *tantum*, ibi: *Caterum subditus ratione originis is tantum sit, ac esse intelligatur, qui naturaliter ortus est, &c.* Ubi ly *tantum* excludere videtur ab origine alicujus Loci, in eo naturaliter non natum: Respondetur enim, quod particula *tantum*, ut docent Navarro, *lib. 1. consil. 25. de temporib. ordinat. P. Gobat. tract. 8. cas. 14. n. 570.* Et si taxativa, non excludit ea, quæ secundum æquitatem Canonum, & Legum includenda sunt: cùm ergo quod filius originarius sit Loci in quo Pater domicilium habet, licet in alio natus fuerit, æquitati Canonum, & Legum conforme sit, ex dictis, ideò per ly *tantum* minimè excluditur, firmatque Jordanus *elucubrat. vol. 1. lib. 3. tit. 6. n. 33.* omnino videndus.

DUB. III. *Doctrina Præcedentis dubii variis casibus occurritur.*

118. **N**Otandum est, quod ut filius dicatur, censura præsentis Constitutionis, accidentaliter natus in aliquo loco, debet in eo Pater aliqua temporali mora, seu permanentia retineri, id est, quod pro aliquo tempore in eo permanere de-

creverit, nec requiritur, quod tempore partus ibi existat, sed sufficit quod ad dictum locum venerit, cum animo ibi per aliquod tempus permanendi, licet partus tempore ibidem non existat, quia alibi, ob aliquod negotium, se divertit: Hunc enim sensum habent ea verba: *dummodo ibi natus non fuerit ex accidenti, occasione nimirum itineris, officii, Legationis, mercaturæ, vel cujusvis alterius moræ, seu permanentiæ temporalis ejus Patris in illo loco*: Unde si remanente Patre in Diœcesi sui domicilii, Mater ad aliam se diverterit, in istaq; filium ediderit, filius originarius erit ad ordines Episcopi domicilii paterni, quia Pater nulla mora temporali in loco ubi dictus filius natus est detinebatur.

119. Similiter in casu quo in eodem oppido sint Parochiæ diversarum Diœcesum, & Patres recreationis causa, vel alio motivo è Parochia sui domicilii ad Parochiam alienæ Diœcesis pro brevi temporis spatio se diverterint, in hacque Mater filium ediderit, filius originarius erit Episcopi domicilii paterni, ut cùm Basco citato diximus supra n. 111. non enim hæc est nativitas accidentalís, qualiter præsentí Constitutione exposcitur, cùm pater nec itinere, nec mora temporali propriè dictis detineatur ibi; & cui verba legis non comprehendunt, nec convenit ejus dispositio, leg. 4. §. Toties, Barbosa *Axiomata Juris*, *Axiomate* 136. n. 8.

120. Casu tamen, quod Pater nullibi domicilium habeat, ac Mater, & Pater per diversas Diœceses divagentur, in alteraque filius oriatur, originarius erit ad ordines Episcopi paternæ naturalis originis, quia licet in loco ubi dictus filius natus est, Pater nec itinere, nec alia mora detentus sit, cùm tamen, secundum Constitutionem præsentem, origo filii ad ordines dumtaxat sit, vel locus domicilii, vel originis paternæ, deficiente in Patre domicilio, ad naturalē Patris originem necessario recurrendum est.

121. Infertur etiam, quod si Pater divagetur, vel exerceat temporalem occupationem in aliqua Diœcesi, domicilium in alia relinquendo, in istaque filius oriatur, tempore quo dictus Pater occupationem temporalem exercet, filius originarius erit paterni domicilii, quia naturaliter ortus est in loco domicilii paterni; at quando filius nascitur in loco ubi Pater domicilium contraxit, nemini dubium est, originarium ad ordines esse Locí Paterni domicilii: ergo. Idem dicendum, quando Pater ha-

bens domicilium in aliqua Diœcesi, ad aliam se divertit, vel ad fructus legendos, vel fugiendo pestem, aliudve damnum, cutur animo tamen redeundi finitis peste, militia, fructuumque collecta, & in illa temporali mora oritur filius, hic enim originarius ad ordines est Episcopi domicilii paterni, quia ex dictis dubio antecedenti, præsens Constitutio non comprehendit filium ortum in mora temporali Patris, quando hic conservat alibi suum domicilium, & ita docent Pater Gobat cit. *tract. 2. casu 4. n. 133. Villar, n. 6. vers. De donde à contrario, & n. 21.*

122. Infertur similiter, quid dicendum dubio, *n. 104.* proposito, in casu Senatoris duplex domicilium habentis, aliud habitationis in una Diœcesi, & aliud originis in altera Diœcesi, cuique in Diœcesi domicilii originis filius nascitur, cujus namque filius originarius ad ordines erit. Dicendum, originarium esse illius Diœcesis, in qua Pater domicilium contraxit habitationis, Barbossa *allegat. 4. n. 34.* citans Campanil. Quia origo naturalis Patris in præsentī Constitutione assignatur pro filio ex accidenti nato, juxta mentem ejusdem Constitutionis; at mens prædictæ Constitutionis non est comprehendere filium accidentaliter natum in una Diœcesi, tempore quo Pater verum habet domicilium in alia: ergo in nostro casu filius erit originarius Episcopi paterni domicilii, & non paternæ originis. Minor ex dictis dub. antecedenti satis constat.

123. Infertur tandem, quod si Pater itinerando, officium, Legationem, vel aliam occupationem temporalem exercendo, moriatur, post ejusque mortem, filius oriatur in ipso loco temporalis permanentiæ Patris defuncti, esse ad ordines Postumum originarium Loci naturalis originis paternæ, nisi Pater tempore mortis in ea Diœcesi, in qua mortuus fuit, vel alia, domicilium haberet, uxorque relicta in mariti domicilio continuare voluerit, nam in hoc casu originarius erit Loci paterni domicilii, ex dictis. Si tamen Mater vidua ante partum domicilium de Jure contrahat, sive in ipso loco, ubi ejus Maritus temporali permanentia fuit detentus, vel in alia Diœcesi, Postumus originarius ad ordines erit ejus Loci in quo Mater novum domicilium contraxit, temporeque sui partus permanet, quia, ut docet Villar, *n. 20. Gobat, tract. 8. casu 7. n. 299.* domicilium Matris

tribuit domicilium habitationis filii: ergo & originis: si enim quando filius nascitur in loco domicilii paterni, ejusdem Loci filius originarius ad ordines est, cur filius natus in loco Materni domicilii, mortuo eo tempore Patre, ipsius Loci domicilii materni originarius non erit? Colligiturque ex doctrina Pacis Jordani, *elucubrat. volum. 1. lib. 3. tit. 6. n. 50. ibi: In domicilio non attenditur maternum, sed paternum, nisi pro naturalibus, vulgo quesitis, aut quando paternum deficit*, citatque Piascium in *prax. Episc. p. 1. cap. 1. n. 9. Sanchez de Matrim. lib. 3. disp. 23. n. 1. & expresse tenet Navarrus citatus supra n. 111.*

124. Sed quid si Mater, in casu dicto, domicilium, in loco permanentiæ temporalis Mariti jam mortui, elegit, Postumo jam nato? Fortè coaptari valent Matri verba præsentis Constitutionis: *at si Pater in alieno loco, ubi ejus filius, natus est, &c.* supra n. 97. relata, & quæ de Patre loquuntur? Negativè respondendum censeo, quia præsens Constitutio in citatis verbis de solo Patre domicilium, nato filio, eligente loquitur, valdeque dubium in Jure est, quod domicilium Matris tribuat filiis natis domicilium, estò cum illa morentur, animo perpetuò ibidem habitandi, ut allegat Navarrus, *lib. 1. consil. de temporibus ordinat. consil. 2. n. 5. & 6.* ergo multo minus domicilium Matris tribuere poterit domicilium originis filiis jam natis.

DUBIUM IV. *An Baptismus in aliquo casu Originem ad ordines tribuere valeat.*

125. **D**iximus supra, Baptismum non tribuere originem, eo quod iste dumtaxat sit spiritualis nativitas; præsens autem Constitutio pro origine nativitatem tantum naturalem, modo non sit casualis, exposcit, undè per nativitatem naturalem, à præsentí Constitutione expetitam, excluditur Baptismus, conceptio, adoptio, & similia, quæ rationem naturalis nativitatis minimè participant: ex quo improbabilis manet sententia pluriùm asserentium, Baptismum tribuere veram ad ordines originem, dicebant, namque, quod si Titius natus naturaliter in alia Diocesi fuisset, in alteraque baptizatus, Episcopus tum nativitatis, tum Baptismi poterant Titium ad ordines
titulo

titulo originis promovere, quodque intuitu præsentis Constitutionis, Baptismum excludentis, dici non valet.

126. Quærimus igitur, num ita præsentis Constitutionis verbis Baptismus sit expunctus, ut in ullo casu valeat originem tribuere. Dubium in duplici sensu exagitari potest, I. Ita ut de promovendo certò constet locus in quo natus fuit naturaliter, licet ibi baptizatus non fuerit, sed in alia Dioecesi, II. Ita ut de loco Baptismi constet, non autem de loco in quo natus naturaliter fuit. In primò sensu certum est Baptismum non tribuere ad ordines originem, ex dictis *n.* antecedenti, solumque tribuit locus, in quo naturaliter dictus promovendus ortus est, dummodo ibi ex accidenti natus non fuerit, quo casu originem naturalem paternam pro origine vendicabit, & ante prædictam Constitutionem ita, quod ad exclusionem Baptismi, docuit Trullench, *tom. 3. lib. 4. cap. unic. dñb. 7. n. 3.*

127. Secus tamen dicendum in secundo sensu, unde si locus, ubi Titius natus est, ignoretur, constat tamen de loco ubi Baptismum suscepit, Loci Baptismatis originarius erit, dummodo constet inibi Patrem Titii domicilium tempore nativitatis dicti Titii habuisse, alioquin originarius erit Loci in quo Pater memorato nativitatis tempore sedem domicilii habebat, quod ex dictis satis superque constat si tamen de domicilio paterno in aliquo loco, pro tempore nativitatis filii, minimè constet, tunc natus ex accidenti censetur, originemque pro sic natis in præsentis Constitutione assignatam, ut initiari valeat, vendicabit. Casu vero, quod filius in loco paterni domicilii sit natus, in alia autem Dioecesi baptizatus, paterni domicilii originarius erit, quia in eo naturaliter, nonque ex accidenti, natus.

128. Cæterum si filius natus fuerit in loco ubi Pater habuit domicilium ante ortum dicti filii, dubitatur tamen an tempore nativitatis filii inibi domicilium conservaret, in eoque loco baptizatus inveniatur filius, originarius videtur Loci Baptismatis, præsumitur enim in loco paterni domicilii baptizatum fuisse, maximè cum Pater obligetur filium in loco sui domicilii baptizare, etiam si extra illum oriatur, dummodo distantia Loci nativitatis, spatium trium horarum non excedat, ut docet Gobat *cit. tract. 2. cas. 4. n. 133.* quodque ex doctrina Angelici Ma-

gistri, Subtilisque Scoti colligit: & culpa non præsumitur, nisi probetur.

129. Undè regula generalis pro inveniendi ad ordines origine hæc est, ut nato filio, vel Pater eo tempore alicubi domicilium habebat, vel non? Si domicilium habebat, filius erit originarius paterni domicilii, sive in eo natus fuerit, aut non: si Pater nullibi, tempore nativitatis filii, domicilium contraxit, originarius erit Loci paternæ naturalis originis, id est Loci in quo Pater naturaliter ortus est, nisi Pater in loco ubi filius ex accidenti natus fuit, sedem postea domicilii de Jure contraxerit, quod tū ex præsentī Constitutione, tū ex dictis abunde constat.

DUBIUM V. *Utrum dispositio præsentis constitutionis de origine filii ex accidenti nati, locum habeat casu, quo Pater ex accidenti etiam natus fuerit.*

130. **P** Ræsentī Constitutione cavetur, quod si filius ex accidenti natus fuerit, ejus origo ad ordines sit locus, in quo ejus Pater naturaliter ortus est, quæritur, num præsens dispositio locum habeat, casu quo Pater etiam ex accidenti natus fuerit. Respondeo affirmativè; nam quod Pater in eo loco ex accidenti sit natus, non tollit quod inibi naturaliter ortus fuerit; nec enim ortus naturalis, & ex accidenti opponuntur, ut per se patet: cum ergo præsens Constitutio, in nostro casu, ortum dumtaxat naturalem Patris exposcat, hinc est, quod ejus dispositio locum habeat, etiam si Pater in eo loco casualiter natus sit. Quæ doctrina vera est, etiam si Pater natus ita sit accidentaliter in eo loco, quod ratione domicilii ab ejus Patre contracti, originarius ad ordines non sit Loci casualis ortus, sed Loci paterni domicilii, juxta dicta supra n. 108. & 114. quia hoc non tollit, quod Pater naturaliter sit ortus in loco, ubi casualiter ortus est, & præsens Constitutio in nostro casu ad nativitatem naturalem dumtaxat attendit, non ad aliam alterius Loci, quæ tantum fictione juris origo Patris est.

131. Sed dices, origo naturalis paterna in nostro casu adscribitur filio, ut titulo originis possit ad ordines promoveri; at si Pater ipso originis titulo promoveri voluerit, ab Episcopo Loci,

in quo ex accidenti supponitur natus, minimè valet, ut in terminis præsentis Constitutionis certissimum est: ergo nec filius. Respondetur negando consequentiam, nam in dicta Patris nativitate duo valde ex se diversa concurrunt, & quod ejus nativitas sit casualis, & quod naturalis sit, quatenus casualis impedit Patri ne ad ordines promoveri titulo originis valeat, cæterum quatenus naturalis est, tribuit filio originem, ut hoc titulo ab illius Episcopo promoveri valeat: præsens enim Constitutio, pro origine filii casualiter nati, naturalem dumtaxat nativitatem Patris exposcit, præcindendo ab eo, quod hæc sit, sive non casualis: & quidem meritò, nam si casualis nativitas Patris tolleret filio accidentaliter nato originem, possibilis esset casus, quo dictus filius origine ad ordines careret, si namque non solus Pater, sed Avus, Abavus, Atavusque casualiter nati fuissent, quod impossibile non est.

DUBIUM VI. *Quæ erit origo filii ex accidentinati, casu quo locus in quo Pater natus est, vel Episcopo caret, vel est Schismaticus.*

132. **V.** G. Schismaticus uxoratus ad Curiam Principis Catholici Legatione, aliove ministerio advenit, in illaque filius ei nascitur, quique Catholicam amplectitur fidem, ad ordinesque promoveri desiderat, quæritur, quis sit dicti filii originis Episcopus, qui ipsum titulo originis promovere valeat: Non is ubi natus est, cum inibi ex accidenti ortus fuerit: Non item Episcopus paternæ originis, cum vel Episcopo careat, vel Schismaticus supponitur, à quo nequit Catholicus ordines suscipere, *cap. ordinationes, 9. quest. 1. quis ergo?*

133. Respondetur, non esse improbabile, quod si dicti filii Mater fuerit Catholica, in locoq; suæ naturalis originis adsit Catholicus Antistes, hic possit titulo originis ad ordines promoveri, paritate ab illegitimis sumpta, quibus origo Matris suffragatur, loco Parentum incognitorum; at Patrem carere circumstantiis, ut possit filio originem ad ordines tribuere, & Patrem ignorari, quo ad hunc effectum, idem prorsus est: ergo sicut in illegitimis origo naturalis Matris attenditur, sic in nostro

stro casu attendi, non improbabile erit. Idem prorsum dicendum, estò prædictus Orator Catholicus fuerit, temporeque suæ Legationis locus suæ naturalis originis ab inimicis Ecclesiæ occupatus fuerit, in eoquæ Antistes Schismaticus dumtaxat inveniat, propter eandem rationem.

134. Cæterum si Mater etiam Schismatica fuerit, recurrendum ad Sedem Apostolicam, quæ originis Episcopum, ut dictum filium ad ordines promoveat, assignet, verius, & securius censeo, inferturque, *ex cap. fraternitatem, 71. distinct.* Ubi Clericus propria Ecclesia spoliatus, eo quod inimici ipsam occuparunt, Apostolica auctoritate in alia Ecclesia fuit adscriptus, ibi: *Præsentibus duximus concedendum, habituro licentiam Diaconum illum, nostra interveniente auctoritate Ecclesia tua, Deo propitio, constituere cardinalem.* Pariformiter igitur in nostro casu, deficiente proprio Episcopo originis, ad sedem Apostolicam, pro eo stabiliendo, recurrendum erit.

135. Probabile itidem est, filium natum ex Judæis, vel Turcis, qui postea baptizatur, originarium esse ad ordines illius Loci Catholici, in quo sacrum Baptismum suscepit, ut cum aliis docet D. Lamperez, n. 400. Baptismus enim, qui est spiritualis nativitas, subrogatur loco nativitatis naturalis. Filii autem Hæretici, qui apud Hæreticos baptizatus, hæresique detestata, apud Catholicos iterum baptizatur, originarius est Loci secundi Baptismatis, eo enim quod secundo baptizatur, supponitur primum Baptismum invalidum fuisse, invalidusque Baptismus, Baptismus non est, *cap. non ut apponeres, de Baptismo*: & non entis, nullæ sunt proprietates. Sed ante Baptismum præferenda est Matris origo, si Catholica fuerit, in locoque Catholico Antistiti subjecto, nata, quia id conformius præsentī Constitutioni videtur, exemplo illegitimorum, in quibus non ad Baptismum, sed ad Matris originem Auctores recurrunt.

DUBIUM VII. *An filius natus ex accidenti in aliquo loco sit ejusdem originarius, Patre in alio loco ejusdem Diœcesis domicilio contrabente.*

136. **P**ræsentis Constitutionis decreto, firmatur, filium natum ex accidenti in oppido alicujus Diœcesis, si in ipso

ipso postea Pater domicilium contraxerit, originarium ad ordines esse Episcopi novi, ac posterioris domicilii, quæritur, num idem intelligendum in casu, quo Pater non in eodem oppido, ubi filius casualiter natus fuit, sed in alio, ejusdem tamen Diocesis, domicilium contraxerit.

137. Respondetur affirmativè; Nomine enim *Loci alieni* in præsentī clausula, n. 97. exarata, intelligitur tota Diocesis; *Glos. in cap. cum nullus, de temporib. ordinat. in 6. V. Parochia*; ergo in quocumque oppido Pater domicilium elegerit, præsens dispositio militabit. Antecedens probatur, tum quia hac clausula moderatur antecedens, n. 95. relata, & in qua præsens Constitutio expresse de tota loquitur Diocesi, ait enim; *Ceterum subditus ratione originis is tantum fit, ac esse intelligatur qui naturaliter ortus est in ea Diocesi, &c.* at quando verba legis posteriora moderantur antecedentia, necesse est, una & alia in eodem sensu usurpari: ergo cum in lege antecedenti moderata sermo sit de tota Diocesi, verba posteriora moderantia intelligenda etiam sunt de Diocesi tota, & non solum de oppido numerico, in quo supponitur natus casualiter filius: Tum quia ut docet Barbossa, *Jur. univer. lib. 1. cap. 11. n. 68.* tota Diocesis est Episcopi Parochia: ergo in quocumque oppido Pater, in casu proposito, domicilium contrahat, in eodem loco contrahet, contrahit enim in eadem Parochia.

DUBIUM VIII. *Quo tempore Domicilium à patre in loco casualis nativitatis filii contrahendum est, ut iste originarius maneat ejusdem Loci.*

138. **D**omicilium Patris subsecutum nativitatem casualem filii, in eodemque nativitatis loco, originem ad ordines filio tribuere, constat ex verbis præsentis Constitutionis, n. 97. relatis, controvertitur tamen, an præsens dispositio locum habeat, quocumque tempore Pater inibi domicilium contraxerit.

139. Pro cujus decisione adnotandum est, I. In triplici diverso tempore posse Patrem in dicto loco sedem domicilii stabilire. I. Immediatè post nativitatem casualem filii, II. Aliquo interiecto tempore, permanendo tamen in ipso loco nativitatis casua-

sualis, ita ut post filii ortum in dicto loco, Pater ad alium locum habitationem non mutaverit, sed inibi, etsi sine domicilio, habitationem continuavit, III. Ita ut post filii nativitatem, ad aliam Dioecesim se divertit Pater, vel in ea domicilium contrahens, vel alia occupatione cum tota sua familia per aliquod tempus ibidem commorans, posteaque reversus ad locum nativitatis casualis filii, in eo domicilium contrahit.

140. Adnotandum II. Quæstionem non procedere in primo & secundo sensu: Undè si Pater, in casu proposito, domicilium contrahat sive immediatè ad filii nativitatem, sive tempore elapso, sine interruptione tamen habitationis in præfato casualis nativitatis loco, certum est, quod domicilium, prout de Jure exposcitur, sub secuto in ipso loco, filius erit ad ordines originarius ejusdem Loci in quo casualiter natus fuit. Præsens enim Constitutio Patrem non arctat, quod immediatè ad nativitatem casualem filii in aliquo loco, in ipso domicilium contrahat: ergo sive immediatè, sive tempore elapso sedem inibi domicilii figat, præsens dispositio locum habet. Totà ergo difficultas, si quæ sit, in tertio sensu procedit, scilicet in casu quo nato filio in eo loco, Pater inde cum tota sua familia disceserit per aliquot annos, domicilium in alia Dioecesi contrahendo, vel saltem in ea habitando, postea tamen ad locum casualis nativitatis filii revertatur, in eoque domicilium de jure contrahat, num hoc sufficiat, ut dictus filius sit originarius Loci, in quo casualiter ortus fuit.

141. Respondeo sufficere; Præsens namque Constitutio non exposcit, quod Pater habitationem in eo loco continuet: ergo licet interruptat, locum habebit præsens dispositio. Antecedens constat, nam verba præsentis Constitutionis n. 65. relata eodem modo loquuntur de nativitate casuali procedente causa itineris Patrum, ac causa officii, Legationis, &c. Sed qui itineratur, in loco itineris non permanet, sed ad alium transitum facit, hoc enim proprie itinerare est: ergo de mente Constitutionis non potuit esse, quod nato filio, Pater in loco nativitatis casualis filii detineretur, quousque domicilium contraheret: ergo licet habitationem interruptat, præsens dispositio locum habebit.

142. Sed dices I. Præsentī Constitutione, in nostro casu, cavetur, quod Pater in loco casualis nativitatis filii tandem ac eo

animo permaneat, &c. ergo supponit, quod in eo loco Pater permanere debet: ergo permanentia interrupta, præsens dispositio minimè locum habet. Respondetur enim, eam permanentiam referri ad domicilium posterius à Patre contrahendum, non autem ad tempus antecedens, ut ex se constat.

143. Dices II. Hinc sequi, quod filius posset habere ad ordines duas origines simul, quodque præsentī dispositione mordicè refragatur. Sequela esset manifesta in casu, quo nato filio casualiter in aliquo loco, inde ad alium Pater transmigraret per aliquot annos, in hoc eventu filius esset originarius Loci paternæ naturalis originis; demus igitur Dominum Episcopum paternæ dictæ originis dictum filium Clericali tonsura initiassè; postmodum autem Pater in loco ortus casualis filii domicilium contrahat, en filium jam originarium Loci domicilii paterni: ergo haberet duas origines simul: ergo ut hoc vitetur, dicendum, quod ut filius originem in loco suæ casualis nativitatis acquirat, non debet Pater alibi transmigrare.

144. Sed respondetur, quod argumentum æque præmit si-
ve Pater continuet habitationem in loco casualis ortus filii, si-
ve interrumpat, ut per se est manifestum: ergo perperam ex eo ad
nostrum intentum arguitur. Respondetur II. negando antecede-
dens, nec casu, quo probatur, convincitur: dicimus namque,
quod domicilio non contracto à Patre in loco nativitatis casualis
filii, iste est originarius Loci paternæ naturalis originis: at
contracto domicilio in dicto loco ortus filii, efficitur origina-
rius novi domicilii paterni, cessatque à primo origine, sicque
non habet duas origines simul.

145. Sed instabis: Semel domicilio à Patre contracto in loco
casualis nativitatis filii, hic ita permanet originarius Loci suæ na-
tivitatis ut licèt Pater postea domicilium ad aliam Diocesim
mutet, non ideo filius desinat esse originarius Loci sui fortuiti or-
tus: ergo pariformiter, semel quod filius sit originarius, in casu
argumenti, Loci paternæ originis, licèt postea Pater domicilium
contrahat in loco casualis ortus filii, non ideo filius amitter pri-
mam originem, sed ita acquireret secundam, ut primam non amit-
tat: ergo habebit duas origines simul.

146. Antecedens difficultatem tangit, dubio sequenti exa-

minandam, eo tamen promisso, negatur consequentia. Disparitas in eo stat, quod præsens Constitutio dum filio casualiter nato paternam originem pro origine ad ordines assignat, non absolute, sed cum addito scilicet, nisi Pater in eodem loco casualis ortus filii pro tempore domicilium contraxerit, unde purificata conditione, cessat in filio prima origo: Cæterum, cum eadem Constitutio filio casualiter nato assignat pro origine locum sui fortuiti ortus, casu quo in eodem Pater domicilium contrahat, hoc assignat absolute, & sine ulla moderatione, sicque semel à Patre inibi domicilio contracto, origo filii perseverat, & si Pater plura mutet domicilia.

DUBIUM IX, *Utrum Semel à Patre domicilio in loco casualis natiuitatis filii contracto, si Pater mutet domicilium, filius originem ejus Loci amittat.*

147. **C**UM præsens Constitutio stabiliat, quod si Pater in loco casualis ortus filii domicilium contrahat, filius ad ordines originarius sit ejusdē Loci sui ortus casualis, nonque Loci paternæ naturalis originis, ut antea præmiserat, dubitatur, an hæc dispositio consistat, estò Pater inde domicilium ad aliam Dioecesim mutaverit, ita ut domicilio à Patre mutato, filius non sit originarius jam Loci sui casualis ortus, ubi Pater fixerat domicilium, sed ad paternam reddat originem, hujusque originarius sit.

148. Respondeo, filium permanere, originarium dicti Loci sui casualis ortus, esto Pater inde ad aliam Dioecesim domicilium mutaverit. Ratio est, quia quod sub conditione exposcitur, semel conditione purificata, factum sub illa subsistit, licet postea conditio desierit, *leg. si quis hæredem. C. de inst. & subst.* Quare si Maria instituta hæres fuit, ea conditione, quod Petro nubat; eaque Petro Matrimonium offerat. hicque recusaverit, intuituque suæ resistantiæ Mariæ hæreditas tribuatur, hæreditate Maria spolianda non est, licet postea Petrus cum Maria contrahere vellit, hæc autem recuserit; nam sufficit semel conditionem extitisse, licet postea desierit. Baldus, *leg. 1. Cod. de inst. & subst.* Tiraquel. *leg. si unquam V. suscepit filios num. 151. Cod. de*

revocat. donat. Molina lib. 1. de Primog. cap. 6. num. 17. M. Basilus de Matrim. lib. 3. cap. 17. num. 10.

149. Ratio hujus est, quod sermo simpliciter prolatus, intelligitur de prima vice. Leg. Bobes. §. hoc sermone, ff. de verb. significat. firmatque Sanchez de Matrim. lib. 1. disp. 33. n. 14. dummodo conditio negativa non fuerit, vel ea posita jus ille adquisierit in cujus favore, vel gravamine, posita fuit; quia nemini variare licet, Jure jam alteri comparato. Glof. cap. nostri. de electione. V. revocare. Sanchez num. 15. cumque in nostro casu conditio sub qua filio locus suæ casualis nativitatis pro origine conceditur, negativa non sit, ut per se patet, & alias semel à Patre domicilio contracto in dicto loco, filius jus adquisierit, ut ab ejus Episcopo promoveri possit, hinc est, quod licet Pater postea domicilium mutaverit, ejusdem Loci manebit filius originarius.

150. Firmatur amplius, quia domicilium, quod in nostro casu eligit Pater, ipsi domicilium habitationis, ut Auctores vocitant, est; filio tamen domicilium est originis, quodque ex natura sua invariabile est, ut cum communi docet Barbosa de potest. Episc. allegat. 4. n. 20. & licet in Præsenti Constitutione varietur, est casus singularis, & extra regularem cursum, ideoque minimè extendendum ultra Legis casus expressos, favetque, cap. quæ à jure, de regul. Jur. in 6. At si doctrina contraria vera foret, domicilium originis dicti filii in nostro casu, ad nomen Patris variabile esset; posset enim Pater postquam domicilium in loco casualis nativitatis filii domicilium contraxit, inde ad aliam Dioecsim domicilium mutare, iterumque in pristino loco domicilium contrahere, sicque originem filii variare, quod aliquando in fraudem factum, timeri posset.

151. Objicit D. Lamperez, n. 411. In dicto casu origo conceditur filio sub conditione, quod Pater domicilium contrahat in loco casualis ortus filii: ergo deficiente domicilio Patris in ipso loco, nequit filius ejusdem Loci originarius esse: Quæ enim ex duobus componuntur, deficiente altero, totum deficit, sic deficiente materia, totum compositum deficit: Cum ergo origo filii in nostro casu ex naturali ac casuali orru filii in aliquo loco, & ex paterno domicilio, subsecuto, componatur,

loco ubi de novo domicilium parat, & ita tenet Andreas à S. Joseph. *Crisol. Theologi. V. Domicilio*, n. 578. Cum ergo in nostro casu Titius à loco sui domicilii antiqui non sit mutatus, vel saltem in loco novi domicilii hætenus non habitaverit, cum domicilio permanet in loco, à quo transitum parat: contrarium tamen docet Panormitanus, *in cap. Rodolphus, de Rescriptis*, n. 9. Ad rationem dubitandi, dicimus, animum perpetuò habitandi esse necessarium, ut quis de novo domicilium contrahat in aliquo loco, non autem ut contractum conserve, quod ex dictis satis constat.

DUBIUM XI. De origine illegitimorum.

157. **D**upliciter horum nativitatis contingere valet, vel enim ipsorum ortus in loco domicilii parentum accidere potest, vel extra, ita ut parentes nullibi domicilium habeant, vel si habeant; diversum sit, Patris scilicet in una Diocesi, Matris in alia; Item Pater potest esse notus, aut ignotus: in his ergo, & similibus eventibus quæritur, quis sit prædictorum illegitimorum locus originis, ut promoveri valeant.

158. Pro quo adnotandum. In præsentí Constitutione, n. 95. relata, duplicem dispositionem legi, aliam pro nativitate filii propria, aliam pro fortuita, ac casuali, diversamque originem ad ordines pro diversitate nativitatis assignari: Item, ut ex verbis, n. 97. præfixis, constat, præsentí Constitutione statuitur, quod si Pater in loco, ubi filius ex accidenti natus est, domicilium contraxerit filius originarius sit Loci novi domicilii paterni. Difficultas ergo est, an omnes istæ dispositiones comprehendant, in suo respectivè casu, illegitimos filios.

159. Resolutio hujus difficultatis ab alia pendet, scilicet, an quando leges aliquid circa filios disponunt, nomine filiorum intelligantur illegitimi, de qua Barbossa *de appellat. verb. appellat.* 99. n. 35. & 36. Ubi in affirmativam inclinat, quando ratio legis certà est, & omnibus filiis æqualiter convenit: Unde in præsentí triplex erit quæstio. I. An quando illegitimus oritur in loco, ubi parentes habent domicilium, originarius sit ejusdem Loci, II. An deficiente in Parentibus domicilio, illegitimus se-

quatur originem paternam, an maternam. III. An si Pater, Materve illegitimi domicilium contrahant in loco, ubi dictus filius natus est, ratione istius domicilii sit originarius Loci novi domicilii parentum.

160. Respondetur I. Quod illegitimus natus in loco ubi ejus parentes habent domicilium, esto de Patre certò constet, esse originarium Loci domicilii materni. Ita Joannes Præpositus, apud Dianam, p. 8. tract. 2. resolut. 18. Cujus sententia etiam in terminis præsentis Constitutionis tenenda videtur; quia Leges, quæ cum filiis loquuntur, non comprehendunt illegitimos, quando earum ratio æqualiter non convenit legitimis, & illegitimis; at sic est in præsentia; nam in legitimis, eorum parentes idem habent domicilium Viri, uxoris est domicilium, cum pro eadem persona reputentur, propter unionem Matrimonii: Non sic in fornicariis, quilibet enim eorum habere posset diversum domicilium, & in diversa Diocesi, ex quo fieret, quod si illegitimus domicilium utriusque parentis sequeretur, duplicem haberet originem ad ordines, contra præsentem Constitutionem, quæ duplicem originem non consentit: Ergo dicendum, quod illegitimus domicilium maternum dumtaxat pro origine sequetur.

161. Hæc consequentia probatur, nam major constat ex doctrina Barbossæ citati, n. 159. Tum quia à Matre certius procedit, ut docet Diana citatus, tum quia filii in servitutis, vel libertatis conditione, ex legum dispositione, Matrem sequuntur: ergo & in origine ad ordines domicilium Matris sequuntur, cum eadem sit ratio. Tum quia si tempore quo illegitimus nascitur, ejus Pater haberet domicilium, non autem Mater, vel è contra, esset originarius jam Loci paterni domicilii, jam materni, & nihil fixum esset: ergo ut hæc incommoda vitentur, dicendum, quod illegitimi domicilium Matris sequuntur, non vero Patris, etiam si de Patre certò constet, quia hoc est dispositioni Juris Civilis conformius.

162. Unde si Mater, tempore quo illegitimus nascitur, nulli domicilium habeat, censetur natus ex accidenti, etiam si de Patre certò constet, habeatque domicilium, quia ex dictis conditionem Matris sequitur. Similiter, si Mater illegitimi domicilium

loco ubi de novo domicilium parat, & ita tenet Andreas à S. Joseph. *Crisol. Theologi. V. Domicilio, n. 578.* Cum ergo in nostro casu Titius à loco sui domicilii antiqui non sit mutatus, vel saltem in loco novi domicilii hactenus non habitaverit, cum domicilio permanet in loco, à quo transitum parat: contrarium tamen docet Panormitanus, *in cap. Rodolphus, de Rescriptis, n. 9.* Ad rationem dubitandi, dicimus, animum perpetuò habitandi esse necessarium, ut quis de novo domicilium contrahat in aliquo loco, non autem ut contractum conserve, quod ex dictis satis constat.

DUBIUM XI. De origine illegitimorum.

157. **D**upliciter horum nativitatis contingere valet, vel enim ipsorum ortus in loco domicilii parentum accidere potest, vel extra, ita ut parentes nullibi domicilium habeant, vel si habeant; diversum sit, Patris scilicet in una Diocesi, Matris in alia; Item Pater potest esse notus, aut ignotus: in his ergo, & similibus eventibus quæritur, quis sit prædictorum illegitimorum locus originis, ut promoveri valeant.

158. Pro quo adnotandum. In præsentí Constitutione, *n. 95.* relata, duplicem dispositionem legi, aliam pro nativitate filii propria, aliam pro fortuita, ac casuali, diversamque originem ad ordines pro diversitate nativitatis assignari: Item, ut ex verbis, *n. 97.* præfixis, constat, præsentí Constitutione statuitur, quod si Pater in loco, ubi filius ex accidenti natus est, domicilium contraxerit filius originarius sit Loci novi domicilii paterni. Difficultas ergo est, an omnes istæ dispositiones comprehendant, in suo respectivè casu, illegitimos filios.

159. Resolutio hujus difficultatis ab alia pendet, scilicet, an quando leges aliquid circa filios disponunt, nomine filiorum intelligantur illegitimi, de qua Barbosa *de appellat. verb. appellat. 99. n. 35. & 36.* Ubi in affirmativam inclinat, quando ratio legis certà est, & omnibus filiis æqualiter convenit: Unde in præsentí triplex erit quæstio. I. An quando illegitimus oritur in ubi parentes habent domicilium, originarius sit ejusdem

II. An deficiente in Parentibus domicilio, illegitimus se-

quatur originem paternam, an maternam. III. An si Pater, Materve illegitimi domicilium contrahant in loco, ubi dictus filius natus est, ratione istius domicilii sit originarius Loci novi domicilii parentum.

160. Respondetur I. Quod illegitimus natus in loco ubi ejus parentes habent domicilium, estò de Patre certò constet, esse originarium Loci domicilii materni. Ita Joannes Præpositus, apud Dianam, p. 8. tract. 2. resolut. 18. Cujus sententia etiam in terminis præsentis Constitutionis tenenda videtur; quia Leges, quæ cum filiis loquuntur, non comprehendunt illegitimos, quando earum ratio aequaliter non convenit legitimis, & illegitimis; at sic est in præsentis; nam in legitimis, eorum parentes idem habent domicilium Viri, uxoris est domicilium, cum pro eadem persona reputentur, propter unionem Matrimonii: Non sic in fornicariis, quilibet enim eorum habere posset diversum domicilium, & in diversa Diœcesi, ex quo fieret, quod si illegitimus domicilium utriusque parentis sequeretur, duplicem haberet originem ad ordines, contra præsentem Constitutionem, quæ duplicem originem non consentit: Ergo dicendum, quod illegitimus domicilium maternum dumtaxat pro origine sequetur.

161. Hæc consequentia probatur, nam major constat ex doctrina Barbossæ citati, n. 159. Tum quia à Matre certius procedit, ut docet Diana citatus, tum quia filii in servitutis, vel libertatis conditione, ex legum dispositione, Matrem sequuntur: ergo & in origine ad ordines domicilium Matris sequuntur, cum eadem sit ratio. Tum quia si tempore quo illegitimus nascitur, ejus Pater haberet domicilium, non autem Mater, vel è contra, esset originarius jam Loci paterni domicilii, jam materni, & nihil fixum esset: ergo ut hæc incommoda vitentur, dicendum, quod illegitimi domicilium Matris sequuntur, non vero Patris, etiam si de Patre certò constet, quia hoc est dispositioni Juris Civilis conformius.

162. Unde si Mater, tempore quo illegitimus nascitur, nullo domicilium habeat, censetur natus ex accidenti, etiam si de Patre certò constet, habeatque domicilium, quia ex dictis conditionem Matris sequitur. Similiter, si Mater illegitimi domicilium

loco ubi de novo domicilium parat, & ita tenet Andreas à S. Joseph. *Crisol. Theologi. V. Domicilio*, n. 578. Cum ergo in nostro casu Titius à loco sui domicilii antiqui non sit mutatus, vel saltem in loco novi domicilii hætenus non habitaverit, cum domicilio permanet in loco, à quo transitum parat: contrarium tamen docet Panormitanus, *in cap. Rodolphus, de Rescriptis*, n. 9. Ad rationem dubitandi, dicimus, animum perpetuò habitandi esse necessarium, ut quis de novo domicilium contrahat in aliquo loco, non autem ut contractum conserve, quod ex dictis satis constat.

DUBIUM XI. De origine illegitimorum.

157. **D**upliciter horum nativitatis contingere valet, vel enim ipsorum ortus in loco domicilii parentum accidere potest, vel extra, ita ut parentes nullibi domicilium habeant, vel si habeant, diversum sit, Patris scilicet in una Diocesi, Matris in alia; Item Pater potest esse notus, aut ignotus: in his ergo, & similibus eventibus quæritur, quis sit prædictorum illegitimorum locus originis, ut promoveri valeant.

158. Pro quo adnotandum. In præsentì Constitutione, n. 95. relata, duplicem dispositionem legi, aliam pro nativitate filii propria, aliam pro fortuita, ac casuali, diversamque originem ad ordines pro diversitate nativitatis assignari: Item, ut ex verbis, n. 97. præfixis, constat, præsentì Constitutione statuitur, quod si Pater in loco, ubi filius ex accidenti natus est, domicilium contraxerit filius originarius sit Loci novi domicilii paterni. Difficultas ergo est, an omnes istæ dispositiones comprehendant, in suo respectivè casu, illegitimos filios.

159. Resolutio hujus difficultatis ab alia pendet, scilicet, an quando leges aliquid circa filios disponunt, nomine filiorum intelligantur illegitimi, de qua Barbossa *de appellat. verb. appellat.* 99. n. 35. & 36. Ubi in affirmativam inclinat, quando ratio legis certà est, & omnibus filiis æqualiter convenit: Unde in præsentì triplex erit quæstio. I. An quando illegitimus oritur in loco, ubi parentes habent domicilium, originarius sit ejusdem

II. An deficiente in Parentibus domicilio, illegitimus se-

quatur originem paternam, an maternam. III. An si Pater, Materve illegitimi domicilium contrahant in loco, ubi dictus filius natus est, ratione istius domicilii sit originarius Loci novi domicilii parentum.

160. Respondetur I. Quod illegitimus natus in loco ubi ejus parentes habent domicilium, estò de Patre certò constet, esse originarium Loci domicilii materni. Ita Joannes Præpositus, apud Dianam, *p. 8. tract. 2. resolut. 18.* Cujus sententia etiam in terminis præsentis Constitutionis tenenda videtur; quia Leges, quæ cum filiis loquuntur, non comprehendunt illegitimos, quando earum ratio aequaliter non convenit legitimis, & illegitimis; at sic est in præsentis; nam in legitimis, eorum parentes idem habent domicilium Viri, uxoris est domicilium, cum pro eadem persona reputentur, propter unionem Matrimonii: Non sic in fornicariis, quilibet enim eorum habere posset diversum domicilium, & in diversa Diœcesi, ex quo fieret, quod si illegitimus domicilium utriusque parentis sequeretur, duplicem haberet originem ad ordines, contra præsentem Constitutionem, quæ duplicem originem non consentit: Ergo dicendum, quod illegitimus domicilium maternum dumtaxat pro origine sequetur.

161. Hæc consequentia probatur, nam major constat ex doctrina Barbossæ citati, *n. 159.* Tum quia à Matre certius procedit, ut docet Diana citatus, tum quia filii in servitutis, vel libertatis conditione, ex legum dispositione, Matrem sequuntur: ergo & in origine ad ordines domicilium Matris sequuntur, cum eadem sit ratio. Tum quia si tempore quo illegitimus nascitur, ejus Pater haberet domicilium, non autem Mater, vel è contra, esset originarius jam Loci paterni domicilii, jam materni, & nihil fixum esset: ergo ut hæc incommoda virentur, dicendum, quod illegitimi domicilium Matris sequuntur, non verò Patris, etiam si de Patre certò constet, quia hoc est dispositioni Juris Civilis conformius.

162. Unde si Mater, tempore quo illegitimus nascitur, nulli domicilium habeat, censetur natus ex accidenti, etiam si de Patre certò constet, habeatque domicilium, quia ex dictis conditionem Matris sequitur. Similiter, si Mater illegitimi domicilium

loco ubi de novo domicilium parat, & ita tenet Andreas à S. Joseph. *Crisol. Theologi. V. Domicilio*, n. 578. Cum ergo in nostro casu Titius à loco sui domicilii antiqui non sit mutatus, vel saltem in loco novi domicilii hætenus non habitaverit, cum domicilio permanet in loco, à quo transitum parat: contrarium tamen docet Panormitanus, in *cap. Rodolphus, de Rescriptis*, n. 9. Ad rationem dubitandi, dicimus, animum perpetuò habitandi esse necessarium, ut quis de novo domicilium contrahat in aliquo loco, non autem ut contractum conserve, quod ex dictis satis constat.

DUBIUM XI. De origine illegitimorum.

157. **D**upliciter horum nativitatis contingere valet, vel enim ipsorum ortus in loco domicilii parentum accidere potest, vel extra, ita ut parentes nullibi domicilium habeant, vel si habeant; diversum sit, Patris scilicet in una Diocesi, Matris in alia; Item Pater potest esse notus, aut ignotus: in his ergo, & similibus eventibus quæritur, quis sit prædictorum illegitimorum locus originis, ut promoveri valeant.

158. Pro quo adnotandum. In præsentī Constitutione, n. 95. relata, duplicem dispositionem legi, aliam pro nativitate filii propria, aliam pro fortuita, ac casuali, diversamque originem ad ordines pro diversitate nativitatis assignari: Item, ut ex verbis, n. 97. præfixis, constat, præsentī Constitutione statuitur, quod si Pater in loco, ubi filius ex accidenti natus est, domicilium contraxerit filius originarius sit Loci novi domicilii paterni. Difficultas ergo est, an omnes istæ dispositiones comprehendant, in suo respectivè casu, illegitimos filios.

159. Resolutio hujus difficultatis ab alia pendet, scilicet, an quando leges aliquid circa filios disponunt, nomine filiorum intelligantur illegitimi, de qua Barbossa *de appellat. verb. appellat.* 99. n. 35. & 36. Ubi in affirmativam inclinat, quando ratio legis certà est, & omnibus filiis æqualiter convenit: Unde in præsentī triplex erit quæstio. I. An quando illegitimus oritur in
ubi parentes habent domicilium, originarius sit ejusdem
II. An deficiente in Parentibus domicilio, illegitimus se-

quatur originem paternam, an maternam. III. An si Pater, Materve illegitimi domicilium contrahant in loco, ubi dictus filius natus est, ratione istius domicilii sit originarius Loci novi domicilii parentum.

160. Respondetur I. Quod illegitimus natus in loco ubi ejus parentes habent domicilium, estò de Patre certò constet, esse originarium Loci domicilii materni. Ita Joannes Præpositus, apud Dianam, *p. 8. tract. 2. resolut. 18.* Cujus sententia etiam in terminis præsentis Constitutionis tenenda videtur; quia Leges, quæ cum filiis loquuntur, non comprehendunt illegitimos, quando earum ratio æqualiter non convenit legitimis, & illegitimis; at sic est in præsentis; nam in legitimis, eorum parentes idem habent domicilium Viri, uxoris est domicilium, cum pro eadem persona reputentur, propter unionem Matrimonii: Non sic in fornicariis, quilibet enim eorum habere posset diversum domicilium, & in diversa Diocesi, ex quo fieret, quod si illegitimus domicilium utriusque parentis sequeretur, duplicem haberet originem ad ordines, contra præsentem Constitutionem, quæ duplicem originem non consentit: Ergo dicendum, quod illegitimus domicilium maternum dumtaxat pro origine sequetur.

161. Hæc consequentia probatur, nam major constat ex doctrina Barbossæ citati, *n. 159.* Tum quia à Matre certius procedit, ut docet Diana citatus, tum quia filii in servitutis, vel libertatis conditione, ex legum dispositione, Matrem sequuntur: ergo & in origine ad ordines domicilium Matris sequuntur, cum eadem sit ratio. Tum quia si tempore quo illegitimus nascitur, ejus Pater haberet domicilium, non autem Mater, vel è contra, esset originarius jam Loci paterni domicilii, jam materni, & nihil fixum esset: ergo ut hæc incommoda vitentur, dicendum, quod illegitimi domicilium Matris sequuntur, non verò Patris, etiam si de Patre certò constet, quia hoc est dispositioni Juris Civilis conformius.

162. Unde si Mater, tempore quo illegitimus nascitur, nulli domicilium habeat, censetur natus ex accidenti, etiam si de Patre certò constet, habeatque domicilium, quia ex dictis conditionem Matris sequitur. Similiter, si Mater illegitimi domicilium

minandam, eo tamen promisso, negatur consequentia. Disparitas in eo stat, quod præsens Constitutio dum filio casualiter nato paternam originem pro origine ad ordines assignat, non absolutè, sed cum addito scilicèt, nisi Pater in eodem loco casualis ortus filii pro tempore domicilium contraxerit, undè purificata conditione, cessat in filio prima origo: Cæterum, cum eadem Constitutio filio casualiter nato assignat pro origine locum sui fortuiti ortus, casu quo in eodem Pater domicilium contrahat, hoc assignat absolutè, & sine ulla moderatione; sicque semel à Patre inibi domicilio contracto, origo filii perseverat, & si Pater plura mutet domicilia.

DUBIUM IX, *Utrum Semel à Patre domicilio in loco casualis natiuitatis filii contracto, si Pater mutet domicilium, filius originem ejus Loci amittat.*

147. **C**UM præsens Constitutio stabilit, quod si Pater in loco casualis ortus filii domicilium contrahat, filius ad ordines originarius sit ejusdè Loci sui ortus casualis, nonque Loci paternæ naturalis originis, ut antea præmiserat, dubitatur, an hæc dispositio consistat, estò Pater inde domicilium ad aliam Diocesim mutaverit, ita ut domicilio à Patre murato, filius non sit originarius jam Loci sui casualis ortus, ubi Pater fixerat domicilium, sed ad paternam reddat originem, hujusque originarius sit.

148. Respondeo, filium permanere, originarium dicti Loci sui casualis ortus, estò Pater inde ad aliam Diocesim domicilium mutaverit. Ratio est, quia quod sub conditione exposcitur, semel conditione purificata, factum sub illa subsistit, licèt postea conditio defierit, *leg. si quis haredem. C. de inst. & subst.* Quare si Maria instituta hæres fuit, ea conditione, quod Petro nubat, eaque Petro Matrimonium offerat. hicque recusaverit, intuituque suæ resistantiæ Mariæ hæreditas tribuatur, hæreditate Maria spolianda non est, licèt postea Petrus cum Maria contrahere vellent, hæc autem recuset; nam sufficit semel conditionem extitisse, licèt postea defierit. Baldus, *leg. 1. Cod. de inst. & subst.* Tiraquel. *leg. si unquam V. suscepit filios num. 151. Cod. de*

revocat. donat. Molina lib. 1. de Primog. cap. 6. num. 17. M. Basilus de Matrim. lib. 3. cap. 17. num. 10.

149. Ratio hujus est, quod sermo simpliciter prolatus, intelligitur de prima vice. Leg. Bobes. §. hoc sermone, ff. de verb. significat. firmatque Sanchez de Matrim. lib. 1. disp. 33. n. 14. dummodo conditio negativa non fuerit, vel ea posita jus ille adquisierit in cujus favore, vel gravamine, posita fuit; quia nemini variare licet, Jure jam alteri comparato, Glos. cap. nostri. de electione. V. revocare. Sanchez num. 15. cumque in nostro casu conditio sub qua filio locus suæ casualis nativitatis pro origine conceditur, negativa non sit, ut per se patet, & alias semel à Patre domicilio contracto in dicto loco, filius jus adquisierit, ut ab ejus Episcopo promoveri possit, hinc est, quod licet Pater postea domicilium mutaverit, ejusdem Loci manebit filius originarius.

150. Firmatur amplius, quia domicilium, quod in nostro casu eligit Pater, ipsi domicilium habitationis, ut Auctores vocitant, est; filio tamen domicilium est originis, quodque ex natura sua invariabile est, ut cum communi docet Barbosa de potest. Episc. allegat. 4. n. 20. & licet in Præsenti Constitutione varietur, est casus singularis, & extra regularem cursum, ideoque minimè extendendum ultra Legis casus expressos, favetque, cap. quæ à jure, de regul. Jur. in 6. At si doctrina contraria vera foret, domicilium originis dicti filii in nostro casu, ad nomen Patris variabile esset; posset enim Pater postquam domicilium in loco casualis nativitatis filii domicilium contraxit, inde ad aliam Dioccesim domicilium mutare, iterumque in pristino loco domicilium contrahere, sicque originem filii variare, quod aliquando in fraudem factum, timeri posset.

151. Objicit D. Lamperez, n. 411. In dicto casu origo conceditur filio sub conditione, quod Pater domicilium contrahat in loco casualis ortus filii: ergo deficiente domicilio Patris in ipso loco, nequit filius ejusdem Loci originarius esse: Quæ enim ex duobus componuntur, deficiente altero, totum deficit, sic deficiente materia, totum compositum deficit: Cum ergo origo filii in nostro casu ex naturali ac casuali orru filii in aliquo loco, & ex paterno domicilio, subsecuto, componatur,

istò solummodo deficiente in Patre, totus titulus originis in filio deficiet: corroborarique valet *ex cap. cum sit proprium, de condit. appositis*, ubi servo cui libertas in dicta fuit, sub conditione, quod Monasterium ingrederetur, ingressusque fuisset, jubetur tamen ad pristinam reddere servitutem, eo quod licet in Monasterium ingressus fuerit semel, tamen in ipso non perseveravit: ergo similiter licet Pater, in nostro casu, semel domicilium elegerit in loco nativitatis casualis filii, si tamen ibi domicilium non continuat, filius reddet ad pristinam originem.

152. Respondetur tamen negando consequentiam, ad ejusque probationem dicimus, quod origo filii in dicto casu componitur ex casuali ortu filii, ac Patris domicilio acquisito, non autem conservato, nec præsens Constitutio amplius desiderat, nisi quod Pater in dicto loco domicilium contrahat, quodque semper verificatur, licet postea domicilium mutet; semel enim quod Pater domicilium inibi contraxit, verum est quod origo filii componitur ex Patris domicilio, nam in origine filii moraliter perseverat.

153. Ad confirmationem sumptam, *ex cap. cum sit proprium*, negatur similiter consequentia; nam servo libertas indicta fuit sub conditione, quod Monasterium ingrederetur, & quod in illo per totam vitam continuaret, inde nihil mirum, si non continuavit, quod ad pristinam reddere servitutem juberetur: Cæterum in præsentí Constitutione solummodo indicitur, quod Pater in dicto loco domicilium contrahat, unde semel contracto, legem explet, nam sermo simpliciter prolatus, intelligitur de prima vice. Quo fundamento motus P. Givalinus de *Irregul. cap. 6.* probabile censet, quod illegitimus, qui in Societate primam Professionem emisit, à Societateque ante promotionem ad Sacros ordines fuit expulsus, dispensatisque à R.R. Generali voris, manet absque irregularitate, nec expulsus, reviviscit irregularitas orta ex defectu natalium, quæ dicta Professione fuit avulsa: Aufertur enim irregularitas intuitu Professionis, quam semel possuit, nihilque amplius requiritur.

154. Oportet tamen adnotare, quod domicilium in præsentí casu à Patre contrahendum in loco ubi ejus filius casualiter natus est, debet esse quale Jure communi exposcitur, nec

eget inibi domicilium contrahere juxta dispositionem præsentis Constitutionis infra referendam, nisi in casu quo ipse Pater titulo domicili in eo loco promoveri voluerit quodque ex dictis, ac dicendis satis apparebit. Quid autem requiratur, ut domicilium de Jure communi contrahatur videatur Diana, *part. 8. tract. 2. resol. 15. cum aliis.*

DUBIUM X. *De origine filii nati tempore, quo Pater est in animo, in alia Diœcesi domicilium contrahere.*

155. **C**Asus claritatis gratia sic proponitur. Nascitur Titio filius in Diœcesi Oscensi, tempore quo à dicta Diœcesi ad aliam domicilium transferre parat, ita ut non modo tenus verbis animum hujus mutationis explicaverit, verum etiam majorem partem suorum suppellectilium ad locum ubi transferre domicilium decrevit, remisit, & cum jam ad arripendum iter se accingit ad locum futuri domicilii, in oppido à quo mutatur filius ei nascitur, vel in ipso itinere, quæritur, cujus Diœcesis hic filius erit originarius ad ordines: Oscensis Diœcesis videtur quod non; Pater enim satis animum explicuit, se inibi morari minimè velle, & sine animo perpetuò in aliquo loco morandi, domicilium non intelligitur, ut communiter docent DD. Nec item Loci futuri domicilii originarius esse potest, nondum enim in eo Pater domicilium contraxit, cum in eo hætenus non habitaverit: cujus ergo erit originarius.

156. Respondetur esse ad ordines originarium Loci in quo naturaliter ortus est, & à quo Pater domicilium mutat; quia licet Pater animum mutaverit, & majorem partem suppellectilium alibi remiserit, non ideo domicilium in ipso loco perdidit; sed sic est quod quando filius nascitur in loco ubi Pater domicilium habet, originarius est ad ordines Loci domicilii paterni: ergo & in nostro casu, & ita docet Diana, *part. 4. tract. Miscellan. resolut. 148.* Major constat, nam ut docent communiter Doctores, sicut domicilium non acquiritur solo animo perpetuò habitandi in aliquo loco, nec sola habitatione, sed ambo requiruntur, sic ut domicilium contractum deperdatur, non sufficit animi mutatio, sed requiritur quod simul habiter in

loco ubi de novo domicilium parat, & ita tenet Andreas à S. Joseph. *Crisol. Theologi. V. Domicilio, n. 578.* Cum ergo in nostro casu Titius à loco sui domicilii antiqui non sit mutatus, vel saltem in loco novi domicilii hætenus non habitaverit, cum domicilio permanet in loco, à quo transitum parat: contrarium tamen docet Panormitanus, *in cap. Rodolphus, de Rescriptis, n. 9.* Ad rationem dubitandi, dicimus, animum perpetuò habitandi esse necessarium, ut quis de novo domicilium contrahat in aliquo loco, non autem ut contractum conserve, quod ex dictis satis constat.

DUBIUM XI. De origine illegitimorum.

157. **D**upliciter horum nativitatis contingere valet, vel enim ipsorum ortus in loco domicilii parentum accidere potest, vel extra, ita ut parentes nullibi domicilium habeant, vel si habeant, diversum sit, Patris scilicet in una Dicecesi, Matris in alia; Item Pater potest esse notus, aut ignotus: in his ergo, & similibus eventibus quæritur, quis sit prædictorum illegitimorum locus originis, ut promoveri valeant.

158. Pro quo adnotandum. In præsentí Constitutione, *n. 95.* relata, duplicem dispositionem legi; aliam pro nativitate filii propria, aliam pro fortuita, ac casuali, diversamque originem ad ordines pro diversitate nativitatis assignari: Item, ut ex verbis, *n. 97. præfixis, constat, præsentí Constitutione statuitur, quod si Pater in loco, ubi filius ex accidenti natus est, domicilium contraxerit filius originarius sit Loci novi domicilii paterni.* Difficultas ergo est, an omnes istæ dispositiones comprehendant, in suo respectivè casu, illegitimos filios.

159. Resolutio hujus difficultatis ab alia pendet, scilicet, an quando leges aliquid circa filios disponunt, nomine filiorum intelligantur illegitimi, de qua Barbossa *de appellat. verb. appellat. 99. n. 35. & 36.* Ubi in affirmativam inclinat, quando ratio legis certà est, & omnibus filiis æqualiter convenit: Unde in præsentí triplex erit quæstio. I. An quando illegitimus oritur in loco, ubi parentes habent domicilium, originarius sit ejusdem Loci, II. An deficiente in Parentibus domicilio, illegitimus se-

quatur originem paternam, an maternam. III. An si Pater, Materve illegitimi domicilium contrahant in loco, ubi dictus filius natus est, ratione istius domicilii sit originarius Loci novi domicilii parentum.

160. Respondetur I. Quod illegitimus natus in loco ubi ejus parentes habent domicilium, est de Patre certò constet, esse originarium Loci domicilii materni. Ita Joannes Præpositus, apud Dianam, p. 8. *tract. 2. resolut. 18.* Cujus sententia etiam in terminis præsentis Constitutionis tenenda videtur; quia Leges, quæ cum filiis loquuntur, non comprehendunt illegitimos, quando earum ratio æqualiter non convenit legitimis, & illegitimis; at sic est in præsentia; nam in legitimis, eorum parentes idem habent domicilium Viri, uxoris est domicilium, cum pro eadem persona reputentur, propter unionem Matrimonii: Non sic in fornicariis, quilibet enim eorum habere posset diversum domicilium, & in diversa Diocesi, ex quo fieret, quod si illegitimus domicilium utriusque parentis sequeretur, duplicem haberet originem ad ordines, contra præsentem Constitutionem, quæ duplicem originem non consentit: Ergo dicendum; quod illegitimus domicilium maternum dumtaxat pro origine sequetur.

161. Hæc consequentia probatur, nam major constat ex doctrina Barbosa citati, n. 159. Tum quia à Matre certius procedit, ut docet Diana citatus, tum quia filii in servitutis, vel libertatis conditione, ex legum dispositione, Matrem sequuntur: ergo & in origine ad ordines domicilium Matris sequuntur, cum eadem sit ratio. Tum quia si tempore quo illegitimus nascitur, ejus Pater haberet domicilium, non autem Mater, vel è contra, esset originarius jam Loci paterni domicilii, jam materni, & nihil fixum esset: ergo ut hæc incommoda vitentur, dicendum, quod illegitimi domicilium Matris sequuntur, non vero Patris, etiam si de Patre certò constet, quia hoc est dispositioni Juris Civilis conformius.

162. Unde si Mater, tempore quo illegitimus nascitur, nulli domicilium habeat, censetur natus ex accidenti, etiam si de Patre certò constet, habeatque domicilium, quia ex dictis conditionem Matris sequitur. Similiter, si Mater illegitimi domicilium

cilium in aliqua Diœcesi habens, extra illam in lucem dederit, originarius erit ad ordines Loci materni domicilii, ex dictis *n.* 108. de Legitimo filio nato extra Diœcesim paterni domicilii, quæ doctrina etiam in præsentī casu militat.

163. Respondeo II. Illegitimum natum ex accidenti; eo quod Mater nullibi habet domicilium, originarium ad ordines esse Loci naturalis maternæ originis, etiam si de Patre certò constet, quia Jus Civile, *leg. 1. in fin. ff. ad municip. & leg. ejus qui ff. eodem*, illegitimos solius matris filios agnoscit, eo quod ab ista certius procedant: ergo conditionem solius matris sequentur. Nec obstat, quod præsens Constitutio pro origine filii casualiter nati, locum naturalis paternæ originis assignat; nam ly *Patris*. Latè sumitur, & comprehendit Matrem in casibus quibus secundum Jus ad Patrem nequit recurri, ut docet D. Lamperez *n.* 403. Licet ibidem doceat, quod si de Patre illegitimi certò constet, ad Patris, & non Matris originem recurrendum sit. Sed nostram responsionem tuentur, Barbossa *de potest. Episc. allegat. 4. n. 15.* Diana citat. *resol. 12.* Trullench. *tom. 3. lib. 4. cap. unico, dub. 6. n. 7.* Pax Jordanus, *elucubrat. volu. 1. lib. 3. tit. 6. n. 44. & 45.* ibi: *In filiis naturalibus, & vulgo quæstis, seu illegitimis consideratur origo materna, & non paterna.* & alii ab istis citati.

164. Ad tertium dubium supra *n.* 159. propositum, an scilicet si mater domicilium de Jure contrahat in loco ubi illegitimus natus est, amittat iste originem Loci maternæ originis, fiatque originarius Loci novi materni, domicilii, negativè respondendum censeo, ex dictis supra *n.* 124. cujus doctrina potiori Jure præsentī casui coaptatur.

DUBIUM XII. De origine expositorum, ac derelictorum.

165. **E**Xpositi illi vocantur filii, quorum Patres ignorantur; nam vix ut nati sunt Hospitali ipsis destinato, aut domo alicujus divitis consignantur: quique jam legitimi sunt, & regulariter non modo parentes verum, & locum nativitatis ipsorum ignoratur. De his ergo in præsentī quæritur, quis sit locus originis, ut hoc titulo ad ordines promoveri valeant.

166. Respondetur originarios esse Loci in quo expositi fuerunt,

runt; nam eo quod Patres, locusque eorum ignoretur, cives sunt Loci in quo expositi fuerunt, & ita tenent Barbossa *supra* n. 37. Campanil. apud Trullench. cit. n. 12. ibi: *Expositi ordinari possunt ab Episcopo, qui est Ordinarius Loci, in quo expositi sunt; nam eo quod parentes ignorentur, sine dubio illius Loci effecti sunt cives.* Cum enim in obscuris minimum sit sequendum, *Cap. in obscuris. de regulis jur. in 6.* & locus, parentesque expositorum adeo obscuri sint, locus ubi expositi fuerunt gerit vices *Patria, & Patris*, nam ibi censentur nati: consonatque D. Lamperez n. 404.

167. Sed quia pluribus in Locis dicti infantes exponi valent, experientia teste inquirendum est, quisnam eorum determinatè originis ad ordines tribuat titulum, ne plures origines admittere compellamur, contra præsentis Constitutionis ædictum. V. G. exponitur Titius primo in loco Diœcesi Turiasonensis V. G. ibique baptizatur, secum enim adfert papyrus monentem, lavacro Baptismi non esse ablutum, deinde de loco in locum ad Hospitalem Cæsaraugustanum, locum in expositorum educationem destinatum, conducitur. Quæritur cujus Loci dictus Titius originarius sit, an illius ubi primo expositus fuit, an ejus in quo ad suam educationem permanet.

168. Respondetur esse ad ordines originarium Loci Hospitalis, vel domus divitis ubi ut alatur, ac educetur, permanet, non verò Loci, ubi primo fuit expositus, baptizatusque, quia in isto quasi accidentaliter fuit expositus: sicut enim in præsentis Constitutione duplex distinguitur ortus, alius accidentalis, & quando parentes transitum faciunt, contingens, alius naturalis, cum scilicet in eodem ortus loco domicilio parentes detinentur; ex quibusque ortibus non accidentaliter, sed alius originem ad ordines filio tribuit: sic in expositis duplex exponendi modus distinguendus est, alter ut permaneat in loco ubi exponitur, alius ut inde transitum faciat; & sicut cum nascitur filius in loco, occasione transitus Patris in terminis præsentis Constitutionis est nativitas accidentaliter, quæ originem ad ordines non tribuit, sic cum filius exponitur in loco, non ut ibi permaneat, sed ut inde transitum faciat, exponetur inibi accidentaliter, nec sufficit ut ejus Loci originarius expositus censetur: expositio enim gerit vices nativitatis in expositis, ut

communiter docent Doctores: ergo sicut nativitas filii in transitu parenrum accidentaliter est, originemque non tribuit, ita exponere expositum in loco, ut inde transeat, erit expositio accidentaliter, nec originem ad ordines tribuet, consonat D. Villar, *Patron. de Calatayud, p. 9. costumb. 4. n. 13.* ibi: *Los niños que ponen a las puertas, y en los Hospitales, cuyos padres, y madres se ignoran, son parroquianos, y vezinos de aquel Lugar, y Parroquia, donde fueron expuestos, y criados.* Citatque Bartul. *leg. ad municip. Petrum de Revena, ac Boherium decis. 13. n. 41.* ubi notanda sunt verba novissima, *expuestos, y criados*, quæ indicant, quod ut expositus sit cives alicujus Loci, non sufficit ipsum in loco exponere, sed quod ibi educetur, quodque permanentiam in eodem loco convincit: sic ergo in nostro casu dicendum.

169. Hacque doctrina deciditur singularis casus à Patre Gobat *tract. 8. de ordine, V. Episcopus n. 285.* propositus, de exposito in loco ad plures Episcopos pertinente, ut si exponeretur in columna, quæ in Regno Valentia extat, quæ ad quatuor Dominos Episcopos pertinet, ita ut cum columna dicta quatuor habeat frontes, quælibet diversæ Diœcesis est: dicimus ergo expositum in cuspide dictæ columnæ originarium ad ordines esse illius Episcopi, in cujus Diœcesi stabiliter ad suam educationem permanet, esto de illis quatuor memoratis non sit; quia expositio in dicta columna censetur accidentaliter, quæ ex dictis originem exposito non tribuit.

170. Hactenus dicta intelligenda, veniunt casu quo de Patribus, aut loco expositi minime constet, aliter dicendum, si de ipsis constet temporis cursu: Unde si de Patribus, locoque expositi constet, isque legitimus fuerit, erit originarius Loci in quo naturaliter ortus fuit, modo inibi ex accidenti non sit natus; in hoc enim casu origo naturalis Patris origo filii erit, ex sæpe dictis. Ratio est, quia ex quo de Patribus, & Patria expositi constat, desinit expositus esse, saltem quo ad effectum tituli originis ad ordines.

171. Si tamen Loci, in quo expositus ortus est, minimè verò de Patribus, constet, verius judico originarium esse Loci in quo expositus fuit, non vero Loci in quo natus, immo baptizatus fuit, nam ignorantia ea parentum magnam inducit præsumptio-

ptionem, ibi natum ex accidenti, cum impossibile moraliter appareat Patres ignorari, si in eo loco domicilium contraxerunt, quodque necessarium erat, ut nativitas dicti filii in ipso loco casualis non esset: ergo ex ipsa parentum ignorantia infertur præsumptio, quod inibi dictus filius natus sit ex accidenti, quæ nativitas originem ad ordines non tribuit. Recurrendum ergo ad locum ubi expositus permanenter fuit, quia alius prior non est.

172. Si vero expositus illegitimus fuerit, constetque de Matre, originarius ad ordines erit vel Loci materni domicilii, vel originis naturalis maternæ, juxta dicta supra dubio antecedenti: si autem de Matre non constat, originarius erit Loci, ubi permanenter fuit expositus; gerit enim hic locus vices Patriæ, & parentum. Sed adnotandum est, quod semel admissio exposito in Hospitali, vel alia domo, animo ibi ipsum permanenter alendi, ac educandi, licet postea ad aliam Dioecesim transferatur, permanet semper originarius Loci ubi primò animo ipsum retinendi inibi fuit expositus, quia ibi contraxit domicilium originis, quod ex natura sua invariabile est.

173. E contra vero, si dives, pietate motus, expositum in sua domo, vel alibi, alere, & educare decreverit, animo perpetuo, vel saltem quousque ipsi statum dederit, secum, vel alibi, suis sumptibus tamen, retinere, posteaque ipse dives ad locum ubi dictus filius primo expositus fuit, domicilium mutaverit, non videtur improbabile in isto casu, esse originarium ad ordines Loci, ubi primò expositus fuit; nam prædictus dives gerit vices parentis cum exposito; at quando Pater domicilium contrahit in loco, ubi ejus filius ex accidenti natus fuit, filius ex accidenti natus originarius, ad ordines est ipsius Loci sui casualis ortus, ut ex præsentis constat Constitutione: ergo cum ex una parte, in loco ubi primo expositus fuit, censeatur inibi quasi ex accidenti natus ipse expositus, & ex alia dictus dives vices gerat parentis, idem erit dicendum ac de Patre naturali domicilium contrahente in loco ortus casualis sui filii, dicitur. Sed hoc alii videant.

174. Circa Derelictos, qui illi dicuntur, quorum parentes, cum illi parvuli essent, vel peregrinando, vel in militia mortui fuerunt, ipsique filii nomen parentum, Patriamque suam ignorant, hii inquam originarii sunt Loci ubi primo domicilium contrahunt,

trahunt, ut tenet D. Lamperez, n. 404. Quod verum est, esto postea ad aliam Dioecesim domicilium transferant, quia istud domicilium est originis, quod ex natura sua invariabile est. Nec requiritur quod domicilium contrahat cum omnibus illis circumstantiis præfixis in præsentí Constitutione infra referendis, sed sufficit in nostro casu domicilium de Jure communi contrahere; quia hoc domicilium est, ut originarius in eo loco fiat, tituloque, originis, & non domicilii ad ordines promoveatur; præsens autem Constitutio, dum alias circumstantias exposcit, exposcit solum quando aliquis titulo domicilii promovendus est: ergo non eget domicilium contrahere cum circumstantiis præsentis Constitutionis, si vero nullibi domicilium elegerint, ad Apostolicam Sedem recurrant.

DUBIUM XIII. De Libertorum origine, & Libertinorum.

175. **L**ibertus dicitur, qui cum fuerit servus, manumittitur. Libertini dicuntur, qui ex liberis procreati sunt, hoc est, ipsi quidem numquam servierunt, sed eorum parentes, antequam ipsi nascerentur, è servitute manumissi sunt, & de his queritur, quis possit titulo originis ipsos ad ordines promoveri. Suppono I. Servos in statu servitutis ad ordines promoveri minimè posse, cap. ut filii de filiis Presbyt. ordin. vel non, cap. de servorum, cap. de famulis, de servis non ordinandis. Suppono II. Prædictos liberos nasci potuisse in Africa, aliove loco, ubi Episcopi non extant, vel si extant, Titulares sunt, quique ad ordines promoveri non valent, ex Trident. Sessione 14. cap. 2. de reformat. oriri itidem potuerunt in Locis Catholicorum, sed ex accidenti, occasione itineris scilicet, vel etiam oriri potuerunt, dum eorum parentes Dominis, quorum servi sunt, inservirent.

176. Respondetur, in his, & similibus casibus Libertus originarius est Loci, ubi Patronus veram, & naturalem habeat originem, non autem, ubi ipse Patronus domicilium habet. Ita cum aliis Trullench, n. 12. ibi: *Libertus, quando potest promoveri, ordinandus est ab Episcopo Loci, à quo Patronus trahit originem, quia illius Loci est Libertus municeps, & non ab Episcopo ubi Patronus habet domicilium.* Ratio est, quia cum Liberti parentes nullibi domici-

micilium, ut pote servi, acquirant, filii censentur ex accidenti nati; & cum alias naturalis origo parentum nequeat suffragari, supponitur enim inibi Episcopo carete, recurrendum est ad originem naturalem Patroni, quæ invariabilis est, quaque ratione ad domicilium minimè recurrendum, hoc enim cum variabile sit, jam unius, jam alterius Dioecesis Libertus originarius esset, quod maximum esset inconueniens. Nec Libertus originarius erit Loci ubi Pater Patroni natus est, quia non est naturalis & vera Patroni origo; sed per Juris fictionem: ergo sicut in Patre hæc excluditur præsentī Constitutione pro origine filii ad ordines, ita & in Patrono.

De libertinis autem dicitur, quod si eorum parentes tempore illorum ortus domicilium in aliquo loco contraxerunt, originarii ad ordines erunt Loci paterni domicilii, sin autem tempore ortus Libertinorum domicilio parentes carebant, originarii erunt veræ & naturalis originis Patroni parentum, sicut de Libertis manet dictum, & ita tenet Pax Jordanus, *volum. 1. lib. 3. tit. 6. n. 43.* Propria vero origo accidentalī libertorum, ac libertinorum numquam attendenda est, quidquid in contrarium dicat ipse Jordanus citatus.

177. Quæ omnia dispositioni præsentis Constitutionis conformant. In ea enim disponitur, quod quando filius nascitur ex accidenti aliquo in loco, origo ejus ad ordines sit naturalis Patris origo, & non alia, cumque ortus Liberti, & Libertini, in casu quo ejus Pater nullibi domicilium contraxerit, censeatur ex accidenti, Patronusque, sit velut ejus Pater, neque, origo naturalis Liberti, ac Libertini, ejusque naturalis Patris pro origine ad ordines suffragari valeat, considerata est naturalis origo Patroni, qui Patris vices respectu Liberti gerit, ac Libertini.

178. Excipiendus videtur à prædicta doctrina casus, in quo Liberti Pater Catholicus foret, natusque in loco Catholicorum, ubi Episcopus extat proprius cum subditis; quia in hoc casu probabile videtur dictum Libertum originarium ad ordines fore Loci paternæ naturalis nativitatī, eo quod in præsentī Constitutione verbis supra n. 95. relatis, sic expresse disponitur. Nec obstat, quod juxta leges Civiles filius servus non sit municeps Loci paternæ naturalis originis: Respondetur enim non fieri quo ad alios

alios effectus, secus vero quod ad ordinum effectus; Lege enim præsentis Constitutionis, qua decernitur, filium ex accidenti natum, originarium ad ordines esse Loci paternæ naturalis originis, dici etiam potest, quod, quoad hunc effectum, municeps, etiam filius servus, ipsius Loci decernitur effectus. Similiter si pro tempore Pater servus manumittatur, in locoque, ubi filius ejus ex accidenti natus est domicilium de Jure contrahat, originarius erit Loci novi paterni domicilii, ex dispositione præsentis Constitutionis supra n. 97. relata, quæ cum generalis sit, omnes comprehendit.

DUBIUM XIV. De origine subditorum nullius Diœcesis.

179. **S**ubditi nullius Diœcesis dicuntur, qui morantur in territorio, cujus Prælatus Episcopus non est, verum subjectionem alicui Episcopo minimè recognoscit, immo ipse Prælatus omni jurisdictione Episcopali, vel quasi, gaudet in memorato suo territorio; ex quibus alii gaudent tota Episcopali jurisdictione; possunt enim visitare suos subditos, ac gubernare, Synodum congregare, Examinatores ad providendos Curatus sui territorii nuncupare, suis subditis, ut ad ordines promoveantur, Dimissorias concedere, & alia quæ jurisdictioni Dominorum Episcoporum competunt. Alii tamen jurisdictione ita extensa minimè gaudent, neque enim valent Synodum congregare, Curatus providere, Examinatores assignare, neque Dimissorias ad ordines suis subditis concedere; hæc enim omnia Episcopis Ecclesiarum dictorum nullius Diœcesis vicinioribus competunt, ex declaratione Sacræ Congregat. 24. Januarii 1595. Ut refert Barbosa *Jur. univer. lib. 1. cap. 33. n. 91.* De utrisque ergo in præsentem est sermo.

180. Respondetur I. Subditos nullius Diœcesis, quorum Prælati Ordinarii sui Territorii sunt, gaudentque omni jurisdictione quasi Episcopali, qualiter in Hispania gaudere dicuntur Abbas vulgo, *de Alcalà la Real, Covarruvias*, & alii, de quibus P. Oviedo *in praxi Regular. p. 2. cap. unic. quæst. 2. n. 72.* & insuper eorum territoria separata sint, id est, non inclusa in aliqua Diœcesi, originarios esse ad ordines dictorum Prælatorum, modo

do in ipsorum territorii nati non fuerint fortuitò, memoratisque Prælatiſ comperere litteras Dimiſſorias ad ordines concedere. Ita cum multis Trullenſ, *tom. 3. lib. 6. dub. 8. n. 3.* Ubi reſpon- det ad doctrinam Tridentini, *ſeſſ. 23. cap. 10. de reformat.* quod in contrarium ſtare videtur, aitque Tridentinum minimè intel- ligendum de Prælatiſ nullius Diœceſiſ, quando iſti juridiſtione gaudent quaſi Episcopali, eorum territoria omnino ſepara- ta ſunt, nec in aliqua Diœceſi incluſa.

181. Ex quo, cum in præſenti Conſtitutione, variis in Lo- ciſ, promovendiſ jubetur litteras Teſtimoniales à ſuiſ Ordinariis obtinere, Episcopoque ordinanti præſentare, ſubditi nullius Diœceſiſ, ab huiſmodi Prælatiſ obtinere tenentur reſpectivè; ſunt etenim vere Ordinarii: Unde quantum in hac parte dicitur de Dominis Episcopis reſpectu ſuorum ſubditorum, in ordine- que ad poteſtatem juridiſtioniſ, reſpectivè etiam dicendum de Prælatiſ nullius Diœceſiſ, juridiſtioneſ quaſi Episcopalem, habentibuſ, ut docent Tamburiniſ *de Jure Abbat. tom. 2. diſp. 1. quæſt. 5. n. 7.* Sanchez *de Matrim. lib. 8. diſp. 2. n. 13.* Barboſſa *cit. cap. 17. n. 94.*

182. Sed dicet, territorium nullius Diœceſiſ, quantum- cumque ſeparatum à Diœceſi Episcopii, nec in iſta ullo modo incluſum ſit, naturam Diœceſiſ non participat; præſenti Con- ſtitutione firmatur, quod ſubditiſ originis ad ordines ille tan- tum ſit, ac eſſe cenſeatur, qui naturaliter ortuſ eſt in ea Diœceſi, in qua ad ordines promoveri deſiderat: ergo cum ſubditi nullius Diœ- ceſiſ in Diœceſi nati non fuerint, nec ejuſdem originarii erunt, conſequenterque eorum Prælati ad ordines Dimiſſorias conce- dere non valebunt. Major conſtat, nam ut docet Barboſſa *cit. cap. 20. n. 3.* inferiturque ea Clement. unica, *de ſupplemenda negligentia Prælat. & ex cap. cum pro utilitate, 16. quæſt. 1.* Diœceſiſ eſt Civi- taſ, ac territorium ubi Episcopuſ, juridiſtioneſ in ſpirituali ha- bet, vel ubi Episcopuſ ejuſque Episcopatuſ extant; at nihil horū habent territoria nullius Diœceſiſ, ergo nec Diœceſiſ erunt.

183. Reſpondeo tamen prædicta non obſtare, quo minus nati in territorio nullius Diœceſiſ, ejuſdem originarii ſint ad or- dines, eorumque Prælati concedere Dimiſſorias valeant: nam quando præſent Conſtitutio originem natiſ tantum in Diœceſi

assignat, eò tendit, ut excludat natos in alia Diœcesi, non vero ut excludat in territorio nullius Diœcesis natos. Ratio est, nam principalis scopus præsentis Constitutionis eò tendit, quod Prælati ad Clericalem tonsuram, ultioresque ordines subditos alienos sæculares non promoveant titulo originis perperam intellecto; cumque Prælati nullius Diœcesis subditos suos sæculares ad ordines promovere nequeant, ex decreto Tridentini, citata *sessio. 23. cap. 10.* hinc est quod præsentis Constitutione non opus erat ipsa territoria excludere, exclusa enim Tridentini decreto erant: quare in verbis præsentis Constitutionis, *n. 95.* relatis, ibi: *Qui naturaliter ortus est in ea Diœcesi*, per *ly Diœcesi*, excluduntur nati in alia Diœcesi, non vero nati, in territorio nullius Diœcesis, sicque in hoc nati, originarii erunt ejusdem, & ab ejus Prælato Dimissoriæ ad ordines concedi poterunt.

184. Respectu vero Prælatorum nullius Diœcesis, qui jurisdictione quasi Episcopali minimè gaudent, dicendum est II. Eorum subditos ad ordines originarios esse Episcopi vicinoris Ecclesiis dictorum Prælatorum; quia Episcopo vicinori committitur ordinatio (vel remittere alteri Episcopo ut promoveantur) prædictorum subditorum: ergo vicinoris Episcopi erunt ad ordines originarii.

185. Dubitari tamen potest, an licet prædicti Prælati Dimissorias ad ordines suis subditis concedere nequeant, isti tamen obtinere teneantur à præfatis Prælatibus Testimoniales litteras super natalia, ætatem, mores, & vitam, easque Episcopo vicinori præsentare, ita ut iste sine dictis litteris, prædictos subditos promovere nequeat. Ante prædictam SS. Innocentii Constitutionem, duæ, & quidem contrariæ, declarationes Sacræ Congregationis inveniuntur, quasque Barbossa. cit. *cap. 33. n. 61.* refert, ibidemque conciliat, affirmativam intelligendo de congruentia, negativam vero de necessitate, hoc est, quod licet Episcopus vicinior absolute non egeat prædictis Testimonialibus, ut prædictos subditos ad ordines promoveat, optimè quidem faciet, si sine illis minimè promoveat.

186. Sed in terminis præsentis Constitutionis affirmativa conformior videtur ejus dispositioni, tum quia cum prædicti subditi in Diœcesi Episcopi vicinoris non morentur, nequit iste

de vita, moribus, aliisque promovendi certus esse: ergo æquitate procedet non promovendo sine litteris Testimonialibus proprii Prælati, cui incumbit scire de moribus & vita suorum subditorum.

187. Tum quia sicut per Sacram Congregationem promotio subditorum nullius Diœcesis, de quibus loquimur, commissa fuit Episcopo viciniore, sic promotio Regularium commissa fuit à Clemente Octavo 16. Martii 1596. Episcopo Diœcesis, in qua eorum Monasteria includuntur; sed in Constitutione Clementis Octavi pro Regularibus edita, præcavetur, quod ipsi Regulares teneantur secum adferre Testimoniales litteras, à suis Prælati obtinendas, Episcopoque; ordinanti præsentandas: ergo cum eadem moderatione intelligendum est Sacram Congregationem commisisse Episcopo viciniore promotionem subditorum nullius Diœcesis prædictorum.

188. Infertur ex his, natum ex accidenti in loco nullius Diœcesis, ibique detentum usque ad tempus in quo capax fuit aliquo impedimento Canonico illigari, quique tenetur, vi præsentis Constitutionis, litteras Testimoniales à suo Ordinario obtinere, Episcopoque ornanti præsentare, obtinere inquam tenetur dictas Testimoniales litteras à Prælato nullius Diœcesis, vere etenim Ordinarius est sui territorii. Idem dicendum, quando natus in aliquo Episcopatu, domicilium contrahit in loco nullius Diœcesis, promoverique voluerit, obtinere enim tenetur Testimoniales litteras à Prælato nullius Diœcesis, quibus Episcopo ordinanti constet, promovendum omnes & singulas conditiones, ad obtinendum domicilium in præsentis Constitutione adscriptas, explevisse, & cum dictis Testimonialibus, & non aliter, poterit Episcopus viciniore subditum nullius Diœcesis titulo domicilii promovere.

189. Similiter, si natus in loco nullius Diœcesis, domicilium contrahat in aliqua Diœcesi, ut istius Episcopus promovere ipsum valeat ad ordines, eget Testimonialibus, quasque concedere debet Prælatus nullius Diœcesis; hic enim, & non alius, Ordinarius originis est promovendi: Unde quotiescumque in præsentis Constitutione promovendo jubetur Testimoniales litteras à suo Ordinario originis, aut domicilii obtinere, à Prælato nullius Diœcesis obtinere tenetur, si in ejus territorio

natus fuit, aut domicilium contraxit, quia auctoritate Ordinarii pollet, præsensque Constitutio ab Ordinario obtinendas præcepit, in ejusque jurisdictione ordinaria, nec Episcopus vicinior, nec alius intromitti valet.

Titulus Domicilii.

190. **P**OST originem sermo de domicilio sequitur, quod duplex est, originis scilicet, & habitationis. Domicilium originis ortu naturali acquiritur, de hocque per totam quaestionem II. egimus; in præsentem autem de domicilio habitationis agendum venit; sed quia istud, præsentis Constitutionis decreto, non sine pluribus conditionibus acquiritur, opere præmium est dispositionem præsentis Constitutionis præsentem habere, quæ sic intonat.

191. *Subditus autem ratione domicilii, ad effectum suscipiendi ordines, is dumtaxat censeatur, qui licet alibi natus fuerit, illud tamen adeo stabiliter constituerit in aliquo loco, ut vel per decennium saltem in eo habitando, vel majorem rerum, ac bonorum suorum partem, cum instructis edibus in locum hujusmodi transferendo, ibique insuper per aliquod considerabile tempus commorando, satis superque suum perpetuo ibidem permanendi animum demonstraverit; & nihilominus ulterius utroque casu se verè & realiter animum hujusmodi habere, jure jurando affirmet.*

192. *Si quis tamèn à propriæ originis loco in ea etate discesserit, qua potuerit alicui Canonico impedimento obnoxius effici, etiam ab Ordinario suæ originis Testimoniales litteras, ut supra, asferre debet, ac de illis expressa similiter mentio, in susceptorum ordinum litteris, facienda erit.*

193. Ad perfectam intelligentiam præscriptarum particularum præsentis Constitutionis, adnotandum est I. Quod ut domicilium in aliquo loco acquiratur, indispensabilis est animus perpetuo habitandi in eo, ita ut eo animo existente, & in ipso loco morando, vel saltem pro permanentia in eodem supplicando, domicilium acquiritur, ut cum multis firmat P. Gobat. *tract. 8. cas. 7. a. n. 191.* Verum quia dictus animus actus est in-

ternus, signis eget externis, ut de illo Ecclesia certior fiat, ita ut his deficientibus, licet in foro conscientiae domicilium contrahatur, pro suscipiendis autem ordinibus titulo domicilii, minime istud contractum sit.

194. Adnotandum II. Inter personas, quæ contrahere domicilium valent, aliæ sunt ita pauperes, ut nihil bonorum mobilium, immobiliumve possideant, ex quo, cum domicilium transferunt, personæ solum transigunt: alia autem bona possident, quæ etiam, dum domicilium mutant, ad locum novi domicilii cum suis personis transferunt. Quibus suppositis.

195. Patet jam sensus prædictorum Constitutionis verborum: Disponitur, namque, quod quando quis domicilium in aliena Dioecesi constituere parat, ut ad ordines censeatur domicilium contraxisse, vel debet in ipso loco per decennium commorare, hocque sive sit persona pauper, sive non, unde & si bona quam plurima possideat, si tamen secum ad locum novi domicilii transferre noluerit, dummodo animum perpetuò habitandi ibidem habeat, per decenniumque commoretur, domicilium ad ordines inibi contrahit: Dispositio enim præsens est disjunctiva, optionemque ad alterutram partem relinquit: ergo quamlibet eligat, domicilium ad ordines contraxisse censendum est, addito tamen juramento.

196. Si tamen majorem partem suorum bonorum, rerumque ad novum domicilium transferat, non eget per decennium inibi commorare, sufficit enim si aliquo tempore considerabili commoretur, ædes instruat, ac animum perpetuò ibidem permanendi habere, jure jurando assermet. Verum si nulla bona, vel admodum paucissima possideat, dummodo domum sibi constituat ad habitandum, verius censeo, quod non egebit per decennium ibi habitare, sed sufficit per considerabile tempus commorare, ut addita circumstantia juramenti, ad ordines domicilium contraxisse inibi censeatur, quia sic, modo sibi possibili, suas ædes instruit, ac bona contulit. Cæterum, reliqua verba de Testimonialibus ab Ordinario originis, pro suo casu, obtinendis sermonem instituunt, de quibus infra latè *an.* 277.

QUÆSTIO III.

De domicilio ad ordines requisitio, juxta Constitutionem Sanctissimi Innocentii XII.

DE domicilio habitationis, ut dixi, est sermo, in quo variae difficultates se offerunt, quasque sequentibus dubiis proponemus.

DUBIUM I. *Quibus modis domicilium habitationis acquiratur, & an omnes sub presenti Constitutione comprehendantur.*

197. **C**irca primum, tribus modis domicilium habitationis acquiritur, ut cum Pax Jordano docet P. Gobat supra citat. n. 289. scilicet origine, Lege, & per habitationem. Alii autem naturale, commune, & accidentale vocitant: *Origine* acquirit puer, quia censetur habere idem domicilium quod Pater, maxime si in loco paterni domicilii natus est: Unde puer, qui in loco paterni domicilii nascitur, non solum est ejus Loci originarius, verum etiam in eodem loco domicilium contrahit habitationis, ita ut utroque titulo ad ordines valeat promoveri ab Episcopo ejusdem Loci.

198. *Lege* acquiritur quando locus est Patria communis, qualis est Roma, *leg. Roma, ff. ad munic.* Jordanus n. 51. Vel per Principis privilegium, statumve, adeptionem Dignitatis, aut Prælaturæ in loco, Monachatum, Clericatum, Lecturam, aut publicam professuram, Matrimonium, &c. quæ videri possunt apud Jordanum, *vol. 3. lib. 13. tit. 8. n. 230.* Per habitationem acquiritur, habitando in aliquo loco, cum animo perpetuò in ipso manendi: nec perpetuitati opponitur, cogitare ibi permanere, donec aliquid alio avocaverit. Gobat supra, n. 192. citans Laymanum; apud illumque plura sciri digna videnda. Hæc de Jure compuni sint dicta.

199. Cæterum jure speciali præsentis Constitutionis, & quod ad suscipiendos ordines attinet titulo domicilii tertio modo acquisito, nulli esse dubium poterit, quod ut quis titulo
domi-

domicilii ad ordines promoveri possit, servare tenetur omnes & singulas conditiones in præsentî Constitutione præfixas, numeroque 191. relatas. Difficultas est, (ut secundæ parti dubii satisfaciamus) an etiam servandæ sint, cum quis domicilium habitationis acquirit *Origine*, aut *Lege*.

200. Respondeo, ut quis ad ordines promoveatur, domicilio *origine* obtento, non teneri servare conditiones præsentî clausula, n. 191. relatas: Probat, nam domicilium habitationis *origine* acquiritur, cum puer v. g. in loco patetnî domicilii oritur, sive in eo oriatur vere, aut juris fictione: cum ergo in eodem loco censeatur habere, etiam ad ordines, idem domicilium ac Pater, *cap. licet. cap. is qui de sepulturis in 6.* Paterque, ut domicilium inibi acquirat nō teneatur omnes conditiones clausulæ præsentis servare, nec filius tenebitur: Quis enim dicet, quod filius natus in loco paterni domicilii, ut inibi domicilium acquirat, egeat vel per decennium ibi habitare, vel separatam domum instruere, &c. ergo ut domicilium habitationis origine acquirat, eoque titulo promoveatur, sufficit quod in domo paterni domicilii habiter, hoc est, quod sui juris factus, domicilium habitationis alibi non elegerit. Verum tamen est, quod hic casus vix contingere potest; quia cum in dicto filio concurrat etiam titulus originis, regulariter isto, & non domicilii, ad ordines utitur.

201. Respondeo II. Quod licet Pax Jordanus apud Gobat citat. n. 290. plusquam quindecim modos assignet, quibus domicilium habitationis *lege* acquiritur, & pro susceptione ordinū sufficiunt, in terminis tamen præsentis Constitutionis non suffragantur, nisi conditiones in ea expressæ expleantur, nam ad effectum ordines suscipiendi, non aliæ leges, sed præsens SS. Innocentii. consideranda est: ergo sine conditionibus in ea præscriptis, nullus censeatur domicilium habitationis, ad effectum ordinum, acquisivisse. Quod certum mihi videtur.

DUBIUM II. *An quando Pater domicilium in alia Diœcesi contrahit, ipsumque filius in minori ætate sequitur, teneatur hic conditiones præsentis Constitutionis explere, ut eo titulo ad ordines promoveri valeat.*

202. **F**iguratur casus, Petrus V.G. in aliena Diœcesi Sedem domicilii firmat, ipsum sequitur filius nondum emancipatus, quæritur, num iste filius ab Episcopo prædictæ Diœcesis, ubi Pater domicilium contraxit, titulo domicilii, possit ad ordines promoveri, quin filius expleat conditiones præsentis Constitutionis, n. 191. memoratas.

203. Respondeo affirmativè, dummodo Pater prædictas conditiones in loco novi domicilii expleverit. Quare filius, in casu præsentis, ut titulo domicilii inibi promoveatur, non eget separari à Patre, domumque separatam instruere, sed sufficit, quod Pater in eo loco commoretur, cum animo perpetuò ibidem permanendi, majorem partem rerum, ac bonorum suorum ad dictum locum, ædes instruendo, transferat, in eoque per aliquod considerabile tempus commoretur, ac tandem, quod animum habeat perpetuò ibi commorandi, juramento assermet.

204. Quod filius non teneatur prædictas conditiones explere, probatur I. Decretum enim præsentis Constitutionis obligat solummodò conditiones dictas implere, cum ipse ordinandus domicilium in aliena Diœcesi eligit, ibi: *Subditus autem ratione domicilii is dumtaxat censeatur, qui licet alibi natus fuerit, illud tamen adeò stabiliter constituerit in aliquo loco, &c.* ubi notandum est verbum *constituerit*, quod manifestè indicat loqui cum illo, qui ut promoveatur titulo domicilii, domicilium in aliqua Diœcesi elegit: cumque, in nostro casu Pater, & non filius, domicilium inibi eligat, filius non tenebitur prædictas conditiones apponere, ut inibi titulo domicilii promoveatur.

205. Probatur II. Quia filius dum non eligit domicilium, gaudet paterno, ut ex leg. placet, & sequent. Cod. ad municip. docet P. Comitulus, lib. 6. quæst. 45. n. 5. Navarro, lib. 1. consil. de temporibus ordinat. consil. 3. à n. 3. quodque infert, ex cap. licet, cap. is qui, de sepulturis in 6. Gloss. leg. 1. Cod. ubi petant tutores,

V. ubi mirantur. Gobat supra n. 299. Pax Jordanus, *elucubrat. volumi. 1. lib. 3. tit. 6. n. 49.* ibi. *Efficitur quis subditus ad ordines, ratione domicilii proprii, vel paterni.* Pater enim & filius; dum non emancipatur, censetur eadem persona: ergo filius ut censeatur domicilium contraxisse in aliquo loco, sufficit, quod Pater in ipso domicilium elegerit: non ergo eget filius conditiones præsentis Constitutionis in nostro casu apponere, ut titulo domicilii ad ordines promoveatur.

206. Quod Pater teneatur prædictas conditiones explere, ut ejus filius inibi promoveri valeat, suadetur I. Nam in dicto loco illud domicilium communicare potest filio non emancipato, quod ipse Pater acquirit; at Pater non expletis conditionibus præsentis Constitutionis, domicilium ad ordines non acquirit: ergo nec poterit filio communicare, nemo enim dat, quod non habet: ergo ut filius inibi domicilium ad ordines acquirat, debet saltem Pater conditiones præsentis Constitutionis explere.

207. Suadetur II. à paritate: Nam ut filius censeretur domicilium Patris contraxisse in aliquo loco, eoque titulo ad ordines promoveri valeret ab ejus Episcopo, ante præsentem Constitutionem, necesse erat quod Pater conditiones de Jure requisitas ad acquirendum domicilium in eodem loco apponere, aliter filius domicilium contraxisse non censebatur: ergo similiter, ut filius censeatur domicilium, in loco ubi ejus Pater domicilium elegit, contraxisse ad ordines, tenetur Pater conditiones de Jure præsentis Constitutionis apponere, aliter filius inibi domicilium ad ordines non contraxisse censetur. Explicatur hoc; ut filius, ante præsentem Constitutionem, titulo domicilii ad ordines promoveretur ab Episcopo Loci, ubi Pater domicilium elegerat, sufficiebat quod Pater conditiones de Jure requisitas ad hunc effectum apponeret, quin filius eas ponere teneretur: ergo similiter in nostro casu, ut filius promoveatur titulo domicilii, sufficiet quod Pater conditiones præsentis Constitutionis apponat, quin filius apponere teneatur.

208. Nec obstat particula *dumtaxat* in præsentis clausula posita, quæ exclusiva est, nam ut supra n. 117. diximus, non excludit casus, qui juxta æquitatem Canonum, & Legum includendi sunt sic qui obtinuit Extra tempora, ut promoveri possit.

fit ab Ordinario *tantum, seu dumtaxat*, promoveri potest ab Antistite, ad quem ab Ordinario remittitur, quia nomine Ordinarii etiam ille, cui Ordinarius suas vices delegat, includitur, citat. Gobat. *casu* 14. n. 570. cum ergo, quod filius non emancipatus sequatur Patris domicilium, hocque titulo, moderationibus prædictis, promoveri ad ordines possit, æquitati Canonum, ac Legum sit valde conforme, particula illa *dumtaxat* exclusus, minimè censendus, quod etiã docet Jordanus citat. n. 34.

DUBIUM III. *An licite quis possit domicilium mutare, eo principaliter fine, ut ab Episcopo novi domicilii promoveatur.*

209. **T**itius V. G. omni spe perdita, quod ab Episcopo suæ originis ad ordines promoveatur, in alia Diœcesi, juxta præsentis Constitutionis dispositionem, domicilium contrahit, eo principaliter motus fine, ut ab Episcopo novi domicilii ordines suscipiat, quas ipsi Episcopus originis justè vel injustè denegat, quæritur an id licitè Titius valeat, maximè ab Episcopo suæ originis fugiendo. Idem inquiritur de illo, qui ob prædictum finem, Beneficium in aliena Diœcesi quærit.

210. Licitè valet, utitur enim jure suo, & quia ut in casu supponitur, omnia requisita ad obtinendum domicilium implet, animum scilicet verum ibidem permanendi habens, cui animo non derogat, alium addere ipsi nec oppositum, nec præsentis Constitutione damnatum: ergo licitè potest, & ita docet Doct. Lamperez, n. 378.

211. Nec obest, quod principale motivum SS. Innocentii ad præsentem Constitutionem stabiendam, ut ex ejus Prologo constat, fuit, ne subditi à propriis fugerent Prælati, Titiusque in præsentis casu fugere videtur suum originarium Prælatum, in ejusque despectum, ac fraudem, quodque præsentis Constitutione vitari intenditur: Respondetur enim, prædicta mutatione Titium, nec fraudem committere, nec Prælatum despicere; nam vel Prælatus originarius justè, vel injustè Titio ordines denegat, & in quocumque casu eget Titius Testimonialibus Episcopi suæ originis, quibus instruere tenetur Episcopo novi domicilii, aut Beneficii de moribus Titii, qui si talis sint, ut

justè ab Episcopo originis ordines Titio denegati sint, itidem ab Episcopo domicilii denegabuntur: si tales non fuerint, non despiciat Prælatum originis, alium quærendo, sicut non despiciat Judicem, quia à sententia ab eo pronuntiata, ad alium Judicem appellat.

DUBIUM IV. *Quis temporis transcurfus erit necessarius, ad verificandum esse considerabilem.*

212. **I**Nter reliquas condiciones, quas præsens Constitutio, verbis supra n. 191. relatis, exposcit, altera est, quod ut quis domicilium in aliqua Diœcesi, ad effectum ordinum, acquirat, commorare debet in ipsa per aliquod considerabile tempus; quærimus ergo, quantum temporis commorari oportet, ut considerabile tempus commorasse constet.

213. Ante præsentis Constitutionis Decretum, valde probabile apud Auctores erat, quod ex quo quis in oppido domum emebat, aut constituebat ad habitandum, in simulque explicabat suum animum esse ibi perpetuò manere, ipso facto inibi domicilium acquirebat, etiam ad ordines, ita ut si cum prædictis circumstantiis hodie ad dictum oppidum veniebat, mane ejus filius, ordines ab oppidi Episcopo petere valebat, ut cum multis firmat citat. Gobat. *tract.* 8. *casu* 7. n. 295. Sed stançe SS. Innocentii Constitutione insufficiens ad ordines est tam brevis permanentia, egeret etenim, qui ad ordines in ea Diœcesi promoveri vellet, considerabile saltè aliquod tempus in ea commorare.

214. Supponendum est pro decisione I. per *tempus considerabile* in præsentī Constitutione non posse intelligi cursum decem annorum, sed multo minorem, ut consideranti patebit; contraponitur enim in ea cursus temporis considerabilis ad cursum decennii: ergo per cursum temporis considerabilis, nequit intelligere decennii cursum, sed vel majorem, vel minorem, non majorem, ut ex se constat: ergo minorem.

215. Supponendum II. Cursum unicæ noctis, in nostro casu, non posse efficere cursum temporis considerabilis & longi, licèt in alio insinuaverit P. Petrus Urtado apud Dianam, *part.* 5. *tract.* 13. *resol.* 8. qui explicans sententiam P. Suarez, *tom.* 4.

in 3. p. disp. 23. sect. 2. Ubi Eximius Doctor, tamquam probabile defendit, quod quando poenitens deffert reservata peccata Superiori, ad quem ipse poenitens nequit accedere, nisi post longum tempus, potest Confessarius ipsum à reservatis absolvere, ea adjecta conditione, ut cum primo possit, ante superiorem compareat. Supposita hac P. Suarez doctrina, inquit Urtado, quid per tempus longum intelligatur in ea, & respondet, intelligi cursum unicæ noctis, non quia hic in se tempus longum sit, sed quia inspectis circumstantiis, periculi scilicet repentinæ mortis poenitentis (ut frequenter contingere assolet) in illa nocte hææ, inquam circumstantiæ, ait, efficiunt, ut cursus unicæ noctis tamquam tempus longum censeatur. Sed quidquid sit de probabilitate hujus doctrinæ, certò tenendum, præsentí casui coaptari non posse, nec enim in eo tales circumstantiæ figurari possunt, ut cursum unicæ noctis tempus considerabile efficiant, ut ex se est manifestum.

216. Necitem in terminis præsentis Constitutionis transitus unius mensis tempus considerabile censi valet: Præsens etenim Constitutio, cum Trident. sessio. 23. cap. 9. de reformat. indixisset Dominis Episcopis, ut quando suos familiares ad ordines promovere voluerint, *Beneficium statim illis conferant*, ly *statim* Tridentinum verbis infra referendis, ita explicat, *statim, hoc est saltem intra terminum unius mensis*. Qua expositione arguitur sic: Innegabile est, quod *tempus considerabile* plus temporis includit, quam *statim* includat: ergo si per ly *statim* præsens Constitutio intelligit transitum dumtaxat unius mensis, unius mensis cursus, in præsentis Constitutionis mente, nequit esse considerabile tempus.

217. Supponendum III. Cursum triennii completi esse considerabile tempus, prout præsentí Constitutione in nostro casu exposcitur: Unde qui animo domicilium contrahendi in aliquo oppido, ad istum se conferret cum majori parte suorum bonorum, rerumque, ædes instrueret, per trienniumque complerum moraretur, considerabile tempus in præsentí Constitutione expressum, expleret, possetque ab ejus Episcopo initiari, ulterioresque ordines suscipere: si enim Tridentinum citatum facultatem concedit Episcopo, ut familiarem suum alienæ Dioecesis subditum, quemque per triennium integrum & complerum

secum in suo servitio retinuit, promovere ad ordines valeat, cur idem non dicemus in nostro casu, illum scilicet, qui per triennium completum in novo domicilio commoratus fuit, per tempus considerabile commorasse, & ab ejus Episcopo ad ordines promoveri posse: etenim si cursus triennii completi, ex mente Tridentini, sufficit ad inducendum titulum Familiaritatis, quo Familiaris promoveri possit, cur cursus triennii completi non inducet tempus considerabile, quo quis ad ordines promoveri valeat. Difficultas in præsentis est, an cursus minor temporis sufficiat, ad verificandum, quod per considerabile tempus in ea Diocesi permanfit, V. G: an cursus duorum, vel unius anni, plus, minusve sufficiat.

218. Non videtur improbabile, quod cursus unius anni plus, minusve, fit in nostro casu tempus considerabile, tum quia judicio prudentum transitus unius anni considerabile tempus censetur; tum quia principale motivum præsentis Constitutionis ad decernendam permanentiam temporis considerabilis, eo respexit, ut certioraretur, quod mutatio illa domicilii oriebatur ex animo reali, & vero inibi perpetuò permanendi, nonque ex simulata fraude aut dolo, ut ordines, quos Episcopus originis denegat, suscipiat ab Episcopo novi domicilii; at per cursum unius anni, adjunctis aliis conditionibus juramenti, &c. satis superque judicio prudentum manifestat, se habere animum inibi perpetuò permanendi, purgatque sufficienter fraudes, quæ suspicari poterant: ergo permanendo per unicū annum in dicto loco, sufficit, ut per tempus considerabile ibi permāsisse, censeatur.

219. Sed dices, idem posse affirmari estò per dimidium anni commoretur, adjunctis enim cæteris conditionibus, translationis scilicet majoris partis bonorum, juramenti, &c. animū manifestat, fraudesque purgat. Respondetur enim negando assumptum, nam transitus dimidii anni ex se, judicio prudentum, non censetur considerabile tempus, sicut unius anni cursus censetur.

220. Dixi non videri improbabile, quia probabilius, immo certum est, quod determinare quando sit vel non tempus considerabile decursum, pertinet ad Dominum Episcopum illius oppidi, in quo, qui noviter domicilium ad ordines contrahere

parat, moratur, qui quidem Dominus Episcopus valet pro suo regulato arbitrio in aliis casibus breviori tempore elapso, tempus considerabile decursisse, ac declarare, in aliis autem non ita: etenim quando lex cursum temporis exposcit ad maiorem securitatem, breviori tempore declaratur, quando securitas breviori tempore apparet, *Cap. ad Apostolicam, de Regularibus, & ibi Panormitanus, num. 7. & 8. inferturque ex cap. legem 53. distinct. cap. fraternitatis, 34. distinct.* Unde ad promovendum Senatorem, qui in aliena Diocesi officium perpetuum exercet, nec annum opus est expectare, quia per exercitium officii satis superque constat, animum inibi perpetuò permanendi habere. Idem dicendum de ejus filiis, qui secum commorantur. Quod autem hæc declaratio ad Ordinarium expectet, constat ex traditis à Barbosa, *cap. nisi cum pridem, de renuntiatione, num. 9.* Cum communi DD.

DUBIUM V. *An sufficiat tempus considerabile distribuisse in diversis oppidis, ejusdem tamen Diocesis.*

221. **P**RO quæstionis decisione supponendum est, tempus considerabile, quod quis permanere debet in loco novi domicilii esse V. G. unius anni: Quo supposito, quæritur, an si prædictum annum transegerit quis non in eodem oppido, sed in diversis, ejusdem tamen Diocesis, ita ut per sex menses in uno habitaverit, à quo tamen recessit causa pestis, militiæ, vel salutis, & in alio reliquos sex menses habitavit, cum animo tamen in utroque perpetuò respectivè permanendi, licet à primo loco ob dictas causas recesserit, an inquam id sufficiat, ut verum sit, quod domicilium constituerit *in aliquo loco* adeò stabiliter, ut per tempus considerabile in eo permaneret, juxta dispositionem præsentis Constitutionis, possitque ejus Episcopus, tempore sic distributo, ipsum ad ordines promovere titulo domicilii, concurrentibus itidem reliquis circumstantiis.

222. Affirmativè respondetur, & probatur, nam per verba illa *in aliquo loco* intelligitur tota Diocesis, sicut enim per Parochiam intelligitur tota Diocesis, ut docet Glos. *in cap. cum nullus, de temporibus ordinat.* ita & per locum; etenim Episcopo

tota Diœcesis est eadem Parochia, idemque locus: ergo cum in nostro casu Titius non mutaverit Diœcesim, licet oppjda mutaverit, semper verum erit, quod in illo loco considerabile tempus permanfit, ac consequentèr defectu hujus circumstantiæ impediri nequit Titio ad ordines titulo domicilii promoveri. Secus dicendum, si in diversis oppidis diversarum Diœcesum tempus, modo dicto, distribuere, in neutra enim domicilium acquireret, ut ex se est manifestum:

223. Excipitur tamen casus in quo Pater domicilium contrahat in loco, ubi ejus filius ex accidenti natus fuit; Pater enim in hujusmodi eventu non eget in dicto loco per considerabile tempus permanere, ut ejus filius ab Episcopo illius Loci promoveatur, ex dictis supra n. 154. Ratio est, quia filius in eo casu promovetur titulo originis, non domicilii, sicque nec Pater, nec filius tenentur in dicto loco per considerabile tempus permanere, sed ipso facto quod Pater domicilium de Jure communi contraxit in eo loco, filius ab ejus Episcopo valet promoveri.

DUBIUM VI. *An attentæ præsentî constitutione duo domicilia simul componi possint in diversis Diœcesibus.*

224. **P**rocedit quæstio de duplici domicilio habitationis, nam simul contrahere aliud originis, & habitationis aliud, ac ex utroque quod maluerit eligere ad ordines suscipiendos, nihil inter Auctores communius, nec in hoc puncto quidquam præsentî Constitutione innovatur, nec item quæstio procedit quo ad alios effectus, acquirendi scilicet honores, Beneficia, &c. commune enim etiam est apud Auctores duo domicilia simul componibilia esse, teste Comitolo *Responsa moral. lib. 6. quæst. 45. num. 2.* ubi eruditè defendit duplex domicilium simul, non solum ad prædictos effectus, verum & ad plura sacramenta, unde si Titius ait, per sex menses domicilium contraheret in aliqua Parochia, & per sex menses in alia sive ejusdem, sive alterius Diœcesis, sicque per totam vitam alternaretur, posset ab utroque Vicario Sacramenta suscipere, utriusque enim esset verus Parochianus ratione domicilii, ita Comitolus loco citat. & lib. 1. quæst. 110. num. 3. vers. Quinta ratio.

225. Quæstio ergo procedit de duplici domicilio simultaneo in diversis Dioccesibus, & quo ad effectum ordines suscipiendi titulo domicilii habitationis, ita ut sicut ad alios effectus, & ad receptionem aliorum Sacramentorum communiter Doctores duo domicilia simul admittunt, sic etiam, attenta dispositione præsentis Constitutionis, possit Titius duo domicilia simul in duplici Diocesi contrahere, & à quocumque eorum, quod maluerit, Prælato, & sine alterius consensu, ad ordines promoveri. Dixi attenta præsentis Constitutionis dispositione, nam ante illam affirmativa communis erat apud Auctores cum Glof. supra citata.

226. Sed in terminis præsentis SS. Innocentii Constitutionis, negativa sententia firmiter tenenda est, & probatur; nam in terminis præsentis Constitutionis ut quis domicilium habitationis, ad effectum suscipiendi ordines, in aliquo loco acquirat, debet vel per decennium in eo loco habitare, vel saltem majorem partem suorum bonorum, rerumque, cum instructis ædibus, ad ipsum transferre, at neutram ex his conditionibus simul in duplici Diocesi implere poterit: ergo nec duplex domicilium simul in duplici Diocesi componere valebit. Minor quo ad I. partem probatur: Ut enim infra n. 296. dicitur, decennium, ut quis subditus fiat domicilii ad ordines, debet esse completum, ac continuum, non cum intercadentiis: cum ergo habitando partim in aliqua Diocesi, partim in alia, in neutra sit decennium continuum, neque in aliqua decennium, hac via, implebit: ergo nec domicilium in utraque simul componet.

227. Quo ad II. partem suadetur efficaciter, nam ut domicilium prædictum per secundam viam, à præsentis Constitutione assignatam, acquirat, necesse est, quo majorem partem rerum, ac bonorum in hujusmodi locum transferat; at impossibile est, quod simul in duplici Diocesi majorem partem suarum rerum possideat, si enim in una majorem possideat, in altera necesse est minorem possidere, ut ex se constat: in terminis ergo præsentis Constitutionis nequit quis duplex domicilium habitationis simul acquirere.

228. Quod si ejus bona in utraque Diocesi æque dividat, præterquam quod hoc impossibile moraliter apparet, in neutra

Dioecesi domicilium ad ordines acquireret, cum in neutra majorem partem suorum bonorum possideret; Nota, excessum, quamvis modicum, sufficere, ut in Dioecesi, ubi modicus excessus bonorum possidetur, domicilium prædictum acquiratur, quia ratione excessus, quantumvis modici, verum est, quod in eo loco majorem partem suorum bonorum possidet. Favet resolutioni nostræ D. Lamperez, n. 422.

DUBIUM VII. *Quæ bona transferenda sunt ad locum domicilii, ut domicilium acquisitum esse censeatur.*

229. **C**onstat ex retrodictis, translatione majoris partis rerum, bonorumque ad locum, ubi domicilium contrahere intenditur, cæteris tamen conditionibus expletis, domicilium inibi acquiri, quæritur nunc, quid nomine rerum, bonorumque intelligatur in præsentī Constitutione. Omissis pluribus quæ de intelligentia harum vocum videri possunt apud Barbosa *de Appellat. Verborum, appellat. 35. & 235.* & ad præsens minime attinent, in præsentī dumtaxat examinabimus, an nomine bonorum veniant mobilia, & immobilia, viri, & uxoris, possessa, & possidenda, aliaque similia.

230. Censeo I. In nostro casu sufficere majorem partem rerum, ac bonorum mobilium transferre, quin opus sit immobilia transferre, sufficit enim si ista in redditibus transferat, hoc est quod redditus, quos in alia Dioecesi percipit, in ea, in qua domicilium elegit, impendat: Tum quia bona immobilia facile transferri nequeunt sine magno dispendio, & leges positivæ cum dispendio maximo obligare non intendunt. Tum quia fructus, seu redditus transferendo, & bona immobilia transferuntur, nomine enim bonorum venit usufructus, ut docet Barbosa cit. *appellat. 35. n. 16.*

231. Ex quo, si ex bonis mobilibus, & immobilibus, majorem partem in alia Dioecesi relinquat etiam cum suis redditibus, ut ibi fundos augeat, domicilium non contrahet ad ordines in altera Dioecesi; quia ad istam non transfert majorem partem suorum bonorum: juxta dispositionem præsentis Constitutionis, in qua nomine bonorum mobilia, & immobilia intelligenda

genda veniunt ex doctrina Barbosæ citati: ergo non transferendo maiorem partem bonorum mobilium, & immobilium vel in se, vel in redditibus, dispositioni præsentis Constitutionis non satisfaciet. Dixi *ut ibi fundos augeat*, nam si maiorem partem bonorum alibi relinquunt, ut debita, ac onera satisfaciat, domicilium contrahet in nostro casu, quia ad hoc sufficit bonorum suorum maiorem partem transferre; bona autem quibus debita, ac onere solvit, absolute sua non sunt Barbosa *appellat.* 35. n. 17. Hæc intellige cū moderatione infra n. 236. explicanda.

232. Excipe, nisi oppidum ad quod minorem partem bonorum transfert, sit ejusdem Diocesis, cujus est alterum, in quo maiorem partem relinquit, nam poterit ab ejus Episcopo ordines recipere; nomine enim Loci in præsentí Constitutione, intelligitur tota Diocesis: ergo dummodo in eadem Diocesi totam, aut saltem maiorem partem bonorum suorum possideat, nihil obstat quo minus possideat in pluribus ejusdem Diocesis oppidis, juxta sæpe in simili dicta supra n. 222. *Mulier bona, ff. de jure dotium.*

233. Censco II. Inter bona quæ in nostro casu eligens domicilium ad istud transferre tenetur, minimè computanda bona uxoris, aut filiorum, esto ad Maritum, aut Patrem, jure legis administratio pertineat, quia administratio non efficit quod ea bona sua sint, cum verè sint uxoris, ac filiorum *dicta leg. Mulier bona. Leg. Subsignatum, §. bona, ff. de verborum significat.* Quæ doctrina notanda est pro casu, quo vir, mortua uxore, voluerit, ad ordines promoveri ab Episcopo Loci, in quo maiorem partem suorum bonorum transtulit, licet bona mulieris multo plura sint, ac ipsa nullo modo transtulerit, potest promoveri, quia maiorem partem suorum bonorum transtulit, hocque ex dictis sufficit. Similiter pro casu supra à n. 202. exarato, ubi diximus, quod filius non emancipatus, ac Patrem, qui alibi domicilium parat, sequitur, solus Pater tenetur maiorem partem bonorum suorum transferre, ut filius dictus ibi domicilium contraxisse censeatur, quodque verum erit, eo solum quod Pater maiorem suorum bonorum partem transferat, esto bona filiorum non transferat; Pater enim domicilium inibi contrahit, quia maiorem partem suorum bonorum transtulit, & filius etiam, quia

quia dum domicilium filius non eligit, idem domicilium censetur habere ac Pater. Vide dicta numero citato.

234. Censeo III. In nostro casu nomine bonorum intelligenda veniunt, præsentia, non postea quæsitæ, Barbosa cit. n. 15. Nec veniunt hæreditas, aut successio, Barbosa n. 6. Unde, qui domicilium in nostro casu parat, sufficit si ad locum transferat majorem partem suorum bonorum, quæ tempore, quo domicilium mutat, possidet, ac bona transfert, nec computanda, quæ postea hæreditate vel alio modo acquirit, etiam si ea acquirat intra durationem temporis considerabilis, quam permanere tenetur in eo loco, ut subditus domicilii ad ordines fiat; quia hæc sunt diversæ dispositiones, quarum una ab alia minimè pendet.

Nisi in casu, quo ad dictum locum majorem partem bonorum non transfulerit, si enim eo medio tempore nova bona acquirat, possideatque, computanda ad translationem majoris partis sunt, in hoc etenim casu verè & propriè bona sua sunt.

Nec ut tempus considerabile, quod permanere inibi tenetur, incipiat currere, requiritur, quod ad dictum locum major pars suorum bonorum sit jam translata, sed sufficit, quod in dicto loco moretur, cum animo inibi perpetuò habitandi, aliquamque partem bonorum transferat, posteaque translationem majoris partis expleat, ut ex se patet.

235. Inter bona autem in nostro casu minimè computanda ea, quæ ex industria pendent, V. G. quia, qui domicilium mutat, est insignis Medicus, aut Musicæ peritissimus; sicut enim his, & similibus titulis, nequit quis ad ordines promoveri, ut docet Barbosa in Trident. sessio. 21. cap. 2. de reformat. n. 49. & 52. sic nec ipsis domicilium ad ordines acquireret: Undè qui majorem partem bonorum mobilium, & immobilium alibi relinqueret, solumque minorem in nostro casu transferret, existimans, quod hæc minor pars simul cum professione Medicinæ, aut Musicæ esset jam pars major suorum bonorum, nihil efficeret, quia præsens Constitutio de bonis à persona separatis satis apertè loquitur, & bona, quæ ab industria pendent, à persona inseparabilia sunt.

236. Sed quid si in eodem oppido diversæ extant jurisdictiones, & in una commoratur, in alia autem major bonorum

pars possidetur. V. G. Titius cum Diœcesis Tirasonenſis originarius ſit, Cæſar-Auguſtam venit, ut inibi domicilium contrahat, ac in Parochia S. Engratidis, quæ Diœceſis eſt Oſcenſis, domum emit, aut conſtituit, inſtruitque, majorem autem partem bonorum in territorio Diœceſis Cæſar-Auguſtanę poſſidet, quæritur, an quia habitat in Diœceſis Oſcenſis domo, obſtet, ne domicilium in Diœceſi Cæſar-Auguſtana contrahat ad ordines, ubi majorem poſſidet bonorum partem.

237. Reſpondetur non obſtare, unde, cæteris conditionibus expletis, domicilium in Diœceſi Cæſar-Auguſtana ad ordines contrahet; quia ut ſupponimus Titius in Civitate Cæſar-Auguſtana domicilium contrahere intendit, Domuſq; Parochię S. Engratidis Civitatis eſt Cæſar-Auguſtanæ. Nec obſtet quod ſit alterius Diœceſis, quia ad præſens per accidens ſe habet.

DUBIUM VIII. *An præſenti diſpoſitioni de jure jurando fiat ſatis, falſum jurando.*

238. **P** Ræſentis Conſtitutionis decreto tenetur, qui domicilium ad ordines in aliqua Diœceſi contrahere intendit, ultra alias conditiones, juramento firmare, ſe vere, & realiter animum inibi perpetuò permanendi habere, & circa hanc diſpoſitionem difficultari quid, an ipſi falſum jurando ſatisfaciat, hoc eſt, jurando ſe vere, & realiter hujusmodi animum habere, cum revera talem animum non habeat.

239. Pro deciſione adnotandum eſt I. ſufficere ante ſuſceptionem ordinum prædictum juramentum, in noſtro caſu, ſemel præſtare, quin opus ſit, ante ſingulorum ordinum receptionem juramentum iterari: Unde ſufficit, quod ante Clericalem conſuram de hujusmodi animo jure jurando affirmet, nec opus eſt in receptione ulteriorum ordinum iterum, atque iterum prædictum juramentum præſtare: ſemel enim juramento præſtito, efficitur ſubditus illius Domini Epifcopi ad omnes ordines: ergo ſine novo juramento poterit ab eo omnes ordines recipere, quod inde patet, nam præſens Conſtitutio exigit juramentum absolute, & ſimpliciter, & ſermo ſimpliciter prolatus, intelligitur de prima vice, ex dictis ſupra n. 149. Limita tamen, niſi inter ordi-

ordinem ac ordinem domicilium interrumperet, tunc enim cum de novo domicilium in eodem loco contrahat, de novo etiam juramentum præstare tenetur, nec suffragatur, antea præstitisse.

240. Adnotandum II. Quod in triplici sensu exagitari valet præsens difficultas I. Cum Titius V. G. habitationem mutavit ad aliquam Diocesim, sine animo tamen in ea perpetuò permanendi, ac dictum animum non habendo, jure jurando affirmat, se illum habere. II. Cum tempore quo habitationem mutavit, verum animum inibi perpetuò commorandi habuit, tempore autem quo jurat, animum prædictum retractavit, juratque se habere, cum re vera non habeat. III. Si verum animum habens, juramentum præstitit, ac postea vel ante primi ordinis susceptionem, vel primo suscepto, ante secundum, animum retractavit: In his ergo & similibus casibus quæritur, an falsum jurando satisfaciatur Titius dispositioni præsentis Constitutionis, liciteque ad ordines promoveri valeat titulo domicilii. Ad primum sensum respondebimus in hoc dubio, ad sequentesque in sequenti.

241. Ad primum ergo dubii sensum, respondetur. Qui sine verò animo permanendi perpetuo in aliquo loco, ad istum habitationem mutat, juratque, se prædictum animum vere & realiter habere, cum realiter & vere non habeat, sic perjurando, non solum gravissimè peccat, sed ne domicilium in eo loco ad ordines acquirit, sicque in nostro casu juramento falso non satisfaciatur dispositioni præsentis Constitutionis: Omnes enim, ac singulas circumstantias, seu conditiones, quas pro domicilio acquirendo præsens exigit Constitutio, tamquam forma exigit; at cum leges aliqua tamquam forma exigunt, qualibet deficiente, actus nullus est, ut communiter in tractatu de legibus docent Doctores: ergo cum præsens Constitutio exigit juramentum de vero & reali animo, huncque Titius non habeat, non præstat juramentum, in nostro casu, à lege intentum, ac consequenter eo domicilium non acquirit.

242. Major probatur; nam quando in dispositionibus de aliquid faciendo, invenitur dictio *dumtaxat*, vel alia taxativa quævis, solemnitatem, & formam inducit, ac illarum transgressio actum vitiatur, ut cum multis firmat Barbosa de *Dictionibus*

usufrequent. dict. 97. n. 9. At dictio taxativa *dumtaxat* invenitur in præfenti Constitutione, dum ea, quæ pro acquirendo ad ordines domicilio, disponit, ibi: *Subditus autem ratione domicilii is dumtaxat censeatur, &c.* ergo ea quæ facienda disponit solemnitatem & formam inducunt, cujuslibetq; transgressio actum vitabit: ergo cum Titius falsum jurando, juramentum à lege intentum non præstet, domicilium non acquirat, nec ad ordines promoveri valebit.

243. Nec obstat, quod jurando, licet falso, explet Titius quidquid præfenti Constitutione indicitur, in ea enim jubetur solum, quod Titius juret se habere verè & realiter animum in eo loco perpetuò permanendi, quodque juramento falso præstat, nam aliud est verè jurare, & aliud jurare de objecto vero: Titius ergo licet in nostrò casu de objecto vero non juret, jurat tamen verè, hocque, & non illud à præfenti Constitutione exposcitur: ergo perjurando Constitutioni satisfacit, consequenterque domicilium eo juramento ad ordines acquirat.

244. Quod variis exemplis confirmari valet: Sacri enim Canones, ut constat *ex Cap. Sanctorum, cap. neminem. 70. dist.* Suspensionem promotis Beneficio, aut Patrimonio fictis ingerunt, quasque poenas. Trident. *Sessio 21. cap. 2. de reformat.* innovabit: & nihilominus gravissimi Doctores, quos citat, sequiturque Palao, *p. 4. tract. 27. disp. unic. punct. 12. à n. 6.* tuentur probabilissimè, quod si promovendus Episcopo legitimè Constare facit, etsi falsis testibus, se verum Beneficium, aut Patrimonium habere, quod tamen re vera non habet, hac falsa probatione, testibusque falsis investa, liberatur à suspensione prædictis Canonibus indicta: similiter ergo dicendum in nostro casu; si enim testibus falsis sit satis legi Beneficium pro ordinibus exposcenti, liberaturque poenis, pro promotis sine illo investis, cur juramento falso non fiet satis dispositioni præfentis Constitutionis, liberabiturque ab ejus poenis, qui, etsi falso, juramentum verè præstat.

245. Insuper, *cap. Prælati, de homicidio in 6.* cavetur, quod si Prælatus, alterve Ecclesiasticus accusaverit de delicto, cui annexa est poena mortis, vel mutilationis, ut ab irregularitate, secuta poena liberetur, præmittere tenetur protestationem, qua

constet

constet se animo vindictæ minimè accusasse: & nihilominus Fe-
linus in cap. postulasti, de homicidio: cum aliis, quos sequitur P.
Givalinus, de irregularit. cap. 4. quæst. 3. n. 62. docent, eum qui
fiçtè dictam protestationem præmitteret, hoc est, quod orete-
nus dumtaxat vindictam non intendere affirmaret, estò animo
interiori vindicta inflammaretur, eoque moveretur, minimè
irregularitatem contrahere, dummodo exterius pronuntiet, ac
protestetur animo vindictæ ad prædictam accusationem non
moveri, irregularitatem evaderet: ergo similiter in nostro casu
juramento falso legi Titius satisfaciet, ejusque pœnis liberabi-
tur; sicut enim domicilium ab animo interno pendet, sic caren-
tia vindictæ à carentia animi interioris pendet etiam; ut per se
patet: ergo sicut qui exterius animum vindictæ non habere pro-
testatur, licèt interius vindicta flammescat, legi, de non accu-
sando animo vindictæ, satisfacit, ab ejusque pœnis liberatur,
sic in nostro casu, cum Titius exterius juret, se animum vere &
realiter habere permanendi perpetuò in eo loco, licèt interius
tali animo careat, legi satisfaciet, ab ejusq; pœnis immunis erit.

246. Ad hæc. Qui fiçtè rebaptizatur, irregularitate innoda-
tur, ut gravissimi docent DD. ea moti ratione, nam sufficit exte-
rius legi contravenire: ergo à sensu contrario, sufficit actum
externum ponere, ut legi fiat satis, aliter leges æquitate carerent,
condemnando scilicet illum, qui exterius solummodo actum
ipsis contrarium ponit, & non absolvendo illum, qui actum le-
gi conformem, exteriorem solummodò tamen, poneret.

247. Respondetur tamen ad objectionem, negando præ-
sentem Constitutionem, verbis supra n. 191. relatis, exposcere
solum, quod, in nostro casu, juramentum præstet Titius, se ve-
re & realiter animum habere perpetuò permanendi in eo loco,
& non quod hujusmodi animum vere & realiter habeat, utrum-
que enim præcipit: istud, dum domicilium constituere in eo
loco Titio præcepit, ibi: *Illud tamen (supple domicilium) adeo
stabiliter constituerit in aliquo loco, &c.* Domicilium autem sine
animo vero perpetuò permanendi, chimericum est: dum ergo
domicilium præcipit, & verum præcipit animum, cum sine
isto domicilium intelligi nequat: illud præcipit in illis verbis,
ibi: *Et nihilominus, utroque casu, &c.* Undè utrumque præcipit,

& quod verum habeat animum, & quod ipsum se habere, jure jurando affirmet. Nec contrarium credibile est: incredibile enim per se apparet, quod præsens Constitutio signa adeo rigida, qualia sunt decennii, vel considerabilis temporis habitatio, juramentūque, pro manifestando animo ficto præscripserit: Immo adeò rigida signa decrevit, ut animū fictū è medio tolleret.

248. Ad I. exemplum desumptum ex Beneficio, Patrimonioque fictis, responderetur antecedens generaliter nec probabile esse; vel enim loquitur de illo, qui falsis testibus Beneficium se habere in aliena Dioecesi legitimè constare faceret, vel in propria Dioecesi, si de illo, negamus suspensionem non incurrere, saltem enim incurreret suspensionem præsentí Constitutione exaratam, cum in istius terminis, ut Titius fiat subditus titulo Beneficii Episcopi alieni, Beneficium in ejus Dioecesi possidere debet, Beneficium autem fictum, Beneficium non est: ergo nec subjectionem tribuere valet: ergo qui eo promoveretur, ab alieno Episcopo promoveretur, poenaeque contra promotos ab alienis Prælatís indubitanter incurreret.

249. Si tamen argumentum loquatur de illis, qui proprio Prælato, testibus falsis, Beneficium se habere in ejus Dioecesi constare faciunt, non negamus probabilitatem antecedentis, consequentiæ tamen inficiamur, & disparitas in eo stat, quod Trident. sessio. 21. citat. in nostro casu non tam exigit Beneficium, quam quod Beneficium se habere legitimè constare faciat, ibi: *Deinceps Clericus secularis ad Sacros ordines non promoveatur, nisi prius legitime constet, eum Beneficium Ecclesiasticum pacifice possidere.* Et quamvis Beneficium fictum titulus non sit, ac in cap. *neminem*, & cap. *Sanctorum*, 70. dict. promotoris sine titulo suspensio ingeratur, quasque poenas Trident. citat. innovaverit, tamen cum Innocentius III. in cap. *cum secundum Apostolum, de Præbendis*, dictam suspensionis poenam ab antiquis Canonibus fulminatam obliteraverit, ea tantum contentus poena, quod Episcopus promovens ad ordines sacros sine titulo, promoti alimenta tribuere teneretur, cum postea Tridentinum poenas antiquorum Canonum innovavit, hac moderatione innovasse censendum est: unde fit, quod promotor Beneficio ficto, in casu dicto, suspensionem probabiliter non incurrat.

At in nostro casu præsens Constitutio ex dictis n. 247. non solum exposcit quod Titius iuramento affirmet se vere animum habere, sed quod huiusmodi animum habeat, exposcit, unde non tenet paritas.

250. Ad secundum exemplum ex ficta protestatione desumptum, concessio antecedenti, negatur consequentia, & disparitas est, quod in Canone *Prelatis* citato, & in ejus verbis *vindictam non intendat*, eo tenditur, ut actum vindictæ externum ea poena puniat, non vero internum, cujus ratio est, nam legis scopus in eo Canone est, quod Ecclesiasticus accusator sua accusatione non influat proximè & de per se in mortem, mutilationemve accusati, cumque animo interno minimè influat, nam ut optimè explicat P. Givalinus citat. nemo causa est effectus per media, quæ applicare desiderat, sed per media quæ effectivè applicat, hinc est, quod licet accusator vindictam interius intendat, at cum exterius, unde Judex ad condemnationem accusati movetur, protestetur vindictam non intendere, sicut præmissa hac protestatione legi satisfacit, sic ab ejus poenis liberatur. Cæterum cum in nostro casu præsens Constitutio à Titio exigit animum verum, exigit enim domicilium, quod sine vero animo stare nequit, hocque careat, ut supponitur, nec legem explet, nec ab ejus poenis liberari poterit.

251. Nec obstat, quod animus est actus pure internus, quosque Ecclesia præcipere non intendit: ergo non potest Titio præcipere, quod habeat animum internum permanendi in eo loco. Respondeo Ecclesiam de facto præcipere actus internos indirectè, quando scilicet actus externus imperatus fieri nequit sine interno: sic præcipiendo Titio, quod Romam vadat, indirectè præcipit actum internum imperantem, sine quo exterior itineris imperatus stare nequit. Sic dicimus, Sanctissimus Innocentius in præsentī Constitutione domicilium, quod, quid externum est præcepit; quia tamen domicilium sine vero animo permanendi perpetuò in eo loco stare nequit, indirectè saltem animum huiusmodi præcipit, hocque sufficit, ut eo deficiente, domicilium in foro conscientiae non acquiratur, nec eo titulo ad ordines promoveri valeat, quia domicilium in foro exteriori tantum, cum non sit vere domicilium, titulum ad ordines nō tribuit.

252. Ad tertium desumptum ex rebaptismo simulato, negatur antecedens, ut enim docent Enriquez *lib. 14. cap. 4. n. 4. lit. O.* Givalinus *supra cap. 5. quest. 1. n. 10.* cum Eximio Suarez, & aliis, qui fictè baptizatur irregularitatem non incurrit, oportebat enim quod verè reciperet, attentaretque suscipere verum Baptismum cum intentione recipiendi, aut credendo, quod posset duo Baptisma verè recipere, quodque non contingit in eo, qui fictè, aut simulatè se rebaptizat, deficit enim ipsi intentio, vel credibilitas dicta, qua deficiente non est actus rebaptismi consummatus, solumque actui peccaminoso consummato annexæ sunt Censuræ, irregularitates, aliæque poenæ, ut cum multis docet Givalinus citatus.

DUBIUM IX. *Secundus, ac tertius sensus propositæ Difficultatis dissolvitur.*

253. **C**irca II. Sensum difficultatis supra n. 240. expressum, an scilicet, qui ad aliam Diocesim domicilium transfuit vero animo inibi perpetuò permanendi, sed tamen tempore quo iuramentum præstat, animum mutavit, an inquam in hoc casu, eo facto iuramento domicilium inibi ad ordines acquirat, pars affirmativa non videtur improbabilis: expleret etenim, quidquid præsentis Constitutione pro simili domicilio acquirendo exposcitur: ergo acquirere dicendum est. Probatur antecedens; nam in primis dum habitationem ad dictum locum transfuit, animum habuit verum inibi perpetuò permanendi, ut supponitur, quoque domicilium acquiritur, deinde in eodem loco permansit vel per decennium, vel saltem pro aliquo tempore considerabili, sic enim procedit quæstio, ac tandem jure jurando affirmavit, se vere & realiter hujusmodi animum habere: ergo quidquid præsentis Constitutione pro simili domicilio acquirendo exposcitur, explevit: ergo & domicilium tali iuramento acquisivit: & ergo & promoveri poterit.

254. Sed dices I. Ex quo Titius in præsentis casu animum mutavit, domicilium inibi deperdit: ergo nequit ab ejus Episcopo eo titulo promoveri. II. Iuramentum quod Titius præstat, non est iuramentum à lege intentum, hæc enim intendit iura-

mentum verum, non falsum: ergo falso juramento non potuit legem explere, consequenterque, nec eo domicilium à lege pro susceptione ordinum expetitur, contrahere. Nam ad I. respondetur negando antecedens, nam ut diximus supra & docet Sanchez de Matrimon. lib. 3. disp. 23. n. 2. comprobaturque plurimis Civilibus legibus, domicilium acquisitum, sola animi mutatione non deperditur, necesse enim est, quod cum animo habitationem mutet. Si dicas, in nostro casu domicilium non acquiritur, quousque Titius juret; at quando jurat, animum mutavit: ergo tali juramento domicilium ad ordines non potuit contrahere, nam ad istud contrahendum debebat simul habere, & animum inibi perpetuò habitandi, & jurare se hujusmodi animum pro eo tempore habere. Responderetur negando consequentiam, ejusque probationem; præsens enim Constitutio solum præcipit, quod habeat animum prædictum, & quod juret se habere, quod autem hæc duo simul pro eodem tempore sint, hoc est, quod quando jurat, verum animum habeat, non præcipit, ut ex ejus verbis patet.

255. Ad II. respondetur, præsentem Constitutionem exposcere juramentum verum, prout ly *verum* opponitur ficto, id est quod vere, non fictè juret de tali animo, quodque jam facit, ut supponitur, nam ut dubio antecedenti diximus, aliud est verè jurare, aliud de objecto vero: Titius enim in nostro casu verè jurat, licèt non de objecto vero, ideo falso jurat, ly *falso* cadendo supra objectum juramenti, non tamen supra juramentum: unde tali juramento legi satisfaciet. Ad illud de intentione legis, respondetur, aliud esse quod leges intendunt, aliud quod præcipiunt: leges enim positivæ malum vitari semper intendunt, sed non semper prohibent pœnis, ut de Ecclesiastico cum animo interno vindictæ accusante, diximus supra: certum, enim est citatum Canonem intendere internam vindictam vitare, hanc tamen irregularitate non punit.

256. Sed licèt hæc probabili a appareant, maximè respectu incurfus pœnarum, contrarium tamen veriùs est, ac tenendum: satis enim apertè præsens Constitutio exposcit, quod quando juramentum præstat à Titio in nostro casu, debet Titius habere animum (& non tantum jurare se habere) inibi perpetuò

permanendi; intentum enim Sanctissimi Innocentii est, juramento animum firmare ad fraudes vitandas: ergo non potuit de ejus mente esse, quod juramentum separaretur ab animo vero, non enim tunc animum firmaret. Unde quando præsens Constitutio in nostro casu domicilium constitui petit, animum verum petit; quando autem permanentiam per decennium, vel per considerabile tempus exposcit, ad manifestandum animum exposcit, ac tandem quando juramentum addit promotioni firmitate animi, ejusque manifestatione, addit. Si tamen postquam de vero animo ibi permanendi falso juravit, animum mutaverit, & inibi permanere perpetuò decreverit, verum domicilium ibi contrahet, explet enim quidquid præsenti Constitutione indicitur.

257. Circa tertium sensum dicendum, eum qui ad aliam Dioecesim¹, animo in ea perpetuo commorandi, habitationem mutavit; ac in eo animo perseverando, juramentum præstitit, capique promoveri, licet postea animum mutet, continuare in suscipiendo ultiores ordines valet, etiam si de novo juramentum ab eo exigatur; falsoque juret. Probat^{ur} I. pars; nam semel expletis conditionibus, quas præsens Constitutio pro acquirendo domicilio ad ordines; exposcit, domicilium eo ipso ad hunc effectum acquiritur: at domicilium quod semel in uno loco acquiritur, sola animi mutatione non perditur, ut in terminis Sacramenti ordinis docet Sanchez citat. n. 16. ibi: *Si alienigena se transferat in aliquam Dioecesim animo habitandi perpetuò, ceperitque habitare eo animo, quamvis statim mutet animum, posse ad ordines promoveri ab Episcopo illius Dioecesis: Quia semel acquisitum domicilium animo, & facto, non potuit transferri & deperdi sola animi mutatione.* Vide dicta, n. 254. ergo licet in nostro casu Titius animum mutet, sicut domicilium non deperdit, sic non perdit jus ad ultiores ordines suscipiendos. II. pars probatur, quia ut diximus, n. 239. sufficit semel ante susceptionem primi ordinis jurare, nec requiritur, ante susceptionem singulorum juramentum repetere: ergo secundum juramentum cum citrà legem sit, sive verum, sive falsum sit, actum non vitabit: ergo & poenas præsenti Constitutionis in præsenti casu Titius e vadet.

258. Similiter dictas poenas effugiet qui illegitimo titulo ad ordines promovetur, dummodo alio titulo legitimo ad eos possit promoveri. V. G. Titius non habens domicilium in aliqua Diœcesi juxta præsentem Constitutionem, titulo domicilii perperam acquisiti se facit ad ordines ab ejus Episcopo promovere, aliàs tamen ipse Titius originarius erat ipsius Diœcesis, quodque Titius vel ignorabat, vel maluit titulum domicilii usurpare, dicimus, quod in hoc casu, licet titulo domicilii, quod verè non habet, promoveatur, poenas præsentis Constitutionis evadet, nam dictæ poenæ fulminantur, ne Prælati alienos subditos promoveant, & ne subditi proprios Prælatos effugiant, quod in præsentem non contingit, licet enim Titius titulo domicilii non sit proprius subditus talis Prælati, titulo tamen originis ejus proprius subditus est, quodque sufficit, ut poenas evadat.

DUBIUM X. *An licite juret, qui Restrictione, scilicet, quod in eo loco permanebit, quousque alius commodior non se offerat, jurat.*

259. **E**xemplum est in eo qui à Principe V. G. ad officium Senatoris, Gubernatoris, & similium opitulatur, quæ quidem perpetua sunt, ac ab illo acceptantur eo animo, ut in loco, ubi dicta officia exercere parat, perpetuò permanebit, nisi ab eodem, aliove Principe ad commodiorem evehatur: Quo animo permanente, & postquam per decennium, vel considerabile tempus in loco sui perpetui officii habitabit, ad ordines promoveri desiderat, ad quos juramento non præmissio, ex præsentis Constitutionis decreto, nequit ascendere, supponimus enim dictum Senatorem non esse ejus Loci originarium; quæritur, an dicta restrictione licite jurare valeat, se animum perpetuò habitandi in eodem loco habere.

260. Supponendum est, quod ille qui admittit perpetuum officium Senatoris V. G. domicilium contrahit in eo loco ubi prædictum officium exercet. Barbosa *allegat.* 4. n. 34. Palao p. 4. tr. 17. *disp. unica punct.* 15. n. 4. Gobat. *tract.* 8. *cas.* 7. n. 292. & ratio est, quia qui officium perpetuum admisit, eo quod

ad ipsum serviendum se accingat, animum inibi perpetuò permanendi manifestat, nihilque amplius domicilium ex se exposcit; quodque Pax Jordanus verum putat, non solum de Senatoribus, verum & de ad vitam in aliquo loco relegatis; loco enim sæpe citatò, num. 67. ait: *Non solum Senatores, qui perpetuò alicui loco adscribuntur, verum relegat: ad vitam in aliquo loco censentur ibi acquirere domicilium necessarium ad ordines, leg. filii libertorum, §. relegatus, ff. ad municip.* Quod ad relegatum etiam ad tempus extendit Barbosa, alleg. 4. n. 35. eo quod *d. lex filii domicilium necessarium relegatis interim, quod in loco suæ relegationis sunt, concedit, quodque propter filios relegatorum notandum.* Vide citat. Barbosam. Ubi relegationem temporaneam cum animo sufficienti ad inibi domicilium contrahendum subtiliter componit, quia tamen præsentis Constitutionis Decreto, juramentum addendum est, ut quis domicilium ad ordines contraxisse censeatur, in dubium vertitur, num cum prædicta restrictione juramentum præstare licitè valeat.

261. Affirmativè respondetur; leges enim quando animum perpetuò habitandi in loco, ad domicilium inibi contrahendum, exposcunt, non excludunt has & similes moderationes, scilicèt, dum alia commodior, vel sanior non se offerat habitatio, & colligitur *ex textu in leg. Cives, Cod. de incolis, lib. 10.* Quis enim dicet, hanc restrictionem, nisi sanitati officiat, destruere perpetuitatem animi permanendi in aliquo loco: ergo nec hæc alia, dummodo alia commodior occupatio non se offerat, & ita docent Auctores citati, Barbosa, n. 26. Palao, n. 3. quibus adde Riccium in *Praxi fori Ecclesiast. resolut. 263. Navarrum consil. 10. alias 2. de temporibus ordinat.* Laymanum in *Summa lib. 5. tract. 9. cap. 9. in fine.* Ergo licitè in nostro casu prædictus Senator jurare poterit, etiam cum ante dicta restrictione.

DUBIUM XI. *An pro domicilio ad ordines acquirendo, sufficiat, animum in eo loco perpetuò permanendi, pro tempore juramenti, habere, licèt pro antecedenti non habuerit.*

262. **P** Ræsentis Constitutione stabilitur, quod ut quis in aliena Diocesi domicilium ad ordines contrahat, debet inibi

inibi per considerabile tempus vel per decennium permanere, animo se in eo loco perpetuandi, posteaque juramentum de tali animo præstare. Disputatur nunc, an Titius qui in aliena Diocesi habitationem elegit, in eaque per decennium inhabitabit, sine animo tamen perpetuò inibi permanendi, expleto autem decennio, animum mutavit, & ibi stabiliter sedem suam figere decernit, juratque de tali animo; proficiet ne Titio decennium decursum, ut domicilium inibi ad ordines acquirat, an aliud incipere, explereque teneatur.

263. Sufficit decursum, nec opus est novum decennium incipere, explereque. Pro quo notandum, quod in his, quæ à cursu temporis pendent, aliquando retroaspicitur initium, aliquando tamen exitus expectatur: expectatur exitus, cum vitium consistit in animo, juxta celebrem dispositionem *cap. commissa*, §. *caterum*, de *elect. in 6.* ubi decernitur, quod recipiens Ecclesiam Parochialem, non ut intra annum ordines suscipiat, sed ut fructus percipiat, tenetur fructus totius anni restituere, nisi voluntate mutata, promotus fuerit: ex qua dispositione constat, quod si circa anni finem voluntatem mutet, fraudes temporis antecedentis purgat, & ad initium anni retrotrahitur, ut fructus ei correspondentes posteriori mutatione faciat suos, eo quod vitium hoc in casu in animo consistebat, & quando vitium consistit in animo, exitus expectatur, ut explicat *Glos. C. cap. v. mutata*. E contra ratiocinatur, quando vitium in animo non consistit, ex eleganti textus dispositione in *cap. si eo tempore, de rescriptis, in 6.* ubi cum Titius minor 25. annis gratiosas à Sede Apostolica litteras impetraret ad obtinendam Ecclesiâ cum Cura, vel sine illa, tunc fortè vacantem, vel de proximo vacaturam, accidit, quod Parochialis vacavit, tempore, quo idem Titius legitimam habebat ætatem, & nihilominus citato in textu deciditur, quod ad illam nullum jus habebat, quia tempore quo litteras obtinuit, incapax erat ad Ecclesiam Parochialem obtinendam, & cum hic defectus in animo non consisteret, ad initium temporis attenditur, nec exitus expectatur, *Glos. l. c. & in c. dudum. et 1. de elect. V. electionis tempore*: His suppositis,

264. Liquet nostrum assertum, nam cum in nostro casu defectus, seu vitium consistat in animo, eo quod cum animum re-

nere-

neretur Titius habere ad domicilium inibi contrahendum, & non habuerit, vitium in animo stetit; at quando vitium consistit in animo, non attenditur ad temporis initium, sed exitus expectatur, *ex citat. cap. commissa*: idem ergo in nostro casu dicendum, quod si Titius circa finem decennii, vel eo peracto, voluntatem mutaverit, decernatque in eo loco perpetuò permanere, illa animi posterior mutatio ad tempus antecedens retrahitur, pro domicilio ad ordines acquirendo, ejusque fraudes purgabit. Idem, ac potiori jure dicendum, casu quo idem Titius in eo loco habitationem animo inibi perpetuò commorandi, inciperet, postea tamen animum mutaret, ac tandem ante juramentum novum animum de inibi perpetuò permanendi iterum conciperet, tum ex immediate dictis, tum quia domicilium semel acquisitum sola animi mutatione non perditur, ex dictis n. 257.

265. Doctrina hæc militat, & intelligenda venit, quando ex circumstantiis apparet, se in eo loco animum contrahendi domicilium habere, vel saltem non est fundamentum ad contrarium præsumendum; secus si contrarium manifestè appareat: unde Scholares, & alii de quibus n. 266. quando studiorum, aut serviendi causa ad alienam Diocesim se transferunt, licet per decennium inibi inhabitent, domicilium non acquirunt, nec si post decennium decursum animum mutent, decursum decennium ipsis proficiet, quia præsumptionem Juris contra se habent, & cum hæc in animo non consistat, mutatione animi posteriori illam nequeunt purgare: Quare in Scholaribus, & famulis, qui Juris censura, tempore quo in studiis, & famularum detinentur, domicilium non acquirunt, tunc decennium ad domicilium pro ordinibus contrahendum, incipiet currere, quando cessando jam contraria Juris præsumptio, verbis, vel aliis signis explicant se in eo loco perpetuò habitare velle, & non antea. Barbosa, *Allegat. 4. n. 28. & 29.*

266. Infertur hinc, illum qui in aliena Diocesi per decennium inhabitavit, nec recordatur an inibi venerit animo domicilium, contrahendi, nec ne, aut quando primo intravit, de domicilio contrahendo nihil cogitavit, & ita per decennium continuavit, decennium ita decursum pro firmando ad ordines domicilio

cilio proficiet, dummodo circa finem decennii, vel eo peracto verum animum de inibi perpetuò domiciliū firmando habuerint, tum quia si decennium decursum cum carentia talis animi interiori, sufficit ad firmandum pro ordinibus domicilium ex dictis n. 263. quanto magis proficiet cum ignorantia, dubio, aut inadvertentia de tali animo, tū quia, ut docent Menochius *de arbitr. Jud. cent. 2. cas. 86. n. 11*. Farinatus *in praxi crimin. V. domicilium, n. 204*. Pax Jordanus, n. 57. Gobat, *cit. n. 292*. quando non constat de certa animi declaratione per verba, recurritur ad conjecturas, inter quas est hæc receptissima, si quis decē annis alicubi habitavit, præsumitur enim in dubio voluisse ibi figere sedem perpetuam, quare in hoc casu, dummodo verum animum habeat permanendi perpetuò in eo loco, præstare juramentum poterit, sicque ad ordines titulo domicili promoveri. Secus dicendum, quando quis ad alienam Dioecesim venit, etiam si cum tota sua substantia veniat, in eaque per mille annos commoretur, prius, tamen declaravit, se in ea domicilium contrahere non intendere, domicilium enim nullatenus inibi contrahet. Gobat. n. 296.

Qui n. 292. optime notat, non sufficere pro firmando ad ordines domicilio tempus longius decennio, quando adsunt inditia excludentia præsumptionem domicilium inibi contrahendi, quod regulariter contingit in Scholaribus, famulis, consanguineis Clericorum obtinentium beneficium curatum, vel simplex in aliena Dioecesi, secumque deferunt ut in loco benefici omnes inhabitent; hii namque consanguinei, vel affines, nisi animum explicent, velle se in eo loco perpetuò commorare, ac domum vel alia bona immobilia inibi comparent, quæque dictum animum manifestent, domicilium in eo loco contrahere non præsumitur; potius enim præsumitur, quod mortuo, vel amoto Clerico consanguineo, ad proprium solum, aut alibi remanebūt: unde ab Episcopo dicti Loci titulo domicili, ad ordines promoveri non poterunt, esto ultra decennium inibi vixerint, Excipe, nisi consanguineus Clerici fuerit ejus legitimus filius, hic enim dum domicilium non eligit, patremque sequitur, patris gaudet domicilio. Jordanus n. 49. Nec quod pater Clericus sit; officit, nullum enim Jus vetat, ne domicilium patris Clerici, sit legitimi sui filii domicilium; immo infavorabilibus gaudet filius privile-

vilegiis patris sui Clerici. Covarrubias in *cap. quia nos de testament. n. 5.* Pichardus *lib. 1. Instit. tit. 12. §. & quidem fin. n. 9* Non sic fratres, nepotes, aut patruales; hii enim fratrum, avunculorum, vel patrum, esto simul commorentur, domicilio non gaudent, quia non censetur eadē persona, sicut censentur pater, & filius, maritus, & uxor, *ex c. is qui C. licet de sepulturis in 6.*

267. Major difficultas apparet, quando in eodem loco duplex extat Jurisdictio, V. G. in Civitate Cæsaraugustana, in qua Parochialis S. Engratidis ad Diœcesim pertinet Oscensem, cæteræ autem ad Cæsaraugustanā: si enim Titius dictam Civitatem appulit, ut in ea domicilium contrahat, & decennium jam in domo jurisditionis Oscensis, jam Cæsaraugustanæ transigat, quod in prædicta Civitate frequentissime contingit, decennium sic expletum proficiet, ut à Domino Archiepiscopo Cæsaraugustano, vel Oscensi Episcopo ad ordines Titius promoveatur.

268. Respondetur, quod cum domicilium principaliter pendeat ab animo, ut docent communiter DD. illius Diœcesis erit Titius in præsentī casu subditus domicilii ad ordines, ubi verum animum habuit domicilium contrahendi; mutatio enim illa de una Diœcesi ad aliam intra eamdem Civitatem, non est formalis, hoc est, non est cum animo mutandi Diœcesim, sed materialis dumtaxat, est ob majorem scilicet commoditatem; unde semper retinet domicilium in ea Diœcesi ubi animum domicilium contrahendi habet: Nec obstat, quod traductus Titius in domum Diœcesis Oscensis V. G. nequit D. Archiepiscopus Cæsaraugustanus perspectos ejus habere mores; nam ut eos perspectos habere præsumatur, sufficit quod tam proximè Diœcesi Cæsaraugustanæ degat, ut in simili defamiliari non longe ab habitatione sui Domini Episcopi degente, docet Pax Jordanus *infra n. 37. vers. Infertur 3. citando*. Si tamen de animo, ubi domicilium contrahere voluit, dubitetur, præsumitur in Diœcesi Cæsaraugustana figere voluisse; nam in civitate Cæsaraugustana domicilium contrahere voluit: ergo cum fere tota Civitas Diœcesis sit Cæsaraugustanæ, in hac domicilium contrahere præsumendum est.

269. An autem decennium, quod in præsentī Constitutio-

ne præscribitur, debeat esse completum, & continuum, responderetur breviter debere I. esse completum, sic enim indicant ea verba *vel per decennium saltem in eo habitando, &c.* hoc est, quod per decennium ad minus debet eo in loco habitari. Debet etiam esse continuum, quia cum decennium statutum sit ad manifestandum animum, inibi perpetuo permanendi, & intercædentiæ prædictum animum non manifestent, immo contrarium deferant, hinc est quod decennium completum esse debet; sed notandum est, quod intercædentiæ dictæ intelligendæ sunt, dum intra decennium jam in una Diœcesi, jam in alia domicilium contrahitur; si enim semel domicilio contracto in una Diœcesi, ad aliam se divertat, animo redeundi ad primam, tunc, & si multo tempore ab ista absit, non officit quo minus in ea domicilium ad ordines, aliis circumstantiis expletis, contrahat.

DUBIUM XII. *De ætate requisita, ut ordinandus Testimonialibus egeat.*

270. **D**uplici in casu Sanctissimus Innocentius in præsentī Constitutione ordinando præcipit, litteras Testimoniales Episcopo ordinanti præsentare, ea solummodo conditione, quod ordinandus ad eam ætatem pervenerit, qua potuerit aliquo Canonico impedimento irretiri: Primus est cū ordinandus natus est ex accidenti in aliquo loco, in eoq; detinetur usque ad eam ætatem, qua potuerit Canonico aliquo impedimento ligari. Secundus, cum à loco propriæ originis ad alium, ut in isto domicilium contrahat, discedit, si in prædicta ætate discesserit: In his igitur casibus tenetur ordinandus litteras Testimoniales ab Ordinario casualis ortus, ac propriæ originis respectivè obtinere, Episcopoque ordinanti præsentare, quod constat ex verbis relatis tū n. 96. tum n. 192. Cū ergo Sanctissimus in his dispositionibus ætatem petat, nec tamen determinat, in præsentī discutimus, qualis sufficiat, ut præseti dispositioni utroq; casu subiaceat.

271. Sed adnotandum est I. quod ut ordinandus prædictæ dispositioni subiaceat, sufficit, quod potuerit alicui impedimento subiici, nec requiritur quod effective ipsum incurrerit, id enim denotat verbum *potuerit* utraque in dispositioni insertum.

272. Adnotandum II. Quod ut ordinandus prædictis dispositionibus subiaceat opus non est ad eam ætatem pervenire, qua possit in omnia impedimenta Canonica incurrere, sufficit enim ad illam pervenisse, qua potuerit unico dumtaxat impedimento ligari: Lex namque ideo expressit, *quod potuerit alicui impedimento*, & non omnibus, *obnoxius effici*. Quodque adnotatur, propter varietatem, quæ in hoc puncto apud Auctores invenitur, alii enim prætendunt, quod ante pubertatem censuræ minimè ligant, alii absolute affirmant; alii aliquas censuras, & pœnas ligare contendunt ante pubertatem, aliàs autem negant. Nobis de his in præsentí non attinet, sed dumtaxat investigare, quæ ætas sit capax incurrendi aliquod Canonicum impedimentum, ex mente Sacrorum Canonum, quodque ad ordines suscipiendos obstat, hoc enim adinvento, abs dubio in ea ætate prædicta Testimonialia ordinandus obtinere tenebitur.

273. Respondetur igitur, quod expletis infantiae annis, qui, completo septennio, expleantur, ut colligitur ex *Glos. cap. cum nullus, de temporibus ordinat. in 6. tenetur ordinandus*, qui à prædictis Locis discessit, ab eorum Ordinariis prædictas litteras Testimoniales respectivè obtinere, ac Episcopo ordinanti præsentare. Omissis aliis, probatur I. ex *cap. fin. de sententia excommunicat. ubi sic legitur: Pueris, qui in Canonem inciderunt sententiae promulgatae, sive ante, sive post pubertatem postulent se absolvi, potest Diæcesanus Episcopus absolutionis beneficium impertiri*. Ubi notanda sunt verba *ante pubertatem*, quæ indicant, quod puer ante pubertatem puniri potest excommunicatione promulgata in Canone *si quis suadente diabolo* contra Clericorum percussores, ut cum *Glos. in d. cap. fin. docet Barbosa ibi, cum aliis: At puer ante pubertatem dicitur esse, annis infantiae expletis, qui completo septennio expleantur: ergo in ea ætate capax est, ut impedimento Canonico ligetur: ergo & in ea ætate prædicta Testimonialia obtinere tenebitur*.

274. Probatur II. Ex *Clementina si furiosus, de homicidio voluntario*, ibi: *Si furiosus, aut insans, seu dormiens hominem muliet, seu occidat, nullam ex hoc irregularitatem incurrat. ergo expleta infantia puer, qui occiderit, irregularitatem incurrat, Patet consequentia, nam si infantia expleta, adhuc puer occidens,*

vel

vel mutilans irregularitati non subiacet, frustra præcitatus Canon infantiam solam exclusit. Modo sic: Litteræ Testimonialia obtinendæ sunt ab ordinando, juxta præsentem Constitutionem, quando capax est contrahendi impedimentum obstandum ordinum promotioni; at excommunicatio, irregularitasve impedimenta sunt Canonica, dictæ promotioni obstantia, ac item pueri, infantia expleta, capaces sunt ipsis impedimentis ligari, ut ex præcitis Canonibus patet: ergo in casu in quo ordinandus discesserit à loco sui casualis ortus, vel suæ originis, ut alibi domicilium contrahat, expleta infantia, vel septenio, ab Ordinariis utriusque Loci Testimonialia litteras obtinere respectivè tenebitur, si ad ordines ascendere voluerit.

275. Quod pueri ante pubertatem, & doli capaces, omnes, & singulas censuras tam à jure quam ab homine incurrant, est Canonistarum communior mens, sicut & Theologorum cum Suario citato à P. Dicastillo *disp. 1. n. 232.* vide Mendum in *Epistome V. Censura, n. 11.* immò Navarro *consil. 27. n. 230.* addit, quod irregularitas, de qua in ante dicta Clementina *si furiosus*, incurritur à pueris ante septenium, si in ipsis malitia suppleat ætatem.

276. Ex his constat, quod prædictæ litteræ Testimonialia obtinendæ dumtaxat sunt ab ordinando, quando explet septenium in loco sui casualis ortus, vel quando à loco suæ propriæ originis, expleto itidem septenio, discesserit, etiam si ab hoc loco cum Patre, qui alibi domicilium contrahere parat, discedat, quia jam à loco suæ originis, in ea ætate, qua potuit impedimento Canonico ligari, discessit, ac præsens Constitutio in hoc casu nihil amplius exigit, nec distinguit, an discessus ab eo loco debeat esse propria voluntate ordinandi, an Patris voluntate, & quod lex non distinguit, nec nos distinguere debemus.

277. Unde inferitur I. Quod quando ordinandus discedit à loco, è quo originarius ad ordines non est, ut alibi domicilium contrahat, non tenetur præcitata Testimonialia obtinere ab Ordinario Loci à quo discessit, quia ut supponitur non est locus suæ originis, præsensque Constitutio verbis supra n. 192. relatis, pro casu quo ordinandus à loco propriæ originis discesserit (septenio expleto juxta dicta) prædicta Testimonialia exposcit, ergo in alio casu obligandus non est.

278. Nota, quod in præſenti, nomine Loci intelligitur Dioceſis tota, ex ſæpe dictis: Unde ſi Titius eſt originarius unius oppidi, & ſeptenio expleto ad aliū oppidum ejusdem Dioceſis diſceſſit, & ab iſto ad aliū diverſæ Dioceſis, ut in ea domicilium contrahat, diſcedit, tenetur ab Ordinario ſuæ originis Teſtimoniales litteras obtinere, ſi in loco novi domicilii ad ordines promoveri voluerit; quia licet non diſceſſerit à loco numerico ſuæ originis, diſcedit tamen à Dioceſi, quæ nomine Loci intelligitur, ex ſæpe dictis in præſenti.

279. Inferitur II. Quod ſi Titius à loco ſuæ originis diſceſſit ad aliam Dioceſim, in hacque domicilium ad ordines contrahat, maluerit tamen ab Epifcopo ſuæ originis, ſicut poteſt, ordines ſuſcipere, non tenetur ab Ordinario Loci novi dicti domicilii Teſtimoniales litteras obtinere: præſenti enim Conſtitutione ſolummodo obligatur ad obtinendas Teſtimoniales ab Ordinario originis, quando promovendus eſt ab Epifcopo domicilii in alia Dioceſi obtenti, non è contra: ergo nec in hoc caſu obligandus erit.

280. III. Quod ſi Titius è loco ſui casualis ortus, expleto ſeptenio, diſceſſerit ad Dioceſim ſuæ originis, in eaque per aliquod tempus habitaverit, ſive domicilium in ea contrahendo, ſive non, ac poſtea à loco ſuæ propriæ originis alibi diſceſſerit, ut illic domicilium contrahat, ab utroque Ordinario, ſui casualis ortus ſcilicet, ac propriæ originis litteras Teſtimoniales obtinere tenebitur, ut ab Epifcopo novi domicilii promoveatur, quod ex præſentis Conſtitutionis diſpoſitione conſtat, verbis tum n. 96. tum n. 192. relatis: ſi tamen è loco ſui casualis ortus ad aliam Dioceſim, quæ ſuæ originis non eſt, domicilium mutet, ab Epifcopoque hujus domicilii promoveri voluerit, non tenetur litteras Teſtimoniales ab Ordinario ſuæ originis obtinere, quia ut dictum domicilium in ea Dioceſi contraheret, à loco ſuæ originis non diſceſſit, ab hocque diſcedere debebat, ut obtentioni prædictarum Teſtimonialium litterarum obligetur; ut ex præcitatis verbis n. 192. conſtat. Unde ſicut in quovis caſu, quo verum ſit, quod Titius è loco ſuæ propriæ originis, ſeptenio expleto, diſceſſit, ab ejus Ordinario litteras Teſtimoniales obtinere tenetur, ſic non tenetur, quando verum eſt,

nullo modo à loco suæ originis discessisse, aut quod ante septenium expletum discessisse, compertum est: nisi Episcopo ratione solummodo beneficii subjiçiat, de quo infra n. 284.

DUBIUM XIII. *De litteris testimonialibus Episcopo Beneficii præsentandis.*

281. **L** Icèt materia præsentis dubii ad titulum de Beneficio potius expectare videatur, quia tamen omnes titulos transcendit, ideo ad calcem istius, quæ aliàs dispersa sunt, conducendo, sermonem instituimus. Et in primis dicendum, eum qui titulo Beneficii in aliena Diocesi obtenti, ab hujus Episcopoque promoveri voluerit, teneri obtinere Testimonialles litteras à proprio Episcopo tum originis, tum domicilii, quod ex verbis supra n. 2. relatis, constat. Tenetur insuper easdem litteras Episcopo Beneficii præsentare, ab Ordinarioque casualis ortus emanatas, casu quo ex accidenti natus fuerit, ac in loco sui fortuiti ortus usque ad septenium completum detineatur, quia in prædicto casu tenetur hujusmodi litteras obtinere, ac Episcopo ordinanti præsentare; at Episcopus Beneficii, quique hoc titulo promovet, Episcopus ordinans est: ergo & ipsi prædictas litteras præsentare tenetur.

282. II. Dicendum, quod Familiaris Episcopi, alienæ Diocesis subditus, sufficit si suo Domino, ipsum titulo Familiaritatis promovere volenti, præsentet litteras Testimoniales sui proprii Episcopi originis, aut Domicilii, nec eget utriusque simul, quod patet ex verbis infra n. 292. referendis, in quibus est particula *vel*, quæ disiunctiva est: ergo sufficiet si unius, vel alterius proprii Episcopi, prædictus Familiaris Domino suo Episcopo præcitatas litteras præsentet: si tamen natus fuerit ex accidenti in aliquo loco, etiam ab ejus Ordinario, hujusmodi litteras obtinere, & præsentare tenebitur, ob rationem numero antecedenti datam: Neutiquam tamen obligandus videtur ad obtinendas litteras Testimoniales, quæ in periodo præsentis Constitutionis n. 192. recitato, præcipiuntur, quia ibi, ut ex contextu constat, sermo est de illo, qui à loco suæ originis ad alium discedit, ut in isto domicilium contrahat, eoque titulo promoveri vult; non

vero de illo qui ad alium Episcopum, ut ei tamquam Familiaris inserviat, confugit, tituloque Familiaritatis promovetur.

283. Tertio dicendum, quod subditus ratione solius Beneficii in aliena Dioecesi obtenti, quique in aliis diversis Dioecesium domicilium contraxit, sufficit Episcopi novissimi domicilii prædictas litteras Episcopo Beneficii præsentare, nec opus est ab omnibus obtinere, ac præsentare; quia ex quo aliorum locorum domicilium amisit, jam proprii Episcopi ordinandi desinunt esse; ergo non eget Testimonialibus eorum, quæ solum à proprio Episcopo originis, & domicilii præsentis Constitutione expetuntur.

284. Dicendum IV. Doctrinam datam supra n. 280. in fine, non esse intelligendam cum subdito ratione solum Beneficii, hic enim tenetur ab Episcopo suæ originis prædictas litteras obtinere, ac Episcopo Beneficii præsentare, si ab isto promoveri voluerit, etiam si in loco suæ originis unquam extiterit, nec ab eo discesserit; quia in hoc casu prædicta Testimonialia non tam exiguntur, ut de carentia impedimenti alicujus Canonici in promovendo constet, quam ut proprii Episcopi de promotione suorum subditorum certiores, hocque modo fraudes vitentur.

285. Dicendum V. Quod subditus ratione Beneficii dumtaxat, sufficit si à suis propriis Episcopis originis scilicet, ac domicilii semel, ac ante susceptionem primi ordinis ab Episcopo alieno, litteras obtinuerit, nec opus esse, quod ante susceptionem cujuscunque ulterioris iterum ac iterum obtineat; præsens enim Constitutio dumtaxat exposcit, quod ante ordinis susceptionem Testimoniales litteras à propriis Episcopis obtineat, hisque semel obtentis ante suam promotionem, verum est, quod ante ordinis susceptionem obtinuit. Limitat tamen præsentem doctrinam D. Lamperez n. 354. nisi suscepto primo ordine ab Episcopo Beneficii, ad locum Episcopi originis, aut domicilii redat, ibique usque ad sequentem ordinem, vel saltem per multos menses detineatur; in hoc enim casu, ait, teneri à proprio Episcopo, ubi resedit, denuò litteras Testimoniales obtinere. Vide dicta n. 149. & 239. Illud tamen sine dubio tenendum, quod & ipse eruditus Doctor ibidem addit, prædictas scilicet litteras obtinendas, in nostro casu, ab omnibus, sine exceptione personarum, esto notorium sit eis non indigere.

286. Sexto dicendum est, illum qui in aliqua Dioecesi, è qua nec originarius est, nec in ea domicilium contrahit, per multos annos detinetur, causa scilicet studiorum, servitii, aut alterius occupationis, quibus domicilium non acquiritur, non teneri litteras prædictas Testimoniales ab hujusmodi Dioecesis Ordinario obtinere, Episcopoque ordinanti præsentare; quia nullibi in præsentì Constitutione id præcipitur: ergo nõ est obligandus ad quod ipsa lex non obligat, & quia sequeretur, quod si per plures Dioeceses diversatus fuisset, ab omnibus earum Ordinariis prædictas litteras obtinere teneretur, cum in omnibus illis impedimentum Canonicum contrahere potuisset, quodque nimis durum esset.

287. Excipe tamen, nisi in eo loco natus fuisset ex accidenti, etiam si ante septenium inde ad aliam Dioecesim transmigraret, posteaque, causa studii vel alterius occupationis ad eundem locum rediret, in hoc enim casu teneretur prædictas litteras ab Ordinario ejus Loci obtinere, Episcopoque ordinanti, præsentare; nam in eo loco detentus fuit tanto temporis spatio ut potuerit aliquo Canonico impedimento irretiri; at in hoc casu teneretur prædictas Testimoniales litteras obtinere, ut constet ex verbis præsentis Constitutionis n. 96. recitatis; ergo licet in aliis casibus non teneatur, in præsentì tenetur. Secus dicendum in casu, quo à loco suæ casualis nativitatis ante septenium discessisset, ac postea ad ipsum locum rediret, vel per transitum, vel ea modica detentione, qua verum non esset, quod in eo loco moram multi temporis traxerit; quia sub hac conditione ad prædictas litteras in præsentì casu obligatur.

288. Sed licet ordinandus, de quo n. 286. obtinere prædicta Testimonialia, Episcopoque ordinanti præsentare non teneatur, Domini autem Episcopi optime procedent, non promovendo, quin mediis litteris Subsidiariis informationem ab eo Ordinario Loci, in quo ordinandus per multum temporis habitavit, exposcat, audiatque suam informationem, & colligitur *ex cap. ex parte tua. De scrutinio in ordine faciendo.*

289. Septimo dicendum est, illum qui in aliquo loco casualiter natus est, quique originem paternam naturalem pro origine habet, si Pater in eo loco domicilium de Jure non contraxerit,

xerit, si Pater in eo loco casualis ortus filii dictum domicilium contrahat, & ratione cujus ejusdem Loci filius originarius est, iste Episcopo ordinanti sive domicilii sit, sive Beneficii non tenetur præsentare antedictas litteras, nec ab Ordinario paternæ naturalis originis eas obtinere: quia ex quo Pater domicilium de Jure in loco fortuiti ortus filii contraxit, originem hic contraxit, & in alio loco amisit: ergo Episcopus originis paternæ jam non est origo filii: ergo prædictas litteras, quas ab Episcopo originis præsens Constitutio præcipit obtinere, ab illo obtinere non tenetur, quia jam non est originis Episcopus.

290. Secus dicendum, si solus filius in loco sui casualis ortus domicilium contrahat, nam semper remanet originarius Loci paternæ naturalis originis; ex quo tenetur ab Ordinario istius Testimonialia obtinere, & in omni casu Episcopo Beneficii præsentare: Episcopo autem domicilii, solum pro casu, quo à loco paternæ naturalis originis ad inibi domicilium contrahendum, discesserit, quod ex dictis constat.

291. Octavo dicendum est filium natum ex accidenti in aliquo loco, tempore quo Pater domicilium habet in alio, non teneri prædictas litteras Testimoniales ab Ordinario Loci, in quo casualiter ortus fuit, obtinere, Episcopoque ordinanti præsentare, quia ut ex dictis n. 107. constat, præsens Constitutio, dum de filio casualiter nato disponit, non comprehendit filium casualiter natum in uno loco, Patre domicilium habente in alio, sed dumtaxat quando Pater nullibi domicilium habet: ergo nec filium in præsentī casu comprehendet: ergo nec tenebitur ejus dispositioni stare.

Titulus Familiaritatis.

Supereſt de Familiaritate, quæ ultimus titulus ad ordines ſuſcipiendos eſt, pertractare, & licet in Jure nulla de hoc titulo mentio fiat, lege tamen Trident. *ſeſſio. 23. cap. 9. de reſormat.* firmatus extat, aliquibus interiectis conditionibus, quas quia ſiniſtrè à pluribus intelligebantur, Sanctiſſimus Innocentius, ob fraudes vitandas, utque veram intelligentiam Tridentino

tino tribueret, præsentì Constitutione sequentia, per sequentia verba, decernit.

292. *Adbec. Nullus Episcopus alienæ Diœcesis subditum Familiarem suum ad aliquos sacros, seu minores ordines, vel etiam Primam tonsuram promovere, seu ordinare præsumat, absque ejus proprii originis, scilicet, seu domicilii Prælati Testimonialibus litteris, ut supra, & nisi ad præscriptum Concilii Tridentini præfati sessione 28. cap. 9. de reformatione, Familiarem prædictum per integrum, & completum triennium in suo actuali servitio secum retinuerit, ac suis sumptibus aluerit: Beneficium insuper, quod esse ad vitam substandam, juxta modum superius præfinitum, sufficiat, quacumque fraude cessante, statim, hoc est saltem intra terminum unius mensis à die factæ ordinationis, re ipsa illi conferat, ac in ordinationis bujusmodi testimonio expressam itidem Familiaritatis, ac litterarum prædictarum mentionem facere teneatur.*

293. Quibus verbis Dominis Episcopis interdicitur, ne Familiares suos alienæ Diœcesis subditos, titulo Familiaritatis, ad ordines, seuque Primam tonsuram promoveant, non præmissis Testimonialibus Episcopi originis, vel domicilii eorundem Familiarium, non utriusque simul, sed cujuscumque, juxta dicta supra n. 282. & nisi Familiaritatem obtinuerint ad normam citati Concilii Tridentini, ac Beneficium re ipsa Familiaribus, saltem intra mensem, à die factæ ordinationis, conferendo. Hoc privilegio promovendi suos Familiares, gaudent solummodo Domini Episcopi, qui Clerum, & populum Christianum habent; nec gaudent Episcopi Titulares, ipsis enim similis potestas subblata est à Trident. sessio. 14. cap. 2. de reformat.

QUÆSTIO IV.

De facultate qua DD. Episcopi, quo ad ordinandos suos Familiares, gaudent, terminis Constitutionis Sanctissimi Innocentii XII. stando.

294. **D**IXI terminis præsentis Constitutionis stando, non enim ea quæ independentia ab ista videntur, controversentur, cum passim apud Doctores discussa eruditè invenian-

tur, solumque in dubium revocabitur, quæ attenta dicta Constitutione difficultatem ingerunt:

DUBIUM I. *An præsens constitutio Familiares Cardinalium comprehendat.*

295. **D**ominos Cardinales, etsi Presbyteri dumtaxat sint, facultate suos Familiares promovendi ad Primam tonsuram, Minoresque ordines, gaudere, testantur Joannes Andreas in cap. 1. de supplenda negligentia Prælat. n. 14. Martin. Land. tract. de Cardinalibus, quæst. 20. Majolus, de irregularit. cap. 8. Bonacina, de Sacrament. disp. 8. quæstio unica, punct. 4. num. 3. Barbosa supra n. 19. Palao, part. 4. tract. 17. disp. unica, punct. 14. num. 3. Supposita ergo hac facultate, quæritur, an ut ad praxim reducere valeant dicti DD. Cardinales respectu suorum Familiarium, alienæ Diœcesis subditorum, egeant litteris Testimonialibus, ut ipsos titulo Familiaturæ promoveant, proprii Prælati originis scilicet, aut domicilii, obstrictique sint Beneficium eisdem conferre intra mensem, à die factæ ordinationis, juxta dispositionem præsentis Constitutionis.

296. Respondetur promovere posse, non expectatis præcatis Testimonialibus litteris, ac proinde DD. Cardinales non comprehendendi sub præsentis dispositione; nam quando Constitutio est pœnalis, qualis est præsens Sanctissimi Innocentii, Cardinales non comprehendit, nisi de ipsis expressa fiat mentio, ut cum plurimis firmat Barbosa Jur. univ. lib. 1. cap. 4. num. 60. at in præsentis clausula de Cardinalibus nulla fit mentio, sicut de illis mentio fit in clausula supra num. 1. relata: ergo præsentis dispositione non comprehenduntur: ergo adhuc ea stante possunt Cardinales prædictos Familiares, titulo promoventes Familiaturæ, promovere, non expectatis Testimonialibus proprii Episcopi; nec arctati sunt Beneficium ipsis intra mensem conferre: & quo ad hanc partem Beneficii extat Sacræ Congregationis declaratio, quam Barbosa in Trident. sessio. 23. cap. 9. de reformat. num. V. refert his verbis: fuit resolutum; Cardinales suis Familiaribus triennalibus dimissorias ad ordines suscipiendos concedere posse, tamen illis, nec ante, nec statim postea conferant Bene-

Beneficium. Idem dicendum de Cardinalibus, qui Episcopi fuerint, quia licet præfens Constitutio loquatur cum Episcopis, non tamen cum illis loquitur, qui Cardinalatus honore fulgent.

297. Nec obstat. I. Præsentem Constitutionem, ac in ejus clausula supra n. 1. relata omnibus Episcopis, quibuslibetque Loci Ordinariis, etiam si Cardinalatus honore fulgeant, facultatem adimere promovendi sibi non subditos origine, aut domicilio ad primam Clericalem tonsuram: ergo Domini Cardinales nec suos Familiares sibi non subditos promovere poterunt: ergo comprehenduntur sub hac dispositione. Respondetur enim in præcitata clausula prohiberi Cardinalibus, Episcopis, & Ordinariis promovere sibi non subditos ad titulum Beneficii, quodlibet istud sit, non verò ad titulum Familiaturæ, ex quo istud poterunt, licet illud efficere non valeant.

298. Nec obstat II. Sanctissimum Innocentium in præfenti Constitutione, omnia Decreta, declarationes, ac responsa Sacre Congregationis antehac, in hac materia, edita, ad præsentem dispositionem reducenda præcipere; at in præfenti dispositione præcipitur, quod nullus Episcopus Familiarem suum sibi non subditum promovere valeat ad Clericalem tonsuram, non præmissis litteris Testimonialibus sui proprii Episcopi: ergo licet extent declarationes Sacre Congregationis in contrarium respectu Cardinalium, reducenda sunt ad terminos præfentis Constitutionis. Respondetur tamen, quod argumentum verum esset, casu quo DD. Cardinales à Constitutionibus generalibus, in quibus de ipsis specifica mentio nulla fit, excluderentur, virtute dumtaxat aliquarum Sacre Congregationis declarationum in materia ordinum antehac editarum, quod verum non est: eum à legibus Pontificiis, in quibus de Cardinalibus nulla expressa mentio fit, ipsi excludantur vi Juris Canonici, ut colligitur, ex cap. unico, de schismaticis in 6. 9. omnem personam, & ibi docent Joan. Monach. & Joan. And. Insuper, quia estò præfenti Constitutione quæcumque Decreta in particularibus casibus à Sacra Congregatione in materia ordinum antehac edita, ad terminos præfentis Decretalis reducenda fore jubeatur, adhuc sub lite manet, an Decreta in materia ordinum, in favoremque Cardinalium edita, sub præfenti dispositione comprehendantur.

tur, eo quod de Dominis Cardinalibus mentionem inibi non fecerit. Dicendum ergo, illas Declarationes in favorem Cardinalium, ac in materia ordinum editas præsentì dispositione casari, quæ cum Leges generales aliàs Cardinales comprehenderent, Sacra tamen Congregatio particularibus declarationibus, Cardinales, intuitu suæ dignitatis, vel alio simili motivo, exceperunt, ex infra num. 321. dicendis, secus tamen in aliis eventibus.

DUBIUM II. *Antitulo Familiaritatis DD. Episcopi suos Familiares alienæ Diœcesis subditos ad Clericalem tonsuram promovere valeant.*

299. **A**ffirmativè responderetur, & ita tenet D. Lamperez n. 428. Quia dum aliquid prohibetur, nisi hæc, aut illæ conditiones ponantur, conditionibus appositis, aufertur prohibitio; ac præsentì clausula interdicitur DD. Episcopis ne suos Familiares non subditos, etiam ad Primam tonsuram, promoveant, non appositis conditionibus in ipsa clausula expressis: ergo conditionibus appositis ad Primam tonsuram hujusmodi Familiares promovere valebunt.

300. Nec obest, quod præsentì Constitutione omnibus Episcopis, ac Ordinariis prohibetur sibi non subditos titulo originis, aut domicilii, ad Clericalem tonsuram promovere, etiam si immediatè conferant Beneficium; at Familiares de quibus loquimur non sunt subditi Episcopi sui Domini origine, aut domicilio; ergo licet intra mensem conferant Beneficium, ad Clericalem tonsuram non poterunt ipsos promovere. Distinguenda enim est major, prohibetur promovere titulo Beneficii, conceditur: Titulo Familiaritatis, negatur major, ac consequentia.

301. Disparitas igitur inter hos titulos hæc est, quod ille, qui alicui Episcopo subjicitur ratione solius Beneficii, implicat hanc subjectionem acquirere, non adepto priùs Beneficio: cum ergo sine Clericali tonsura incapax sit Beneficium obtinendi, incapax etiam erit subjectionis, quæ à Beneficio dependet; cum nullus Episcopus ad ordines promovere valeat sibi nullo titulo subditum, hinc est quod titulo Beneficii acquirendi, seu expectativa

ſtativa Beneficii promovere non valebit: non acquiſito enim Beneficio, nec ſubjectio acquiritur, ratione cujus promovendus erat. Cæterum Familiaritas titulus eſt ad ordines à Beneficio independens, ſubjectionemque ad ordines tribuit: Unde nihil mirum, quod titulo Familiaritatis poſſint Episcopi ſuos Familiares alienæ Dioceſis ſubditos ad Clericalem tonſuram promovere, nequeant tamen alienos ſubditos titulo Beneficii.

302. Hinc conſtat, quod ſi Episcopus ſuo Familiari alienæ Dioceſis ſubdito, ante triennium expletum, vel etiam expleto triennio, Beneficium in ſua Dioceſi conferret, ad ordinesque titulo talis Beneficii promovere veller, non poſſet illum Clericali tonſura inſignire; quia titulo Beneficii non fit ſubditus quis, niſi Beneficio obtento, obtinere autem nequit, ad Clericalem tonſuram non promotus, unde nec Beneficium conferre poterant.

303. Quare ſi vellet dictum Familiarem promovere ad Clericalem tonſuram, vel titulo Familiaritatis promovendus, vel ad proprium Prælatum remittendus, ut illum Clericali tonſura inſigniat, vel obtinere tenetur Dimiſſorias, à ſuo Episcopo proprio originis, aut domicilii, ut à ſuo Domino Episcopo initietur: ſemel tamen à proprio Episcopo initiatus, & ab Episcopo cui inſervit Beneficio inſtitutus, poterit hic ulteriores ordines tribuere, ſervatis alias ſervandis.

304. Norandum eſt etiam, quod Episcopus, qui ſuum Familiarem titulo Familiaritatis promoveret, tenetur ipſi conferre Beneficium intra menſem, à die promotionis ad Clericalem tonſuram, vel minores ordines, numerandum, nec menſis numerandus eſt à die, qua in ſacris ipſum promoveat: Insuper Episcopus ipſe Beneficium conferre tenetur, unde ſi ipſe Familiaris alia via Beneficium certo expectaret, ab alioque conferretur, non poſſet ad Clericalem tonſuram illum promovere; non enim hoc modo Beneficium illi conferebat, ſicut in præſenti Conſtitutione præcipitur, quod intelligendum cum moderatione, quam ex Jordano ſupra n. 41. dedimus.

DUBIUM III. *An si Beneficium, quod Episcopus suo Familiari confert, sit tenue, possit Patrimonio ipsum supplere.*

305. **N**ON loquimur de Familiari Episcopi, qui origine, aut domicilio, ipsi Episcopo subiicitur, cum isto enim supplere potest ex dictis supra n. 27. si enim valet dictum supplementum præstare cum non familiaribus, & cum Familiaribus potiori jure valebit: Loquimur ergo de Familiari alienæ Diocesis subdito; de quo etiam præsens Constitutio in præsentī clausula loquitur, an scilicet si Beneficium, quod intra mensem conferre tenetur prædicto Familiari, tenue sit, Patrimonio supplere, valeat, talique supplemento præsentī dispositioni satisfaciatur.

306. Affirmativè respondetur. I. Nam præsens Constitutio solummodo exposcit quod Episcopus suo Familiari intra mensem conferat Beneficium, quod per se ad congruam vitæ sustentationem sufficiat; at Beneficium tenue, quod sufficienti Patrimonio suppletur, per se sufficit ad vitæ congruam sustentationem; ergo satisfacit in præsentī casu, conferendo Beneficium Patrimonio suffultum. Nec valet, quod in hoc casu Beneficium non sufficiet *per se*, sed ratione Patrimonii adjecti, nam ut diximus supra n. 25. *ly per se* eo tendit, ut mendicitatem in Beneficiato excludat, vide ibi dicta.

307. Confirmatur: sicut enim præsentī Constitutione præcipitur Episcopo, suam Familiarem promovere volenti, quod ipsi Beneficium per se ad congruam sustentationem sufficiens, conferat, sic Trident. sessio. 21. cap. 2. de reformat. Omnibus Episcopis, ad titulum Beneficii ad ordines Sacros promovere volentibus, præcipit, quod ejusmodi Beneficium ejus sit redditus, ut sufficiant ad honestā sustentationem; sed ante præsentem Constitutionem, Domini Episcopi satisfaciebant dispositioni Tridentini citati, promovendo ad titulum Beneficii tenuis, ipsum Patrimonio supplendo, ut tenent Barbosa *Jur. univer. lib. 1. cap. 33. n. 38.* RR. Leander à Sacramento, *part. 2. tract. 6. disp. 9. quest. 3.* Diana *part. 8. tract. 2. resolut. 20.* Palao *part. 4. tract. 17. disput. unica, punct. 10. n. 2.* eratque praxis fere inconcussa: ergo præsentis Constitutionis terminis stando, poterunt DD.

Episco-

Episcopi ipsi Constitutioni satisfacere, conferendo Beneficium suis Familiaribus Patrimonio suffultum.

308. Hæc consequentia probatur: licet enim præsentī Constitutione, verbis supra n. 3. recitatis, prohibeatur Beneficium Patrimonio suppleri, id prohibetur dumtaxat Episcopo, alienæ Dioecesis subditum, ac titulo Beneficii in sua Dioecesi obtenti, ad ordines promoventi, non verò inibi prohibetur Episcopo Familiarem suum alienæ Dioecesis subditum, titulo familiaturæ promoventi: ergo licet Episcopus ordinans alienum subditum titulo Beneficii in sua Dioecesi obtenti, Beneficium Patrimonio supplere nequeat, poterit Episcopus, ejusmodi Familiarem, tituloque Familiaturæ promovens, hoc etenim nullibi prohibetur.

309. Dices, verum esse in verbis n. 3. relatis non prohiberi absolute, prohibetur tamen additis verbis supra n. 292. recitatis, in istis enim dum de qualitate Beneficii, pro nostro casu, disponitur, sic fatur: *Beneficium insuper, quod esse ad vitam sustentandam, juxta modum superius præfinitum, sufficiat, quacumque fraude cessante, statim illi conferat*. Quibus verbis Sanctissimus, citra dubium, refertur ad dispositionem n. 3. datam: at in hac Beneficium Patrimonio suppleri omnino aufertur, quodque ex ipso textu constat, ibi: *Sublata quacumque Facultate supplendi, quod defecerit fructibus ejusdē Beneficii cum adjunctione Patrimonii etiam pinguis, &c.* ergo supplere Beneficium Patrimonio non solum Episcopo Beneficii, tituloque Beneficii promoventi, verum Episcopo titulo Familiaturæ ordinanti, prohibetur.

310. Respondetur tamen, negando, quod prædicta verba n. 292. exarata, referantur ad alia n. 3. relata, qua parte in his, Beneficium Patrimonio suppleri, Facultas aufertur, pro cujus intelligentia notandum est, quod in præcitatis verbis, n. 3. relatis tria, quæ ad præsentem difficultatem conducunt, statuta à Sanctissimo Innocentio leguntur. Primum, quod Beneficium ejus sit redditus, ut ad congruam vitæ sustentationem, sive juxta taxam Synodalem, sive ea deficiente juxta morem Regionis pro promovendis ad sacros ordines, deductis oneribus, per se sufficiat. Secundum, quod prædictum Beneficium possidendum est pacifice ab ordinando. Tertiū, quod Episcopus Beneficii nequeat Patrimonio supplere, quod defecerit fructibus ejusdē Beneficii.

311. Hoc notato, dicimus, quod quando in præfenti Constitutione Episcopo, suum triennem Familiarem promovere volenti, præcipitur, quod intra mensem conferat Beneficium, *quod esse ad vitam sustentandam juxta modum superius præfinitum, sufficiat*: hæc inquam clausula refertur ad aliam n. 3. exaratum, qua parte hæc de quantitate redditus Beneficii ad congruam vitæ sustentationem, disponit, in primaque dispositione numero antecedenti relata continetur, non verò refertur ad secundam, nec tertiam dispositionem: Undè refertur solum ad præcedentem dispositionem, quatenus hæc præcipit, quod Beneficium sit per se sufficiens ad congruam sustentationem juxta taxam Synodalem, vel ea deficiente, juxta morem Regionis, ac detractis oneribus; non verò refertur qua parte Beneficium pacificè possessum exposcit, nec qua parte facultas, ad supplendum Patrimonio Beneficium, aufertur: Hæc enim dispositiones ex se sunt valde diversæ, ex quo, dispositio quæ refertur ad unā, ad alias nō refertur.

312. Quod autem præfens dispositio de obligatione conferendi Beneficium Familiari, *juxta modum superius præfinitum*, referatur dumtaxat ad dispositionem antedictam, qua parte hæc Beneficium per se, detractis oneribus, sufficiens ad congruam vitæ sustentationem, exposcit, non verò quod ad pacificam possessionem, nec supplementum cum Patrimonio, inde constet, nam in præfenti dispositione, dum Episcopo, suum Familiarem promoventi, onus imponitur, conferendi Beneficium, ita imponitur, ut quo ad vitam sustentandam sit sufficiens, *juxta modum superius præfinitum*, imponatur: ergo *juxta modum superius præfinitum*, ad sufficientiam congruæ, per se, & detractis oneribus; refertur dumtaxat, aliter si omnia contenta in antecedenti dispositione comprehendere vellet, ad quid illa expressio, *quod esse ad vitam sustentandam, juxta modum superius præfinitum, sufficiat*; sufficebat enim si diceret: *Beneficium insuper, juxta modum superius præfinitum, statim, hoc est intra mensem, conferat*: ergo dum addidit, quod Beneficium esset juxta modum superius præfinitum quo ad vitæ sustentationem, quo ad hanc partem voluit dispositionem præcedentem in ista comprehendere, cæteras autem exclusit.

313. Hæc consequentia communis est apud Legistas, & Canon-

nonistas, quos citat, ac sequitur Barbosa de *dictionibus usufrequentibus*, dict. 441. n. 3. ubi ait, quod licet dictiones repetitivæ (qualis est, *juxta modum superius præfinitum*,) omnia præcedentia cum suis qualitatibus repetant, non tamen repetunt ea, quæ non sunt expressa, nec ea quæ dicuntur infra; item si in præcedentibus multæ conditiones sint appositæ, & insequentibus repetatur una conditio, non importat repetitionem in aliis, sed solum in expressis; sed sic est, quod licet in dispositione n. 3. relata sint multæ conditiones, quas tenere debet Beneficium collatum ab Episcopo Beneficii, scilicet, quod sit per se sufficiens ad congruam sustentationem, quod pacificè possideatur, quod Patrimonio nequeat suppleri, quia tamen cum in præsentī repetit, exprimat solum, quod Beneficium sit ad congruam sustentationem sufficiens hanc, solam conditionem repetet, & nō aliās.

314. Hoc adeò manifestum est, ut ex ipsa constet Constitutione; cum enim in præcedenti clausula una ex conditionibus sit, quod Beneficium pacificè possideatur, ut eo titulo Episcopus Beneficii alienum subditum promovere possit, ad hanc conditionem nequit præsens clausula referri, cum satis sit Episcopo suum Familiarem promoventi, quod intra mensem à die factæ ordinationis Beneficium conferat, quodque promovere est Beneficio, pacificè non possesso, ut per se patet: si ergo hanc conditionem dictio repetitiva non repetit, nec conditionem, in qua facultas supplendi Beneficium cum Patrimonio aufertur, repetet, quia expressa alia conditione, hæc non exprimitur, ex dictis numero antecedenti: Igitur si in præsentī clausula non aufertur Episcopo, suo Familiari promovere volenti, facultas supplendi Beneficium Patrimonio, sequitur nullibi esse sublatam, ad quod consule rationem supra à n. 16. quæque mutatis mutandis coaptari ad præsens valet, unde poterit Episcopus in nostro casu dictum supplementum præstare.

315. Ex his inferitur, posse Dominos Episcopos, dum suos Familiares alienæ Diœcesis subditos titulo Familiaritatis promonent, conferre Cappellanas perpetuas, aut vitalitias, dummodo collativæ sint, in suis Diœcesibus institutæ, ac taxam Synodalem exæquant, nec amovibiles sint: si vero taxam Synodalem non exæquant possunt Patrimonio, Cappellaniaque Pa-

tronatus pure laicalis, inamovibilis tamen, supplere. Prima pars constat, nam Cappellanię dictę sunt proprię Beneficium. II. pars etiam constat ex immediate dictis.

316. Dixi, *in suis Diœcesibus instituta*, nam si in nostro casu dicti Domini Episcopi valeant antedictos suos Familiares ad ordines promovere, tribuendo Beneficium, aut Cappellaniam in alia Diœcesi institutam, difficultate non caret; extat enim declaratio Sacrę Congreg. sub 22. Aprilis 1617. quamque refert Sel. in select. Canon. cap. 19. n. 17. quod Episcopus promovere non valet suum Familiarem non subditum titulo Familiaritatis, ob Beneficium quod ipse Familiaris independenter ab Episcopo in alia Diœcesi possidebat, etenim hoc modo Episcopus non illi Beneficium confert: ergo nec satisfacit Tridentino, præsentive Constitutioni, quibus ipse Episcopus Beneficiũ conferre tenetur.

317. Sed an Tridentino, præsentive Constitutioni satisfaciat, præsutando suum Familiarem in Beneficio, aut Cappellania collativa perpetua, in alia Diœcesi institutis, ad quasque Episcopus Dominus Familiaris jus Patronatus habet, affirmativè respondetur; quia licet præsutando solum, Beneficium non conferat, conferre enim Beneficium, est in illo Canonicè instituere, quodque solus Episcopus Loci in quo Beneficium erectum est, potest; at hoc non obest, tum quia nomine collationis intelligitur præsentatio, ut docet Barbosa de appellat. verb. appellat. §4. n. 1. Tum quia Episcopus, qui jure Patronatus præsented ad Beneficium in aliena Diœcesi, hujus Ordinarius admittere præsensationem tenetur, ac confirmationem præsare, cap. significasti, de Jure Patronatus. Tum quia obligatio conferendi Beneficium Familiari, imponitur Episcopo, ne Familiaris mendicare cogatur, ut docet Trullench, tom. 3. lib. 6. cap. unico, dub. 7. n. 28. huicque incommodo æque occurritur sive Episcopus conferat Beneficium, sive ad illud præsenter, cum utroque modo mendicitati occurratur; supponimus namque esse sufficientis congruæ, sic enim quæstio procedit. Tandem satisfaciet tribuendo Beneficium in sua Diœcesi, licet non pertineat ad ejus collationem, & dictis supra n. 41. in fine.

DUB. IV. *Aliæ illationis circa materiam præsentem proponuntur.*

318. **I**nfertur etiam, quod si sententia P. Enriquez, ac Mag. Cordubæ, de qua supra, *quæst. 1. dub. 10. n. 76.* scilicet, quod Episcopus proprium subditum promovere valet ad titulum sufficientiæ, modo quo inibi sufficientia declarata fuit, est probabilis, non videtur improbabile, posse Episcopum suum Familiarem alienæ Diœcesis subditum ad ordines, estò intra mensem Beneficium ipsi non conferat, dummodo intra eundem mensem ipsum in aliquo celebri Collegio collocet, mediaque ministret, ad Gradum Licentiati in Sacra Theologia, aut in Jure Canonico adipiscendum; etenim licet in hoc casu Beneficium eo ipso non conferat, confert tamen id medio quo infallibiliter brevi Beneficium consequetur, quodque fundamentum est Cordubæ, & Enriquez pro sua sententia, quæ si vera est, idem in præsentem militare videtur.

319. Nec obstat, quod secundum præsentem Constitutionem Episcopus *re ipsa* tenetur Beneficium suo Familiari conferre, & in nostro casu re ipsa Beneficium minimè confert: Respondetur enim, quod qui medium tribuit, quo infallibiliter moraliter brevi Beneficium obtinebitur, iudicio Prudentum re ipsa Beneficium confertur, ut docent Corduba, & Enriquez: sicut qui obstrictus esset tribuere tritici modium, iudicio Prudentum illud tribueret, dando numerata pecunia valorem, quia pecunia facile modium tritici comparare posset, sic in nostro casu.

320. Et licet id minimè concedatur Episcopo alieno, ælienum subditum, promovere volenti, ex dictis supra *n. 77.* dispar est ratio, nam subditus alienus ante possessionem Beneficii in aliena Diœcesi non fit subditus ad ordines ejus Episcopi: at Familiaris Episcopi non fit subditus ratione Beneficii obtinendi, sed ratione Familiaritatis, quæ collationem Beneficii antecedit, & collatio Beneficii solum est quadam obligatio, quæ Episcopo imponitur, cuique non improbabiler satisfacit, collocando suum Familiarem in Collegio ubi breviter iudicio prudentum Beneficium obtinebit, si sententia Cordubæ, ac Enriquez vera sit.

321. Infertur tandem, improbabile videri, posse Dominos Episcopos suos Familiares triennales alienæque Diœcesis subdi-

tos, ad titulum Patrimonii, aut Pensionum, vel utriusque, si neutrum per se congruam Synodalem exæquent, promovere, etiam si in eorum Ecclesiis utiles, aut necessarii sint prædicti Familiares, in ipsisque Ecclesiis residere faciant; quia licet de hac materia in terminis extent varæ declarationes Sac. Congregationis, quas refert Garcia de Beneficiis, part. 2. cap. 5. n. 81. quia tamen omnes declarationes Cardinalium ante hac in hac materia editæ, ipsi Cardinales ad terminos præsentis Constitutionis reducendas censuerit, ut ex Procemio præsentis Constitutionis constat: hæcque Beneficium pro nostro casu exposcat; Patrimoniumque, nec Pensiones Beneficia non sint, istis præsentis dispositioni Episcopus non satisfaciet, quod maximè locum habet, quia ut citatus Garcia, n. 80. ait prædictum privilegium à Sacra Congregatione concessum fuit textum Tridentini sessio. 23. cap. 9. de reformat. ampliando, nō interpretando: ergo contra mentē utriusque erit in nostro casu, pro Beneficio Patrimonium subrogare.

DUBIUM V. *An Domini Episcopi promovere valeant Familiares triennes, qui tamen in ejus actuali servitio non sunt.*

322. **I**N duplici sensu exagitari valet quæstio. I. in casu quo Episcopus dictum Familiarem per integrum & completum triennium in suo actuali servitio secum retinuerit, ac suis sumptibus aluerit, postea tamen ablegetur, vulgo *le despide*, *ò se despide*: cioè *lo licentiano*, *ò si licentia* an inquam sic ablegato possit Episcopus, intuitu triennii quod ipsi inservivit, prædictum Familiarem ad ordines promovere, quin iterum ad suum servitium admittat, II. an si postquam triennium complevit, dimissus fuit, iterum tamen ad servitium prædicti Domini Episcopi admittatur, promoveri possit altero triennio non expectato.

323. Pro responsione adnotandum est, quod dupliciter Familiaris discedere potest ab ædibus Episcopi Domini sui. I. retinendo honorem Familiaris, puta, quia cum beneplacito Episcopi à suo Palatio discedit, eo quod Parentes, aut domus Familiaris eo opus habent, tuncque habita licentia ab ejus Domino Episcopo, cum honore sui Familiaris dimittitur. II. quando ob ejusdem depravatos mores sine tali honore ab Episcopi servitio ab-

ablegatur. In primo casu cenſeo promoveri poſſe, ſi Epifcopo per triennium integrum, & completum inſervivit, quia ſic cenſetur ſemper in ſervitio Epifcopi eſſe, & quia titulo Familiaris gaudet, nec ex vi præſentis Conſtitutionis tenetur Familiaris ultra triennium integrum, & completum intra ædes Epifcopales Epifcopo aſſiſtere, nec huius ſumptibus ali, ut ab Epifcopo Domino ſuo ad ordines promoveatur: ergo in hoc caſu promoveri poterit, licet in ſuo actuali ſervitio non ſit. Difficultas eſt in ſecundo caſu, quodque juxta duplicem ſenſum ſupra inſinuatum reſolvetur.

324. Reſpondetur ergo I. quod quando Familiaris ſemel à ſervitio Epifcopi Domini ſui, expleto integro ſui ſervitii triennio, dimittitur, non poſſe titulo Familiaritatis promoveri, ita docet D. Lamperez *n.* 436. Probatur, quia ut tenet cum aliis dictus D. Lamperez *n.* 440. Familiaris per Familiaritatem permittitur Ordinari, ac ſi eſſet ſubditus domicilii Epifcopi Domini ſui; at qui ſubjectionem domicilii acquiſitam ad ordines in aliqua Dioceſi, ſi ſemel deperdat, titulo domicilii non poteſt promoveri, ut ex ſe conſtat: ergo cum in noſtro caſu titulum Familiaritatis prædictus Familiaris deperderit, promoveri eo titulo non valebit. Barboſa *de poteſt. Epifco. allegat.* 5. *n.* 20.

325. Reſpondetur II. Familiaris, qui triennio integro expleto, à ſervitio Epifcopo dimittitur, & poſtea ad ipſum inſerviendum admittitur, non expectato altero triennio promoveri ad ordines valet. Ratio eſt, quia promovere ſuos Familiares eſt privilegium in favorem Epifcopi conceſſum: ergo licet Familiaris fuerit dimiſſus, dum iterum admittitur, cenſendum eſt ſemper in ſervitio ſui Domini permanſiſſe, argumento Juris Poſt liminii, & Legis Corneliæ, *de quibus* Pichardo, *lib.* 1. *Inſtitut. titulo* 12. *ſ. ſi ab hoſtibus* 4. *num.* 3. quæ militem ab hoſtibus captum, & poſtea reverſum, numquam captum fuiſſe, ſed ſemper in Civitate manſiſſe ſingebant, eo quod in favorem civium, & ut iſtos ad bella facilius invitarent, prædictæ leges latæ fuerunt; cùm ergo lex, quæ Epifcopo concedit, ut ſuos Familiares ad ordines, titulo Familiaritatis, promovere poſſit, in favorem Epifcopi, & ut melius à ſuis famulis ſerviat, lata ſit, ea lege expleta, concedendum erit, quidquid ad prædictum finem fa-

cilius invitet; ergo dicendum est, quod in nostro casu promovendi valet famulus.

326. Infertur I. non esse improbable, quod triennium, quod inservire tenetur Familiaris Episcopi alienæ Diœcesis subditus, non debet esse continuum; quia præsens Constitutio solum exposcit, quod triennium sit integrum, & completum; sed potest esse completum & integrum, quin sit continuum: ergo non contraveniret præsentí Constitutioni, qui triennio non continuo ad ordines promoveretur; quia quod lex non distinxit, nec nos distinguere debemus.

327. Infertur II. nec improbable esse, sufficere inservisse triennium suo Domino, qua Canonico, qua Episcopo, ut docent communiter Authores, qui ante præsentem Constitutionem scripserunt, quia in hac parte nihil præsentí Constitutione innovatur: ergo quod ante præsentem Constitutionem in hac parte probabile erat, probabile post Constitutionem præsentem manet.

Infertur III. Familiarem non in ædibus Episcopalibus, sed tantum intra Diœcesim Episcopi Domini commorantem, non prohiberi Ordinari ratione absentiae, quia præsumitur, Episcopum perspectos habere mores omnium Clericorum suæ Diœcesis, præsertim vero Familiarium, & in suis obsequiis viventium: Idem non improbabiler firmandum, licet extra Diœcesim, prope ipsam tamen, præsertim si parva sit distantia, & locus in quo morantur non longe distet ab Episcopi habitatione; his enim casibus militat eadem præsumptio, quod Episcopus notos habeat eos, illorumque mores. Sicut nec illi prohiberi videntur, qui quandoque pro suis, vel pro Domini negotiis aliò se transferunt, brevi tempore reversuri, tales enim non videntur abesse quo ad Juris effectum. Nomine tamen Familiarium non intelliguntur cognati, vel propinqui Episcopi, etiam si continui ejus fuerint commensales, nisi alicui honesto servitio Episcopi deputati fuerint. Doctrinam hujus tertiæ illationis docet ipsis verbis Pax Jordanus, *elucubrat. lib. 1. tit. 6. n. 160. 161. 62. & 63.* cui assentire videtur Barbosa *de potest. Episc. allegat. 5. n. 20.* Farinatus *decis. 184. part. 1. tom. 1. n. 9.*

328. Censeo tamen præsentí dispositioni non satisfacere, qui pluribus Episcopis, etiam ejusdem Sedis, inserviendi,

unicum triennium integrum expleret. V. G. Titius uni Episcopo Turiasonenſi per annum inſerviret, quo mortuo, vel ammotō, ſucceſſori per duos annos ſervitium continuaret, non poſſet inquam Succeſſor, triennio ſic expleto, ad ordines Tertium ſuum Familiarem alienæ Diœceſis ſubditum, titulo Familiaritatis, promovere, quia eidem numero Episcopo præſtandum eſſe ſervitium, ſatis verba præſentis diſpoſitionis indicant; non enim ſervitium Dignitati principaliter, ſed Perſonæ in ea dignitate conſtitutæ, præſtatur: ergo mutata perſona, & ſervitium mutatur, ac proinde ſervitium uni Episcopo exhibitum, cum ſervitio alteri præſtatum, ad triennium integrandum, & explendum, non conjungitur.

Facultatis Inquirendi.

Q U Æ S T I O V.

De facultate Inquirendi, qua gaudent Domini Episcopi proprii reſpectu ſuorum ſubditorum, qui ab alienis Episcopis promoti fuerint.

329. **H** Actenus de titulis, quibus ſubditi promoveri valeant, egit Sanctiſſimus Innocentius, nunc de fraudibus promotis, ſermonem inſtituit: Et licet ſacri Canones, Tridentinum, variæque diverſorum Pontificum Conſtitutiones, maximopere occurrere fraudibus contenderint; artificio tamen promovendorum vix excreare valuerunt, cujus forte ea erat ratio, quod anteaſtæ diſpoſitiones principaliter verſabantur circa ordinationes faciendas, ne ſcilicet dolo fierent, quin perperam factis, plena providentia haftenus occurrerint, ideoque Sanctiſſimus Innocentius præſentis ſua Conſtitutione fraudes omnino extirpare condendens, ſuo vigilantiffimo zelo, non ſolum pro ſuſcipiendis ordinibus, formam, qua fraudibus occurritur, tribuit, verum & pro ſuſceptis ſingulari ac plena providentia obſiſtit, facultatem ſcilicet concedendo propriis Episcopis, ut de ordinibus ſuorum ſubditorum ab alienis Episcopis ſuſceptis, inquirere diligenter, tenore ſequentium valeant.

330. Porro ut quibuscumque fraudibus aditus omnino præcludatur, volumus, & Apostolica auctoritate statuimus, atque decernimus, ut Episcopus quilibet suos ratione originis, vel domicilii subditos Clericos quoscumque ab alienis Episcopis quavis auctoritate, etiam cum suis Commendatitiis litteris, promotos, nedum ad formam Concilii Tridentini, sessio. 14. cap. 3. de reformat. quo ad scientiam examinare valeat, verum etiam ordinum eis collatorum, Testimoniales litteras (gratis tamen) recognoscere, ac diligenter perquirere, an quo ad illos præsentis Constitutionis forma & dispositio sit adimpleta; assignato sic promotis termino competenti, eis bene visso, ad docendum de ejusmodi adimplimento, ita ut quos, eo termino elapso, id minimè præstitisse contigerit, à susceptorum ordinum exercitio, si ita & quandiu expedire videbitur suspendere, illisque, ne in altari, aut aliquo ordine ministrarent, interdicare possit.

331. Scopus hujus clausulæ eò tendit, ut fraudes omninò in promotionibus ad ordines exterminentur: Pro ejus tamen intelligentia adnotandum est, quod regulariter fraudes duplici ex capite machinantur, vel ex defectu scientiæ in promovendo, vel quia licèt scientia satis superque sit præditus, adeo tamen rigide tituli ad ordines, in ejus propria Diœcesi, speculantur, ut non facile à proprio Prælato ad ordines promoveri speretur, qua propter in aliena Diœcesi, ubi mitius tituli ad ordines explorantur, Beneficium, non sine aliqua fraude obtinet, hujusque titulo ad ordines ab alieno Episcopo promovetur.

332. Pro fraudibus ex primo capite provenientibus, defectu scilicèt scientiæ, satis occurrit Tridentinum sessio. 14. cap. 3. de reformat. quia tamen non minores fraudes excogitantur in titulis, quibus ordinandi promovendi sunt, ideo in præsentis Constitutione propriis Episcopis originis scilicèt, vel domicilii Facultas conceditur, ut suos subditos Clericos, ab alienis Episcopis promotos, non solum quo ad scientiam examinare valeant, quodque à Tridentino citato eis jam concessum erat, verum ordinum eis collatorum Testimoniales litteras recognoscere, ac diligenter inquirere, an in susceptis ordinibus præsentis Constitutionis forma, & dispositio sit adimpleta, id est, an titulo ficto, an in rebus diminuto, vel alio aliquo, quod præsentis dispositioni opponatur, quibusque omnino fraudibus aditus

præcluditur, cum ignorare nequeant, post promotionem subiectos, ut ipsis poenæ in præsentî Constitutione indistinctè infligantur, manere, harumque timor à fraudulentis promotionibus arceat.

DUBIUM I. *Qui Episcopi, quorumque subditorum inquirere valeant, juxta præsentem dispositionem.*

333. **D**ubium in præsentî minimè procedit de inquisitione extrajudiciali, qua scilicet Domini Episcopi quoscunque Clericos externos, quique ab aliis Episcopis promoti fuerunt, ac in suis Diocæsisbus commorantur, præcipiunt, ut litteras susceptorum ordinum, quas in illorum Diocæsisbus exercere cupiunt, exhibeant, quibusque constet verè ordines suscepisse: Hac enim facultate gaudent omnes Episcopi ex Trident. sessio. 22. de sacrific. Missæ, cap. 8. sessio. 23. cap. 16. de reformat.

334. Solum ergo procedit dubium de inquisitione judiciali, quæ usque ad suspensionis poenam inclusivè præsentî constitutione Episcopis committitur: De hac ergo inquisitione quaeritur, qui Episcopi ea gaudeant, & respectu quorum subditorum. Episcopos originis, aut domicilii respectu suorum subditorum, quique ab ipsis ad Clericalem tonsuram, minoresque ordines promoti fuerunt, ab aliisque Episcopis ultiores ordines susceperunt, gaudere, ex præsentis Constitutionis dispositione liquidò constat; hocque licet à propriis Episcopis Testimonialia litteras obtinuerint, his namque constare potest proprio Episcopo de natalibus, ætate, vita, & moribus suorum subditorum, non tamen de sufficientia, ac præcipuè de titulo, quo ab alieno Episcopo promoti fuerunt; cumque in titulo contravenire præsentî Constitutioni potuerint, sit inde, quod non obstâte obtentione Testimonialium à proprio Episcopo, poterit hic de ordinatione prædictorum subditorum inquirere.

335. Ex his inferitur I. Episcopum Beneficii non posse inquirere de ordinibus susceptis ab Episcopo originis, vel domicilii. V. G. Titius qui originarius est Diocæsis Burtinensis, ac domicilium habens in Oscensi, à Jacensi Episcopo, titulo Beneficii in ejus Diocæsi obtenti, ad Subdiaconatum promoveretur, sed quia idem Titius in Diocæsi suæ originis, vel domicilii Beneficiū etiam obtinuit, ab ejus Episcopo ultiores ordines suscipit,

scipit, dicimus, quod vi præsentis Constitutionis nequit Episcopus Jaccensis inquirere de susceptis ordinibus ab Episcopo originis, vel domicilii; quia hanc Facultatem concedit dumtaxat præsens Constitutio Episcopis originis, vel domicilii, non aliis: ergo isti vi præsentis Constitutionis inquirere non valebunt, nec poenas in ea contentas contravenientibus infligere.

336. Infertur II. quod idem Titius, in casu proposito, inquiri posset ab Episcopo originis, vel domicilii de ordine Subdiaconatus ab alieno Episcopo suscepto, quia in ejus susceptione contraveniri potuit præsentì Constitutioni; ac proinde de ea inquisitio fieri potest ab Episcopo originis, vel domicilii, esto aliquis istorum ultiores ordines Titio concessisset, quia hoc non tollit quo minus in susceptione Subdiaconatus dispositio præsentis Constitutionis minimè adimpleta sit. Similiter dicendum est, licet Titius ab Episcopo proprio Subdiaconatum susceperet, & postea, quia in aliena Diœcesi Beneficium obtinuit, ab istius Episcopo ultiores ordines suscipit (quod posse Titium, testatur Trullench, *tom. 3. lib. 6. cap. unico, dub. 7. num. 27.* hancque esse praxim in Regno Valentino affirmat) propter eandem rationem.

337. Infertur III. Episcopum originis non posse inquirere de suo originario subdito, promotò ab Episcopo domicilii, nec è contra; quia cum in præsentì Constitutione Facultas inquirendi concedatur solummodo Episcopis originis, vel domicilii respectu suorum subditorum, & cum isti ab Episcopis alienis fuerint promoti, & qui promoventur ab Episcopo domicilii, vel originis, ab alieno Episcopo promoti non fuerint, fit inde, quod nec Episcopus originis potest inquirere de suo subdito, ab Episcopo domicilii promotò, nec è contra.

338. Infertur IV. Quod Episcopus originis, aut domicilii ille intelligitur in præsentì, ad effectum inquirendi, qui tempore quo inquiritur est Episcopus originis, vel domicilii, non vero qui fuit, quare si domicilium quod habebat Titius in aliqua Diœcesi, tempore quo promotus fuit ab alieno Episcopo, amisit, ac in alia Diœcesi contraxit, Episcopus istius & non illius inquirere poterit, quia ille jam non est Episcopus domicilii.

339. Similiter, si idem Titius natus fuisset ex accidenti in aliqua

aliqua Diœcesi, Patre nullibi domicilium habente, & quo casu Titius originarius est Episcopi originis naturalis paternæ, ex dictis *num. 95. & n. 108.* postea tamen Pater domicilium contrahat in loco casualis ortus Titii, etiam si post ordinationem filii domicilium in dicto loco contraxerit, non poterit Episcopus naturalis paternæ originis inquirere de ordinibus dicti Titii; quia ex quo ejus Pater domicilium in loco casualis ortus Titii contraxit, jam non est subditus originis Episcopi Loci, in quo casualiter ortus fuit.

340. Infertur V. Quod si Titius promotus ad ordines fuit ab Episcopo alieno, ad quem cum Dimissoriis proprii Episcopi originis scilicet, vel domicilii fuit remissus, nequit inquirere de ordinibus ab Episcopo alieno susceptis, quia sic promotus Titius, Episcopo proprio constat, legitimè, ac juxta præsentis Constitutionis dispositionem promotum fuisse. Nec obest, quod Episcopus proprius inquirere potest, etiam si cum suis Commendatitiis litteris ejus subditus promotus fuerit ab alieno Episcopo, quia aliud sunt litteræ commendatitiæ, aliud Dimissoriæ, ut docet Navarrus *consil. 27. de tempor. ordinat.* apud Barbosa *alleg. 7. n. 16.* ergo dispositum in illis, non procedit in istis.

341. Infertur VI. Episcopos originis, vel domicilii non posse inquirere de suo subdito origine, vel domicilio, ab alieno Episcopo promotus, quando ille fuit Familiaris alicujus Domini Episcopi, hicque ad titulum Familiaritatis promovit; quia præsens clausula inquisitionis defluit à clausula *num. 2.* recitata, in qua sermo est de illo subdito, qui ab Episcopo proprio ad Clericalem tonsuram, seu etiam ad minores ordines promotus, ratione Beneficii in aliena Diœcesi obtenti, ab hujus Episcopo promovetur: ergo in præsentis clausula inquisitionis Episcopo originis, vel domicilii conceditur solummodo Facultas inquirendi pro suis subditis, qui ab alienis Episcopis titulo Beneficii in eorum Diœcesi obtenti, promoti fuerunt, non vero pro his, qui titulo Familiaritatis fuerunt promoti.

342. Antecedens probatur, quia ex vi præsentis clausulæ Episcopus proprius solum potest inquirere de suis subditis Clericis, id est de illis, qui jam antequam ab alienis Episcopis promoverentur, Clerici erant, seu ad Clericalem tonsuram à pro-

prio Episcopo promoti fuerant; sed hoc solum potest intelligi de illis subditis, qui ab alieno Episcopo titulo Beneficii promoven-
 tur: ergo hæc clausula defluit ab alia *n. 2.* recitata, in qua
 sermo est de promotis ab alieno Episcopo titulo Beneficii: ergo
 de his solum inquirere possunt Episcopi proprii.

343. Minor probatur, quia cum Episcopus suum Familia-
 rem ad Clericalem tonsuram titulo Familiaritatis promovere
 valeat, ex dictis *n. 299.* & ante hujus susceptionem nemo sit
 Clericus, fit inde, quod si juxta præsentem clausulam Episco-
 pi proprii solum possunt inquirere de suis subditis Clericis, id
 est, de his, qui antequam ab alienis Episcopis promoveantur,
 Clerici erant, cum Episcopus suum Familiarem alienæ Dioe-
 cesis subditum, titulo Familiaritatis, promovere possit, ante-
 quam dictus Familiaris Clericus fuerit, præsens clausula non
 loquitur cum subdito Familiari, titulo Familiaritatis ab alieno
 Episcopo promoti.

344. Et jure optimo quidem, tum quia in titulo Familiari-
 tatis præsumi nequeunt fraudes, quæ in titulo Beneficii expe-
 riuntur, quia cum titulus Familiaritatis integretur ex servitio
 triennali, ac obligatione in Domino Episcopo conferendi intra
 mensem suo Familiari Beneficium, hocque totum per manus
 dicti Domini Episcopi transeat, de Ecclesiæ Principe quo jure
 fraudes timeri possunt: ergo lex quæ contra fraudes lata fuit, ad
 casum in quo fraudes non timentur, extendenda minimè est.

345. Tum quia mens præsentis Constitutionis, ut ex Proce-
 mio ac Decretalibus dispositionibus constat, eo tendit, ut coër-
 ceat illos subditos, qui ut à propriis Episcopis aufugerent, in
 aliis Dioecesibus titulos fictitios, ac fraudulentos quærebant,
 ut ab earum Episcopis ordines susciperent, qui à propriis Epif-
 copis merito denegabantur: contra hos inquam præsens Con-
 stitutio lata fuit, ab hocque sine longissime abest titulus Fami-
 liaritatis, ut ex se constat: ergo lex stabilita pro illis, pro Fa-
 miliaribus Dominorum Episcoporum stabilita non fuit: ergo
 ab inquisitione immunes erunt: Quodque verum erit, esto Fa-
 miliares à proprio Episcopo ad Clericalem tonsuram, seu ad
 minores ordines promoti fuerint, propter rationem dictam.
 Non sic, si Episcopus Dictum Familiarem titulo Beneficii pro-

moveret, quia in hoc titulo timeri possunt fraudes, cum industria ipsius Familiaris obtineri possit, ac suo Domino cum fraudibus propinare.

346. Infertur VII. quod licet Episcopus Beneficii nequeat inquirere de ordinibus, quos à se, vel ab alio Episcopo suscepit subditus Beneficii, nec ei imponere suspensionis poenam præsentis clausula fulminatam, ex dictis, *n.* 335. potest tamen declarare dictum subditum incidisse in suspensionis poenam, quæ ipso facto à Sanctissimo Innocentio in sequenti clausula *n.* 371. referenda, promulgatur.

347. Pro cujus intelligentia adnotandum est, præsentis Constitutione duplicem poenam suspensionis indici, alia contra subditos originis, vel domicilii, qui ab alienis Episcopis promotos, à propriisque citati, comparere resistunt, hæcque est ferenda, & solum ab Episcopis originis, vel domicilii infligi valet, ex dictis *n.* 300. & *n.* 334. Alteram generalem contra omnes, qui ordines suscipiunt, contraveniendo in totum, vel in partem dispositioni præsentis Constitutionis, & contra ipsos Episcopos similiter contravenientes, & hæc poena est lata, ut ex dicendis *n.* 376. constabit.

348. Dicimus ergo, Episcopum Beneficii posse declarare, hanc secundam suspensionis poenam incurrisse ejus Beneficii subditum, casu quo in aliqua parte præsentis dispositioni in ejus promotione contraverit; unde si cum fraude constare fecit congruam Beneficii esse sufficientem, detractis oneribus, cum revera non esset, vel litteras Testimoniales proprii Episcopi, falsas tamen, præsentavit, aliaque hujusmodi, ex quo Episcopo Beneficii de hujusmodi transgressione constet, potest declarare, dictum subditum poenam suspensionis à Sanctissimo sequenti clausula inflictam, incurrisse.

349. Ratio est, quia ratione Beneficii obtenti in illius Diocesi etiam si ad congruam non accedat, effectus est verus subditus ejus Prælati ad omnes effectus, citra ordines, hicque est legitimus ejus superior, ac Ordinarius; ac legitimus superior Ordinarius declarare valet, subditos suos legis transgressores, incurrisse poenas ab ipsa lege ipso facto fulminatas, ut est certo certius: ergo convictus hujusmodi subditus transgressionis præ-

sentis Constitutionis, poterit ab ejus Episcopo declarari suspensus, suspensione inquam lata sequenti clausula.

DUBIUM II. *De usu jurisdictionis inquirendi subditos.*

350. **D**ubio præcedenti vidimus, qui Episcopi, ac respectu quorum subditorum jurisdictione inquirendi gaudeant, nunc de usu hujus jurisdictionis sermo erit. Pro cujus intelligentia adnotandum est I. Jurisdictionem in præsentī clausula commissam Episcopis originis, vel domicilii esse *ex officio*, unde partis instantia nō expectata, procedere possunt adversus suos subditos, ab alienis Episcopis promotos, ut ex verbis *num. 330.* recitatis colligitur.

351. II. Adnotandum, quod licet præsentī clausula facultas inquirendi concedatur utrique Episcopo originis scilicet, & domicilii, non tamen est necesse quod simul inquireant, sed quilibet eorum sine alio habet in solidū omnē facultatē inquirendi, ideoque in littera textus dicitur, *quilibet Episcopus*: ergo quilibet ipsorum in solidum, & independenter ab alio dicta facultate gaudet.

352. Adnotandum III. Quod incepta causa, seu inquisitione ab Episcopo domicilii V.G. nequit immisceri originis Episcopus, nec è contra, immò ad invicem excluduntur, non solum in prima instantia, verum & appellationis via: Undè semel quod Episcopus domicilii inquirere coepit de suo subdito, ab alieno Episcopo promotō, ab eo terminanda est causa, etiam si ante causam terminatam, ad alium Episcopum dictus subditus interpellaret, quia quidquid efficeret, nullius roboris, esset, *ex cap. cum plures, de officio delegati, in 6.* & ibi Doctores, ubi deciditur, quod quando jurisdictio pluribus in solidum committitur, jurisdictio perpetuatur, cum omnimoda aliorum exclusionē, in eo, qui primò causam incepit.

353. Constat etiam *cap. si quis iusto, de electione in 6.* ubi quando quis pluribus in solidum vocem suam activam ad eligendum committit, vox activa conceditur ei, qui primò locum ad eligendum occupavit, favetque *cap. qui prior est tempore, de regulis juris in 6.* cum ergo in nostro casu facultas inquirendi, in solidum committatur Episcopis originis, vel domicilii, jurisdictio perpetuabitur in illo, qui primò causam incoepit. De quo viden-

duſ Salgado *de retentione Bullarum*, part. 1. cap. 10. §. unico, à n. 5.

354. Hocque procedit, licèt Epifcopus, qui inquirere cœpit, ante cauſæ expeditionem, lite tamen conteſtata, moriatur, quia ut conſtat *ex cap. quoniam Abbas, de officio delegati*. cum juridiſctio Dignitati, & non Perſonæ delegatur, quamvis perſona è vita deceſſerit, non ideo juridiſctio ceſſat, ſed expectandus eſt ſucceſſor in Dignitate ut cauſam, quam antecēſſor inchoavit, terminet: cùm ergo in noſtro caſu Facultas inquirendi committatur dignitati Epifcopali, hæcque immortalis ſit, licèt perſona moriatur, non ideo juridiſctio dignitati commiſſa, ceſſat, ſed expectandus ſucceſſor, qui cauſam à Prædeceſſore inchoatam, terminet.

355. Sed quando verè cauſa erit inchoata, ſeu conteſtata lis, an ſcilicèt ad litem conteſtandam ſufficiat quod Judex citationem expedierit, an quod citatio parti intimetur, graviffima eſt in utroque Jure difficultas, nam *in cap. Gratum, de officio delegati*, inſinuari videtur, quod ut lis conteſtata maneat, ſufficit ſi Judex citationem expediat, licèt hæc parti intimata non fuerit, huique opinioni expreſſe adhæret Barboſa *ad diſtū cap. n. 5.* Contrarium tamen colligitur *ex cap. relatum eod. tit.* ubi declaratur; quod ſi Judex ante litem conteſtatam deceſſerit, juridiſctio ceſſat; lis autem non conteſtatur ante intimatam parti citationem, vel perſonæ immediate, vel per ediſctum, ut docet Gonzalez Tellez *ad diſtū cap. n. 4.* In qua diverſitate praxis Tribunali præcipuè attendenda erit, nec amplius in hoc immorandum.

356. His ſuppoſitis, quod ad noſtrum inſtitutum præcipue pertinet eſt de modo exercendi prædictam Facultatem, ut litigia, quæ confuſione juridiſctionis oriuntur, evitentur: In qua difficultate duplex via ſe offert diſputanda. Alia eſt per citationem, prædictos ſuos ſubditos ab alienis Epifcopis promotos, vocando, altera eſt eos expectando, quod ad ſuam Dioceſim redeant, quando ipſi litteras ſuæ ordinationis præſentare tenentur, & tunc de eorum ordinibus inquirere, & hanc ſecundam viam ſequendam, tenet D. Lamperez n. 449.

357. Sed ut de prima via loquamur, advertendum eſt, eſſe maximam controverſiam inter Canoniſtas, & Theologos, an Domini Epifcopi citare valeant ſuos ſubditos extra ſuas Dioceſes

ses existentes. Diana *part. 5. tract. 9. resol. 34.* negativæ adhæret, nisi dicti Episcopi consuetudine, vel privilegio citandi, adhuc existentes extra suam Dioecesim, sint suffulti. Ex qua doctrina non improbable apparet, Dominis Episcopis originis, & domicilii, pro inquirendo de ordinibus suorum subditorum, ab alienis Episcopis susceptis, in præsentī clausula privilegium concedi, quod citare valeant prædictos subditos, etiam si extra suam Dioecesim existant, istique comparere tenentur, vel si nollint, ut contumaces poena suspensionis, in præsentī clausula indicta, mulctandi.

358. Moveor, quia prædicta Facultas Episcopis antedictis conceditur, *ut quibuscumque fraudibus aditus omnino præcludatur*; at si Episcopi originis, vel domicilii citare prædictos subditos extra suos Territorios commorantes, in nostro casu, non valerent, fraudibus quibuscumque aditus omnino non præcluderetur, possent enim dicti subditi res ita disponere, ut refluerē ad Dioeceses suorum propriorum Prælatorum non egerent: ergo casu quo contra dispositionem præsentis Constitutionis promoti fuissent, ac ad proprium solum non redderent, prædicta Facultate nō omnibus fraudibus occurrebatur omnino, sicut cum Facultate citandi subditos extra proprium territorium existentes, occurritur: ergo non improbable apparet in præsentī clausula similem Facultatem Dominis Episcopis originis, vel domicilii concedi.

359. Sciendum est tamen, quod licet Facultas inquirendi in nostro casu, præsentī clausula concedatur Episcopis originis, & domicilii, possunt nihilominus isti aliis committere, ut suo nomine de ordinibus prædictorum subditorum inquirent; hæc enim jurisdictio est delegata, voluntaria, & quæ lege dictis Episcopis competit, quibusque casibus aliis delegari valet ut docent Covarrubias, *lib. 3. variarum, cap. 20. n. 6. & 10.* Barbosa, *cap. Pastoralis, n. 2. de officio delegati, cap. causam, n. 4. de appellationibus, cap. officium, n. 3. de officio Sacristæ*. Sed quia dicta Facultas Facultativa est, non delinquent Domini Episcopi, licet non inquirent, præcipue si rationibus dubitandi de dolosis promotionibus suorum subditorum careant.

Nec dicti Domini Episcopi fulminare sententiam suspensionis poterunt adversus proprios subditos, qui ab alienis Episcopis

pis promoti fuerunt, nisi certò ipsis constet in eorum ordinatione transgressam præsentem Constitutionem: Unde si Episcopus Beneficii alienum subditum promovit titulo satis probabili, adhuc inspecta præsentì Constitutione, non poterit Episcopus proprius in hoc casu pœnam suspensionis in præsentì constitutione expressam fulminare, adversus prædictum subditum; tum quia necesse erat, quod Episcopus ordinans in sua ordinatione contraveniret præsentì Constitutioni, & qui opinione satis, ea inspecta, probabili, operatur, præsentì Constitutioni nequit contravenire: Tum quia, qui operatur opinione probabili, judicans se rectè operari, licitè & rectè operatur; nisi circa materias, aut formas Sacramentorum operetur, in his enim securior sequenda est, ut communiter docent Doctores: cum ergo noster casus non sit de materia, vel forma Sacramenti ordinis, opinio satis probabilis sufficiet ad rectè, & licitè operandum: qua ergo via pœna dignus erit, qui rectè operatus fuit.

Undè ad condemnandum proprium subditum, non sufficiet, quod ejus proprius Episcopus contrariam opinionem probabiliorè judicet judicio directo; sed talem judicare debet judicio reflexo, quo sibi persuadere debet, neminem condemnandum, nisi probationes clariores luce meridiana fuerint. *leg. fin. C. de probationibus*, & qui opinione satis probabili promotus fuit, non est sole clarius, deliquisse, sicque nec condemnandus. Vide novissimam summam 9. partium Leandri, à num. 2968. ubi eruditissimè RR. Emmanuel à Conceptione explicat sic secundam ex damnatis propositionibus ab Innocentio XI. In omni tamen casu sive inquisitio fiat ab Episcopo, sive ab ejus Commissario, facienda est gratis, sic enim expressè præsentì clausula præcipitur Episcopis, à quibus in Cômmissarios transit, nam res omnis cum suo transit onere, *cap. nemo potest. de regulis Juris in 6.*

360. Hinc tamen oritur dubium, an si Domini Episcopi gratis in nostro casu non inquirerent, pœnis præsentì Constitutionis subjacerent. Ratio dubitandi hæc est, nam in præsentì Constitutione verbis infra num. 371. recitandis, disponitur, quod si ordinans, aut ordinatus præsentì Constitutioni, seu in ejus aliquo, contraverint, ordinans quidem à collatione or-

dinum per annum sit suspensus eo ipso; at si gratis non inquirent, parti superioris dispositionis contravenient, ergo.

361. Sed nihilominus contrarium tenendum est, scilicet, quod etsi Domini Episcopi gratis non inquirerent, latam suspensionis poenam, à Sanctissimo Innocentio præsentis Constitutione infligam, non incurrerent; ea enim indicitur Ordinatori, & ordinato contravenientibus in his, quæ ad collationem, & susceptionem ordinum respiciunt; inquirere autem supponit ordines receptos: ergo inquirendo non gratis, licet ultioni divinæ, ut loquitur Tridentinum *sessio. 21. cap. 1. de reformat.* supponerentur, à poenis tamen præsentis Constitutionis immunes essent.

362. Advertendum tamen est, quod in nostro casu, non solum Episcopi, quibus facultas inquirendi conceditur, sed nec eorum Ministri, ac Notarii, etiam si his nullum sit salarium Constitutum, pro huiusmodi inquisitione quidquam exigere debent, sed omnino gratis inquisitio facienda est, cum præsentis Constitutione nullus excipiatur, sicut Tridentinum citatum Notarios exceptit. Super quo vigilare debent Prælati, ne consuetudo quæ contra Tridentinum in simili inolevit, quæque à Tridentino corruptela vocatur, avaritia Ministrorum in inquisitionem præsentem etiam irrepat.

DUBIUM III. *An Prælati nullius Diœcesis, vel capitulum Sede vacante inquirere de ordinibus subditorum valeant.*

363. **S**ermo in præsentis est, quando ordinatus, origine, & domicilio subditus est nullius Diœcesis, vel Capituli sede vacante, nam si prædictus ordinatus subditus fuerit origine Prælati nullius Diœcesis, aut Capituli, domicilio tamen est subditus alicujus Episcopi, vel è contra, nequit, Prælarus nullius Diœcesis, nec Capitulum de ordinibus antedicti subditi inquirere; hæc enim facultas conceditur Episcopis originis, vel domicilii: ergo quolibet istorum stante, ad ipsum facultas inquirendi de ordinibus talis subditi privativè pertinet. Undè dubium solummodo est, quando prædictus, ordinatus origine, & domicilio Prælati nullius Diœcesis, vel Capituli subditus est.

364. Respondetur I. Prælatos nullius Diœcesis in ullo casu posse inquirere, ex vi præsentis Constitutionis, de ordinibus

suorum origine, & domicilio subditorum, ab alienis Episcopis susceptis. Paret, quia vel dicti Prælati habent Facultatem concedendi Dimissorias suis subditis, hosque ad Episcopos remittere, vel non? si habent, cum ipsis de legitimitate tituli, quo promossi fuerunt, constet, otiosa esset inquisitio: si non habent, cum facultas inquirendi concedatur dumtaxat Episcopis, hacque dignitate Prælati nullius Diœcesis minimè gaudeant, nec inquirere valebunt. Idem, & propter eandem rationem dicendum, licèt prædicti subditi in aliena Diœcesi Beneficium obtinerent, ac ab ejus Episcopo ordines susciپرerent sine Dimissoriis Prælati nullius Diœcesis.

365. Nec obstat I. quod Prælati nullius Diœcesis in suis Territoriis gaudent ea omni jurisdictione, qua Domini Episcopi in suis Diœcesibus gaudent, ut colligitur ex *Clementina Monasteriorum, de rebus Ecclesiæ non alienandis*, & docent Sanchez de *Matrim. lib. 8. cap. 2. n. 13.* Ascanius, Tamburinus de *Jure Abbat. tom. 2. disp. 1. quæst. 5. n. 7.* quia id est verum de illis rebus, quæ secundum Jus, communes sunt omnibus Prælatiis, non de illis, quæ specialissimè Episcopis, intuitu suæ Dignitatis delegantur, qualis est præsens facultas, aliter non delegaretur ipsis sub nomine Episcoporum, sed sub nomine Prælati, vel Ordinarii: ergo Prælati Dignitate Episcopali non fulgentes, hac facultate minimè gaudent.

366. Nec obstat II. quod præsens clausula extendit, ut fraudes omnino excludantur, at si Prælati nullius Diœcesis prædicta facultate inquirendi carerent, fraudes omnino non excluderentur; subditi enim origine, & domicilio nullius Diœcesis, scientes quod à suo Prælato origine, & domicilio de susceptis ordinibus inquire non possunt, facile fraudes pro obtinendis ordinibus in aliena Diœcesi intenderent. Non obstat inquam, quia cum præsens facultas inquirendi delegetur Episcopis intuitu suæ Dignitatis, nequit eam exercere, qui Episcopali Dignitate non pollet, ut colligitur ex *cap. Quoniam Abbas citat.* & ratio est, quia quod Prælati in Dignitate inferior cognoscat de actis à Prælato Dignitatis superioris, inficiantur Jura, *cap. Summittitur, & cap. in tantum, 21. distinct.* Unde pro coercendis fraudibus, quæ imminere possunt in nostro ca-

su, sufficit suspensio à Sanctissimo ipso facto promulgata, vel si hæc non sufficiat pro prædictis subditis coercendis, eorum Prælari Sedem Apostolicam interpellant, à qua facile remedium obtinebunt.

367. Ex his infertur, quod licet Titius V. G. Subditus origine, & domicilio sit Prælari nullius Dioecesis, obtineatque Beneficium in Territorio alterius etiam nullius Dioecesis, hincque concederet Dimissorias, ut titulo Beneficii, in Territorio obtenti, ab Episcopo ordinaretur, ordinatus jam Titius adhuc hoc modo, non posset Prælatus Titii origine, & domicilio inquirere de ordinibus susceptis, tum quia non est Episcopus, tum quia licet qui Dimissorias Titio concessit, ratione quarum ordines suscepit, non sit superior in Dignitate, tamen Episcopus, qui illum ordinavit, superior est, hocque sufficit, ut de ordinibus susceptis nequeat inquirere.

368. Responderetur II. Nec Capitulum Sede vacante facultate inquirendi, in nostro casu, ex vi præsentis Constitutionis gaudet, quia id committitur Episcopis, & Episcopus non est. Et licet Capitulum Sede vacante succedat in omnibus Juribus Episcopi, *cap. de his, cap. olim de majoritate, & obedientia, cap. 1. & 3. eodem titulo in 6.* succedit inquam, ut docet Gonzalez Tellez in 1. *Decretal. tit. 29. cap. 14. n. 9.* cum communi in jurisdictione ordinaria Episcopi, non in delegata ipsi Episcopo intuitu suæ Dignitatis, & quam non principaliter, sed valde per accidens habet, qualis est facultas ista inquirendi, ideoque Capitulo Sede vacante intrasmissibilis est.

369. Illustratur hoc eleganti doctrina, quam pro præsentibus adducit Molina *tom. 6. de justitia, tract. 5. disp. 11. num. 8. & 9.* ubi ait, quod quando delegatio perpetua conceditur Episcopo ratione muneris Episcopalis, sedis vacantis transmittitur Capitulo, dummodo contrarium ex mente delegantis non constet: Cæterum nullatenus Capitulo transmitti, quando ea delegatio conceditur Episcopo intuitu suæ dignitatis; cum ergo facultas inquirendi præsentis Constitutione delegetur Episcopo ratione suæ dignitatis, ex sæpe dictis, & non deceat, quod qui inferior in dignitate est, de superiori in Dignitate cognoscat, fir inde quod facultas inquirendi in nostro casu ita connexa est

cum dignitate Episcopali, ut non Episcopis intransmissibilis sit. Videatur Barbosa *Jur. Univer. lib. 1. cap. 32. n. 107.*

Pœnæ Impositæ

QUÆSTIO VI.

De Pœnis Statutis adversus eos, qui præsentì dispositioni in totum, vel in partem contraveniunt.

370. **L**egum observantia pendet præcipuè, ex pœnis quæ adversus transgressores, ipsis legibus, fulminantur: Ideo Sanctissimus Innocentius postquam in præmissis formam inviolabiliter observandam in promotione ad ordines, dedit, pœnas in præsentì statuit, quas transgressores præmissorum, seu eorum aliquo; incurrunt, quasque sequenti clausula exprimit.

371. *Ita vero præmissa omnia, & singula perpetuò ac inviolabiliter observari, atque adimpleri volumus, ut siquid in iisdem præmissis, seu eorum aliquo, secus fiat, Ordinans quidem à collatione ordinum per annum, ordinatus vero à susceptorum ordinum executione, quandiu proprio Ordinario videbitur expedire, eo ipso suspensus sit: Aliisque insuper gravioribus pœnis pro modo culpæ, Nostro, & pro tempore existentis Romani Pontificis arbitrio infligendis uterque subjaceat. &c.*

DUBIUM I. *Quando, & quomodo prædictæ Pœnæ incurrantur.*

372. **N**ota I. Pœnas præsentì clausula inflictas, fulminari dumtaxat adversus Episcopum ordinantem, subditosque ordinatos, qui in collatione ordinum, aut eorum susceptione, in præmissis disposita, in totum, vel in partem transgrediuntur. Nomine Episcopi ordinantis intelligitur, qui mediis suis Dimissoriis subditum suum ad alterum Episcopum, ut ab isto ordines recipiat, remittit, cum pœna quæ contra ordinatorem infligitur, adversus concedentes ad ordines Dimissorias illata procedit. Barbosa *de potest. Episc. allegat. 20. n. 21.* sed notandum, quod licet Episcopus originis, vel domicilii negligentia, immo malitia, de suis subditis ab alienis Episcopis promo-

tis, non inquirerent, pœnas in præfenti statutas, evaderent; quia estò prædictæ pœnæ fulminentur adversus illos, qui in totum, vel in partem præmissas dispositiones transgrediuntur, & Episcopus negligentia, vel malitiâ, non inquirens de ordinibus suorum subditorum, ab alienis Episcopis susceptis, cuique constat, transgressione præfentis Constitutionis suscepisse, in hac parte videatur præfenti Constitutioni contravenisse; quia tamen prædictæ pœnæ solummodo fulminentur adversus ordinantem, & ordinatum qui præmissas dispositiones transgrediuntur in eo, quod ad collationem, suspensionemque ordinum attinet, & inquirere de ordinibus susceptis, ad collationem, ac suspensionem ordinum nõ pertineat, sit inde, quod Episcopi in nostro casu licet non inquirent, pœnis in præfenti statutis minime subjacerent.

373. Noto II. quod in duplici clausula præfentis Constitutionis, pœnæ infliguntur, tum contra male promotos: tum contra hos, & Episcopos perperam promoventes. De primis loquitur clausula supra n. 330. recitata ubi disponitur quod si Episcopus originis, vel domicilii suos subditos, ab alienis Episcopis promotos, monuerit, quod, Testimonialia ordinum receptorum exhibeat, & noluerint: suspendere pro suo arbitrio valeat.

374. De secundis pœnis loquitur præfens clausula, supra n. 371. posita, ubi ipso facto pœna suspensionis infligitur, tum Episcopo contra præmissa ordinanti, tum ordinato, ac insuper uterque subiacet gravioribus pœnis, pro modo culpæ, à præfenti, & pro tempore existente Romano Pontifice infligendis. His suppositis, quæritur, quando prædictæ pœnæ incurrantur, id est, an ante sententiam condemnatoriam, & declaratoriam, an vero ut incurrantur non solum in foro externo, verum, & in conscientia foro præcedere debeat sententia, ad minus declaratoria eriminis, Judicis competentis.

375. Respondetur I. pœnam suspensionis de qua in clausula supra n. 330. & reagravationes pœnarum, quæ in præfenti clausula comminantur tum Episcopo ordinanti tum subdito ordinato contra dispositionem præfentis Constitutionis, non incurrunt ante sententiâ condemnatoriam Judicis. Patet, quia una, & altera pœna sunt ferendæ, quæ ante sententiam condemnatoriam non ligant, ut uniformiter Theologi, & Canonistæ docent.

376. Respondetur II. Pœna suspensionis fulminata in præsentī clausula n. 371. recitata, adversus Episcopum ordinantem subditumque ordinatum, transgressores præsentis Constitutionis, incurritur ipso facto & ante omnem sententiam, etiam criminis declaratoriam, ac etiam si delictum occultum sit, nec probari valeat; Probatur, quia ut docent communiter DD. inter censuras, & alias pœnas hæc est diversitas, quod censura ante omnem sententiam, etiam criminis declaratoriam, incurritur, dummodo ipso facto fulminentur; non sic aliæ pœnæ, quæ etsi ipso facto, ante omnemque sententiam etiam criminis declaratoriam fulminentur, ante sententiam Judicis declaratoriam saltem criminis, minimè incurritur. Ita Palao *part. 1. tract. 3. disput. 2. punct. 2. n. 5. & 8.* Mag. Murga, *disquisit. 1. dub. 13. n. 38.* Molina, *tom. 1. de Justitia, tract. 2. disput. 96. §. ut vero.*

377. Rationem autem dedit Palao, tum quia sic usu receptum est, tum quia conveniens erat, quod Ecclesia, quæ ad commodum spirituale suorum subditorum maximè attendit; haberet potestatem eos censuris ligandi propter crimina etiam occultissima, ut hac via ab eis patrandis ipsos subditos coerceret, ac retraheret: Cum ergo suspensio, quæ in nostro casu, præsentique clausula fulminatur, sit censura, ac eo ipso, id est, ipso facto fulminetur, ante omnē sententiam, etiā declaratoriā, incurritur.

378. Sed dices. Pius V. privavit ipso facto Clericum crimen nefandum exercentem, omni officio, & Beneficio, & nihilominus Diana, *part. 2. tract. miscellan. resolut. 69. part. 7. tract. 5. resolut. 17. 18. & 27. part. 12. resolut. 56.* & RR. Emanuel à Conceptione in *Summa novissima operum RR. Leandri à Sacramento*, n. 1010. docent, quod in foro conscientie non incurritur prædicta Pii V. Suspendio ante sententiam declaratoriam criminis: ergo nec in nostro casu.

379. II. Si suspensio eo ipso fulminata in præsentī clausula ligaret ante sententiam declaratoriam criminis, sequeretur quod facultas, quæ præsentī Constitutione conceditur Episcopis originis, & domicilii, ut pro suo arbitrio possint suspendere suos subditos, ab alienis Episcopis promotos, contra præsentis Constitutionis dispositionem, esset illusoria: si enim ipso facto, qui perperam ordinati fuerunt, suspensione ligantur, quando veniet casus,

fus, quo ab Episcopo proprio suspensione ligari valeant, certè numquam: ergo esset illusoria prædicta facultas.

380. Et licet verum sit, quod alia est suspensio à Jure, & altera ab homine, suspensusque à Jure, ab homine possit suspendi propter idem delictum, titulum, ac causam, necessarium est tamen, quod eidem causæ addatur contumacia, aliavè circumstantia, culpam aggravans, aliter suspensio reiterari nequit, ut docent Panormitanus, *cap. de causis, de officio delegati, n. 14.* Eximius Suarez *de censuris disp. 5. sect. 2. n. 13.* ergo cessante in nostro casu contumacia, aut altera circumstantia, quæ culpam, in sic promotò, aggravaret, non posset ab Episcopo suspendi, sicque ejus facultas illusoria esset.

381. III. Suspensio in præsentì clausula fulminata, non est absoluta, cum sit pro tempore, quo proprio Ordinario expedire videbitur: ergo antequam tempus, quod suspensio durare debet, declaretur, suspensio non incurreretur; at tempus præfiniri ab Ordinario nequit ante sententiam saltem criminis declaratoriam, ab ipso Ordinario faciendam: ergo nec suspensio præsentis clausulæ ligabit ante sententiam saltem declaratoriam, Est dicere: Suspensio in præsentì clausula non fulminatur absolute, sed cum addito, scilicet pro tempore, quo proprio Ordinario expedire videbitur: ergo non ante incurritur, quam de tempore, quo durare debet, constet; at de tempore nequit constare ante sententiâ Ordinarii: ergo nec suspensio, quæ tempus cõmittatur, ligabit ante dictam sententiâ: ergo ipso facto minimè incurritur.

382. Ad I. Respondetur I. cum Filliucio. Pium V. in præcitata ejus Constitutione, adversusque prædictos Clericos non fulminasse suspensionem, nec alteram censuram, sicque non esse nostrum casum. Respondetur II. Quod & si verbis illis *ab omni officio privamus* suspensionis censura intelligatur, argumentum nihilominus non convincit, quia id solùm arguit, prædicta Pii V. Constitutione fulminari suspensionem, aliasque poenas, quarum suspensio ipso facto incurritur, cæteræ autem minimè ante sententiam criminis declaratoriam, nam quando censuræ, & aliæ poenæ, simul ipso facto infliguntur, censuræ ipso facto ligant, non autem cæteræ poenæ; sic Tridentinum *sessio. 25. cap. 19. de reform. excommunicationem*, ac alias poenas ipso facto indicit his,

his, qui duellum admittunt, è quibus excommunicationem ipso facto Duellatores incurrunt, non autem alias pœnas, ut tenet dictus RR. Emmanuel à Conceptione, *tom. 9. oper. Leandri. tract. 5. disp. 3. quæst. 17. vers. Respondeo negando*, cum aliis.

383. Ad II. Respondetur, facultatem in hac clausula Episcopis propriis concessam, minimè esse otiosam, cum si verba ipsius n. 330. relata, perpendas, pœnam suspensionis, quam Episcopi originis, & domicilii adversus proprios subditos, ab alienis Episcopis promotos, infligere valent, præcipuè tendit ad puniendam inobedientiam prædictorum subditorum, qui vocati, & tempore competenti assignato, ut compareant, comparere noluerunt: optimèque cohærent, pœna suspensionis ipso facto à Sanctissimo in sequenti clausula fulminata, adversus alienum subditum, qui contraveniendo præsentì Constitutioni, promovetur, & facultas in proprio Episcopo ad fulminandam novam suspensionem, propter ejusdem subditi inobedientiam; sunt etenim crimina diversa, sicque duplici suspensionis pœna valent puniri: Hæcque est doctrina Panormitani, & P. Suarez supra citati.

384. Ad III. respondetur, quod *ly quandiu proprio Ordinario videbitur expedire* in præsentì clausula positum, non respicit suspensionem, ut infligendam, sed ut jam inflictam, & est ac si diceret, suspensio qua transgressor præsentis Constitutionis ligatur ipso facto, durabit, *quandiu proprio Ordinario expedire videbitur*; ex quo duratio suspensionis nõ comitatur suspensionem incurrendam, sed ipsam jam incurram supponit, unde fit, quod licèt tempus quo durare debet, à sententia pendeat, non tamen ipsa suspensio.

385. Ex his inferitur, quod prædicta suspensio toties incurritur, quoties transgressio replicatur: Quare si Titius contra præsentis Constitutionis dispositionem ordinem Ostiarii suscepit, suspensionem ipso facto incurrit, hancque replicat, cæteros ordines cum ipsa transgressione suscipiendo, ita ut quot fuerint ordines suscepti, tot erunt suspensiones in quas ipso facto incurrat. hocque verum est, licèt unica ordinatione plures suscipiat ordines, sunt enim actus ex se diversi, quique accidentaliter solummodò uniuntur.

386. Sed tamen suspensus, eo quod primum ordinem indebitè suscepit, alios recipiendo, licèt nova suspensione ligetur, irregularitatem non incurrit, dummodo actus proprios antefuscepti ordinis in susceptione posterioris, non exerceat. V. G. si Subdiaconus suspensus Diaconatum susceperet, in hujusque susceptione Epistolam tamquam Minister, vel Subdiaconus caneret, irregularis fieret, secus si tamquam Minister non caneret. Ita Bonacina, *tom. 1. tract. de irregularitate disp. 7. quest. 3. punct. 4. n. 2. & tom 3. disp. 3. quest. 1. punct. 6. num. 3. Diana part. 8. tract. 1. resol. 79. cum aliis apud istos videndis.*

387. Probatur I. etenim irregularitas non incurritur nisi in casibus in Jure expressis, *cap. is qui, de sententia excommunicationis in 6.* at in Jure nullibi fulminatur irregularitas his, qui suspensi in uno ordine, aut interdicti, ad alium promoventur, ut docet Bonacina citatus, sed ad summum irregularitas indicta est Clericis secularibus, qui vinculo excommunicationis majoris ligati, ad ordines promoventur, *cap. cum illorum, de sententia excommunicat. ergo. Vide Enriquez lib. 14. cap. 6. n. 4. in fine, juncta litt. X.* ubi fatetur valde probabilem esse hanc sententiam, licèt *lib. 13. cap. 43. n. 3.* contrariam deffensaverit, & rationem dedit, *ne pena irregularitatis extendatur ultra casum expressum.*

388. Dixi, quod ad summum irregularitas indicta est Clericis secularibus, qui excommunicatione majori ligati, ad ordines promoventur *ex d. cap. cum illorum.* P. enim Givalinus de *irregularitate, cap. 5. quest. 2. pag. 341.* solummodo suspensionem prædictos Clericos, & non irregularitatem, incurriere, affirmat, nec alia poena ex citat. *cap. cum illorum* infertur. Pro quo explicando pulchram regulam ad dignoscendum, quando Jura irregularitatem, quando autem solam suspensionem infligunt, inibi indicat: ait enim, quod effectus principalis irregularitatis est ascensum ad superiores ordines repellere, impedire autem susceptorum exercitium, est in irregularitate effectus minus præcipuus, ac veluti secundarius: è contra verò suspensio, quæ pro effectû principali tendit ad impediendum usum ordinum susceptorum, ac minus præcipuè futurorum susceptionem interdicat: Undè illi Canones, qui principaliter prohibent

bene futurorum ordinum suscepcionem, irregularitatem fulminare intelligendum est; si tamen usum susceptorum impedire principaliter prohibent, suspensionem solummodo incidere judicandum est: cum autem *cap. cum illorum cit.* eo tendat, ut prædictos Clericos, qui excommunicatione majori sunt ligati, ad ordines promoventur, ab exercitio susceptorum ordinum perpetuo impediatur, hinc est, quod vi prædicti capitis, suspensionem, & non irregularitatem incurrunt.

389. Probatur II. nostrum assertum, nam suspensus, aut interdictus ad unum actum, nec interdictus, nec suspensus est ad alium: sic interdictus ad celebrandum in Ecclesia, ad celebrandum extra Ecclesiam minimè interdictus est. Bonacina, *tom. 9. quæst. 5. punct. 11. Si aut. 9.* Episcopus suspensus ad ordines minores conferendos, non est ad conferendos majores suspensus, & sic in multis aliis casibus videndis apud Diana, *part. 5. tract. 10. resol. 1. 2. 3. 5. 6. & 86.* cum ergo in nostro casu, qui ordines suscipit contra dispositionem præsentis Constitutionis, suspensus solummodo maneat, ac suspensio ex se solum exercitium ordinum susceptorum suspendat, non autem futuros recipere, licet hos recipiat, irregularis non manebit.

390. Quod autem, si suspensus, ordinem susceptum exerceat in susceptione ordinis superioris, irregularis maneat, constat, *cap. si qui, de sentent. excommunic. in 6. cap. cum aeterni, de sententia, & ne judicata, in 6. cap. si qui de Clerico excommunic. ministrante.* Advertit tamen Bonacina citat. *tom. 11. disput. 3. de suspensione, punct. 4. n. 5.* ad incurrendam prædictam irregularitatem, opus esse exercere ordines majores ex officio, & solemniter; unde qui minores exerceret, irregularitate non innotesceret, nec qui majores non solemniter, ut si Subdiaconus Epistolam sine Manipulo caneret. *Missio 2. par. quæst. 11. de ord. in 6. cap. si qui de Clerico excommunic. ministrante.*

DUBIUM II. *Quæ ignorantia eximat ab incurso pœnarum præsentis Constitutionis inlicitarum.*

391. Indubitatum est apud Doctores, ignorantiam pœnæ ab ejus incurso liberare, sed quia ignorantia variaz sunt, nonque omnes a pœnis eximant, ideo qualis liberet, in præsentem differamus. Certum est apud Doctores, qualemcum-

que ignorantiam censuræ, vel pœnæ, dummodo supina, crassa, aut affectata non fuerit, ab incurfu illarum liberare: Excipe tamen ab hac generali regula irregularitatem ex homicidio voluntario ortam; hæc enim incurritur, estò invincibiliter ignoretur, irregularitatem prædicto homicidio esse annexam, Diana *part. 12. resolut. 104. vers. sed hic etiam nota*.

392. Doctrina hæc generalis fundatur in *cap. ut animarum, de Constitutionibus* in 6. ubi declaratur, quod ab omnibus sententiis ab Ordinariis promulgatis, ignorantia, dummodo supina, vel crassa non fuerit, eximit; circa quod decretum sciendum est, quod nomine *sententiis*, quo citatum utitur caput, intelliguntur censuræ per modum legis promulgatæ, qualis nostra est, & nomine *Ordinarii* ibidem inserto, intellige non solum Episcopos, hisque inferiores, verum, & summum Pontificem, qui per antonomasiam Ordinariorum Ordinarius appellatur, ut docet Sylvester V. *ignorantia. quest. 8. dist. 3. Pax Jordanus, lib. 3. tit. 6. num. 150. His notatis.*

393. Respondetur I. Quælibet ignorantia, dummodo supina, aut crassa non fuerit, eximit ab incurfu censuræ suspensionis in præsentí Constitutione fulminatæ adversus ejus transgressores. Idem dicendum, licet transgressores pœnam dictam non ignorent, dummodo tempore transgressionis in oblivionem labantur, aut advertentia, actualique consideratione careant, vel cum actuali inconsideratione operentur. I. pars constat ex communi Doctorum doctrina. Secundam docent PP. Suarez, Azor, Sanchez, Dicastillo, & Moja, *tom. 1. select. tract. 3. disp. 8. quest. 2. num. 8.* eo quod oblivio, inadvertentia, actualisque inconsideratio invincibili ignorantia equiparantur, ergo si hæc eximit, quod certum est, & illæ eximent. Difficultas est an supina, & crassa in præsentí liberentur.

394. Respondetur II. Valde probabile est crassam ignorantiam, dummodo hæc ingens temeritas non fuerit, ab incurfu præsentis suspensionis liberare. Probatur, quia ut docent Vazquez 1. 2. *disp. 107. cap. 3. à num. 6. Sanchez de Matrim. lib. 3. disp. 48. n. 7. Barbosa in Tridentin. sessio. 24. cap. 1. de reform. n. 159.* cum aliis, quotiescumque censuræ promulgantur contra illos, qui scienter temere, dolose, aut contra contemptores, præsumentes

facere,

facere, vel temerarios violatores, aut qui ausi fuerint, &c. Ut censuræ non incurrantur, sufficit ignorantia supina, aut crassa; qui enim ignorantia, licet supina, aut crassa operatur, non dicitur scienter, temerè, dolosè, audacia, ausu temerario, &c. operari. Immo Bonacina de censuris disp. 1. quæst. 2. punct. 1. n. 11. addit, sufficere affectatam ignorantiam, ut censuræ non ligent, quando istæ sub aliqua prædictarum formularum promulgantur, quamque Bonacina doctrinam probabilem proponit Diana part. 3. tract. 6. resolut. 7. sed sic est quod censura præsentis Constitutione, in nostro casuque promulgata, contra eos qui irreligiosa audacia promovent, ac promoventur, fulminatur: ergo probabile est, qualibet ignorantia ab ejus incurfu liberari.

395. Minor constat ex præsentis Constitutionis Proœmio, ubi sic legitur: *Hinc est quod Nos ex commissa nobis divinitus Apostolica servitutis munere, abusus, fraudes, ac scandala hujusmodi panitus, & omnino, è medio tollere, ac irreligiosam (nota) contrafacientium audaciam, quantum Nobis ex alto conceditur, compescere, & reprimere volentes, &c.* ex quibus verbis liquido constat, quod mens Sanctissimi Innocentii est, censuris suspensionis, quas sua, ac præsentis Constitutione, promulgat, compescere illos, scilicet, qui irreligiosa audacia præsentis dispositioni contrafaciunt: cum ergo, dum censuræ promulgantur contra illos, qui cum audacia operantur, qualibet ignorantia, etiam supina, & crassa, immo affectata, ab incurfu censurarum eximat, sit inde quod in nostro casu non sit improbable, quod ab incurfu præsentis suspensionis, qualibet ignorantia liberentur.

396. Nec obstat, quod prædicta verba *irreligiosa audacia* reperiantur in Proœmio, & non in corpore Decretalis, nam sufficit in Proœmio reperiri, eis enim inibi possitis, constat mentem Sanctissimi esse, compescere eos, qui irreligiosa audacia contra dispositiones Canonicas, fraudibus machinatis, promoventur: Proœmium enim viam totius Constitutionis, finemque & mentem disponentis demonstrat, Marius Curtelli, *de prisca, & recenti immunit. Eccles. tom. 1. lib. 1. quæst. 1. pag. 7. colum. 1. n. 21.* Barbosa *axiom. 192.* cumque censura in præsentis consti-

tutione promulgata ipsos de quibus ante loquebatur, reprimere intendat, infertur, quod illos suspendere intendit, qui irreligiosa audacia contra Sacros Canones, ac præsentem Decretalem, ad ordines promoventur.

397. Explicatur hoc doctrina, quam adducit Stephanus Gratianus *discept. forens. cap. 680. n. 1.* ubi Constitutio Clementis VIII. quæ incipit *Postulat. æquitatis ratio. Bullari, tom. 3. pag. mihi 53.* in favorem creditorum præsentium, ac præteritorum edita, futuros Creditores etiam comprehendere docet, eo quod ratio proœmialis futuros etiam comprehendit: si enim in isto casu creditores, qui in corpore Constitutionis Decretalis non continentur, propter rationem proœmalem comprehenduntur, sic dicendum in nostro casu, sufficere scilicet, quod illa verba *irreligiosa audacia* in Proœmio extent, ut intelligatur, quod censura suspensionis, quæ in corpore Decretalis promulgatur, fulminetur dumtaxat contra illos, qui irreligiosa audacia, contra præsentis Constitutionis dispositionem ad ordines promoventur.

398. Illud enim vero innegabile, quod si Episcopus suum Familiarem, titulo Familiaritatis, vel alio quopiam, ad ordines promoveret contra dispositionem præsentis Constitutionis, qualibet ignorantia id faceret, à suspensione per annum, præfenti clausula ipsi inflicta, liberaretur; nam in prohibitione prædicto Episcopo facta, reperitur verbum *presumat*, videndum supra *n. 292.* quodque contrafactores, quacumque faciant ignorantia, ab incurfu censurarum arcet, ut ex dictis constet, & in hac parte consentit D. Lamperez *n. 456.*

DUBIUM III. *Qui possit absolvere à censuris suspensionis præfenti Constitutione inflictis.*

399. **E**xplicatis quando censuræ in præfenti Constitutione fulminatæ incurrantur, quæque ignorantia liberet, explicare restat, quis ab eis absolvere valeat. Certum est à suspensione in præfenti clausula indicta proprium Ordinarium absolvere posse, ibi *Ordinatus vero à susceptorum ordinum executione, quandiu proprio Ordinario videbitur expedire, eo ipso suspensus sit.* Sed quid nomine proprii Ordinarii in præfenti intelligatur, expli-

explicare oportet, an scilicet, sicut nomine Episcopi proprii in præsentî intelligitur Episcopus originis, & domicilii dumtaxat, nonque Beneficii, sic nomine proprii Ordinarii excludatur Beneficii Ordinarius, solumque comprehendat Ordinarium originis, & domicilii.

400. Respondetur, nomine Ordinarii proprii intelligi in præsentî Episcopum etiam Beneficii; ille enim est Ordinarius proprius ordinati, cui verè & propriè, in his, quæ ad ordines pertinent, subijcitur ipse ordinatus; at ordinatus cum Episcopo alieno titulo Beneficii, verè, & propriè, in his quæ ad ordines pertinent, subijcitur ipsi Episcopo: ergo hic verus & proprius Ordinarius illius est, & ita docet Gobat, *tract. 8. cas. 18. n. 707*. Undè quando Episcopus Beneficii alienus vocatur, intelligendum est, pro tempore, ad obtentionem Beneficii, antecedenti; hoc enim ritè obtento, sicut obtinens est subditus proprius, ita Episcopus est superior proprius, propriusque Ordinarius. Sicut qui domicilium mutat ad Diocesim, cujus originarius non est, illius, antequam domicilium obtineat, subditus proprius non est; domicilio verò obtento, subditus proprius ejusdem Diocesis efficitur: similiter in nostro casu dicendum.

401. Similiter nomine proprii Ordinarii comprehenditur Prælatus nullius Diocesis, ac Capitulum sede vacante: Primus enim habet jurisdictionem quasi Episcopalem, ut colligitur ex *Clementina Monasteriorum, de rebus Ecclesiæ non alienandis, & ibi Glos. V. proprii*, ac proinde sui Territorii Ordinarii proprii sunt: Secundus autem in jurisdictione ordinaria succedit Episcopo, ex dictis *n. 368*. ergo & Ordinarius proprius erit. Insuper nomine proprii Ordinarii comprehenditur Vicarius Generalis Episcopi, vel Capituli Sede vacante, ut docet Gobat *tract. 10. cas. 13. n. 503*. competit enim ipsis quidquid Ordinariis conceditur, nisi expresse excludantur, Barbosa in *Trident. sessio 24. cap. 6. de reformat. num. 67*.

402. Ex quo infertur, quod præscribere tempus duraturæ suspensionis in subdito, qui contra præsentis Constitutionis dispositionem ad ordines promotus fuit, quæque temporis duratio, præsentî clausula, proprio Ordinario committitur, pertinet ad Episcopos originis, domicilii, ac Beneficii, non omnibus

bus simul , sed qui primò causam inchoavit , ex dictis à n. 352. semel autem , quod tempus duraturæ suspensionis declaraverit , nequit alter se ingerere , ex inibi dictis . An autem declarare valeat Episcopus prædictū tempus , dum ejus subditus extra suam Diocesim existit , verius videtur non posse , & colligitur *cap. ut animarum , de Constitutionibus in 6.*

403. Pertinet insuper prædicta temporis præscriptio Prælati nullius Diocesis , Capitulo Sede vacante , Vicario Generali Episcopi , ac Vicario Capituli Sede vacante : omnes enim isti sunt proprii Ordinarii , unde licet isti inquirere non possint ex dictis à n. 363. præsentem tamen declarationem præstare valent ; nam facultas inquirendi conceditur solis Episcopis originis , vel domicilii ; facultas autem declarandi tempus duraturæ suspensionis propriis Ordinariis conceditur , & prædicti omnes proprii Ordinarii sunt , ex supra dictis . Semel autem quod Episcopus prædictum tempus præscripsit , nequit ejus Vicarius Generalis iterum declarare , nec è contra ; censetur enim eadem utriusque jurisdictio . His prælibatis .

404. Circa absolutionem , quæ principalis scopus hujus dubii est , sciendum est , quod absolutio præsentis suspensionis tribui potest jurisdictione propria , vel per privilegium , V.G. Cruciatæ , aut alterius . Circa primam dicendum , quod suspensio , in quam Episcopus incurrit ordinans , quaque per annum à collatione ordinum suspenditur , anno terminato , absque alia absolutione , aboletur : Ante elapsam autem annum à solo Pontifice absolvi valet . Palao *de censuris , disp. 4. punct. 9. n. 2.*

405. Suspectio autem quæ ab ordinato incurritur , & quæ , quamdiu proprio Ordinario expedire videbitur , perseverare debet , tempore durationis , ab ipso Ordinario præscripto , elapso , absque alio absolutione ablegatur : Antequam vero prædictum tempus terminetur , absolvi poterit à Pontifice , ab Ordinario , qui tempus durationis præscripsit , ab ejusque successore . Palao *cit. n. 9. Enriquez lib. 13. cap. 35. n. 2.* Isti enim Auctores docent , quod quando suspensio est ab homine , absolvi valet ab imponente , ejusque successore : ergo cum temporis præfinitio in nostro casu sit ab homine , id sufficiet , ut à successore prædicta suspensio absolvi valeat .

406. An autem quilibet Confessarius virtute Bullæ Cruciatæ prædictam suspensionem absolvere valeat, non est in præsentī suspensionē peculiaris difficultas respectu aliarum suspensionum, undè ea doctrinā, quæ respectu aliarum suspensionum communis est apud Doctores, circa potestatem confessarii ad eas absolvendas, suspensioni præsentī coaptari poterit. Vide Palaum, *part. 4. tract. 25. disp. unic. de Bul. Cruciat. punct. 8. §. 4. n. 8. & 9. Trullench. in Bul. lib. 1. §. 7. cap. 2. dub. 10.*

407. Adnotandum est tamen, semel quod aliquis Ordinarius suspensionem declaraverit, præfinieritque tempus, quo perseverare debet, nequit alter Ordinarius, in nostro casu, absolutionem intra dictum tempus impertire; sicut enim primus jurisdictionem præveniēdo, ita alium exclusit, ut condemnare non possit, sic etiam ita illum excludit, ut absolutionem impertire non valeat; hæc enim Jurisdictiones taliter sunt connexæ, ut cujus est ligare, ipsius sit & absolvere, *Cap. verbum Dei, de Pœnitentia. distinct. 1. leg. nemo. ff. de regul. jur.*

FINIS.

397862

I N D E X

QUÆSTIONUM ET DUBIORUM.

- T**itulus Beneficii, pag. 1.
QUÆSTIO I. *Quale debeat esse Beneficium, ut quis possit ad ordines*
promoveri ab alieno Episcopo, pag. 4.
Dubium I. *Utrum qui in aliena Diœcesi obtinuit Beneficium, non habens alios ro-*
ditus, præter Distributiones, possit ab Episcopo talis Beneficii ad ordines pro-
moveri, ibidem.
Dubium II. *An qui in aliena Diœcesi obtinuit Beneficium tenet, possit ab Episco-*
po talis Beneficii ad ordines promoveri, supplendo defectum altero Beneficio in
eadem Diœcesi obento, pag. 6.
Dubium III. *Num Episcopus Beneficium possit supplere Beneficio in aliena Diœ-*
cesi obento, pag. 8.
Dubium IV. *An supplemento cum Patrimonio ab Episcopo proprio peracto, pos-*
sit alienus illum promoveri, qui in sua Diœcesi tenet Beneficium obtinuit, 12.
Dubium V. *An Episcopus Beneficii onera ipsius Beneficii Patrimonio supplere*
valeat, 14.
Dubium VI. *An DD. Episcopi promoveri valeant alienos subditos titulo Cap-*
pellanie perpetue in suis Diœcesibus institutæ, 19.
Dubium VII. *An DD. Episcopi promoveri valeant alienos subditos titulo Cap-*
pellanie collativæ Vitalitiæ, in suis Diœcesibus erectæ, 21.
Dubium VIII. *Utrum titulo Cappellanie, patronatus purè laicalis possit quis ad*
ordines promoveri, 26.
Dubium IX. *De Præstimonis, aliisque titulis,* 29.
Dubium X. *Utrum ad titulum Sufficientiæ quis promoveri valeat,* 31.
Dubium XI. *An qui ante præsentem Constitutionem sacris initiari cæpit, contra*
ejusque dispositionem, post promulgationem continuare in ordinibus valeat, 34.
Dubium XII. *An idem dicendum de eo, qui Dimissorias dimittat ad Hypo-*
diaconatum obtinuit, 36.
Titulus Originis, pag. 39.
QUÆSTIO II. *Qualiter titulus originis intelligendus, ut quis possit ordinibus*
initiari, pag. 40.
Dubium I. *An quando Pater domicilium contrahit in oppido alicujus Diœcesis,*
& filius casualiter natus est in alio ejusdem Diœcesis, filius sit originarius ejus-
dem Diœcesis, ibidem.
Dubium II. *Cujus Episcopi erit Originarius ad ordines filius fortuito natus extra*
Diœcesim paterni domicilii, pag. 43.
Dubium III. *Doctrina præcedentis dubii variis casibus occurritur,* pag. 47.
Dub. IV. *An Baptismus in aliquo casu originem ad ordines tribuere valeat,* pag. 50.
Dubium V. *Utrum dispositio præsentis Constitutionis de origine filii ex*
nati, locum habeat casu, quo Pater ex accidenti enim natus fuerit, pag. 52.
Du.

Dubium VI. Quæ erit origo filii ex accidenti nati, casu quo locus in quo pater natus est, vel Episcopo caret, vel est Schismaticus, pag. 53.

Dubium VII. An filius natus ex accidenti in aliquo loco, sit ejusdem originarius, patre in alio loco, ejusdem Diœcesis, domicilium contrahente, pag. 54.

Dubium VIII. Quo tempore domicilium à patre contrahendum est in loco casualis natiuitatis filii, ut iste originarius maneat ejusdem Loci, pag. 55.

Dubium IX. Utrum semel à patre domicilio in loco casualis natiuitatis filii contracto, si pater mutet domicilium, filius originem ejus loci amittat, pag. 58.

Dubium X. De origine filii nati tempore, quo pater est in animo in alia Diœcesi domicilium contrahere, pag. 61.

Dubium XI. De origine illegitimorum, pag. 62.

Dubium XII. De origine expositorum, ac Derelictorum, pag. 64.

Dubium XIII. De libertorum origine, & Libertinorum, pag. 68.

Dubium XIV. De origine Subditorum nullius Diœcesis, pag. 70.

Titulus Domicilii, pag. 74.

QUÆSTIO. III. De domicilio ad ordines requisito, juxta Constitutionem Sanctissimi Innocentij XII. 76.

Dubium I. Quibus modis domicilium habitationis acquiratur, & an omnes sub præsentî Constitutione comprehendantur, ibidem.

Dubium II. An quando pater domicilium in alia Diœcesi contrahit, ipsiusque filius in minori ætate sequitur, teneatur hic conditiones præsentis Constitutionis explere, ut eo titulo ad ordines promoveri valeat, pag. 78.

Dubium III. An liceat quis possit domicilium mutare, eo principaliter fine, ut ab Episcopo novi domicilii promoveatur, pag. 80.

Dubium IV. Quis temporis transcurfus erit necessarius, ad verificandum esse considerabilem, pag. 81.

Dubium V. An sufficiat tempus considerabile distribuiffe in diversis oppidis, ejusdem tamen Diœcesis, pag. 84.

Dubium VI. An attentâ præsentî Constitutione duo domicilia simul componi possint in diversis Diœcesibus, pag. 85.

Dubium VII. Quæ bona transferenda sunt ad locum domicilii, ut domicilium acquisitum esse censeatur, pag. 87.

Dubium VIII. An præsentî dispositioni de jurejurando fiat satis, falsum jurando, pag. 90.

Dubium IX. Secundus, ac tertius sensus propositæ difficultatis dissolvitur, pag. 96.

Dubium X. An licet juret, qui restrictione, scilicet, quod in eo loco permanebit, quousque alius commodior, non se offerat, jurat, pag. 99.

Dubium XI. An pro domicilio ad ordines acquirendo, sufficiat animum in eo loco perpetuò permanendi, pro tempore juramenti, habere, licet pro antecedenti non habuerit, pag. 100.

Dubium XII. De ætate requisita, ut ordinandus Testimonialibus egeat, pag. 105.

Dub. XIII. De literis Testimonialibus Episcopo Beneficii præsentandis, pag. 109.

Titulus Familiaritatis, pag. 112.

QUÆSTIO IV. De facultate qua Domini Episcopi, quo ad ordinandos

suos

suos familiares, gaudent, terminis Constitutionis Sanctissimi Innocentii XII.
stando, pag. 113.

Dubium I. An præsens Constitutio familiares Cardinalium comprehendat, pag. 114.

Dubium II. An titulo familiaritatis Domini Episcopi suos familiares aliene Diocesis subditos ad Clericalem tonsuram promovere valeant, pag. 116.

Dubium III. An si Beneficium, quod Episcopus suo familiari confert, sit tenue, possit Patrimonio ipsum supplere, pag. 118.

Dubium IV. Allæ illationes circa materiam præsentem proponuntur, pag. 123.

Dubium V. An Domini Episcopi promovere valeant familiares triennales, qui tamen in ejus actuali servitio non sunt, pag. 124.

Facultas inquirendi, pag. 127.

QUÆSTIO V. *De facultate inquirendi, qua gaudent Domini Episcopi proprii respectu suorum subditorum, qui ab alienis Episcopis promoti fuerunt, ibid.*

Dubium I. Qui Episcopi, quorumque subditorum inquirere valeant, juxta præsentem dispositionem, pag. 129.

Dubium II. De usu jurisdictionis inquirendi subditos. pag. 134.

Dubium III. An Prælati nullius Diocesis, vel Capitulum Sede vacante inquirere de ordinibus subditorum valeant, pag. 138.

Pœnæ impossitæ, pag. 141.

QUÆSTIO VI. *De pœnis statutis, adversus eos, qui præsentis dispositioni in totum, vel in partem contraveniunt,* ibidem.

Dubium I. Quando, & quomodo prædictæ pœne incurrantur, ibidem.

Dubium II. Que ignorantia eximat ab incursu pœnarum præsentis Constitutione indictarum, pag. 147.

Dubium III. Quis possit absolvere à Censuris suspensionis, præsentis Constitutione inflictis, pag. 150.





